

Leimbeck.

Ms. No. 225567.

7577

8577

Leimbeck

7577

FRANCI

SCI LAMBERTI AVE=
monensis Commentarij in qua
tuor ultimos Prophetas, nēpe

Sophoniam,
Aggeum,
Zachariam &
Malachiam.

Johannes Saxel, typogr.

Argentorati, anno

M.D.XXVI.

FRANCIS

FRANCIS
FRANCIS
FRANCIS

FRANCIS
FRANCIS
FRANCIS

FRANCIS
FRANCIS
FRANCIS



RBR
D-9
12MO
L222C

AD VENE-

RANDVM SENATVM ARGEN-
tinenſem Franciſci Lamberti Auenionen-
ſis Epistoła.



ranciſcus Lā
bertus Aue-
nionenſis in
utilis I E S V
Chriſti ſeru⁹
Chriſtianiffi-
mis uiris, do-
minis Præſi-
dibus & Se-
natorib⁹ ue-
nerandi Se-
natus Argen-

tinenſis. Gratia uobis & pax, ac perpetuum
ſancti ſpiritus robur, à Deo patre noſtro, &
Domino noſtro I E S V Chriſto. Quo fiat, ut
in uia ſermonū ueritatis, cui⁹ Dei munere fa-

eti estis participes, firmissime permaneat, usque in diem aduentus domini nostri IESV Christi, ut sitis ex eis, quibus dicet: Venite benedicti in regnum patris mei, quod vobis paratum est ab origine mundi.

Alto mysterio, & multa Dei iudiciorum abyssu, veritas eloquiorum eius, quæ tot sæculis abscondita fuit, diebus nostris felicissimis reuelata est, & pulsishorridæ mendaciorum atq; heresum noctis densissimis tenebris, redijt grata veritatis ac sempiternæ iustitiæ dies in qua uelut e profundo, eodémq; mortifero somno, ad desideratissimam eternæ salutis uigiliam dei munere euigilauimus. Benedicti qui se sinunt excitari, q̃ hora sit nos iam e somno surgere, appropinquantem nostram redemptionem. Sed heu, sic dormiunt & stertunt pluri, ut nullo uerbi sancti clamore excitari uelint. Cecutiunt miseri ad sacram dei lucem, & quo magis illa fulget, eo cæci oculos obstinatius claudunt.

Placuit autem ei, a quo, per quem, & in quo omnia, ut in hanc inclytam urbem, nunc absq; similitudine, Dei uerbo, quā uniuersis opibus, omniq; eius gloria feliciorē et insigniorē (cui uos præficere uoluit) ipsa eternæ ueritatis sue sacrosancta lux, copiosiss. ac mira cū gloria

ria radios suos mitteret. Nomen quippe suum timentibus, solis iustitiæ Domini IESV Christi, pennas ad sanitatem efficacissimas, de quibus infra Malach ult. tribuit, ut perfecta in eis sanitas esset, sanitas, inquam, à peccato, morte, & inferno, ac salus, uitæq; eterna.

Porro, quia hunc diem, hanc lucem, has pennas, cæci Antichristi & impij oës, haudquaquam sustinent, omnia tumultibus implent, egris oculis splendorem haud perferentes. Et cū ab eorū reprobis cordibus, uelut à diffidiorū fonte, prodeat hi tumultus, ob contradictionem perpetuam (siquidē pietati nūq; non contradicunt) at tamen non uerentur de ea re accusare tam ueritatē Dei, quā assertores eius. A ueritate quidem ipsa caro in eis regnans sumit ansam tumultuandi, contēdendi, & contradicendi, uerum nō proinde impollutæ ueritati, aut illius assertorib. hæc sunt tribuenda, quin potius eorum ne utiquā ferēdæ malignitati. Etenim fieri nunquam potest, ut uerbo diuini spiritus animalis homo non contradicat, quod spiritus & caro semper adfectibus pugnent.

Cæterum, ipsum Dei uerbum, est ueritas scripta in libro monumenti eius, de quo infra, Malac. 3. scripta, inquam, intus & foris, in

libro signato sigillis septem, quem solus agn⁹ suo spiritu aperit, & septē signacula, hoc est, omnia quę præpediunt, ne scripturæ ueritas capiatur, soluit & aufert. Apoc. v. In signaculorū autem eius solutione, hoc est, palā factis nōnullis ueritatibus, quę prius absconditę erāt impīis, ueritati cōtradicientib. prælia surgere dicuntur, dempto, quòd in septimi sigilli a-
 pertione dicitur silentium factum media hora, de quibus, Deo uolente, apud ipsam Apocalypsim plenius agemus.

Proinde uiri clarissimi, cum nota res sit, hoc nostro benedicto sæculo, multa libri dei signacula, per Christum reuerata fuisse, & ueritates eius mundo copiosissime illuxisse, præsertim huic nobilissimæ urbi, nihil admiremini, q̃ hi qui nimium sunt Antichristi factioni addicti, & pro ea hostes dei facti sunt, de uobis obloquantur, aut uobis minitetur. Nimirum in hoc felicissimi estis, q̃ apertissimum ueritatis uobis reueratę indicium sit, ipsa id genus hominū cōtradictio. In hoc aut̃ maxime agnoscite, nō nisi a carne et Satana eos moueri, ut uobis sint infensi, q̃ nullus uobis cōtradicat, præter eos qui putāt per uerbū dei quicq̃ detrahi suę rapacitati et omnigenę abominatiōi, ut uidelicet nō tā possint undecū
 que

q̄ rapere suis malis artib. ut olim, ne cā libere adulterari, aut alioqui immūdi esse. Quādo quidē null⁹ cordatus uerbo domini cōtradicit, sed soli hypocrite et impostores, aut foeneratores, aut immūdi et fornicarij, celibat⁹ assertores, aut beneficijs illis impinguati, aut q̄ se aut suos per ea uolūt impinguari, aut reliq̄ huius farine. Nihil expauescite hos titiōes sumigantes. State, et spiritu domini roboremini. Memores estote, q̄ mirifice deus iuuerit Israelitas, cū uerbo suo acquieuerūt. Gedeon cū trecentis preualuit aduersū infinitā multitudinē. Sub Ezechia occidit angel⁹ domini ex Sennacherib exercitu, centum octoginta quinq̄ millia. Preualuit Dauid contra gigante in funda et lapide, et superbiā hostiū humiliavit. Holofernes occisus fuit per manum Iudith. Insidias Amā uertit deus in caput suū, et seruauit populū suū. Eiusmodi exēplis roborimini, et cōfidite, scientes q̄ non sit abbreviata manus domini, & dicite: Viuit liberator noster. Tantum uidete, ne apostatetis à ueritate, quin potius modis omnib. adnitimini, ut in toto principatu uestro nihil fiat, nihil instituat, qd̄ impollutis dei sermonib. non per omnia cōsentiat. Aduigilate quoq̄, ne cōtra uos irascatur domin⁹, ppter eos, qui liber

tate Christiana abutūt in carnis occasiōem,
cū non carnis, sed spūs libertas sit. Execratur
nāq; admodū ipse domin⁹ uirū, q̄ facit hoc,
q̄ pro ipsa spiritus libertate maxime zelet.
Videte ne in seculi huius copia, diuitijs, aut
munitionibus quicquam fidatis, sed Domi-
no toto corde fidite, scientes nullam custodi-
am, nullūque robur, aliquid esse, nisi deus
muniat & custodiat.

Non dicimus, urbem non custodiendam
aut muniendam, sed nihil fidēdum custodijs
aut munitionibus. Fides quippe uera non pa-
titur, ut quis alienis à Deo fidat, & fieri non
potest, ut non tandē corruat, qui fidit creatis.

Seruate, quod accepistis Dei uerbum, &
nihil negligite, quo in uobis permaneat. Ad
id sunt potissima, frequentia uerbi sancti,
Christiana institutio puerorum, & sacræ le-
ctiones. His quippe uobis adaugebitur bene-
dictio Domini, & hinc magis glorificabitur
in Domino hæc præclara urbs, quàm à diui-
tjs omnibus. Per id enim uocabitur ciui-
tas electa, ut in ea doceatur ueritas, schola pie-
tatis, sanctorum habitatio. Etenim est iam
uelut ciuitas quædam refugij, non homici-
dis, adulteris, ac criminosis, sed his, quos ho-
micidæ & Antichristi persequuntur. Per id
quoque

quòque fiet, ut undecunque ad eam ueniant
& cōfugiāt fideles, uere docti à domino, qua
si ad quandam ueritatis ciuitatem, & multipli
cabitur in ea ciues sancti, & simul lētitia
uera magnificabitur.

O quā melius ei est, quāmq; p̄clarius,
habere ueritatem, quā mendacia: sacras le
ctiones, quā missarum nundinationes, &
boatus illos phariseorum: sacrum & impol
lutum coniugij thorum, quā adulteria, in
cestum, scortationem, & cōlibatum illum
spurcissimū regni perditionis: operari mani
bus, quā in claustris uiuere in ocio, murmur
re, inuidia, hypocrisi, & detractiōe: ado
rare Dominum in spiritu & ueritate, quā
uenerari idola aurea, argentea, enea, lapidea,
& lignea.

Hæc sunt, quibus ego peccator dudum
motus fui, ut in eam uenirem, & in ea imple
rem ministerium, ad quod uocauit me De
us, nempe, uerbi sui interpretandi. Quod &
scripto & uiua uoce sicut accepi, hætenus fe
ci, post Ezechielem & alia nonnulla, Apoca
lypsim & Daniele munc enarrans. In ea
quoq; urbe aliquot emisimus commentari
os, p̄sertim in Prophetas duodecim, quo
rum ultimum tomum uenerando senatui
uestro dicare uolui, sub uestro nomine eos

dem publicos faciens , ut sancta Ecclesia uestra animetur ad progrediendum in eo quod coepit , uidelicet in sacrosanctæ ueritatis adsertione, simulq; ostédens meū in uos obsequium , & gratus esse uolens , pro uestra in me non parua beneficentia.

Nunc ergo Domini spectatissimi grato animo suscipite , & boni consulite , huius Christi pauperis , & uestri clientuli munus, et orate dominū ut in nobis perficiat, quæ incipere dignatus est. Gratia Domini nostri IESV Christi , et gaudiū uerū in spiritu sancto, perfectūmq; animi robur, ad persistendum in ueritatis confessione , sint cum omnibus uobis, Amen. Argentorati, in sancto die Natalis Domini nostri IESV Christi, priore die anni à Christo nato uigesimali sexti, supra millesimum, & quingentesimum.

Eiusdē

EIVSDEM CANTICVM VEL

Psalmus, de gloria uerbi Dei, deq; iudicijs
eius, cuius singuli uersus incipiunt,
à singulis literis huius
uersiculi.

ARGENTINA BEATA EST, SI IN
VERBO DOMINI PERMAN
SERIT, FIAT.

Avdite hæc omnes populi, auribus percipite uniuer
si habitatores terræ.

Rebellis quoq; Synagoga incredulorum, ualida
dam excelsi manum contra se uideat.

Gens cæca, & absq; sano consilio, cuius oculos utinam
aperiat Deus.

Etenim solo carnis sensu increduli uiuunt, & non est
in eis sanctorum prudentia.

Non nisi Dei uerbo omnia constant, & propter cre
dentes uniuerfa subsistunt.

Totius quippe mundi heredes sunt, & propter eos so
los nota fecit eloquia sua.

In carne tamen aduenæ sunt & peregrini, quod fuere
omnes sancti ab initio.

Non enim hic est quod sperant, sed futurum est, tametsi
in eorum gloriam omnia conuertentur.

Atteruntur nunc & premuntur, uarijs modis quasi
impij, quibus mundus semper indignus fuit.

Beati

C A N T I C V M.

B eati sunt ueruntamen etiam in medio flammarum, & umbræ mortis, quòd pax illis sit, à spiritu IESV Christi.

E st quippe illis Dominus illuminatio ac salus, & protector est uitæ eorum.

A dest illis in uinculis pauperie, & omni malo, & dum cadunt non colliduntur.

T ristitia multoties pleni sunt, Dei uerbo interim certi quod uertetur in gaudium.

A ngustijs eorum iuncta est animi tranquillitas, quòd spes optima illis sit reposita.

E st contra sæpius impijs sæculi pax, tamet si nihil ad eos pertinet hereditas mundi.

S iquidem exaltantur & eleuantur in tempus, & in puncto deficit gloria eorum.

T anquam puluis projicientur à facie terræ, & non erit illis portio cum electis Dei.

S ed id nequaquam uident miseri homines, quos propria iniquitas excæcauit.

I nsaniunt in sanctum Dei uerbum, & inculcari uolunt sola mendacia sua.

I nsidiantur iusto & pauperi, & malignantur in adseriores ueritatis Christi.

N ostro uero sæculo id maxime faciunt, nolentes per uerbum Domini palam fieri abominationes suas.

V eritatis namq; lucem execrantur, & solæ errorum tenebræ illis placent.

E t ideo mox ut denuo illuxit, sæuissime agunt, quòd sit
penitus

penitus contraria adfectibus eorum.

Rabies cepit eos uelut canes, quòd summe timeant uen-
tribus suis.

Bonum dicunt malum, & malum bonum, & spiritum
Dei non uenerantur.

Optant in bonis ducere dies suos, non uidentes quòd in
puncto ad inferna descendant.

Deficient impij à consilijs suis, & Dei uerbo tenebra-
rum potestas destruetur.

Omnibus palàm fiet eorum impietas, & nudabitur
ignominia eorum.

Magnæ nimis & graues erunt plage eorū, quia magno
Dei nomini credere noluerunt.

In omni loco erunt ruinae Antichristorum, & proinde
luctus, planctus, & ululatus.

Non enim stabit maledicta Babylon, sed calcabitur tan-
dem in omni terra.

Iratus est aduersum te Deus, ò scortationum parens,
quæ mortifero hypocriseos calice potasti innumeros.

Pellexisti eos, ut à Domino post te fornicarentur, & ad
id confinxisti tibi mendaciorum noctem.

Et nunc ò spurca meretrix sine manu contereris, per in-
uictum sermonem Dei.

Retorquebuntur in caput tuum insaniae tuae, & calca-
bunt te hostes tui.

Mirabilis agnoscetur Deus, cum iudicarit de te, & per
id sancti benedicent nomini sancto eius.

Audi

CANTICVM.

A udi maledicta quid tum facies, dum proijcieris ut ster-
cus, & calcaberis ut lutum platearum.

N unc confortemini uerbo ueritatis sancti omnes, &
pleno corde fidite Domino.

S tate in confessione nominis eius, ut perpetuò sitis in
sorte iustorum.

E tenim spes nulla superest apostatis, qui à bono Dei spi-
ritu & uerbo semel gustato deficiunt.

R estaura Deus ruinas nouæ Hierusalem, & congrega
in eam electos tuos.

I nstaura ut cœpisti uerum tui nominis cultum, & hypo-
crisim Antichristorum enerua.

T empus id faciendi Domine, nam dissiparunt & conta-
minarunt sanctuarium tuum.

F ac longe ab Ecclesia tua sensus carnis pestem, & im-
mitte nobis spiritum sanctum tuum.

I nfecit quippe orbem multis sæculis, & nouis artibus,
quidam perniciosius illam denuo reuocare nituntur.

A tuo uehementi spiritu ignis prodeat, & uoret omnia
studia eorum.

T u autem sis doctor & eruditor noster, & perface nos
in ueritate tua.

A M E N.

Commen=

COMMEN

TARIORVM FRANCISCI LAM-
berti Auenionensis, in librum Sophoniae
Prophetæ,

PROLOGVS.

Sanctus & fidelissimus Rex Iosias, ut liquet. 4.
Reg. 22. & 23. et 2. Para. 34. Instaurauit Dei cul-
tum, quem Reges qui eū antecesserant abstulerāt
ex Israël. Ipse dissipauit excelsa, lucos, phana, ido-
lorūq; altaria, & omnē abominationē, quā reperit cōtra
Dei uerbum positam. Sacerdotes quoq; idolorum, com-
bussit super idolorum altaribus. In toto corde suo reuer-
sus est ad Dominum, ita ut neq; ante eum fuerit, neq; post
eum surrexerit ei similis. 4. Reg. 23.

His ueruntamen nihil obsistentibus, tam multum po-
tuit decretum omnipotentis Dei, de Hierusalem & Iudæ
euerfione, maxime autem ut eodem loco habes, propter
abominationes, quibus eum prouocauerat Manasses, ut
uellet auferre Iudam, sicut proiecerat Israël, & projice-
re eam quam elegerat ciuitatem, & domum siue templū,
quod nomini suo dicari uoluerat. Quæ mortuo ipso Io-
sia, sub filiis eius facta sunt. Nimirū filium eius Ioachaz,
tulit Nechao Aegypti Rex, & duxit in Aegyptū, pro eo
constituēs

PROLOGVS.

constituens Eliachim, quem mutato nomine uocauit Ioachim. Quem cū eius successore, cui nomen Ioachim, tulit & duxit in Babylonem, Nabuchodonosor Rex Tandem undecimo anno Sedechie, subuertit Hierosolymam, & Iudam sibi subiugauit. 4. Reg. ult. 2. Para. ult. et Hiere. ult.

Porrò dicti Iosiae temporibus fuit Sophonias, & primum quidem, prænunciauit mala Iuda & Hierusalem, deinde ne sanctus Rex, & pij contristarentur, & putarent se omnino abiectos, prænunciauit gentium contritionem, & plurima de reliquijs Israël, ueraq; Hierosolyma, id est, Ecclesia prophetauit.

EIVSDEM ARGVMENTVM

in eundem Prophetam.

BReuis, uerum insignis est Sophoniae prophetia, de Christo & Ecclesia, ac contra impios multa habēs. Primum autem capite primo, agit de omnium defestatione, impiorumq; ruina, de flagellis Iudae & Hierusalem, & ad id ibidem complura.

Capite secundo, cōmonefacit gentes, ut Dei iudicia respiciendo praeueniāt, & pro Dei populo, aduersum Philistaeos, Moabitas, Ammonitas, Aethiopes, Assyriosq; prophetat, & ibi loci insignes de gentium conuersione.

Capite 3. prophetat aduersum impios Principes, Iudices, sacerdotes, & Prophetas Hierusalem. Et ibi multa praeclarissima de ultima Israël conuersione, quam multis locis adseruimus.

Incipit



INCIPIT SOPHONIAS PROPHETA.

CAPVT PRIMVM.

Summarium Capituli: Primum, generatim prophetat de omnium quæ sub cælo sunt defectione, impiorumq; ruina. Secundo speciatim, aduersum Iudam, propter idololatriam. Tertio, diem Domini contra eos inculcat, quo quasi ad hostiam solennem, erat Chaldeorum exercitum uocaturus, ubi & planctus eorum prædicitur. Quarto, dicit se scrutaturum mala Hierusalem, in lucernis &c. Quod tum fecit, dum pro uniuersis eorum criminibus eos puniuit. Ad idq; multis modis diei Domini amaritudinem inculcat. Quinto, quod nullo medio à flagellis Dei poterant liberari.

P A R S P R I M A.

Verbum Domini quod factum est ad Sophoniã filium Chusi, filij Godoliæ, filij Amasiæ, filij Ezechie, in diebus Iosie filij Amon Regis Iudæ.

Maiores Sophoniæ Prophetæ fuere, iuxta Hebræorum adsertionem, qui dicunt eorum progenitores etiam fuisse Prophetas, qui in Prophetiæ illorum principijs scribuntur. Quod & alibi diximus. Vere digna cognatio, quòd à sanctis sanctus fuerit genitus, cui sermo Domini reuelatus fuit. Porro superflue à nonnullis, super nominibus hic positus mysteria quæruntur, cum non nisi ad genealogiam Sophoniæ indicandam sint conscripta. De eo quòd diebus Iosie prophetauit, in prologo dictum est.

Congregans, congregabo omnia à facie terræ, dicit Dominus, cōgregans hominem & pecus, congregans uolatile coeli, & pisces maris. Et ruinæ impiorum erunt, & disperdam hominem de terra dicit Dominus.

Vbi hic habes, congregans etc. Heb. legunt, faciā deficere seu amouebo. Proinde Septua. uerterūt: defecione deficiat à facie terræ, dicit Dominus, deficiat homo et iumenta, deficiant uolatilia coeli, & pisces maris. Neq; id raram est in scripturis Dei, ut congregare pro auferre ponatur.

Igitur spiritus sanctus, prænunciaturus euersionem Hierosolymæ, pro eo quòd à Deo apostatarat, prius de omnium carnalium, atque etiam totius mundi excidio prophetat. Neq; enim illis subscribimus, qui, quod generatim hic positum est, speciatim de regno iuda enarrant. Deficiet nimirum à terra omnis homo, & omnia penitus inuoluabuntur.

innouabuntur. Deficient quidem sancti à terra in eorū perpetuam gloriam, quòd mors corporea, sit illis malorum omnium finis, & pacis inuariabilis initium. Contrà impij deficient ab ea, pulsi Dei iudicio tanquàm puluis flante uento à facie terræ. Psal. . Pulsi autem in ignem æternum, qui paratus est diabolo et angelis eius. Quando quidem eorum mors pessima, est illis omnis etiam terre næ quietis finis, & principium malorum quæ nunquam sunt desitura. Sensim autem deficit orbis, & ruinæ impiorum sunt, disperdunturq; iniqui, donec omnino deficient, per innouationem, quæ maxime in extremo iudicio erit. Porro is est ordo quem hic Dei spiritus seruauit, prius de generali mundi totius, secundo de speciali Iudæ euerfione prophetando, eiusmodi est ac si quis paterfamilias, habēs plures filios discolos, & omnes cæsurus, uni eorum diceret: Ecce omnes flagellis durissimis cædam, uerum interim à me uapulabis.

Per id ergo quòd omnia hic defutura prædicuntur, de breuitate huius uitæ, & mundi fine uniuerfi admonentur, ne quis adponat cor suum, aut corporis uiribus, aut diuitijs, aut omnibus quæ sub cælo sunt. Caro siquidem, tamesi uidet omnia deficere, & quotidiana ad id sentit experimenta, nihil ueruntamen tale, uiua & syncera cogitatione, de seipsa cogitat. Idcirco electorum quisque Psal. 38. sic deum precatur: Notum fac mihi finem meū, & numerum dierum meorum quis est, ut sciam quid desit mihi. Ecce mensurabiles posuisti dies meos, & sub=

FRANC. LAMB. IN SOPHONIAM

stantia mea tanquam nihilum ante te. Antichristi factio hunc textum adnumerat uersibus quibusdam, quos execrabili commento Bernharδο adserunt reuelatos, à dæmone Dei uirtute coacto, putantq; per id peti, reuelari sibi, quot sint annis aut diebus uiçturi, ut sciât, inquit, quid desit nobis, præparare scilicet ad mortẽ seipsos, quasi si delem nõ sit opus semper esse ad mortem præparatum, quæ præparatio, est uiuere ex fide. Nam præter hanc præparationem nulla nisi hypocritica est. Sed errant cæci: Petit namq; fidelis psalmo præscripto, ut sibi notus fiat dierum suorũ numerus, quàm scilicet breuis & modicus sit, ut noscat quàm sibi desint plurima, nempe uitæ perpetuitas, certitudo temporis quo uiuet, quòdq; opus sit eum fide super se uigilare, ne per infidelitatem dormitet. Ideo posteaquam orauit: Notum fac mihi &c. quasi à Deo ex auditus & illustratus, subiungit: Ecce mensurabiles posuisti dies meos, et substantia mea tanquam nihilum ante te. Et est sensus: Tu Deus mensuram uitæ meæ nosti, & solus quidem, atq; à tuo beneplacito pendet uita mea. Nihil enim sum ante te, non quòd me quem fecisti & seruasti spernas, sed q; à nomine potes cohiberi, ne occidas me, cum id uolueris, omnia enim in manu tua sunt.

P A R S S E C V N D A.

ET extendam manum meam, super Iudam, & super omnes habitatores Hierusalem

Hierusalem. Et disperdam de loco hoc reliquias Baal, et nomina edituorum cum sacerdotibus, & eos qui adorant super recta militiam coeli, & adorant & iurant in Domino, & iurant in Melchon, & qui auertuntur, de post tergum Domini, et qui non quesierunt dominum, nec inuestigauerunt eum.

Quarto libro Regnorum, ca. 22. & 23. & 2. Paral. 34. et. 35. palā est uidere, quāto studio sanctus rex Iosias fecerit quaecunq; nouit grata esse domino, quantoq; zelo omnia excelsa, & omnem idolorum abominationem, ab uniuersis Israēl finib. exterminarit, quē admodum de illo prophetatum erat, 3. Reg. 13. Verum nō tam ualuit purgare iudam, ab immunditijs, quas priores reges admiserant, ut non superessent in hypocritis reliquiae earum. Adhuc enim erant, qui uel clam idola uenerabatur, propter quod, hoc loco iudae euersio praedicatur.

Aeditui custodes aedium sunt, & hic phanorum custodes intelliguntur. Deniq; nonnulli, coeli militiam, hoc est, solem, lunam, stellasq; uenerabantur, adorabant quoque Melchon Ammonitarum idolum, putantes se posse deum simul & idola colere. Tamq; insanierant, in his immunditijs, ut etiam per idola iurarent, per ea sermonem suum cōfirmantes, quasi nō satis illis fuisset testimoniū dei. Heu nobis qui tot saeculis plus omnib. Israēlitis idolorū cultu insaniuimus, et adhuc omnia templa illis plena sunt, quae

FRANC. LAMB. IN SOPHONIAM

& uenerationi habentur. Sed uenient dies, quibus suum
 aduersum illa iudicium deus palàm faciet, perdetq; editu
 os idolorum, cum eorum sacerdotibus, atq; cultoribus:
 Dum hic uides deum abominari, eos qui adorabant &
 iurabant in nomen eius, & nomen idolorum, obserua fi-
 eri non posse, ut cum uero Dei cultu idolorum ueneratio
 admittatur. Coangustatum enim est, nostri cordis stra-
 tum, ita ut alter decidat & palliũ breue utrunque operire
 non potest. Esa. 28. Deniq; nemo potest Deo seruire &
 mammonæ: Ideo si quis idolorum cultor, adserit, quòd eti-
 am Deum ueneretur, falsum loquitur. Nimirum, quem
 admodum hic de Hierosolymitis dicitur, tum maxime ob
 hypocrisim, auertuntur à domino, non quærentes neque
 inuestigantes eum. Quamuis enim dicāt quòd deum ante
 omnia quærant, pro nihilo tamen est coram Domino, o-
 mnis eorum sollicitudo, quòd ad hypocrisim spectet. At
 qui in hypocrisi dominum quærit, nihil minus facit quàm
 quod se facere adserit.

P A R S T E R T I A.

Sillete à facie Domini D E I, quia iuxta
 est dies Domini, quia præparauit domi-
 nus hostiã, sanctificauit uocatos suos.

Sillete à facie Dei, qui agnitis iudicijs eius, terretur, ob-
 stupefcit, humiliatur. Porro dies illi, seu tempora, qui-
 bus

bus sua iudicia implet, dies eius appellantur. Sic dies domini fuit iudæis, eorum uastatio: dies eius pro electis, tempus quo Christus in carnem uenit, & pro illis est passus, itidem omne tempus quo eos iuuat. Similiter est iudicandum, de omni tempore, quo Deus aliquid in nobis operatur. Tibi est dies domini iustificatio tua, & omne auxilium quod ab illo accipis, itidem omnis punitio eius, & id genus cuncta.

Ait ergo: o Hierosolymite, silete, humilicimini, obstupescite, uosq; abycite, & toto corde quidem à facie Domini, scil. à præsentia iudicij eius. Quia iuxta & in proximo est dies domini, quo suum contra uos est impleturus iudicium, & præparauit hostiam hostibus uestris, eosq; uocauit & sanctificauit, id est, segregauit sibi, ut suum bellum aduersum uos prælientur, ac uniuersa quæ hactenus possedistis auferant. Hi uocati et sanctificati Chaldei sunt. Quòd hic dicit, præparauit dominus hostiam, &c. Alludit ueterum consuetudini, qui dum solennes hostias offerebant, celebrabant conuiuia, multos ad ea uocantes. Sensus ergo tantum est colligendus, nempe quòd sicut olem uocatis ad conuiuium hostiæ solennis multa abunde subministrabatur. Ita Chaldeis in Iudæā ueniētibus, illis erat omnium Iudeorum bona traditurus: Sed apertius audi, quid fiet in die hostiæ huius.

Et erit in die hostiæ Domini, uisitabo super principes, & super filios Regis, & super omnes qui induti sunt ueste peregrina. Et

FRANC. LAMB. IN SOPHONIAM

uisitabo super omnem qui arroganter ingreditur, super limen in die illa, qui cōplent domum domini dei sui, iniquitate et dolo.

Non raro diximus quòd punitionem quā deus immittit, amabili uocabulo uisitationem scriptura appellitet, eo quod semper a quo animo sit, etiā cum flagellat. Cæterum nunquam nō punit minus, quāmereamur. Ergo tum uisitat dum punit.

Igitur in die præscriptæ hostiæ domini, id est, punitionis Iudææ & uocationis Chaldæorum ad eam, per eos uisitabit, id est, puniet principes omnes, filiosq; eorum, etiam regis, ac uniuersos qui induti sunt ueste peregrina. Pro ueste peregrina. Septua. uerterunt: uestimentis alienis. Ego puto id maxime capiendum de impijs diuitibus, qui rapinis pauperum uestiti erant, & in superbia quidem, quo & execrabiliores erant coram domino. Sume namq; abominatur utrunq;, scilicet & rapacitatem et superbiam. Vnde & aduersum illorum superbiam adiecit: Et uisitabo super omnem qui arroganter &c. Qui complent domum, id est, templum domini Dei sui, iniquitate & dolo. Sensus est: qui in templo, nihil agunt, præterq; excogitare dolos in proximos, quibus uel eos diripiendoeuadant ditiores.

Heu nobis miseris, in quibus reperiuntur absq; numero qui omnium Israëlitarum, dolos, rapinas, superbiam atque arrogantiam uincunt, hi quicunq; sunt, nihil dubitent se puniendos. Veniet siquidem hostiæ domini seuissi-
mus dies

mus dies, quo de eorum malis et interitu lætificabit hostes eorum. Hoc quippe de omnibus impijs certum est, quòd nisi Dei misericordia, illis adueniat dies quo iustificetur, ueniet illis flagelli dies, tempore quod ab æterno præfinit deus, donec æternis supplicijs crucientur.

Et erit in die illa, dicit Dominus: uox clamoris à porta piscium, & ululatus à secūda, & contritio magna à collibus.

Porta Hierosolimæ respiciens mare, per quam maxime pisces inferbantur, porta piscium appellabatur. Cæterum per colles, & mons Sion, & quæ in eo erant, nempe templum & domus Regia capiuntur. Sensus huius loci est, quòd tā grauis futura erat tribulatio Hierosolymæ, in die contritionis eius, quòd in portis, templo, domo regia, & omnibus urbis locis erat futurus, clamor, ululatus, & planctus: Ululatus est confusa, uerum ingens plangentium uox.

Ululate habitatores pile. Conticuit omnis populus Chanaam.

Pila est lapis concauus, in quo aliquid teritur. Quia autem in Hierosolymorum urbe populus erat cōterēdus haud secus atq; ptisanæ in pila, idcirco ipsa Hierosolyma pila adpellatur. Populus deinde Iuda, quia abominatio- nes Chanancorum imitabatur, hic Chanaam uocatur. In quem etiam sensum, dicitur Ezech. 16. Pater tuus Amor reus, & mater tua Cebea. Itemq; Osee. 12. Chanaam in manu eius statera dolosa: Rursumq; impio feni & iudici

FRANC. LAMB. IN SOPHONIAM

dicitur Danie. 13. Semen Chanaan & non Iuda. Nimirum quisque recte uocatur, nomine eius quem imitatur. Sic & impij diaboli ac filij eius dicuntur, pij uero Christi, iusti & sancti: quæ nomina Christo proprie congruunt. Dicitur ergo Hierosolymitis: Ululate o habitatores pila, qui scilicet in illa estis, haud secus atq; ptisanæ in pila, mox ferendi & conterendi. Quod autem ita capi oporteat, ex eo notum fit, quod sequitur: Conticuit omnis populus Chanaan, id est, Iuda, qui mores & immundicias Chananeorum sequebatur. Conticuit in præterito dixit, ob rei futuræ certitudinem. Significat autem defecit. Quo etiam sensu habetur Osee quarto: Nocte tacere feci matrem tuam. Conticuit populus eius, quia non habuit scientiam Vbi et hanc dicendi rationem plenius exposuimus.

Disperierunt omnes, inuoluti argento.

Argento inuoluti erant, qui pleni erant diuitijs, & illis cor apponebant. Itidem qui etiam alioqui erant egeni, nihilominus autem diuitijs contra fas adficiebantur, pro inuolutis argento coram Domino habebantur. Horum perditio certissima, sermone præteriti hic prænunciata fuit. Vch uniuersis inuolutis argento, impijs scilicet diuitibus, & his qui terrenis adficiuntur. Nimirum eos non perire impossibile est.

P A R S Q U A R T A.

Eterit in tempore illo, scrutabor Hierusalem

in lucernis, & uisitabo super uiros defixos in
 facibus suis, qui dicunt in cordibus suis,
 non faciet bene dominus, & non faciet ma-
 le. Et erit fortitudo eorum in direptionem,
 & domus eorum in desertum.

Adversum incredulitatem nonnullorum est hic ser-
 mo. Putabāt enim se uitare posse manum domini.
 Et dicebāt inter impia facta sua: Quis nos uidet?
 Et illud Iob. 22. Circa cardines cœli perambulat, nec no-
 stra considerat. Et illud quod hic habes: non faciet bene
 etc. Quorum studijs summè aduersans dominus, ait:
 Scrutabor Hierusalem in lucernis. Non est deo opus lu-
 cernis, ut aliquid reperiat, sed est loquendi modus signifi-
 cans, quòd eos illorumq; facta puniendo respiciet. Respi-
 cere enim dei, quandoq; illius auxilium, quandoq; uero
 punitionem significat, prout locorum circumstantia exi-
 git. Liquet autem, quòd hoc loco, pro flagellis eius pona-
 tur: Porro hæc dictio, scrutabor significat apertissi-
 mam Dei cognitionem, qua factò Iudæis ostensurus erat,
 quòd omnia eorum studia quantumlibet et abdita, illi nota
 erant. Dum enim pro eisdem illos puniuit, quid aliud quā
 se uniuersa nouisse ostendit?

Ipsa autē dei punitio manifestius, uisitationis uocabu-
 lo palā fit, cum dicitur: Et uisitabo, id est, puniam, super
 uiros defixos in suis facibus et abominationib. q. scilicet
 eas amant, et dicūt in cordibus suis: Hieremiæ, Sophoniæ

FRANC. LAMB. IN SOPHONIAM

Et aliorum Prophetarum uaticinijs contradicentes. Nō faciet bene &c. Maxime infidelitatis est uerbum istud, quod quia maxime ab improbo terrenorum amore proficiscebatur, recte de illorum substantia prophetatur. Et erit fortitudo ac omne robur eorum in direptionem, non dubium quin Chaldeis, & domus ac possessiones eorum, in desertum.

Recordemur & nos huius sermonis, quo dominus indicat suam perfectissimam omnium rerum notitiam, uide licet quòd omnia in lucernis scrutetur. Arbitremur in omnibus, & sic semper agamus, quasi nostris auribus, semper nobis insonet is eius sermo. Scrutabor uos in lucernis. Et ædificabunt domos, et non inhabitabūt, & plantabunt uineas, & non bibent uinum earum.

De hac punitione aperte Moses prophetarat. Leui. 28. & Deut. 28. imò & de omnibus malis, quæ Israëlitis intulit. Quo ostenditur & ueritas sermonum Dei, & quod Prophetarum uaticinia, in legis confirmationem erant. Id genus punitiones innumeras, nostris etiam sæculis facit.

Iuxta est dies domini magnus, iuxta est, & uelox nimis.

Hac replicatione, malorū uicinitatem prænuñciauit. Pari inculcatione mali imminentis, Hierosolymæ uastationem & finem, Ezechiel prædixit. Ezech. 7. Vide ergo ne superfluum putes, quod spiritus Dei consilio sæpe dicitur.

citur. Deniq; & id est Dei ministrorum proprium, quòd uoluntatem Dei sæpiſſime inculcent.

Vox diei Domini amara . Tribulabitur ibi fortis . Dies iræ, dies illa, dies tribulationis & angustia, dies calamitatis & miseria, dies tenebrarũ & caliginis, dies nebulae & turbinis, dies tubæ & clangoris super ciuitates munitas, & super angulos excelsos . Et tribulabo homines, & ambulabunt ut cæci , quia Domino peccauerunt . Et effundetur sanguis eorum, sicut humus, & corpora eorum sicut stercorea.

Quid dies Domini, late patet ex his quæ prædiximus. Et quod ad regnum Iuda attinet , dies Domini fuit euersio eius Huius diei uox fuit amara, præ multitudine lugentium, & clamantium & ululantium. Tribulabatur in eodie, fortis quicunq; , quem Deus contereere uoluit , quòd fieri non possit , ut Dei manum effugeret . Porro huius diei mala grauissima, his quæ subiiciuntur fiunt nota. Dies, inquit, iræ. Cuius? non dubium quin Dei, cuius ira punitio eius est. In eo siquidẽ iræ aut furoris passionēs haudquaquam reperiuntur, sed scripta sacra , punitiōes quas immittit, iræ, furoris, indignationis, atq; id genus uocabulis, palam facere consueuit . Tempus ergo, quo Deus flagellis suis ostendit quid odio habeat , dies iræ adpellatur. Tamen si is sensus nõ est ubiq; seruandus. Nã sæpe flagellat electos, ut probentur, & ipsæ Dei percussiones amoris indi-

FRANC. LAMB. IN SOPHONIAM

ris indicia illis sunt . Sic flagellis adficit Iob, Tobiam, & alios sanctos. Ea etiam ratione, secundum præfinitionem Dei, omnes qui pie uolunt uiuere in Christo IESU, persecutionem patiuntur.

Deniq; diei præscriptæ amaritudo, hac inculcatione monstratur, cum dicitur. Dies tribulationis & angustiae, dies calamitatis & miseriae . Vbique enim in Iudæa tum fuit tribulatio, angustia & calamitas . Dies tenebrarum & caliginis, dies nebulae & turbinis . Quemadmodum luce prosperitas, ita tenebris, & alijs hic positis, quibus lux præpeditur, aduersitas significatur . Cæterum eam lucis priuationem, uarijs dictionibus prænunciavit, ut grauissima fore non dubitaretur. Dies tubæ et clangoris, hostium irruentium, super munitas Iudææ ciuitates, & super angulos excelsos, altas uidelicet, fortissimasq; turres. Tum homines tribulati adfl. etq; fuere, & ambulauerunt ut cæci, nescientes quo irent . Omnium autem horum malorum causa est, quia Domino peccauerunt, apostatantes ab eo post idola, figmenta & somnia sua, alienisq; ab illo fidentes . Is quippe est unus & summus fons omnium malorum, quæ ab orbe condito fuere, apostatare à Domino . Ob id Iudæorum sanguis tum effusus fuit sicut humus, & corpora eorum sicut stercora: Quo sermone, & multitudo & facilitas occisionis eorum figuratur. Multa heu nostro etiam calamitoso sæculo, eiusmodi iudicia Dei conspiciamus, imò absque similitudine plura, & grauiora . Quid ergo sit, ut tam misere & in suum interitum

interitum multi ab illo apostatent, deferentes, calcantes, & damnantes impolluta eloquia eius? Deus misereatur nostri, & benedicat nobis, illuminet uultum suum super nos, & misereatur nostri, ut cognoscamus eum, & ueritati eius impollutæ toto corde adquiescamus. Alioqui nihil nobis sperandum, præterquam quòd simus habituri diem Domini aduersum nos, omnium malorum plenissimum, cuius initia manifestissime experimur.

P A R S Q V I N T A.

Sed & argentum eorum & aurum, non poterit liberare eos, in die iræ Domini, & in igne zeli eius, deuorabitur omnis terra. Quia consummationem cū festinatione faciet, cunctis habitantibus terram.

Eum quem Deus percutere uoluerit, à manu eius nulla re potest liber fieri. Sic in die contritionis Iudææ, à manu Domini non eripuerunt impios diuites thesauri eorum, in quibus fiduciam habuerunt, quod hoc loco per os Sophoniæ prædixit spiritus sanctus. Porro quod sequitur. Et in igne zeli &c. Primum de Iudæis, dehinc de uniuersis impijs, ac terrenis omnibus quibus fi dunt intelligitur. Nimirum in igne zeli eius, quo ueritatem suam diligit, & omne mendacium odit, tempore quod ab æterno præfiniuit deuorabūtur, & impij qui fuere in hunc usque diem deuorati sunt. Impos=
sibile

sibile quippe est, id tum non fieri. Proinde subditur: Quia consummationem &c. Quando faciet hanc consummationem cum festinatione? Hoc est: Quando implebit cito hoc uerbum, quo toties impios conterendos prædixit? In die iræ suæ. Quis est hic dies? Tempus in quo iuxta æternum propositum suum illos punire decreuit. Neque enim unquam fieri potest, ut eo tempore ueniente, uel ad momentum quidem, impiorum euersio differatur. Idcirco hic prædicatur, quòd ipsa consummatio & adimpletio uerbi sit cum festinatione futura. Quidam putant hic cōsummationem pro euersione capi, quod nulloatenus puto. Etenim de sermonis prophetici adimpletione, est uerbum istud, quo decreti Domini inuariabilitas ostenditur.

CAPUT SECVNDVM.

Summarium capituli. Primum, omnes Gentes generaliter præmonet, ut præueniant Dei iudicia, per resipiscentiam. Secundo, præcipit omnibus omnium gentium electis, ut Dominum ac Christum eius querant. Tertio, prophetat aduersum Philistæos, pro Dei populo, nempe quòd Philistæa illi cedat in usum. Quarto, pro eodem populo Dei prophetat aduersum Moabitas et filios Ammon. Quinto, prophetat aduersum Aethiopes, Assyrios & Niniuem.

P A R S P R I M A.

Conuenite, congregamini, gens nō amabilis, priusquam pariat iussio quasi puluerem transeuntem, diem, antequam ueniat super uos ira furois Domini, antequam ueniat super uos ira indignationis Domini.

Populo Regni Iuda, & eidem quidem soli, nonnulli hæc dicta sentiunt, ego aliud puto, nempe q̄ sit generalis præmonitio nedum Iudeorum, sed & omnium gentium, quas afflictorus erat: contra quas etiam & Sophonias & Esaias & alij innumeri prophetarant. Quod uel ex hoc licet agnoscere, q̄ dicit: Gens non amabilis, quod magis reliquis populis quàm Iudæis competebat. Nam tum Iudeorum plebes dilectæ, aliæ uero omnes non dilectæ uocabantur. Verum non nego simul de Iudeorum impijs capi, quādoquidem & ipsi propter abominationes suas haud secus, quàm gentes non dilecti erant. Simul ergo & Iudæos & Gentes omnes, quas contritus erat, præmonet, ut conueniant in unum & congregentur, non dubium quin ad resipiscentiam, facturi ut Niniuite, qui mox audito uerbo Domini, facto senatu, indixerunt ieiunium, & iusserunt ut omnes saccis operirentur.

Præcipit autem, ut non dormitēt, sed ad id faciendum mox aduigilent, priusquam pariat iussio, & uisio imple

FRANC. LAMB. IN SOPHONIAM

atur, quod tum est, cum impletis iniquitatibus suis, dies furoris Domini, quo sua aduersum illos est iudicia impleturus, adest. Eo die præsente, non est spes æterni decreti reuocandi, q̃ immutabile sit. In tempore ergo quo nondū parit iussio & uerbum, quærenda est misericordia altissimi, & ad id conuenire oportet in spiritus unitate. Dum nanq; dies partus iussionis seu impletionis uerbi Dei aduenierit, serum erit congregari, immo nec licebit quidem. Nimirum ipsa iussio pariet tum diem transeuntem quasi puluerem, hoc est, in quo erit omnium celerrimus & facilissimus transitus, quemadmodum cum puluis à uento rapitur & proijcitur à facie terræ. Sensus est, q̃ eo die omnes populi in quos ueniret manus iudicij & flagelli eius, mox occiderentur affligerenturq; uarie, atq; à proprijs sedibus ac terris pellerentur. Quod sequitur: Antequam ueniat super uos &c. patet ex his quæ superiore capite diximus.

P A R S S E C V N D A.

Quærite Dominum omnes mansueti terræ, qui iudicium eius estis operati. Quærite iustum, querite mansuetum, si quomodo abscondamini in die furoris Domini.

Hunc quoq; locum puto omnibus omnium Gentium fidelibus dictum, & non iudæis solis. Nam multi absq; dubio

bio electi inter eos erant, ut ex Paulo Roman. 1. colligitur, qui sequentes legem spiritus dei. salui fiebant. Scripta enim erat in corde eorum, ut de Iob, Achior, & alijs multis notum est. Hi, dirigente Domino, iudicium operabantur, uiuentes secundum spiritus sancti iudicium, quo approbabant pia, reprobabant uero impia.

Igitur his dicitur: O uos omnes mansueti terræ, nedum Israël, sed & Gentium, qui ad pacem ueram adniti mini, non uindictantes proprias iniurias, fideq; uiuentes, qui secundum spiritus mei iudicium estis operati & uixistis, querite Dominum, illi fidite, & soli quidem, alium autem ne quæsieritis. Querite itidem iustum Christum, uere mansuetum, eius meritis fidentes, ut per eum consequamini misericordiam, & abscondamini liberiq; efficiamini à malis omnibus in die furoris Domini, quo decretum punitionis impiorum est adimpleturus. Querit Christum, qui illius meritis fidit. Sic eū requisiere omnes sancti ab initio, quod ita fuisse carni persuadere nemo potest, q, non sapiat quæ Dei sunt. Contra spiritus nihil dissentit, q, in se talia experiatur. Per carnem incredulos, per spiritum fideles capimus. Etenim quidquid in illis reperitur, est caro: quidquid uero in istis est, nihil aliud est, quàm spiritus. Vir ergo spiritualis nouit hoc mysterium, quod sancti olim quæsiere Christum iustum nostrum. Hiere. 23. De illius futuro aduentu nihil dubitantes, ac scientes, q, per eum solum gratiam & misericordiam consequi poterant. Nimirum per eum solum gratia Dei, sa

FRANC. LAMB. IN SOPHONIAM

lus uera & peccatorum remissio est, quòd uniuerſis Dei electis ab orbe condito per ſpiritum ſanctum innotuit.

O utinam fieret in nobis, ut tanto ſpiritu quæreremus dominũ I E S V M Chriſtũ, quẽ ueniſſe certi ſumus, ut ueteres illi ſancti, qui eius præceſſere aduentum. Tam quippe multum aduentus eius deſiderio fatigabantur & interim certa in eum fide tam firmi erant, ut admirabile eſſet, & nos miſeri pleni infidelitate ſumus, nec donum quod ſuſcepimus, tanti ducimus, neq; laudamus, ut illi antequam datum eſſet. Queramus ergo & nos Dominum, & iuſtum eius Chriſtum, ut abſcondamur ab ira furoris Domini per gratiam, iuſtitiam & merita iuſti huius, per quem ſolum iuſti eſſe ualemus.

P A R S T E R T I A.

Quia Gaza deſtructa erit, & Aſcalon in deſertum. Azotum in meridie eijcient, & Accaron eradicabitur. Veh qui habitatis funiculum maris, gens perditorum. Verbum Domini ſuper uos Chanaan, terra Philiſtinorũ, & diſperdam te, ita ut non ſit habitator. Et erit funiculus maris requies paſtorum, et cau læ pecorũ. Et erit funiculus eius, qui remaſerit de domo Iuda. Ibi paſcentur in domibus Aſcalonis ad ueſperam requieſcent. Quia uiſitabit eos Dominus Deus eorum, & auer-

- tet

ter captiuitatem eorum.

Philistæa portio una terrarum Chanaan fuit, sita ad mare mediterraneum. Proinde nonnullæ urbes eius, funi-
culi maris appellatione capiuntur. Prophetat autē pri-
mum aduersum quatuor principales Philistinorum ur-
bes, deniq; aduersum omnem eorum prouinciam. A Ba-
bylonijs autem euersi fuere, æquisime iudicante deo, ma-
læque reddente, quæ Israëlitis fecerant. Semper enim fue-
rant infensissimi Dei populo, ut passim in sacris historijs
legimus. Quorum seuitia in filios Israël per tria & qua-
tuor scelera, Amos. 1. intelligitur, ob idq; non conuertē-
di prædicuntur. Qui enim lætati fuerant sanctorum ma-
lis, in mala deinde similia, immo absq; similitudine graui-
ora iusto Dei iudicio inciderunt. Id obseruent, qui san-
ctos nunc affligunt, & in eos tyrannidem exercent. Nimi-
rum absq; dubio fient exemplum Philistæorum, & alio-
rum hostium populi Dei. Destruentur, deserentur, abijci-
entur, eradicabuntur, atq; ita disperdentur in tempore
uindictæ, ut non sit ex eis superfuturus habitator in terra,
à qua pellentur, ut uento pulueres, Psal. 1.

Cæterum populi sui non obliuiscetur in perpetuum,
sed cum iratus fuerit, præterierit scilicet tempus flagelli,
iuxta æternum propositum suum, misericordie recorda-
bitur, liberosq; faciet eos à malis omnibus, ac illis tribuet,
ut omnia etiam ea quibus impij prius abutebantur, illis co-
operentur in æternam uerâque salutem. Quemadmo=

dum iuxta historiam euerſæ Philistæorum urbes & terræ, uel aliquæ ex eis ceſſerūt in uſum populi Iudæcrū, cū Dominus ex Babyloniorum ſeruitute eos eruere dignatus fuit. Siquidem illis forſantum fuerunt in paſcua gregum, pecorum & armentorum. Sic enim dicitur: Et erit funiculus maris, requies paſtorum. Et erit funiculus ipſe maris, non dubium, quin Philistæa. Cuius erit? Eius qui remanſerit de domo Iuda, populi ſcilicet ex captiuitate redeuntis: Forſitan enim pauerunt in Philistæorum paſcuſ greges ſuos.

Quod hic habes: Quia uiſitabit &c. ſic de liberatiōe eorum à captiuitate Babylonica intelligitur, ut tamen nemo tutò negare poſſit, quin hic etiam uelit prænunciare ſpiritus Dei, q̄ ſint omnino liberandi etiam ab ea, in qua nunc ſunt, quā, ut alibi multis argumentis probauimus, non ſolui impoſſibile eſt.

Ad hæc ſi diligenter textus ordo proſpicitur, magis de ipſis Iudæorum reliquijs, quàm de gregibus paſcendis eſt hic ſermo. De eis nanq; dicitur: Ibi paſcentur, In domibus Aſcalonis ad ueſperam requieſcent. Quid enim ueri Iudæi atq; fideles, niſi greges domini? His ergo factis à domino liberis, dum iuxta historiam terræ Philistæorum fuere in uſum, quaſi in eis paſti ſunt & quieuerunt. Pariter uniuerſis fidelibus, qui ſunt populus Dei, cum Dei miſericordia ab omni malo fient liberi, quæcunq; fuerunt hoſtiū ſuorum, illis erunt in gloriam & bonum perpetuum, quod per paſcua & quietem intelligitur.

P A R S Q V A R T A.

Audiui opprobriū Moab, & blasphemiam filiorum Amon, quæ exprobrauerunt populo meo, & magnificati sunt super terminos eorum. Propterea, uiuo ego, dicit dominus Deus exercituum, deus Israel. Quia Moab ut Sodoma erit, & filij Amon quasi Gommorra, siccitas spinarum & acerui salis, et desertum usque in æternum. Reliquiæ populi mei diripient eos, residui gentis meæ possidebunt illos. Hoc eis eueniet pro superbia sua, quia blasphemauerunt & magnificati sunt super populum domini exercituum. Horribilis dominus super eos, & attenuabit omnes deos terræ, et adorabunt eum uiri de loco suo, omnes insule Gentium.

Verbum est Domini ostendentis, quàm notæ sint ei uniuersæ tyrannides, quas impij exercent in populum suum, quàmque zelans sit pro eo, & uindex in hostes eius. Moabitæ & Ammonitæ Israël malis & pressuris maxime gauisi, multis modis affligebant eum, subsannantes, exprobrantes, maledicentes, eius substantiam diripientes & inuadentes hereditates eorum. Et quis sufficeret enarrare, quàm insanierint aduersum Israël in credibili superbia & seuitia? quæ omnia summe abomi-

FRANC. LAMB. IN SOPHONIAM

natur benignissimus dei spiritus. Propterea illorū euer-
sionem & reliquiarum populi sui gloriam prænunciat.

Dicit igitur: Audiui ego Deus, cuius auditus à cogniti-
one haudquaquam differt. Audiui, inquam, opprobriū
Moab, & blasphemias &c. Audiui quæ exprobrauerūt
populo meo, ubi magis illi compati debuerant. Neq; suffe-
cerunt hæc, sed & magnificati sunt ac superbierunt, ter-
minos Israël pro se usurpādo. Propterea uiuo ego, quē
admodū scilicet ego uiuo, dicit dominus doīnus Deus exer-
cituum, Deus Israël, ita & hoc fiet. Quid? Quia popu-
lus Moab ut Sodoma erit, et filij Ammon quasi Gomorra.
Non intelligitur, quod pari iudicio essent disperdendi,
sed quod sicut Sodomitæ & Gomorraei euersti, ita & isti
euertendi erant, tametsi diuersimode. Porro ipsa illorum
euerio per spinarum siccitatem & salis aceruos designa-
tur. Siquidem ubi spinæ & sal, terra ferax esse nequit.
Prænūciabatur ergo per hæc desertio regionis, sed quo-
usq;? Vsq; in æternum siue in sæculum. Olam quippe uox
Hebræa hic posita æternitatem & sæculum designat. Sæ-
culum autem aliquod tempus est, & finem habet.

Reliquiæ populi mei Israël diripient eos atq; posside-
bunt, ac illis dominabuntur. Id autem fiet illis (dicit domi-
nus) pro superbia sua, qua insanierunt in populum meū,
in eis me spernentes & calcantes. Quidquid enim fit dei
populo, Deo fit, siue bonum siue malum. Etenim in eo be-
nedicitur, calcatur, laudatur & spernitur.

Sed quid faciet Dominus? Horribilē se ostendet aduersum
hostes

hostes suos, et attenuabit, siue disperdet omnes deos terræ, omnia scilicet, quibus impij Deo contempto, fidunt. Facietq; ut sciant omnes gentes, eum solum esse Deum, ideoq; illum solum adorandū, & illi soli fidendum. Quo fiet, ut ex omnibus gentibus, uiri electi, sint eum adoraturi de loco suo, etiam uniuersæ insulæ gentium.

ALIA ET EADEM QUIDEM

Syncerior expositio præcedentium, ab eo loco. Quia Gaza destructa erit &c.

Cogit hic ultimus locus, nempe, horribilis Dominus &c. cum nonnullis præcedentibus, ut hos locos de euerfione Philistæorum, Moabitarum, & Ammonitarum, paulo copiosius pertractemus. En quod hic dicitur populum Domini liberandum, & Gentes præscriptas illis subiiciendas, quod non legimus impletum, quamuis forsan aliquid ex eorum terris adceperint. Neq; etiam legimus impletū, quod omnes Gentium insulæ adorarint Deum, abiectis idolis suis. Oportet autem omnem scripturæ enarrationem eiusmodi esse, ut singulæ expositionis partes, singulis partibus textus bene consentiant. Quod si quis aduersum nos contendit, hæc iuxta literæ faciem esse impleta, obsecro nos doceat, quando domus Iuda possederit, Palestinos, Moabitas, & Ammonitas, & quādo alia quæ hic prænūciat spiritus Dei, impleta fueret.

FRANC. LAMB. IN SOPHONIAM

Ego tamen si non damno, præscriptam enarrationem, quod utcumq; ferenda sit, dico tamen quod ea quæ hic habentur, sint ad Christi tempora maxime referenda, & quod id exigat scopus totius huius textus. Ad id primum observa, per Philistæos, Moabitas, & Ammonitas olim perpetuos Israëlitis aduersarios, omnes fidelium hostes intelligi, per ipsos uero Israëlitas omnes fideles, quod & alibi diximus, et probauimus. Deniq; etiam iuxta literam filij Israël Gentes uicerunt, rapuerunt, & possederunt, in Apostolis sanctis, atq; discipulis primis, qui erant ex filiis Israël, paucissimis demptis, & id quidem non gladio, hasta, clypeo aut armis carnalibus, sed potentia spiritus, & uerbi Dei semper inuicti. Et idem etiam, cum ingressa in Christi Ecclesiam gentium plenitudine, & ipsi introierint in eandem, fuerintq; Dei misericordia illustrati, ut noscant, uenerentur, & adorent Christum regem suum, incomparabili spiritus uigore uerbū sanctum annunciabunt, ut per eos innumerī sint Christo lucrificiendi. Tum implebuntur eiusmodi Prophetiæ, quæ etiam partim in Ecclesiæ primitijs impleiæ sunt.

Præterea Apostolorum & Prophetarū, qui ex Israël fuere scripta uiuunt, & per ea quoties sincere annunciantur, destruitur Gaza, Ascalon fit desertum, Azotus abijcitur, Accaron eradicatur, & omnis terra Philistinorum disperditur, hoc est, quidquid altum, sublime, præclarum, & laudabile, in Synagogis incredulorum esse uidetur, potenter destruitur et eneruatur, saluem .n. electis.

Quod

Quod dum fit, quid nisi Philistæa transit in possessionem
 & subiectionem Israël? Quasi enim filijs Israël subdu-
 tur, dum eorum scriptis, & doctrinis adquiescunt.

Item, dum fideles omnes, qui sunt uerus Israël, uerbo
 Dei, incredulos sic uincunt, ut eos ad fidem conuertant,
 eos uere possident, & quasi in eorum terris pascuntur et
 quiescunt, dum ob eorum conuersionem letantur. Siqui-
 dem letari in Domino, quasi refici et quiescere est. Omnia
 quoq; ab incredulis possessa, magis sunt in bonum fideli-
 um, etiam si illa non possideant, quam possidentium in-
 credulorum, dum pro eo quod in eis benedicunt illum, à
 quo omnia sunt, omnia illis in æternam salutem coope-
 rantur, ubi incredulis omnia fiunt in detrimentum, quod
 omnibus absq; fide utantur.

At nullus neq; ex Israël iuxta carnem, neq; ex eo ob fi-
 dem, quidquam prædictorum efficere potest, nisi prius
 uisitatus à Domino, illustratione spiritus sui, et per Chri-
 stum factus uere liber. Sed confestim ut factus est liber, in
 comparabilis potentie efficitur. Nimirum nedum uincet
 Philistæos, id est, apertos hostes ueritatis, sed & Moabitas
 atq; Moabitas, id est, hypocritas. Per Philistæos enim, qui
 sanguine nihil erant iuncti Israël, manifesti hostes pietatis
 capiuntur, hypocritæ uero, per Moabitas & Ammo-
 nitas, qui ex semine Loth prodierunt, ut patet Gene. 19.
 Nam hypocritæ se fidelium amicos fingunt, cum sint eo-
 rum hostes adiuratiissimi. Proinde & hic ponitur grauissi-
 mum illorum iudicium, nempe, quod delenda sit memoria
 eorum,

FRANC. LAMB. IN SOPHONIAM

eorum, ut Sodomorum ac Gomorrecorum, quodq; in eis futura sit spinarum siccitas, & acerui salis. Spinæ siccae fortius pungunt, et ad combustionem sunt faciliores. Diuitiæ autem, inuentiones, & studia impiorum, spinæ quædam sunt, quod de diuitijs & sollicitudine huius mundi aperte habes. Matth. 13. Mar. 4. & Lucæ. 8. Spinis ergo siccis pleni sunt impij, & eisdem quidem admodum pungentibus, ac nocentissimis, dum omne illorum studium, ad mundi abundantiam, terrenaq; est situm, & illis fiunt, atq; etiam dum non nisi iuxta propria inuenta uiuere uolunt. Et id genus spinis, ad perpetua incēdia sunt paratiores, in quibus etiam sæuissimos earundem spinarum aculeos sentient in sempiternum. Sed quid est, quod in punitionem id prædicitur, cum hostes pietatis, his spinis semper repleti sint? Dicimus uerum quidem esse, cor incredulum, nunquam absq; spinis uiuere, sed ipsæ spinæ, pro spinis haudquaquam habentur, non nisi posteaquam uerbū suum Deus reuelarit, & impijs ipsis palàm fecerit, uel in supplicijs, quod non nisi spinæ nocentissimæ erant, quæ pro delitijs antea supputabant. Latantur impij in studijs suis, non obseruantes aculeos uenenatissimos, quos aut in eorum perpetuam salutem uident, dono spiritus Dei illustrati, aut in cruciatibus & absq; fructu, quod spinæ fuerint in inferno profitentur, & auunt. Quid nobis profuit superbia? aut diuitiarum iactantia, quid contulit nobis? & alia multa his similia, quæ Sapien. 5. scripta habes.

Tum etiam in seipsis conspiciunt salis aceruos, &
 solos

Solos quidem. Nihileis superest, præter spinas, & salis aceruos. Misera res, & incongrua admixtio. Quid enim spinis & salis? Vtilis sal ad cōdiendum, sed ubi adest, quod ualeat condiri: Alioqui, ad quid salis usus & multitudo? At impij non nisi spinas habent, & eas quidem nocentissimas & mortiferas, de quibus paulo ante egimus, quibus sal nihil prodest. Salest sapientia, qua reprobi antequam sentiant præscriptarum spinarum aculeos, pleni uideri uolunt. Et uere sapientes sunt, ut faciant mala, bene autem facere nesciunt. Pleni sunt quidem non salutis sed perditionis sapientia. Idco spiritus sanctus, cum eos illustrat facit ut cognoscant suam insipientiam, quam subsanando aceruorum salis nomine capit. Quod si ex reprobis sunt, uel in inferni tandem cruciatibus agnoscunt, tametsi inutiliter. Electi quoq; sal habent, sed uerbi sapientie Dei, quo mundū condiunt, proinde etiā eos Dominus salē uocauit. Matth. 5. Vos, inquit, estis sal terræ. Contra reproborum omne sal, fatuū est, unde & ab omnibus est conculcandum. Glorientur ergo, in suis aceruis salis, in suæ sapientie multitudine, uenient dies, quo palàm fiet sui salis infatuatio, & corruent cum spinis & sale suo.

Hi pariter sunt desertum, quod nihil fructus Deo amabilis proferre ualeant. Sed id neutiquam agnoscunt, quod iudicio cæci & mendaces sint. Cognoscent autem, cum reuelatum fuerit, quod non nisi spinas, & salis aceruos habeant, sicut prædiximus.

Hos reliquie populi Dei, diripient & possidebunt,
uincentes

FRANC. LAMB. IN SOPHONIAM

uincentes eos uerbo Domini, & inuicta spiritus potētia, sicut pauloante dictum est, impletum in Apostolis, & implendum magis cum Israël introierit in Ecclesiam. Eos uero qui ex ipsis impijs resipiscere noluerint, sed in suis spinis & sale permanserint, etiam diripient & possidebunt populi Dei, id est, electi. Nimirum omnia quæ illorū fuerunt, eis in bonum & gloriæ augmentū proficient.

Sed quare id faciet Dominus? Pro superbia sua, & quia blasphemarunt &c. En quā zelet Dominus pro electis suis. Sustinet in tempus, suos blasphemari & calcari ab impijs, sed mox ut impleta est illorum impietas, et præterijt hora eorum & potestas tenebrarum, uindicat iniuriam electorum suorum. Insanite Antichristi, insanite, ueniet dies, quibus auferetur à uobis facultas, qua uos ipsos magnificetis super populum Domini. Tum abijciemini, et calcabimini, sequeturq; æterna perditio, à qua nō erit, qui uos eripiat.

Super eos tam manifesta erit, horrenda manus Dei, ut omnes terræ deos, omnia scilicet quibus cæci hostes pietatis, Deo contempto fidunt, sit euersurus. Quod differenter illis cedit, nimirum reprobis & non resipiscentibus, in sempiternum interitum, electis uero, cum resipuerint, in ueram salutem. Deum siquidem uerum adorabunt, unusquisq; de loco suo, in spiritu & ueritate. Non tenebuntur ultra templi Hierosolymæ, aut alterius cuiuspiam loci superstitione, quòd eruditi à Deo, scient Deum ubiq; coli posse. Sic etiam cum uenerabuntur è proprijs locis electi,

electi, qui sunt in insulis omnium gentium. Vides quòd de Christo sit hæc prophetia, & quàm difficulter, ad literæ superficiem, hi loci referri possint, quòd tum omnes textus partes non satis inuicem cohæreant.

P A R S Q V I N T A.

Sed & uos Aethiopes interfecisti gladio meo eritis. Et extendet manum suam super aquilonem, & perdet Assur. Et ponet Niniuen (seu speciosam) in solitudinem, & in inuiũ, & quasi desertum. Et accubabunt in medio eius greges, omnes bestię gentium, & onocrotalus & Ericius in liminibus eius morabuntur. Vox cantantis in fenestra, coruus in superliminari, quoniam attenuabo robur eius. Hæc est ciuitas gloriosa, habitans in confidentia, quæ dicebat in corde suo. Ego sum & extra me non est alia amplius. Quomodo facta est in desertũ, cubile bestię. Omnis qui transit per eam sibilabit, mouebit manus suam.

Palàm est, gentes præscriptas, & eas de quibus hoc textu agitur, insensas fuisse populo Dei. Palàm quoque est eas fuisse punitas, iuxta quod sancti Prophetæ, & multi quidem prænuñciarant. In professio itidem est,

est, quod in his locis, prophetatur quam horrenda sit dei manus, aduersum hostes & persecutores populi sui. Quia enim Aethiopes, maxime autē Assyrij, grauiamala Israëlitis intulerant, à Domino cæsi fuere. Nimirum Aethiopes inuasere Medi, & Assyriorum imperium, Babylonij euerterunt. Speciatim uero aduersum Ninuiem prophetat, quod nonnulli putant aduersum Babyloniam dictum, & uerterunt pro Ninue speciosam, quod & Ninue speciosam significet. At quoniam de Assyrijs non de Chaldeis est sermo præcedens, magis congruit, ut Ninive quam Babylonia intelligatur, quod Assyriorum caput Ninive esset. Proinde Septua. Ninue posuerunt, quos & nos sequi maluimus.

Porro Ninive & Assyriorum eersionem, multi prædixere, præsertim Nahum cuius liber totus in ea re est, ubi & de ea plenius egimus. At eiusdem urbis desertionē & mala, ex his quæ subnectuntur ostendit, dicens. Ponet eam in solitudinem, in inuium, & quasi desertum. Et accubabunt in medio eius &c. Sensus est. Tanta erit ciuitatis huius desolatio, ut pulsishabitatoribus eius, sint eius plateæ futurae, quasi loca pascuorum, pro bestijs & iumentis. Onocrotalus & Eritius &c. Eiusmodi enim aues et animalia, solent in murorum habitare ruinis.

Adhæc, non hic legis de Assyrijs & Aethiopibus, quod proinde à Domino percussi fuerint, quod insurrexerint in populum suum, uerum ex præcedentibus, quod ea fuerit uel prima causa, est notissimū. Indubie enim Dei po
pulo

pulo aduersati erant, ut potissimum de Assyrijs historie sacræ testantur. Ideo posteaquam prædixit Moabitas & filios Ammon percutiendos, eo quod se magnificarant in populum suum, interiecto hoc solo uersu, horribilis dominus &c. dixit: Sed & uos Aethiopes &c. Qu. d. Quia & uos magnificati estis super populum meum, ideo & uos puniam, ne absq; flagellis dimissi, uos innoxios esse putetis. Ob id quoq; perdetur Assur &c.

Verum pro impetu spiritus prophetici, alia causa hic ponitur, propter quam Assyrij percussi, & eorum prima urbs Niniue demolita fuit, nempe, perniciosissima potentie magnitudinis, ac copie diuitiarum, populi & omnium terrenorum fiducia, atq; superbia. Confidebat enim in uirtute sua, & multitudine diuitiarum suarum gloriabatur, non tribuens gloriam illi, à quo omnia sunt. Nihil tam odit Dominus, quam superbiam, & fiduciam aliorum ab eo, quemadmodum & nihil tam exigit, quam sinceram in eum fiduciam, & quod pro omnibus illi gloria tribuatur, sicut scriptum est: Gloriam meam alteri non dabo. Esa. 42. & 48.

Iudæi uidentes, quod hæc aduersum Assyrios, et Aethiopes, atq; eiusmodi aliorum Prophetarum, contra reliquas nationes prophetie, non fuere sic ad amussim impleta, ut scripturæ superficies uelle uidetur, adserunt hæc implenda iuxta carnem per Christum, quem per errorem cæci, adhuc uenturum putant. Sed non obseruant dei consilio factum, ut in uniuersis ferè prophetijs, aliquid

fit, quod iuxta literam nō fuerit penitus adimpletum, maxime de his quæ spectant ad gloriam seminis Abrahamæ & Israël, ac Dauidis, conculcationē gentium, uictoriam populi dei aduersum illos, reedificationem Hierosolymæ et templi, ac liberationem Israël ab omni malo. Quod ideo uoluit Deus, ut sciamus perfectius aliquid subesse, quod uelit in eisdem prophetiis spiritus Dei, quod & non impleri impossibile est.

Igitur quod ad destructionem Assyriorum, Aethiopum, & aliarum gentium, urbiumq; earūdem attinet, id obseruandum, quod quæ de eis prædicta sunt, sic fuere impleta iuxta literam, ut perfectius impleantur, sintq; implenda in Christo, aut dum ad fidem conuertuntur, aut dum nolentes cōuertere, in æternū damnantur. Et enim dum ad Christum ueniunt, cessant Aethiopes, Assyrij, gentesq; esse, & fiunt Israël, semen Abrahamæ uerum, ac populus domini. Efficiuntur quoq; habitatores Hierosolymæ nouæ de cælo descendentes. Tum interficiuntur gladio uerbi domini, ut non ultra sint quod erant, impij scilicet & hostes dei. Tum subiiciuntur populo domini, dum eorum sermonibus adquiescunt. Tum perditur Assur, & superba Niniue, quæ sibi fidit, quia non iam sunt Assyrij, sed populus Dei, & ex eis non est Niniue ciuitas incredula, sed Hierusalem ciuitas Dei, Ecclesia scilicet. Tum etiam Niniue, Synagoga scilicet incredulorum & hostium C H R I S T I, fit non hominum, sed bestiarum, uenenatorum, auiumq; syluestrium habitatio, hoc est,

est, domicilium omnis impietatis & malitiæ. Non quod ante non esset eiusmodi, ipsa reproborum Synagoga seu Niniue, sed quod non agnoscebatur quod erat, nisi adueniente lumine spiritus C H R I S T I. Tum enim conuersi impij, uident quàm miserum, abominabile, & caducum sit, quidquid sublime prius esse putabant. Quod si nunquam ad Dominum conuertuntur, tum certe uel id aperte, tamen si absq; fructu uident, cum inferni tormenta experiuntur.

CAPVT TERTIVM.

Summarium capitis. Primum, arguit generatim totam Hierosolymã, speciatim uero Principes, iudices, prophetas, & sacerdotes eius. Secundo, de iudicio Domini aduersum eos, & impœnitentia eorundem. Tertio, quã contradicerent Dei iussis, & proposito eius obistere niterentur. Quarto, de ultima conuersione Israël, postea quàm ingressa fuerit gentium plenitudo. Quinto, inuitat uniuersos electos ad laudem, iubilationem, letitiam, & exultationem, pro Domini clementia erga eos, qui illis perpetuo adest, & dispersos ex eis congregat. Sexto, iterum de ultima Israël conuersione.

P A R S P R I M A.

V Eh prouocatrix, & redempta, ciuitas, columba. Non audiuit uocem, et non suscepit disciplinam. In Domino non est confisa, ad dominum suum non adpropinquauit. Principes eius in medio eius, quasi leones rugientes, iudices eius, lupi uespere, non relinquebant in mane. Prophetæ eius uesani, uiri infideles. Sacerdotes eius polluerunt sanctum, iniuste egerunt contra legem.

P Utant nonnulli hanc ciuitatem esse Niniuen, de qua præce. cap. dictum est, sed id neutiquam patitur, quod subiungitur. Sacerdotes eius polluerunt sanctum. Indubie enim de sacerdotibus Israël est hic sermo. Ergo hæc ciuitas est illa, in qua erat sanctum, nempe, Hierosolyma. Deniq; totum hoc caput, à quibusdam de Christi diebus capitur, qui dicunt Hierosolymam urbem dici irritatricem, eo quod non suscepit Christum &c. Conuenit quidem eiusmodi enarratio, uerum & de temporibus quibus erat Sophonias hic locus capitur. Paulo ergo generalius est capiendus.

Ciuitas igitur est Hierusalem, cui Deus comminatur euerisionem factam per Chaldaeos, neq; abnuimus, quin etiam intellexerit, de secunda euerisione eius. Vch, inquit, tibi. ò ciuitas columba, quam scilicet oportuit esse columbinam, simplicem, fidelem, plenamq; spiritu sancto, quæ etiam olim fuisti tota columbina, & pro tali uis haberi,

cum nihil minus sis. Etenim es nunc prouocatrix, irritatrix, amarumq; faciens Dominum, & toties à multis malis, Dei misericordia redempta, ac libera facta. Vbi nos habemus prouocatrix, Septua. habent, illustris aut inclinata, quod & de Hierosolyma capitur.

Non audiuit Dei uocem, auditu cordis, quem Deus exigit, & sine quo non nisi in iudicium, est auditus auris, hoc est, non adqueiuit ipsi uoci. Neq; suscepit disciplinā, seruans iussiones Dei, quin potius, illas spreuit, pro mendacijs & inuentis suis. Deniq; in Domino non est confisa, in quo maxime sita est, uis omnium eloquiorum Dei, neq; ad eum fide adpropinquauit, seu illi adhæsit, sed potius idolis suis, ac somnijs hominum.

Hæc sunt in genere dicta, & his paucis, hypocritarum siue Antichristorum facta et studia nota facit. Quandoquidem hi sunt irritatores Dei, qui redemit toties eos, ab aduersis. Et cum sint carnalissimi, uolunt pro columbinis, & spiritualibus haberi, imò ex se solis adserunt Dei Ecclesiam constitutam, se Ecclesiasticos, alios sæculares uocantes. Qui nullatenus audiunt uerbum Domini, sed illud calcant modis omnibus, & uniuersos amatores eius persequuntur. Disciplinam quoque Domini abiiciunt, & nihil illi fidunt, aut hærent, & omnes uolentes illi fidere, & hære, prouiribus impediunt. Docent namque illos, mendacia sua, quæ uolunt plusquam Dei uerba suscipi, & uolunt ut relictò deo CHRISTO, & ipsius uerbis, hæreamus suis idolis, decretis, & abo-

FRANC. LAMB. IN SÖPHONIAM

minationibus . Hæc est Synagoga Papæ , cui etiam congruunt quæ de priscis illis Principibus, Prophetis, & sacerdotibus subnectuntur.

Principes eius Hierosolymæ scilicet, sunt in eius medio crudelissimi, quasi leones rugientes , omnia uorantes & rapientes, iudices eius lupi uestpere, ob iniustitiam & tyrannidem. Non relinquebant in mane. Sensus est . Tamen erant prompti ad rapacitatem, ut breui tempore omnem ferme proximorum substantiam exhaurirent. Prophetæ eius uesani, uiri stulti, sine sensu ac spiritu & infideles, non administrantes pure, simpliciter & fideliter uerbum, cuius ministri erāt, sed illi admiscentes mendacia et somnia hominum . Sacerdotes eius polluerunt sanctum, templū scilicet, in eo non seruantes, quæ Deus in lege imperauerat, unde et sequitur : Iniuste egerunt contra legē.

Eiusmodi sunt Antichristorum Principes seu maiores, & iudices eorum scilicet uicem in iudicijs gerentes. Quid enim non diripere adnituntur suis mendacijs, interim ut cunctos efficacius subfurentur, adsumentes frustra siue in uanum, ad sui erroris operimentum, nomen Dei sanctissimum? Ad idq; potissimum, utuntur opera pseudoprophetarum, Phariseorum, et unctorum suorū. Qui pro Dei ministris haberi uolunt, & tamē nihil omnino aliud, quàm ministri Satanae & Synagoga eius sunt. Heu nobis . Quid obsecro diceret Sophonias si adesset, contra hanc Synagogam irritatricem? Sed Dei munere satis adest, & suis eloquijs, eius damnationem prænunciat,

ciat, dicens: Vex prouocatrix &c. Si ad Christi dies
 is hunc locum referre, facile erit ex precedenti interpre-
 tatione, omnia aptare, quomodo scilicet Hierosolyma, nō
 suscipiens Christum, irritarit & prouocarit contra se
 Dominum, qui per Christum, & aliās toties eam redeme-
 rat. Cuius Principes, iudices, Prophetæ, & sacerdotes,
 eiusmodi erant, ut hic eos descriptos habes. Propter quod
 eversa fuit illorum urbs, & Iudæa destructa. Quidam
 hunc locum de Christi Ecclesia interpretantur, sed tum
 non congruunt omnes textus partes. Quomodo enim de
 ea quis dicet, in domino non est confisa? Nimirum si dei
 fiducia non est in eius Ecclesia, ubi sub cælo reperietur? A
 se, inquiūt, est prouocatrix, sed dei bonitate redēpta et colū-
 ba. Verū quidē est, sed quia omnia quæ sequuntur nō cōue-
 niūt huic enarrationi, ideo illi haudquaquā subscribimus.

P A R S S E C V N D A.

Dominus iustus in medio eius, nō faciet ini-
 quitatem. Mane mane iudicium suum da-
 bit in luce, & non abscondetur. Nesciuit autē
 iniquus confusionem.

Dominus qui ubiq; est, & omnia implet, in medio
 Hierosolymæ esse dicitur, quod in ea templum su-
 um esset, & cultum suum in eo posuisset. Dicit
 ergo Dominus iustus, imō & qui est ipsa iustitia, qui est
 uel colitur in templo, quod est in medio eius, saltem quo

ad externa illa sacrificia, nam spiritu semper fuit ubiq; co-
 lendus. Ipse inquam Dominus, nō faciet hanc iniquitatē,
 ut Hierosolymæ iniquitates dimittat impunitas. Etenim
 mane mane, hoc est, cito, tēpore ab eo præfinito, dabit iu-
 dicium suum in luce, hoc est, palām faciet punitionē eius.
 Quia enim quod in lucē ponitur, sit manifestum, ideo in
 lucem dare aliquid, idē est, quod illud manifestare. Quod
 & uult quod subiungitur. Et nō abscondetur. Sensus est,
 die præfinito, cunctis notum erit, huius prouocatrix ur-
 bis iudicium.

Porrò adueniente ipso iudicio, electi, quorum mentē
 Dei spiritus docet, cōfunduntur, & resipiscunt à pecca-
 tis suis, reprobi uero magis indurantur. Flagella enim
 Deī, neminem possunt ad deum conuertere, nisi in hypo-
 crisi, quod nihil externū, neq; etiam uerbi Dei prædica-
 tio, sit eff. cax ad conuertenda corda nostra, nisi Deus in
 terre suo spiritu nos erudiat. Doctor noster primus Deus
 est, quo non docente alia cuncta, absq; fructu sunt. Proin-
 de hic dicitur. Nesciuit autem iniquus, infidelis, & qui
 est absq; spiritu domini, confundi à suis iniquitatibus,
 quantumlibet à domino flagellis grauissimis cæsus. Vide
 Hieremiam. 41. 42. & 43. & reperiēs quod nihil profe-
 cerint Dei flagella nonnullis, qui post euersam Hieroso-
 lymam, etiam Dei sermonibus contradicebant, & idola
 colebant, fugiebantq; in Aegyptum.

Disperdidigentes, & dissipati sunt anguli
 earum. Delertas feci uias eorum, eo quod

non est qui transeat: Desolatę sunt ciuitates eorum, non remanente uiro, neque ullo habitatore.

Gentes hoc loco uocantur Israēlitę, quorum populos & omnium finium eorum angulos per Assyrios & Chaldeos Deus perdidit. Recte Gentes dicuntur, quod eorū abominations imitarentur. Notanter uero dicit, Gentes disperditas, falsos scilicet Israēlitas, nam ueri Israēlitę etiam inter quęcunq; aduersa à Deo seruantur, ne dispercant. Nimirum illos perpetuo custodit, haud secus atq; pupillam oculi delicatam. Dixit autem: Disperdidi, ex ore Domini, ut sciamus, quod omnia quę aduersum Iudęos aut alios fiūt, ipse primum operetur. Nā omnia ex ipso per ipsum, & in ipso sunt. Illius ergo est perdere, illius & seruare. Ipsi gloria & imperium in secula seculorū.

Quod hic legimus aduersum carnales & impios ex Israēl, Antichristi omnes sibi dictum non dubitent. Venient quippe dies, & in ianuis eos esse cōfidimus, immo & initium aliquod uidemus, quibus manifestabuntur illorū abominations, & ancipiti uerbi Dei gladio atq; potentia conterentur omnes Synagogę, urbes, conuenticula, inuentaque eorum, & fient eorum domus absque habitatore. Quod uerum tamen tum fiet perfectissime, cum in iudicio proijcientur tanquam puluis à facie terrę.

P A R S T E R T I A.

FRANC. LAMB. IN SOPHONIAM

Dixi: Attamen timebis me, suscipies disciplinam, & non peribit habitaculum eius, propter omnia in quibus uisitauī eam. Verumtamen diluculo surgentes corruerunt omnes cogitationes suas.

Impossibile est decretum Dei non adimpleri, ideo fieri non potest, ut populus Israël non aliquando conuertatur & timeat Dominum, & Dauid, id est, Christum Regem suum, uel in nouissimo dierum. Restiterunt ei, resistuntque etiam hodie, quamdiu sunt caro & sanguis, & dicunt: Non suscipiemus Dominum, & non sequemur uias eius. Contrā Dominus ait: Dixi, decreui, proposui. Quid? Quod quantumlibet mihi obsistas, et modo nihil me timeas, attamen nihil poteris in decretum meum, iuxta quod præfinito tempore timebis me & suscipies disciplinam. Et habitaculum Hierosolymæ, ipsa scilicet Hierosolyma, non peribit, propter omnia in quibus uisitauī eam, destruendo & euertendo eam. Per Hierosolymam totum Israël, & per Hierosolymam simul & Israël, fidelium Ecclesiam capimus. Perijt externa illa Hierosolyma, sed non omnino populus, qui non præteribit, donec omnia fiant. Et indubie (quod & locis pluribus probauimus) conuertentur in dierum nouissimo reliquæ eius, & suscipient Dominum, & ueritati eius acquiescēt.

Cum audis: Timebis me, intellige non de timore, qui poenam habet, & qui non est in charitate, sed de eo, qui permanet in sæculum sæculi, qui sanctus & suauissimus est.

est. Non timuerunt Dominum, sed neq; hodie illum ti-
ment, Psalm. 118. quod iuxta Paulum Roman. 10. querant
suam iustitiam ponere loco iustitiæ Dei, quod eius solius
est, sibi tribuentes. Timor nanq; Dei in hoc maxime est,
ut homo nolit uel tantillum rapere, omnium eorum quæ ad
Deum spectant, scilicet aut iustitiam, aut bonitatem, aut
sapientiam, aut innocentiam: & nolle excedere quod est,
nempe iniustus, malus, peccator, stultus & noxius. Adeū
quoq; timorem attinet, ut salutem non tribuat homo ope-
ribus, sed Christi meritis. Quæ nullatenus fecere Iudæi,
neq; etiam nos. In eam etenim damnationem cæcus orbis
decidit, & multis sæculis Dei iudicio expauescendo fuit
in eo, & non timuimus Dominum, neq; suscepimus disci-
plinam pacis, sed mendacij & iniquitatis, uiuentes iuxta
mandata & traditiones hominum.

Habet autem Deus tempus suum, quo illustrabit Is-
raëlem, ne dispareat, & non ultra fidet propriæ iustitiæ,
aut operibus, nec sibi quicquam tribuet eorum quæ ad De-
um spectant, sed omnia Deo & Christo eius. Quod dum
erit, quam putas uerbi gloriam sit Ecclesia susceptura?
Quandoquidem Christo uere agnito, tam mire exulta-
bunt, ut nemo tale quiddam uiderit ab initio. O utinam
mihi id donaret Christus, ut uiderem hanc Ecclesiæ glo-
riam, quam suscipiet in Israëlis conuersione, quæ erit mū-
do quasi uita ex mortuis, quam uenturam nullatenus du-
bito. Confido quoq; & tum Hierosolymam ipsam, uete-
rem urbem, multum spiritalis gloriæ habituram, sicut
alijs

FRANC. LAMB. IN SOPHONIAM

alijs locis probauimus. Non enim peribit eius habitaculum, quantumlibet à Domino uisitetur. Nam q̄ modo calcatur à Gentibus, hoc est, donec impleantur tempora nationum, quem locum apud Lucam explanauimus.

Quia autem Israël ite typum gerunt electorum, idem est de electis sentiendum, nempe q̄ eos perire impossibile est. Aberrant sæpe, abijcientes & calcantes legem Domini, nec timentes eum, sed quia eos præsciuit, eosdem et prædestinauit ante sæcula, conformes fieri imagini filij sui. Roman. 8. Quia autem eos prædestinauit, fieri non potest, ut non uocet eos in tempore atque iustificet, q̄ perire non possint. Nam eos dedit pater filio in æternitate, quis ergo rapiet eos à manu eius? Errant nonnunquam ut oues perditæ, ut gentes quæ ignorant Deum, sed non percunt, ob decretum Dei, & donationem irruocabilem atq; immutabilem, quam filio fecit pater. Ioan. 6.

Dixit ergo, id est, proposuit Deus, q̄ Israël timebit eum, & q̄ non peribit. Sed illi non habentes Dei spiritum, noluerunt ei acquiescere, quin potius diluculo surgentes, id est, diligenter, corruerunt omnes cogitationes suas, hoc est, non nisi corrupta & impia cogitarunt. At nihil obsistente eorum durtia, implebitur propositum Dei.

Sunt qui hunc locum aliter enarrent, sic: Dixi in eorū cordibus per inspirationem, & aperta uoce per Prophetas. Quid dixisti? Attamen tu timebis me &c. Qui nō acquerunt mihi, sed mox ab ipso diluculo impia cogitare coeperunt. Facilis est hæc enarratio, uerum alia ma-

gis congruit omnibus quæ sequuntur.

P A R S Q V A R T A.

Quapropter expecta me, dicit Dominus, in die resurrectionis meæ, in futurum. Quia iudicium meum, ut congregem gentes, & colligam regna, ut effundam super eas indignationem meam, omnem iram furoris mei. In igne enim zeli mei deuorabitur omnis terra. Quia tunc reddam populis labium electum, ut inuocent omnes nomen Domini, & seruiant ei humero uno. Ultra flumina Aethiopiæ inde supplices mei. Filia dispersorum meorum deferent munus mihi. In die illo confunderis super cunctis adinventionibus tuis, quibus præuaricata es in me. Quia tunc auferam de medio tuo magniloquos superbiæ tuæ, & non adijcies ex altari amplius in monte sancto meo. Et relinquam in medio tui populum pauperem & egenum: & sperabunt in nomine Domini. Reliquiæ Israel non facient iniquitatem, neque loquentur mendacium, & non inuenietur in ore eorum lingua dolosa, quoniam ipsi pascuntur & accubabunt, & non erit, qui exterreat.

Palàm

Palam est ex præscriptis, Israëlitas decreto & uerbo Domini semper contradixisse, & contraria excogitasse. Dominus autem non uult disperdere eos propter decretum suum, quod inuariabile est. Nunc ait: Tu Israël uel me nolēte, uis male perire, ego autem seruabo te uel nolentem. Eris in tempus cæcus, alienus à me. Sedebis absq; Rege, Principe, Templo, Ephod & sacrificijs. Osee. 3. sed post dies multos non dubites me uenturum, ut te uel inuitum compellam ad salutis uiam amplectendam, & sequendum Christum meum. Quia toties mihi contradixisti, repelleris in tempus, sed non in perpetuum. Expecta me idcirco, quia conuerteris, sed non ante tempus, quod in æternitate præfiniui. Legē ad id tertium Osee caput, quod maxime huic loco consentit. Videmus quā hęc uera sint, & quot sæculis expectarunt Dominum, interī ubiq; captiui, miseri & abiecti.

Igitur ait Deus, ut sustineat: & ex his quę subiungit, ostendit, q̄ illis expectantibus Gentes sint conuertendę, quod maxime conuenit cum eo, quod Paulus dicit Rom. 11. Cū ingressa fu erit Gentium plenitudo, introibit Israël. Nimirum usq; ad id temporis expectabit, quo prius in Christi Ecclesiam Gentium plenitudo intrarit. Quem locum Amos ultimo exposuimus.

Sed quando maxime incipiet ipsa expectatio, quę expectabit te Israël ô Deus? In die, inquit, resurrectionis. Quidam hunc resurrectionis diem ad tempus extremi iudicij referunt, dicentes q̄ ideo resurrectionis eius dies appellatur

pelletur, & eius ueritate futura sit omnium resurrectio. Sed eorum pace salua, illud obſiſtit, quod paulo poſt dicitur: Quia tunc reddam populis labium &c. Ego tempus aduentus Chriſti, quo ille reſurrexit primum, & per eū uita uera mundo eſt reddita, non dubito, per diem reſurrectionis eius intelligi. Neq; iudiciū ibi capitur pro iudicandi actu, qui erit in extremo iudicio, ſed pro decreto domini, quo decreuit ante ſæcula congregare omnes gentes & regna, ut ea damnet, iudicet, & reprobet uerbo ueritatis. Per illud enim effunditur contra impios Dei indignatio, & ira furoris eius, ac ignis zeli eius, quo deuorabitur et damnabitur omnis terra, hoc eſt, quicquid non eſt à ſpiritu Dei. Etenim idem hic per terram, quod per carnem ſæpiſſime accipitur. Impij ſiquidem & omnis impietas terra & caro ſunt. O felix & deſyderabilis indignatio, qua omnis terra & caro diſperditur atque damnatur. Propter hoc de aduentus ſui tempore Chriſtus dicit Ioan. 12. Nunc iudicium eſt mundi.

Expectarunt ergo Dominum Iſraëlitæ, maxime à die reſurrectionis ſiue aduentus, ac præſcripti iudicij domini IESV Chriſti, quo ſcilicet mundum iudicauit, ſanctiſſimo ſpiritus ſui iudicio. Et extunc cœpit congregare gentes per Apoſtolos, & non ceſſat congregare per fideles uerbi ſui miniſtros, ut eodem uerbo iudicentur & reprobentur omnes impietates earum. Quòd ſi quis uult cōtendere, quòd hunc locum oporteat de finali iudicio, enarrari, quomò uerū erit, quòd dicit, eas futuras labij electi,

FRANC. LAMB. IN SOPHONIAM

¶ **Q**UOD DEVM unanimiter inuocaturus?

Eo: gatur resurrectionis die, toto uidelicet tempore à Christo glorificato, damnata omnium gentium impietate, & illis conuersis ad ueritatem, reddet eis Dominus labium electum, ut iam non loquantur quæ prius, sed omnino contraria, nempe pro his quæ placebant carni & sanguini, sola quæ Domino placent. & pro mendacijs & doctrinis hominum æternam ueritatem Dei. Tum in multa fiducia inuocabunt nomen Domini, & seruient ei humeris uno, unanimiter, uno consensu. Non ultra inuocabūt idola, neque alienis ab eo fident & seruient. Hæc omnia in ueris fidelibus quotidie adimplentur.

Quæ subiunguntur: Ultra flumina Aethiopiæ &c. significat, quòd ex uarijs regionibus habent supplices suos, hoc est, fideles. Sæpe enim una gentium natione plures in Scriptura capiuntur. Tale est illud Psal'm. 67. Aethiopia præueniet manus eius Deo Quod additur: Filia dispersorum &c. quidam iungunt cum præcedenti uersu, sic enarrantes: O filia dispersorum meorum, hoc est, ò Iudei siue Israëlitæ dispersi à locis, quæ sunt ultra flumina Aethiopiæ, uenient supplices, & deferent munus mihi. Ego malo textum diuisum, & quòd hæc particula sic exponatur: Filia, id est, Ecclesia dispersorum meorum, id est, electorum qui sunt dispersi, afferent munus mihi, non dubium quin fidem, ueram hostiam laudis, & munus ac sacrificium cordis contriti & humiliati. Septuaginta habent. De sinibus fluminum Aethiopiæ suscipiam dispersos

ſos meos, afferent uictimas mihi. Quod noſtræ enarratio-
ni magis congruit, tametſi textum non diuiſerint. Signifi-
cat enim, quòd ex latiſſimis Aethiopum regionibus, ac alijs
ultra eas poſitis, electos diſperſos congregaret, & ne-
dum ex ipsis Aethiopibus, ſed ex toto penitus orbe. Ni-
mirum externus ipſe orbis collatus cum impolluta Ec-
cleſia Dei, Aethiopia quædam eſt. Ad id enim Chriſtus
in carnem uenit, atque in ea paſſus eſt, ut omnes filios dei
qui diſperſi erant, congregaret in unum.

Demum in ea die, nempe uere conuerſis ad Dominũ
gentibus, & eiſdem factis labij electi, Iſraël prouocabitur
ad æmulandum eos, & illuſtrante ſpiritu Domini, cõfun-
detur ſuper cunctis ad inuentionibus ſuis, uniuerſis ſcili-
cet mendacijs, quibus acquieuerat, præſertim ſuper eo,
quòd noluit ſubijci Dei iuſtitie, ſed propriam conſtituere
uoluit, propter qd' maxime reiectus eſt, ut patet Ro. 10.
Hec eſt ultima conuerſio Iſraëlis. Quid obſecro clari-
us dici poſſet. Vbi nunc ſunt, quieam negant? Non enim
poſteſt hic locus intelligi de aliarum gentium electis, quos
per gentes conuerſas Dei ſpiritus intellexit. De ſemine
ergo Abrahæ, etiam iuxta carnem intelligitur, q̃ imple-
to gentium tempore, in Eccleſiam introibit. Roma. 11.

Tum auferet Dominus è medio Iſraëlis magniloquos
ſuperbiæ ſuæ, falſos ſcilicet Prophetas & doctores, qui
ſuperba & ampulloſa doctrina, eum ſeduxerunt. Recte
ait: Superbiæ ſuæ, quòd nimirum non potuerint eſſe niſi
ſuperbia, & DEI contemptu pleni, qui non niſi ſuper-

FRANC. LAMB. IN SOPHONIAM

bo prudentiæ carnis dogmate & sensu pleni erant. Tum non adijciēt exaltari in monte sancto Dei, in Ecclesia scilicet eius, neque in monte Sion iuxta literam, neque multi ducet sua opera, suam sapientiam, vires, studia, iustitiā, sed omnia sua calcabit, & uere se ipsum humiliabit, solū Dominum exaltans.

Tum derelinquet in medio eius, non dubium quin Hierosolymæ, siue Synagoge populum pauperem & egenū. Non putes quod de terrenorum paupertate seu egestate capiatur. Prouidebit nanq; suis deus in seculum. Sed hæc est sacrosancta illa spiritus paupertas, de qua Matth. 5. Beati pauperes spiritu. Hæc paupertas non est, nihil possidere, sed omnibus etiā posses sis abrenunciare, & nulli rei affici, nisi in domino: ac se nosse rerū omniū, quas possidet, dispensatorē, non dominū. Eiusmodi populū relinquet Deus in medio Hierosolymæ ac terræ Israël, in quā putamus Iudeos aliquot post eorū conuersionē uenturos. Quod tametsi apertis scripturæ testimonijs probare nō possumus, tamen minime abnegare ualemus, neq; id sentire diuinis eloquijs aliquatenus contradicit. Quod ego sentio, & confido ita futurum.

Verum & de uniuersis fidelium Ecclesijs impletur hic locus, q̄ omnes fideles spiritu pauperes sint. Sunt quoque egeni à seipsis, quia se tales profitentur. Neq; est id rarum spiritui sancto, ut sanctos uocet egenos, miseros, & pauperes, immo etiam peccatores, quod à seipsis nihil aliud sint. Nam quod iusti, sancti, innocentes, & mundi sunt,

sunt, norunt, q̄ non à seipsis, sed à Christo id habent. In se miseri & egeni, in Christo autem beati & uere diuites. Contra impij, quia se diuites, felices, iustos, potentes & prudentes esse putant, ab eo qui iuxta affectus eorum de ipsis iudicat, iusti, diuites, magni, sapientesq̄; sub sanctorie dicuntur, quare nihil minus sunt coram domino. Qui quoniam non egeni & pauperes sunt in cordibus suis, sed diuites, locupletati, & nullius rei egentes, non relinquunt in corde suo locum fiduciæ in Deum. Contra, serui dei, egenos & pauperes se esse sciunt, id qd' & se esse profitentur, ideo ponunt omnem spem & fiduciã suam in nomen dei sanctissimum & maximum, q̄ scilicet est summe diues, potens, bonus, & largus in omnes, qui inuocant illum. Quòd autẽ hic locus de egenis et pauperibus, sit primũ de Israëlitis enarrandus, notũ fit ex sequenti uersu.

Reliquiæ, inquit, Israë!, qui scilicet ex eis conuertẽtur: non facient iniquitatem, &c. Mira est hæc perfectio, quã et uniuersi uere fideles habent. Peccatũ habent, cõcupiscẽtiam scilicet, sed crucifigũt illã in horas, q̄ eam & omnes fructus eius summe odiant. Quòd si aberrant nonnunquam, mox dolent, creduntq̄; in bonitatem dei, & Christi merita, quo fit, ut ipsum peccatũ mox illis remittatur, tegatur, & non imputetur, sicut scriptum est: Beati quorũ remissee sunt iniquitates, & quorum tecta sunt peccata. Beatus uir, cui non imputauit Dominus peccatum. Tum non faciunt iniquitatem, ut placeat eis quodcunque peccatum, neque loquuntur mendacium, aliquid scilicet

E 2 diuersum

diuersum à uerbo Dei. Quod solum quia est sermo ueritatis, solum illud proprie mendacij rationem habet, quod ipsi sermoni opponitur. Tum non reperietur in ore eorū lingua dolosa & fallax. Nam si nullum habent sermonē, nisi rectū, & conuenientē uerbo Dei, ubi lingua dolosa? O quā abominabilis est domino lingua dolosa & mēdax, q̄ mortifera sit. Nōne ab ea p̄fluxit cecitas nostra qua tot sæculis errauimus? Ab ea p̄dicere Iudæorū errores, abominationes idolorū, Mahometi immunditiæ, Antichristi & suarum sectarū factiones. Et quis enumeret mala lingue dolosæ, & non habentis uerbum Domini?

Porrò hæc est ratio potissima, q̄ sic egeni & pauperes erunt, quòd non facient iniquitatem, nec loquentur mendaciū, neq; erit eis lingua dolola. Quoniam, inquit, pascentur, non dubium quin uberrimis Dei eloquiis pascuantur. Ezech. 34. in eis die & nocte meditantes, Psalm. 1. & habentes delicias suas. O pascua uere desyderabilia. Vide fructū uerbi dei. Si q̄ eis pascūtur, p̄scripta habēt, sequitur, q̄ hi qui in ipso uerbo haudquāq̄ meditātur, nec illud amant, sunt supbi, faciūt iniquitatē, & loquūtur mendacium, atq; apud eos omnia sunt dolis plena. Quod quā uerū sit, in Antichristis omnibus, siue pietatis hostibus experimur. Ergo si quis uult spiritu pauper esse, & alienus ab iniquitate, mendacio, & dolis fieri, pascatur assidue uerbi Dei meditatione. Quare nihil suauius, dulcius, ac desyderabilius esse potest. Hinc Psalm. 118. iustitiæ domini rectæ letificantes corda. Et paulopost : Desy-

dera-

derabilia Domini iudicia super aurum & lapidem preciosum multum, & dulciora super mel & fauum. Hinc & Psal. 118. Quàm dulcia faucibus meis eloquia tua, super mel ori meo.

Alia quoq; ratione non facient iniquitatem reliquæ Israël, nec mendaces ac dolosi erunt. Quia scilicet accubabunt, & non erit, qui exterreat. Vbi accubabunt, siue requiescent? In uirentibus herbis, & pascuis pinguibus. Ezech. 34. Habitabunt sine muro, portæ & uectes non erunt eis. Ezech. 38. Hoc est, nihil fident ulli munitioni huius mundi. Nimirum Hierusalem uera, Ecclesia scilicet, absque muro habitabitur. Et ego ero ei, ait Dominus, murus ignis incircuitu, & gloria in medio eius. Zach. 2. In pascuis ergo pinguibus, in herbisque optimis, nempe in uerbi abundantia accubabunt, & per id tam securi crunt, ob fiduciam Domini, ut nihil illis possit esse terrori, nihilque possit illos dimouere à fide & charitate DEI. Quia ait Esa. 32. Sedebit populus meus in pulchritudine pacis. & in requie opulenta, & in tabernaculis fiduciæ.

Obserua in omnibus eiusmodi locis, maximam dei sermonum potentiam & gloriam, & quàm beata res sit, copia eorum. Quod intellige non de scriptorum aut prædicantiū multitudine, sed si uere suscipitur, diligitur, conseruatur, uerbum ipsum. Videlicet si Deus illud posuit, & scripsit in corde nostro. Tum enim facit nos ueraces, pios, humiles, pacificos, fideles, tutos, ubiq; & securos in

FRANC. LAMB. IN SOPHONIAM

domino. Et uere nulla est omnis huius mundi tuitio & securitas, si conferatur cum ea quæ est per uerbum Dei in corde scriptum.

P A R S Q V I N T A.

Lauda filia Sion. Iubila Israel. Lætare & exulta in omni corde filia Hierusalem. Abstulit dominus iudicium tuum, auertit inimicos tuos. Rex Israel dominus in medio tui. Non timebis malum ultra.

Eundem populum, nempe semē Abrahæ et electos, quæ ad illud semē spectat, Israël uocat, Ecclesiā uero ex eis constitutā, filia Sion & Hierosolyma appellatione designat. Hos uocat, & primum quidē electos ex semine Abrahæ iuxta carnem, præcipiens ut laudent, iubilēt, letentur & exultent.

Laus confessio est ueritatis. Ergo prædicatio uerbi Dei laus & confessio est, quæ & non raro sub Cantus uocabulo præcipitur, ut Psalm. 95. 97. & 149. Cantate domino canticum nouum.

Iubilus uox est ex interni gaudij uehementia p̄dicens, uerū ipsius gaudij spiritus magnitudinē exprimere nō ualens. Et hæc quidē uox nōnunquā est indistincta aut truncata.

Quemadmodū enim uehemēs tristitia sæpe facit, ut uerba incompleta & truncata promantur, ita & gaudium ingens. Letitia res interna est, & nota quidem, nempe gaudium ipsum.

Exultatio

Exultatio est excessus animæ gaudentis, quo supra se ipsam nonnunquam erigitur, & prius habiti gaudij mensura per interualla exuperatur. Sic exultauit spiritus beatæ uirginis Mariæ in Deo Salvatore nostro. Sic quoq; in Domino fideles exultant. Est itidem exultatio signum externum, mentis letitiam indicans. Differt q; in hoc à iubilo, quod iubilus uocis est, exultatio uero cuiusuis alterius signi.

Serui Dei laudant dominum, dum illius ueritatem annuntiāt ac pfitentur, iubilant sermone, quo ineffabile animi letitiā exprimere adnituntur. Letantur, siue gaudent in domino semper, et in eo exultāt letitiæ magnis excessibus, atq; patentibus ueræ letitiæ signis. Hæc sunt quæ hoc loco dominus præcipit, et id qdē p eo qd' abstulit iudiciū, reprobationem et condēnationem ab Israël, et auertit inimicos eius. In præterito hæc posuit, q; sint certissima. Nimirum & impleta sunt in sanctis fidelibus, & implebuntur in reliquijs Israël, cū admissi fuerit in Ecclesiā dei. Profecto enim auferētur mala Israël, etiā iuxta carnē, sed nō anteq̃ præterierit tēpora gentiū. Doīne quādo hæc erūt? Quādo cōuerter captiuitatē iacob? Tū auferes inimicos eorū, cū facies, ut nihil eis officere possit. Abiecisti eos ne essent populus tuus. Ose. 1. q; te negarūt. Dan. 9. Verū nō in perpetuū abiecisti eos ppter iurandum tuū, qd' iurasti Abrahamo & alijs patribus. Abscesisti p inde in tempus, ne esses in medio eorū, quemadmodū in figura ostendisti seruo tuo Ezechieli. Eze. 10. sed cū ptransierit tēpus.

FRANC. LAMB. IN SOPHONIAM

ira tuæ misericordiam facies illis, reuerterisq; ad eos, sicut & eidem seruo tuo Ezechieli in uisione ostendisti, Ezech. 43. Eteris tu ipse Rex eorum in medio eorum, manebisq; cum eis, & non abicies eos usque in sempiternum. Ezech. 34. & 37. Nam etiam si ex eis nonnulli per incredulitatem perierint, tu tamen propter uerbum tuum, & ut per eorum iniustitiam tua iustitia commendetur: nequaquam ultra abicies eos, ut semel atque secundo fecisti. Semel, cum eos captiuos fecisti per Assyrios, ob uitulorum abominationem: secundo, cum excacasti eos, propterea quod dominum IESVM Christum unigenitum tuum, atq; etiam te abnegarunt. Cæterum, cum illis ita affueris, non timebunt, neque uidebunt ultra malū, te seruante & custod. ente eos usq; in æternum. Qui sensus fit manifestior ex eo quod adijcitur.

In die illa dicetur Hierusalem: Noli timere Sion, non dissoluantur manus tuæ. Dominus DEVS tuus in medio tui, fortis ipse, saluabit. Gaudebit super te in lætitia, silebit in dilectione tua, exultabit super te in laude.

Nugas, quæ recesserunt à lege, congregabo, quia ex te erant, ut non ultra habeas super eis opprobrium.

Quæcunque hic promittuntur Israëlitis, non dubites, etiam dici electis omnibus, qui quoniam in semine Abrahamæ supputantur, & sunt uerus Israël, hæredes sunt promissionum Dei, & omnium quidem. Sic ergo implebuntur hæc

turbæc in Iſraëlitis, ut tamen ſint impleta, & impleantur in fidelibus, qui ſunt in illa die, ſeu luce domini I E S V Chriſti. Neq; putes aliquid eorum, quæ Iſraëlitis ipſis promittuntur, aut ſermones Dei ad eos, dirigere probis ex eis, ſed ſolis electis, qui ſoli ex domo Iſraël, ad uerum Iſraël pertinent.

Igitur conuerſis tandem filiis Iſraël, dicetur Hieruſalem, id eſt, Eccleſiæ ex eis, qui etiam forſan, ut alibi diximus, congregabuntur, ſaltem multi, in regiones Hieruſalem. Quid eis dicetur? O Sion, noli timere, noli diffidere, ut non diſſoluantur manus tuæ, hoc eſt, ut non conſtanter agas omnia, ſicut opus eſt. Quid. Si timeres, hoc eſt, diffideres, nullum opus ſolidum haberes, quod ſcilicet deo acceptum foret. Viriliter age, & confortetur cor tuum, in domino Deo tuo, qui eſt in medio tui, & iterum te ſuſcepit in gratiam, & factus es illi in populum. Si aduerſum te inſurrexerint hoſtes, confide, nam fortis ipſe Dominus, qui in medio tui eſt, nequaquam ſinet te ultra conteri ab aduerſariis tuis, ut olim, ſed ab eis ſeruabit te, cuſtodietq; te in omnibus uijs tuis, quaſi pupillam oculi delicatam.

Et gaudebit ſuper te in lætitia. Conſuetudo eſt ſcripturarum ingens quiddam id genus replicationibus adferere, ut cum dicit: Gaudens gaudebo, faciens faciam, gaudebit lætitia, quod & ad phraſim Hebrææ locutionis ſpectat. Gaudebit ergo Dominus lætitia, hoc eſt, plurimum gaudebit ſuper Iſraël, id eſt, pro bono eius. Quid

FRANC. LAMB. IN SOPHONIAM

obsecro est hoc Dei uehemens gaudium? Nunquid in eo sunt mutationes gaudij & mœroris? De deo scriptura, nō alioqui sepe loquitur quā de hominibus, uerū ipsum uerbum non est alioqui capiendum, quā Deo competat. Igitur quemadmodum eum furere, aut irasci dicimus, cū cedit et flagellat, ut homo quispiam iratus, ita tum aliquē amare aut in eo letari dicitur, dum alicui, sicut dilectus ei quem diligit, benefacit. Gaudebit ergo in reliquijs Israël conuersis, hoc est, multis beneficijs, ostendet dilectionem, & gaudium quod habebit super eis. Quod & apertius ostēditur ex eo quod subiungitur. Silebit in dilectione tua. Clamat Deus in lege aduersum impios, itidem in Prophetis, ubi autem nullus est impius, quasi si et Deus. Cū ergo Israël pietati adqueuerit, silebit in dilectione eius Deus. Non enim mittet Prophetas, qui multis clamoribus prænuncient mala eorum, sed magis Euangelium pacis, & regni misericordiæ ueri & magni Dei. Exultabit aut magis super eis in laude, scilicet in confessione uel ob confessionem ueritatis, quam sub laudis nomine intellexit. Obserua Dei exultationem non posse ita distingui ab eius gaudio, sicut hominis exultatio & gaudium, ideo pari ratione est utrumq; de eo interpretandum.

Sequitur. Nugas quæ &c. Nugæ sunt uniuersicarnales, qui & à Deo non apostatare nequeunt. Recte nugæ, quod omnis caro sit nugax. Verum de electis est hic sermo, qui in tempus nugæ sunt, donec spiritu Domini ueraces fiant. Si enim de reprobis etiam caperetur, nequaquam

quam subiunxisset, quia ex te erant. Ex te, inquam, scilicet ex Ecclesia sanctorum, ex uero Israële. Qui ubi congregati fuerint in Ecclesiam ipsam, per spiritum Christi, nō erunt ultrā ei in opprobrium, sicut fuerunt cum alieni essent à spiritu ueritatis. Cui tamē in opprobrium essent, antequam in misericordiam recipiantur, si ex electis seu uero Israële essent. Spectat & hic sermo ad omnes cunctarum gentium electos, qui tametsi nugæ sunt, tamen eos disperire impossibile est. Sunt enim ex Ecclesia Dei, ideo fieri non potest, ut in eam non congregentur, ut non sint ultrā illi in opprobrium, sed in gloriam.

Hinc habes argumentum. Primo, quod omnes electi, sunt aliquando nugæ. Secundo, quod ad Ecclesiam spectent, quæ ex solis electis siue prædestinatis constituitur. Tertio, quod reprobī non sunt Ecclesiæ Dei in opprobrium, quod ad illam non pertineant. Quarto, quod electi quia ex Ecclesia sunt, tamē sunt ei in contumeliā, cum sunt nugæ. Quinto, quod impossibile est, eos non resipiscere à nugis. Sexto, quod reprobī semper sunt nugæ, & quod ab eis resipiscere nequeunt.

P A R S S E X T A.

Ecce ego interficiam omnes qui afflixerunt te in tempore illo, & saluabo claudicantem, & eam quæ eiecta fuerat congregabo, & po
nam

FRANC. LAMB. IN SOPHONIAM

nam eos in laudem & in nomen, in omni terra cōfusionis eorum. In tempore illo quo adducam uos, & in tempore quo congregabo uos, dabo uos in nomen, & in laudem omnibus populis terre, cū conuertero captiuitatem uestram, coram oculis uestris, dicit Dominus.

EX hoc textu apertissime docetur, ipsa Israëlitis congregatio, & in summa hæc in eo habes. Primo Deus adserit se interfectorum omnes hostes Israëlitis, hoc est, se facturum, ut nullus ultrà sit, qui adfligat eos. Porro hæc illorum interfectio, aut fit gladio uerbi Dei, quo penetrantur corda eorum, & ueritati adquiescunt, illiq; se subiiciunt, in eorum æternam salutem: aut fit gladio seuissimo diuinæ punitionis, in æternum interitum, non suscipientium ueritatem.

Secundo dicit, se seruaturum claudicantem, & eam quæ eiecta erat cōgregaturū. Quod uerbum Micheæ. 4. exposuimus, ubi etiam habetur. Ex his autem quæ eodem loco diximus, maxime roborantur, quæ hoc capit, de ultima Israëlitis conuersione habentur.

Tertio, ponet eos in laudem &c. hoc est, faciet ut in eis Dei nomen laudetur, & magnificetur, ab omnibus quibus ante contemptui fuerant. Dabit quoq; eos in nomen et laudem, dum faciet, ut per eos annuncietur in gentibus cunctis laus ueritatis eius, & nomen suum magnū.

Quarto,

Quarto, promittit se omnia præscripta facturum, eo maxime tempore, quo eorum captiuitatem, coram eorū oculis conuertet. Coram eorum oculis dixit, ut nihil dubitent, se eam liberationem uisuros, saltem in eorum semine. Quæ omnia de ultima & cunctis electis desideratissima Israël conuersione, intelliguntur. Quam impleturus est in tempore suo, ille qui eam promissit, et immutabilis est. Ipsi gloria & imper. um in secula seculorum
Amen.

Commentariorum Fran. Lamb. Aue.
in Sophoniam Prophetam Finis.

Commen

COMMEN-

TARIORVM FRAN. LAMB.

Auenionen. in Aggeum
Prophetam,

PROLOGVS.

INsignis est tota Aggei prophetia, aduersum omnem eorum quæ primum in nobis requiruntur, negligentiam. Ecce enim quod Iudæi, sub Cyro Persarum Rege, è Babyloniorum seruitute facti liberi, & redeuntes in Iudæam, cœperunt ædificare templum domini. Quo fundato, & illis opus instanter agentibus, præpediti fuere ab opere domini, ab his quos Salmanasar, pro Israëlitis, quos in Assyrios transtulerat, posuit in Samaria & decem tribuum regno. 4. Reg. 17. Fuit aut ipsam impedimentum, omnibus diebus Cyri, sed eo nesciente ut ait Iosephus, libro undecimo antiquitatum, tametsi alij dicunt id notum ei fuisse, Ego magis puto quod nescierit, maxime quod eius præcepto, Iudæi cœperint ædificare, pro qua re et Cyrus ipse dicebat se mandatum à domino adcepisse. 2. Para. ult. & primi. Ezræ. 1. Porro idem opus magis fuit impeditum, & apertius, mox à principio regni eius qui Cyro successit, quæ ex. 1. Ezræ. 4. liquet

4. liquet uocatum fuisse Affuerum, non tamen uirum He-
 ster, & Artaxersem, nomine Persarum regibus commu-
 ni, ut imperatores Cæsares adpellantur, & olim Aegypti
 Reges Pharaones. Hunc autem Iosephus uocat Camby-
 sem, qui regnauit annis sex, post quem regnarunt Magi
 anno uno, post quos regnum accepit Darius filius Hi-
 staspis: Cuius regni anno secundo, ut liquet. 1. Ezræ. 5.
 Aggeus & Zacharias prophetarunt, in nomine dei Isra-
 ël, ut filij Iuda & Benjamin instarent ad templi domini
 opus. Speciatim autem Aggeus eos durius increpauit,
 quod præpedito ab impijs domus domini opere, non age-
 rent constanter quod coeperant, interim uerum tamen pro-
 pria quisq; curaret, & domos singuli edificarent. Opor-
 tuerat autem primum fieri templum Dei. Quia autem
 Dei templo, uerus nominis sui cultus, qui in Ecclesia est
 figuratur, & illud primum Deus uoluit extrui, tum
 promittens se alia donaturum, quæcunq; necessa-
 ria erant, nihil aliud docet nos hæc prophetia si
 allegoriam inspicimus, quam illud quod
 Dominus præcipit. Matthæi. 6. Que-
 rite, inquit, primum regnum Dei,
 & iustitiam eius, & hæc
 omnia adijcientur
 uobis.

Eiusdem

EIVSDEM ARGVMENT-
tum in eundem Prophetam.

Prophetat Aggeus duobus capitibus aduersum ne-
gligentiam Iudeorum in templi Dei reedificatio-
ne, & quod interim curam carnis agerēt, ac quisq;
propria curaret. Ostendit quàm male eis ceſſerit, domini
opere intermiſſo, & quod eorum ſacrificia eſſent pollu-
ta. Admonet ideo, ut idem opus instantius agant, promit-
tens fore, ut melius haberent in omnibus. Suſcitur à do-
mino ſpiritus Zorobabelis & Ieſu ſeu Joſuæ filij Joſe-
dech, ac totius populi, & opus domini faciunt. Prædicat
illis uenturum deſideratum cunctis gentibus, & eam do-
mum quam ædificabant, ſe impleturū gloria, & eam
quidem maiorem futuram in ea domo, quàm fue-
rit in priore quā Solomon ædificarat, quodq;
in ea pacem daturus eſſet. Promittit ſecon-
triturum omne robur gentium, & po-
ſiturum Zorobabelem, nō dubium,
quin Dominum I E S V M
CHRISTVM uelut
ſignaculum.

Incipit



INCIPIT AGGEVS
PROPHETA.

CAPVT PRIMVM.

Summarium capitis. Primum, increpat curantes propria, domus Domini opere derelicto. Secundo, ostendit, quàm nihil prospere tũ illis cederet. Tertio, admonet ad ipsum opus domus Domini. Quarto, iterum mala Dei opus tardantium recenset. Quinto, Deus suscitatur eorũ spiritum & prædictum opus adgrediuntur.

PARS PRIMA.

IN anno secundo Darij Regis, in mense sexto in die una mensis, factum est uerbum Domini in manu Aggei Prophetæ, ad Zorobabel filium Salatiel, ducem Iuda, & ad Iesum filium Iosedech sacerdotem magnum, dicens: Hoc ait Dominus exercituum, dicens: Populus iste dicit: Nondum uenit tẽpus, domus Domini edificandæ. Et factum est uerbum Domini in

F manu

manu Aggei Prophetæ, dicens : Nunquid
tempus uobis est, ut habitetis in domibus la-
queatis, & domus ista deserta?

Quod toties inculcat, hunc sermonem esse Domini,
officium agit ueri Prophetæ, ostendentis quod ni-
hil præterquam purissimū Dei sermonē uelit nun-
ciare. Porro de prophetiæ eius tēpore & causis, in prolo-
go diximus, nempe, quod potior causa, fuit populi negligē-
tia, qui sub Cyro rege Persarum, rediens Hierosolymam,
& postea impeditus ab impijs nonnullis, facile defecit ab
opere, & domos proprias quisq; ædificauit. Sic iuxta car-
nem sapiebant & adficiebantur, ut sumpta leuicula occa-
sione, intermiserint opus Dei, & quod suum erat quisq;
requireret. Vbi aut, à nonnullis carpebantur pro negligē-
tia, declinabant os suum in uerba malitiæ, ad excusandas
excusationes in peccatis, & dicebant: En tot sunt, qui nos
impediunt. Si uellet Deus nunc templum suum ædificari,
impedimenta uniuersa auferret. Quia ergo impedimur
ab eo opere, non tempus adest, quo fiat.

Mittitur ideo à Domino Aggeus, ad Zorobabelem,
populi ducem, & ad sacerdotum Principem, quod primi
in populo essent, ut per eos reliquorū negligentia carper-
retur, & illis iubentibus redirent ad opus. Neq; dubito in
re totum populum concernente, Prophetam ideo pri-
mum, ad Principes missum, ut sciamus in eiusmodi Prin-
cipum corda maxime stimulanda & prouocanda, a q;
etiam

etiam ut ipsi Principes nō dubitent se disperituros, si per eorum incuriam, opus Domini negligenter fiat, & populus in sua execrabili segnitie foueatur.

Quid ergo ait? Populus iste dicit. Nondū uenit &c. Mendax uerbum, quod in suorum adfectuū fallax operimentum adinuenerant. Interim edificabant domos suas, omni studio & cura, de quibus mandatū non adceperāt. Sic semper faciunt, quicunq; à Dei spiritu haudquaquam aguntur. Quæ à Deo iubentur, missa faciunt, & stimulante etiam eos spiritu, ea quo usq; ualent differunt, omni interea solitudine quæ excogitarunt perficientes. Hoc errore laborauimus sæculis multis. Fit ille cucullatus, edificat alius sacella, alius uouet hoc aut illud, alius edificat claustra, domos, arces, Dei autem iussiones, uniuerſi calcant, aut posteriore loco seruandas putant. Oportuit primum fecisse, quæ ille præcepit, deniq; alia.

Videbis sæpe multos, etiam ex his qui pro uere Euangelicis haberi uolunt, qui etiam nunc reuelato sermone Dei, qui multis sæculis delituerat, ubi reedificandæ sunt ruinae Hierosolymæ, id est, Ecclesiæ, & templi, id est, ueri cultus Dei, tam negligenter agunt, ut putes eos Dei oblitos. Interim nihil non agunt, pro literis humanis prophetisq; promouendis, quas tanti faciunt, ut nullus sanæ mentis non apertissime uideat, quod pluris eas ducant, quàm eloquia Dei. Quod si quis eos carpit, aiunt: Nondum uenit tempus, edificandæ Ecclesiæ, & in palam docendi uerbum. Prudenter, inquiunt, agendum est, tam multis

obfistentibus . Hi sunt qui non cessant adulari summis, neq; omnino frigidi, neq; calidi, sed tepidi, propter quod & ab ore Domini euomuntur, & à ueritate alieni fiunt. Hi dum uident aliquos multum feruere ad uerbum Domini, & nolle adquiescere eorum stultæ & execrabilis prudentiæ, aiunt: En uiros præcipientes, gloriosos, & temerarios. Veb Balaam istis, qui in tempus Domino prophætant, etiam nolente Rege Balach, omnibus scilicet Principibus & Antichristis, mox autem ubi nonnihil timent, adulantur Antichristis, & tyrannis suis, & pro eis carpunt Prophetas Dei, & id quidem tanta calliditate, ut putes eos multum zeli habere, cum nihil minus habeant. Ego non amo præceptum iudicium, atque intempestiuum, uerum neq; laudare possum, nec debeat tarditatem, in tam serijs & necessarijs rebus.

Execrabilis quoq; est nonnullorum tarditas, qui dum pueros erudiendos suscipiunt, negant eos debere alijs quàm prophanis literis à principio edoceri. Sicq; proinde fit tam prophana iuuentus, ut annis succedentibus, nihili ducant omnia, quæ non redoleant quæ imbiberunt, cum adhuc nouæ testæ essent. Si docet quis fabulas, polito eloquio, citius ab eis auditur, uniuerfis qui omni puritate Dei sapientiam prædicant, nisi & illi, expolierint sermonem suum. Et uix unquam ad id perducantur, ut simplicitatem diuinis literis congruam ament. Veb id genus huius sæculi pædagogis, qui in hoc tantum proficiunt, ut

unt, ut fidelium prolem in propriæ salutis perniciem prophanent. Nunquid damno literas humanas, si in eis nihil à pietate diuersum habeatur, aut linguas uarias, quas donum Dei esse nemo ambigit?

Absit. Sed doleo prophanari iuuentutem, quam oportuit etiam ab infantia doceri Verbum D E I. Placent enim linguæ, placet & omnis eruditio, quæ nihil impietatis admixtum habet. Verum displicet, quod tam multum istis nonnulli tribuunt, qui de paruulis dicunt: Nondum uenit tempus, quo erudiantur uerbum Dei, quo in Ecclesia ædificentur. Veh tibi o fallax pædagoge. Sic sic institu debent pueri, ut cum linguis, etiam diuina imbibant, quæ sap. ant inueterati, quod & apud Argemoratū seruatur, sub uigilantissimo eruditore Othone Brunfelsio, quod & non dubito alibi seruari. Nemo ergo dicat, nondum aduenisse tempus. Nullum enim tempus, nullæue ætas, aliena esse debet à uerbo D E I. Cur non sinemus paruulos uenire ad CHRISTVM? Viderit ergo quisque ne prohibeat eos à Domino, & ubi eos docent linguas, & prophana, simul eos doceant, ne illis tribuant spiritum intelligentiæ ueritatis.

Sunt ne & alij, qui iudeorum inertiam, in ueræ Hierosolymæ scilicet Ecclesiæ, ac ueri templi D E I, id est, cultus eius, ædificatione, in suum interitum imitentur? Sunt profecto. Ex quibus nunc uel de his solum agemus, qui timore hostium uerbi, à prophetandi

FRANC. LAMB. IN AGGEVM

munere quod habent deficiunt. De his loquor qui sentiunt uocationem internam, & de ea certi sunt, quod Dominus uelit eos fratribus annunciare, quæ non reticenda adceperunt. Vadunt autem ad loca nonnulla, in quibus neque scriptis neque uerbo, Ecclesiæ utiles esse possunt. Interim putant se tutos, cum uident nonnullos eis obistere, & agere ut non ædificent, & doceant Ecclesiam dei.

Porrò magnæ difficultatis negotium fuerit, inuariabilem pro uniuersis dare sententiam, & arguere hunc aut illum speciatim, nisi id alioqui pateat, quod Dei opus negligenter agant. Ideo obseruandum, quod quemadmodum de Iudeis hic habes, cuiusdam, cum tempus erat ædificandi templi, & non faciebant, ita & ministri uerbi tum sunt in culpa, & arguendi coram Domino, si dum tempus est, non progrediuntur ad opera hæc Dei. Inquirendum est igitur, quando est tempus huius sacrosancti operis adgrediendi.

Tempus est, dum quis certus est se uocatum ad ministerium uerbi, quod quando sit, libello nostro de fidelium uocatione, declarauimus. Vocatus ergo, uiderit ne pigritetur, ad perficiendum opus **D O M I N I**, sed omni instantia, omnibusq; dimissis, atque etiam cum propriarum rerum detrimento, cum multa in Dei bonitatem fiducia, atque magna omnium creatorum diffidentia, adgrediatur ministerium sanctum, ad quod uocatus est. Viderit ne proprijs adfectibus & inuentis, differat opus

opus sanctum, ne coram Domino, reus iudicio fiat. **Maledictus**, qui Dei opus negligenter facit. Hier. 48. 10.

Igitur sic pigritantibus, quod & tum Iudæis procrastinantibus opus domus Domini, & interim proprias domos edificantibus, ait Dominus. Nunquid tempus uobis est, ut habueris &c. O uerbum terribile, uerum sane intelligenti. Tu delitijs affluus, & propria commodare queris, & domus Domini est deserta. Tu qui habes uerbum, torpes, & Ecclesia D E I uerbi defectu sitit, languet, & non sicut oportet instauratur. Sales mundi, atq; lux. Ut quid sal tuum infatuari præ nimio torpore sinis, & lucem sub modio abscondis? Cur non magis hoc sale condiuntur populi, mendacijs hominum corruptissimi, ne omnino in æternum interitum putrescant? Cur & lux non ponitur super candelabrum, ut luceat omnibus, qui in domo sunt? Sanguis populi, de manu tua requiratur, & erit anima tua, pro illis. Ergo, sequere te uocantem, & Propheta ut iubet, qui te uocat, aut uoce, aut scripto, aut utroque modo, tantum ut sequaris te uocantem D E V M & sis uigilans minister Ecclesie eius. At de his alibi plura.

P A R S S E C V N D A.

F

+

Et nūc

Et nunc hæc dicit Dominus exercituum. Ponite corda uestra super uias uestras. Semina-
uistis multum, & intulistis parum, co-
medistis, & non estis satiati, bibistis,
et non estis inebriati, operuistis uos,
& non estis calefacti, et qui mero
cedes congregauit, misit
eas in saccum
pertusum.

Reuocantur ab inertia, per id quod nihil prospere
successit, contempto opere Dei. Ponite, inquit,
corda uestra, super uias uestras, hoc est, opera, con-
gitationes, adfectus, quàm scilicet nihil uobis profuerint.
Intendite & uidere, quàm nihil pro uoto, uobis successerit,
posteaquam defecistis ab opere templi Dei. Hinc ha-
bes, quod pro contemptu iussionum Dei mala & flagella
imitantur.

Obserua autem flagella. Seminarunt multum, & intu-
lerunt parum, nec quantumlibet essent in rebus proprijs
soliciti, deserto opere Dei, habuerunt quod satis illis esset,
ad comedendum, bibendum, & induendum se & suos.
Et bona quæ congregarunt, illis inutilia fuerunt, quemad-
modum cum pecuniæ mittuntur in saccum pertusum, in
quo seruari nequeunt. Sensus est. Grana, uina, et reliqua,
tum ab eis connregata seruari non potuerunt, & quasi
illis

illis fuerunt, perinde atque illa non haberent.

Profecto quod tum uides factum in Iudæis, nunc apertissime conspiciamus in his, qui non sequuntur Dei uocationem. Irrita quippe facit Deus uota eorum. Putant se melius quiddam facturos, si impleant, quæ cogitant, & sentiunt Deum aliud concludentem, quam uelint. Cumq; putant se prospere cuncta impleturos, tum dissipantur, quæ stare non dubitabant, & muscis ac uento manus se impleuisse reperiunt. Omnia enim mox elabuntur. Nouit ille modos, quibus percutiat opus suum dimittentes pro inuentis proprijs. Impedit auxilia quæ sperantur, aut uenientibus auxilijs, mittit fures, incendia, ægritudines, quibus mox omnia absumuntur, immo uix sufficiunt in mensē.

O quàm mirabilis es Domine in sanctis tuis. Tu non deseris eos, etiam cum maxime derelicti uidentur, Stas à dextris eorum, portas eos in humeris tuis: uigilas super eis, ne quando eos disperire contingat. Quid ergo nonnunquam tam contristamur, cum aliquid immittit Deus, aut damna, aut pauperiem, aut oblocutores & aduersarios? Nouit quippe sanctis omnia uertere in salutem. Lætor secundum interiorem hominem, sentiens uirgam pij patris: sed contristatur externus ille homo meus, uarijs malis, uarijs curis, à quibus tandem solus deus alleuiat me.

Infelix ego homo, quis me liberabit à corpore mortis huius? Sed quid? Iustus es Domine in omnibus uijs tuis.

FRANC. LAMB. IN AGGEVM

Vocas me ad operatua, quæ non raro negligenter ago, & tum maxime tristitia mutis. Flagellas uarijs modis & affligis corpus, atq; etiam cor meum, ut uel nolentem impellas ad opus templi tui, ad ædificationem Ecclesiæ tuæ. Ad quod dū me totum dedo, facis ut nihil me cōtristet, nihil mihi noceat, dum adijcis consolationem per uerbum tuum. Peccatum meum, & gloriam tuam confiteor corā Ecclesiā tua, ut discant qui negligenter agunt opus Dei, meo exemplo, & Dei bonitate agnoscere peccatum suum, & omni diligentia adniti ad sacrosancti operis consummationem. Ad quod ubi se adiunxerint, habebunt quidem crucem et mala, sed faciet uerbum quod fideliter tractant, & spiritus Dei, ut nihil eis noceat, sed omnia illis uertantur in bonum. Ideo omnis uerbi minister tribuat infidelitati & negligentiae suæ, quod scilicet non operatur fideliter, si mala quæ sustinet, illi quicquam nocent, animūque illius immoderatus contristant. De malis externis intelligo. Nam tristitia quæ pro contemptu DEI, uerbiq; eius, ac Ecclesiæ desolatione proficiscitur & assumitur, sancta est, Deoque acceptissima. Verum & ipsa suam mensuram habet, quam docet spiritus ueritatis.

P A R S T E R T I A.

Hæc dicit Dominus exercituum: Ponite corda uestra super uias uestras. Ascendite in montem, afferte lignum, & ædificate domum,

mun, & acceptabilis mihi erit, & glorificabor, dicit Dominus.

PRecipit ædificari templum in gloriam suam. Et nos putemus nobis dictum. Aedificauit uerus Salomō Christus domum suam, id est, Ecclesiam, quam coegit ad ruinam Babylonica, & eadem confusissima gens, nempe Antichristi omnes & amatores sapientiæ carnis. Quam rursum deus uult erigi, misitq; ad id oparios multos, quos filij perditissimi extinguere uolunt, & pro uiribus ab opere præpediunt. Sed quid præcipit Deus? Ponite corda uestra, intendite et uidete, ut innouetis uias uestras, ut aliud quàm hæcenus, faciatis, sitisq; solito ad opus meum instantiores.

Ascendite in montem, nolite manere in infimis. Nam sublimis, alta, & præclara est Ecclesiæ domus. Non potest ædificari ex lignis uallium, sed montium. Mons Ecclesiæ, mons quoq; est sermo ueritatis, & spirituales sententiæ eloquiorum Dei, quasi ligna montium sunt: doctrinæ uero & mandata hominum, quasi ligna uallium. In Ecclesiæ structuram affert ligna uallium, qui humanis inuentis & somnijs, uult eam erudiri ac dirigi, quod est abominabile coram Domino. Absit à nobis, ut ita putemus ædificare nos posse domum, in qua glorificetur nomen Domini. Nunq̃ enim magis blasphematur, quàm dū hominū doctrinis quis nititur ædificare Ecclesiam. Nimirum tū pro Dei Ecclesiæ, malignantium Ecclesiæ erigitur, ut in

FRANC. LAMB. IN AGGEVM

Papæ Synagoga est uidere. Vch his qui afferunt hæc ligna uallium in Ecclesiam Dei.

Ascendamus ergo in montem eloquiorum Dei, librorum Scripturæ sacræ, & illinc, non aliunde, afferamus ligna in ædificium domus Domini. Non dico, ut nemo legat fidelium Commentarios, sed quod neq; etiam illis credat, nisi quatenus ipsis diuinis eloquijs bene consentiunt. Absit enim, ut quispiam uelit alioqui suos legi Commentarios.) Etenim omnia hominum scripta cum iudicio legenda sunt: iudicium autem nostrum in scripturæ Dei obsequium captiuare neceße est. Tum recte ædificabitur ipsa domus altissimi, & placebit ei, ac glorificabitur in ea ædificatione nomen eius.

P A R S Q V A R T A.

Respexistis ad amplius, & ecce factum est minus, & intulistis in domum, & exufflaui illud. Quam ob rem, dicit Dominus exercituum, quia domus mea deserta est, & uos festinatis unusquisque in domum suā. Propter hoc super uos prohibiti sunt cœli, ne darent rorem, & terra continuit germen suum. Et uocaui siccitatem super terram, & super montes, & super triticum, & super uinum, & super oleum, & quæcunque profert humus, et super homines, & super iumenta, & super omnem laborem manuum.

Que suprà parte secunda diximus, hic apertius habes, nempe quòd nihil prospere cedat contemnentibus uerbum Domini: & quòd Deus eorum cogitationes dissipet. Respexistis, inquit, ad amplius &c. Sensus est: Credidistis uos ditare, & melius cuncta facturos, si contempto domus meæ edificio, de quo uobis præceperam, unus quisq; propria curaret. Sed pauperiores facti estis, & quæ in domos uestras intulistis, exufflaui, destruxi, cuerti, feci q; ut uobis inutilia essent. Reliqua sunt notiora, quàm ut opus habeant interpretatione.

P A R S Q V I N T A.

Et audiuit Zorobabel filius Salatiel, & Iesus filius Iosedech, sacerdos magnus. & omnes reliquiæ populi, uocem Dei sui, & uerba Aggei Prophetæ, sicut misit eum dominus Deus eorum ad eos, et timuit populus à facie domini. Et dixit Aggeus, nuncius Domini, de nuncijs Domini, populo dicens: Ego uobiscum sum, dicit Dominus. Et suscitauit Dominus spiritum Zorobabel filij Salatiel, ducis Iuda, & spiritum Iesu filij Iosedech sacerdotis magni, & spiritum reliquorum de omni populo, & ingressi sunt, & faciebant opus, in domo domini exercituum Dei sui, in
die

die uicesimaquarta mensis, in sexto mense,
in anno secundo Darij regis.

Primum dicitur, quòd ad uerbum Domini ab Aggeo
annunciatum resipuerunt, & timuerunt dominum
contristatiq; fuerunt pro sua inertia. Humiliati sūt
& conterriti ad increpationem domini. Felix qui sic Dei
uerbo terretur, quod & omnibus Sanctis commune est,
quos prius pauefacit Lex, quàm Euangelium cōsoletur.
Præcedente autem sancto & necessario Legis terrore,
succedit Euangelicus nuncius, & ait: Hæc dicit Domi-
nus: Ego uobiscum sum, quo astante, nihil est uobis ti-
mendum. Qui uestram resipiscentiam habeo gratam, tã-
tum ut amodo omni diligentia impleatis opus meum.

Et suscitauit Dominus &c. Quantumlibet clament
Prophetae, nemo potest Dei iussu implere, nisi deus
suo spiritu nostrum spiritum suscitauerit, hoc est, nos ipsos
ad implendum quæ iubet, efficaciter illustrarit & moue-
rit. Recte dixit, Suscitauit, quòd spiritus hominis non il-
lustratus à Domino, non nisi in mendacio & morte esse
possit. Etenim omnis homo mendax. Psalm. 115. & men-
daciū mors est, eo quòd à mortifera carnis prudentia p-
ficiatur. Cæterum spiritu suscitato, pellitur inertia, ab-
scedit carnis affectus, & opus Dei magna cum fiducia in-
cipitur. Idcirco Iudæi à Domino suscitati, non distule-
runt ædificare domum excelsi. Siquidem. 23. die à tempo-
re, quo primum Aggeus illis de hac re prophetauit, ædifi-
care

care cœperunt. Anno enim secundo, & mense sexto, & die prima mensis, Aggeus prophetare cœpit, & illi eiusdem mensis, die uicesima quarta ædificare cœperunt.

Agamus & nos solliciti in opere Domini, petamus q̃; cum, ut ad id spiritum nostrum suscitare dignetur. Ecce quod ab impijs retardatur opus sanctum: quis euertet illos, ut non ultra impij sint? Sunt enim aperti hostes Ecclesie. Primum Antichristus, et tyranni sui, ac omnes secte eius: deniq; alij, qui norunt quidem procedendum ad opus, sed retinentur ab eo, alios q̃; impediunt, q̃; timeant suis peris, pompis & uentribus. Omnia etenim carnis studia calcat eloquium Dei, & spiritus eius. Sunt quoq; alij, qui fingunt quidem se fideles, sed uerbum Euangelicum non nisi in carnis occasionem uolunt, Euangelij sacrosancta libertate in suum interitum abutentes. Ab his omnibus, & solis quidem, maxime autem ab ultimis negotium Euangelicum retardatur, eo quod pro Euangelicis habeantur, & propter eos blasphemetur uerbum. Forſan autem suscitabit, immo suscitabit Dominus spiritum noui cuiuspiam Darij, & breui quidem, ut eo præcipiente, uerbum sanctum ubiq; nunciatur, sic q̃; perficiatur sancta domus altissimi. Domine quando hæc erunt? Accelera & noli tardare.

CAPVT SECVNDVM.

Summarium capitis. Primum, dicit fore, ut maior sit gloria

gloria secundi templi, quàm fuerit prioris, ad id nonnulla permiscens. Secundo, ostendit omnia eorum sacrificia polluta, itidem uniuersa opera. Tercio, docet, quàm male eis cederet, cum non laborarent in templo Dei, quibus operantibus promittit se benedicturum. Quarto, subiungitur insignis de Christo prophetia, quem per Zorobabelem significat.

P A R S P R I M A.

In septimo mense, uicesima & prima mensis, factum est uerbum Domini, in manu Aggei Prophetæ, dicens: Loquere ad Zorobabel, filium Salatiel, ducem Iuda, & ad Iesum filium Iosedech, sacerdotem magnum, & ad reliquos populi, dicens: Quis in uobis est derelictus, qui uidit domum istam in gloria sua prima, & quid uos uidetis hanc nunc? Nunquid non ita est, quasi non sit in oculis uestris? Et nunc confortare Zorobabel, dicit Dominus, & confortare Iesu fili Iosedech sacerdos magne, & confortare omnis populus terræ, dixit dominus exercituum, & facite, quoniam ego uobiscum sum, dicit Dominus exercituum. Verbum quod pepigi uobiscum, cum egredimini de terra Aegypti, & spiritus meus

erit

erit in medio uestrum. Nolite timere, quoniam hæc dicit Dominus exercituum. Adhuc unum modicum, & ego commouebo cœlum & terram, & mare, & aridam, & mouebo omnes gentes. Et ueniet desyderatus cum istis gentibus, & implebo domum istam gloria, dicit dominus exercituum. Meum est argentum, & meum est aurum, dicit dominus exercituum. Magna erit gloria domus istius nouissimæ, plusquam primæ, dicit Dominus exercituum. Et in loco isto dabo pacem, dicit Dominus exercituum.

Summa totius huius textus est, quod Dominus ostendit gloriam domus secundæ, siue templi, quod posteaquam erepti fuere à Babyloniorum seruitute, edificauerunt, futuram sublimiorem gloria prioris templi. Verum speciatim sunt omnes partes eius enarrandæ.

Igitur primum prophetiæ tempus scribitur, nempe dies uicesima prima septimi mensis, anni secundi Darij regis, uidelicet uno fermè mense à die, quo opus ædificationis domus domini reassumpserant.

Secundo, confortat eos in opere, & hortatur, ut progrediantur & nihil absterrentur, pro eo quod nihil esse uidebantur, quæ faciebant, cum his quæ erant in priore templo, promisitq; se illis affuturum.

Tertio, reuocat illis in memoriam promissiones, quas fecerat eorum patribus, cum ab Aegypto egrederentur,

FRANC. LAMB. IN AGGEVM

q̄ scilicet eligebat semen eorū in populū suum, quē nunq̄ esset deserturus, tametsi eos flagellaturus erat in tempus, quasi pater corripiēs filios aberrantes. O amabile uerbū. Prius se cū illis esse dixit, deniq; & uerbū suum illis inculcat. Quod. Verbum meum æternum, & inuariabile est. Eius ergo memoremini in fide, nihil dubitantes, q̄ implebitur. Agnoscite me summam ueritatem esse, & fidelem in omnibus promissis meis. Flagellauī uos, sed nō omnino cōterā, aut delebo. Deu. 4. Ideo spiritus meus in medio uestri erit, per quē fiet ne in solidū à me abijciamini, etiā si non nulli à me apostatarint. O q̄ miræ potentiæ est sermo dei, his qui credunt in eum. Propter quod & frequenter in mētem est reuocandum, ut Dei ueritatem & immutabilitatem agnoscamus, discamusq; fidere illi, qui nunquam deserit sperantes in se.

Quarto, asserit gloriam secundæ domus fore maiorem gloria prioris. Quod certe non fuit in apparatu externo, & sumptibus ædificij, sed ob Christi præsentiam, qui in ipsum templum sæpissime uenit & ī eo docuit. Id aut̄ insigni promissione facit, dicens: Adhuc modicum (supple temporis) & ego commouebo cælum & c. Varie de hac commotione multi sentiunt, sed frustra. Nimirum exponenda est per eum, qui uenturus mox prædicitur, Christum scilicet, qui fuit desideratus cunctis gentibus. A quo desideratus? Non dubium, à sanctis Patriarchis, & Prophetis, atq; etiam omnium gentium electis, qui eius aduentum desiderarunt, pro uniuersarum gentium salute. Ab omnibus

omnibus autē gentibus non fuit simpliciter desyderatus, nisi quis diceret, eos in genere concupiuisse uerū bonum, ueramq; salutē. Cupit enim oīs homo, bonū aliquod, quod sibi satis sit, tametsi qd'eligere debeat, nescit. Specialiter ergo nō fuit illis desyderatus, sed solum generaliter.

Igitur cum uenire dignatus est, cōmouit cœlum, terram, & mare, id est, regiones maritimas & insulas. Cōmotum est cœlum inæstimabili angelorum gaudio, ad aduentum illius bonumq; nostrum exultantiū. Commota est terra et mare, quia gladiū misit in terram, quo carnales à spiritalibus, & fideles ab incredulis seiunguntur. Nonne magna fuit cōmotio hæc? Et certe ueritate exorta, non potest mundus non commoueri, quod & Christi & apostolorū diebus uisum est, et nunc luce clarius experimur. Sic quippe etiā aduersus ipsum Christum cōmota est terra, ut non ualuerit sustinere uitam eius. Neminem autem moueat, quod hic primum dicitur: Ego commouebo &c. & postea subiungitur. Et ueniet desyderatus &c. Simul enim hæc sunt capienda, nempe q̄ ipsa commotio foret, cum adueniret Christus. Deniq; hæc particula: Et ueniet desyderatus &c. est responsio ad dubium, quod hic posset inquiri. Cum enim dixit: Adhuc modicum, & ego mouebo &c. Peti hic studiosa mens. Quid est quod dicitur? Adhuc modicū, siue breui, & mouebitur cœlū &c. Per quid erit ista commotio? Et respondet spiritus Dei. Veniet desyderatus cunctis gentibus, ac si diceret: Per eum fiet ista commotio.

FRANC. LAMB. IN AGGEVM

Huic aut expositioni bene conueniunt quae subiunguntur. Et implebo domum istam gloria, quod absque dubio de Christi praesentia intelligitur, qui ut diximus, in eam saepe uenit, et per semetipsum in ea euangelizauit. Et addit Dominus: Meum est argentum &c. Non intelligit aliud, ut puto, quod spectat ad literam, seu historiam, quam quod prouideret eis de omnibus necessarijs ad eiusdem templi aedificationem, et ideo de impensarum multitudine nihil dubitarent, quod omnia illis erat abunde largiturus. Sed quod attinet ad allegoriam, per aurum et argentum non incongrue Dei sapientia et uerbum capitur, quemadmodum angelo Laodiciae dicit Christus, Apoca. 3. Suadeo tibi emere à me aurum ignitum, probatum, ut locuples fias. Porro huius domus nouissimae gloria fuit maior, quam prioris, quod Christus in secundam in carne assumpta personaliter uenerit, in priorem uero nequaquam. Multis quoque in eo loco fuit per Christum pax data, dum pacis Euangelium in ea fuit annuntiatum, tam ab eo, quam ab Apostolis eius.

Ad haec, quia sicut paulo ante habuimus, uera Hierosolyma, Ecclesia est, et eadem etiam templo figuratur, de ipsa et hic locus capitur: Magna erit gloria domus istius nouissimae, plusquam primae, et in loco isto dabo pacem, dicit Dominus. Verus quippe Solomon dominus Iesus Christus aedificauit domum suam Ecclesiam mira cum gloria, et sua uisibili praesentia, et praedicatione maiorem in modum collustrauit eam. Magna quoque fuit gloria ecclesiae

clesiæ tum in tot & tam gloriosis signis, quæ tam per se-
ipsum, quàm per discipulos suos operatus est. Demum
studio pseudoprophetarum & Antichristorum, ingentẽ
ruinam passa est Ecclesia, & abscondita ueritate eloquio
rum dei, omnis decor eius sic ablatuſ est, ut uix Ecclesiæ
Dei uestigia cernerentur. Siquidem omnes fidelium terras
nocentissimæ humanarum traditionũ spinæ repleuerãt,
& sermo domini nullibi pure & simpliciter nũciabatur.

Porro absq; ipso Dei sermone non potuit domus eius
etiam externa recte ædificari. Ideo missi fuerunt à Domi-
no Aggeus & Zacharias, qui Iudæos in opere sancto ro-
borarent & confortarent. 1. Ezræ. 5. Neq; ante cœpe-
runt ædificare, donec illi prophetarunt, aut saltẽ primus
ex eis, nempe Aggeus. Similiter ædificari nequit sacrosan-
cta Dei Ecclesia, nisi ueritate annũciata: proinde ante an-
nos aliquot erat Ecclesia in ruinis suis, donec misit uerbũ
suum, per seruum suum Martinum Lutherum, & alios,
quibus prophetantibus, ruinæ eius incipiunt reparari.

Per id cõmouentur cœlũ, terra, maria, & orbis totus, q̃
carnales nolint, ædificari templum Dei nostri. Nos autem
putemus nobis missum Aggeum, qui cohortatur nos ad
domus Dei restorationem, & cum illo uniuersos electos
adhortemur, neq; cessemus donec consummetur hoc dei
opus. Nihil quoq; dubitemus, q̃ tametsi non ædificemus
eam cũ ea externa gloria, qua olim Christus & apostoli,
scilicet cum uisibili præsentiâ Christi, & manifestissimis
prodigijs, tamen ubi tandem opus erit consummatum,

maior erit gloria eius quàm à principio, in fidelium multitudinem & uera sanctitate. Quandoquidem tum & gentes & Israël in unum cōuenient. Hactenus abiectus Israël fuit, & eius abiectio fuit reconciliatio mundi, donec ingressa plenitudine gentium, & ipsi assumantur, eorumq; assumptio fiat mundo quasi uita ex mortuis. Et quemadmodum abiectio eorum publica, sic & assumptio manifesta erit. Abscisi sunt manifeste, ut infereremur: uerū denuo inferentur & illi in naturalem suam radicem, & id palam quidem. Quis abnegabit futuram sublimiorem Ecclesiæ gloriam Israël assumpto, quàm eodem abiecto? Si magna gloria fuit assumptis gentibus, maior indubie erit, assumpto simul Israël. Magna fuit eius gloria, multis gentibus per uerbum sanctum deuictis, quis ambigit tum futuram maiore, cum & totum Israël, & gentes uniuerfas deuincet? Hæc est gloria, quæ in ultima uisiōe Ezechielis per admirabilem templi descriptionem figuratur, de qua & in eodem Ezechiele, Deo uolente agemus.

Magna ergo fiducia, futuræ Ecclesiæ gloriæ, ædificemus eam, & ad idem uniuersos adhortemur. Nihil timeamus ac diffidamus pro necessarijs sumptibus, sed audiamus Dominum dicentem: Meum est argentum, meum est aurum. Ego uobiscum sum, nolue timere. Argentum & aurum eiusmodi, e'loquia Dei sunt. Argentum quippe sunt, igne examinatum, probatum terræ, purgatum septuplum. Psalm. 11. Desyderabilia super aurum & lapidem preciosum multum, & dulciora super mel & fauē.

Psalm.

Pſalm. 118. Quæ, ſeruus diligit, ſuper aurum & Topazion. Pſal. 118. Huius nimirum ſanctiſſimæ domus ſtructura non terreſtri, quod in uenis terræ homines fodiunt, ſed nouo & cœleſti ueritatis argento, nouo q̃; auro, à Deo reuelato & infuſo, ualet conſummari.

P A R S S E C V N D A.

In uiceſima & quarta noni menſis, in anno ſecundo Dai ij, factum eſt uerbum Domini, ad Aggeum Prophetam, dicens: Hæc dicit Dominus exercituum: Interroga ſacerdotes legem, dicens: Si tulerit homo carnem ſanctificatam, in ora uestimenti ſui, & tetigerit de ſummitate eius panem aut pulmentum, aut uinum, aut oleum, aut omnem cibum, nunquid ſanctificabitur? Reſpondentes autem ſacerdotes, dixerunt: Non. Et dixit Aggeus: Si tetigerit pollutus in anima ex omnibus hiſ, nunquid contaminabitur? Et reſponderunt ſacerdotes, & dixerunt: Contaminabitur. Et reſpondit Aggeus, & dixit: Sic populus iſte, & ſic gens iſta ante faciem meam, dicit Dominus. Et omne opus manuum eorum, et omnia quæ obtulerunt ibi, contaminata erunt.

Nondum completo domus Dei opere, multi offerebant sacrificia, quæ deus non alibi quàm in templo suo præceperat offerri. Semper autem id summe exegit à fidelibus Deus, ut non proprijs inuentis, sed solo Dei uerbo regerentur. Putabant Iudei, se rem Deo acceptã facturos, si multiplicarent sacrificia sua, ut puto eodem sensu, quo nostri seculi Pharisei, qui execrabili cõmento ac mendacio dicunt id deo acceptius, quod gratis, & illo non iubente facimus. At Deus abominatur omne inuentum hominis, q̃ non nisi mendacium esse possit. Si quidem omnis homo mendax. Psalm. 115. ideo misit Aggeum, qui increparet Iudeorum superstitionem, ostenderet q̃ eorum sacrificia Deo odibilia esse. Porro id facturus interrogat primum sacerdotes, an res, quam uestimentũ ex tactu carnis holocausti sanctificatum, contingit, sanctificetur. Cui illi: Non. Sola enim quæ sacrificij carnes tãgebant, sanctificabantur, non illa quæ contingebant, prius sanctificata per tactum, ut patet Leui. 6. Quare p̃to significari, eos solum sanctificari, qui dominum IESUM Christum, uerum sacrificium nostrum fide contingunt, non eos qui tangunt prius sanctificados per eum. Contingunt autem eos, qui illis fidunt & herent: ut sunt, qui sanctos inuocant, & putant se eorum precibus iustificari ac sanctificari posse, quod solius Christi est. Sanctificata fuit beata Maria & sancti omnes, quia fide Christo hæserunt, & nos non possumus alioqui sanctificari.

Quisquis ergo iustificari & sanctificari desiderat, uide

ut ne fide contingat sanctificatos, sed adcedat ad ipsum iustificationis ac sanctificationis fontem Dominum IESVM Christum. Alioqui ubi se putabit sanctificari, tum omnium maxime contaminabitur. Et uere nunquam non fuere contaminati, qui alienis à Christo adhæserunt, & crediderunt se eorum meritis, sanctificationem consecuturos.

Deniq; interrogauit eosdem sacerdotes, an res tacta ab eo, qui pollutus est ex contactu morticini, aut aliâs, ut habetur Leui. 5. 15. & .22. contaminaretur. Cui illi. Contaminatur Ex quorum responsione, sumpsit prophetandi rationem, sic iubente Domino, & ait: Sic populus iste, & gens ista, ante faciem meam, supple polluta est, dicit Dominus, itidem omnia eorum opera & sacrificia, quantūlibet in faciem iusta uideantur, contaminata sunt. Quid hoc sibi uult, quod id quod tetigit res polluta, contaminatur, quod uero tetigit res sanctificata, non sanctificatur? Diximus, necessum fore ad sanctificationem, ut petatur omnis sanctificationis fons, nempe, Deus & Christus eius. Quidquid enim est alioqui sanctum, in mensura, adcepit sanctificationem, pro se ipso scilicet, uerum alteri incommunicabilem. Cæterum fide in Christum purificamur. Acto. 15. & ex ea absq; legis operibus est iustitia, ut late patet. Rom. 3. & .4. & Gal. 3. At omne aliud à Domino cum eo collatum impurum est, & omnis homo à se ipso impurus, & à solo Domino purus effici potest, cum scilicet peccati impuritas illi remittitur, & non

FRANC. LAMB. IN AGGEVM

imputatur. Siquidem is tantum est beatus, purus, & sanctus, cui ille peccatum non imputat, Psal. 32. Quod si de-
nuo uult imputare aliquid impuritatis, ut olim ex mortuo-
rum contactu, figuratiue ostensum fuit, polluius est, do-
nec iterum purgetur. Et quemadmodum, pollui olim in
anima seu persona, uita, aut conuersatione, ob mortuos,
polluebant, quidquid contingebant (etenim immunda
erant, donec purgarentur) ita omnia opera & sacrificia
incredulorū, qui fide haudquaquam purgati fuere, omni-
um scilicet, qui Dei sermonibus non simplicissime adque-
scunt, & credunt, peccata, adeoq; immunda, abomina-
bilia, & execrabilia coram Domino sunt. Nimirum quid
quid non est ex fide, peccatum est. Roma. 14. Nullum autē
increduli opus, ex fide esse potest. Sic & opera ac sacrifi-
cia Iudeorum, quæ sine uerbo & fide faciebant, quantum
uis se bene agere putarent, impia & polluta erāt corā
eō, cuius oculi respiciunt fidem. Hie. 5. et cuius omnia ope-
ra sunt in fide. Psal. 32. Quandoquidem omne opus Dei,
quod scilicet omnia ab eo sint, sola fide intelligere uale-
mus, & inter hæc sola fide iustificamur, & sanctifica-
mur, quæ sola cum fructibus suis, Dei opera sunt. Ioan. 6.
Hoc est opus Dei, ut credatis in eum quem misit ille.

P A R S T E R T I A.

Et nunc ponite corda uestra à die hac & su-
pra, antequam poneretur lapis super lapidē
in tem-

in tēplo Domini. Cum adcederetis ad aceruum uiginti modiorū & fierēt decem, & intraretis ad torcular, ut exprimeretis, quinquaginta lagenas, & fiebant uiginti. Percussī uos uento urente & aurigine, & grandine, omnia opera manuum uestrarum, & non fuit in uobis qui reuerteretur ad me, dicit dominus. Ponite corda uestra, ex die ista, & in futurum, à die uicesima & quarta noni mensis, à die qua fundamenta iacta sunt templi Domini. Ponite super cor uestrū. Nunquid iam semen in germine est, & adhuc ficus, et uinea, & malogranatum, & lignum oliue, non floruit? Ex die ista benedicam.

QUæ præce. cap. partibus secunda & quarta habuimus, hic pariter habes, nempe, quod nihil prosperare successerit iudeis, quā diu non adqueuerit simpliciter uerbo Domini. Adijcit autem uerbum promissionis, redeuntibus ad opus Dei. A modo, inquit, benedicam uobis, hoc est, multiplicabo bona uestra, & uobis auxiliabor. Inculcat autem toties, ut ponant cor suum, id est, obseruent, qua ratione de illis iudicium fecerit Deus. Nimirum omni sinceritate & uigilantia illius iudicia meditari debemus, sicut scriptum est. Beatus uir qui in lege domini die ac nocte meditatur. Psal. 1. Rursumq; psal. 118. Beati qui scrutantur testimonia eius. Iudiciorum autē domini

domini summa est, quod uarie agit cum incredulis & fidelibus, cum his qui non mox suæ iussioni obediunt, & his qui eidem parent.

Obseruandum quoq; nobis, quàm mirifica sint iudicia Dei, quàm uidelicet omnes qui uerbo suo adquiescunt uiuet, ac consoletur, etiam si externe aliquid pati uideantur, itidem quàm miro ordine torqueat et puniat impios, etiam si alioqui gloriosi adpareant coram hominibus. Iudicia Dei abyssus multa. Psal. 35. Verum desiderabilia super aurum, & lapidem pretiosum multum, & dulciora super mel & fauum. Psal. 118.

Quod hic habes, iudæos fundamenta templi iecisse, non est intelligendum de prima fundatione eius, quæ fuit mox, posteaquam rediere à Babylone, nec de præparationibus ad ædificium, quas inceperunt, die uicesima quarta sexti mensis, anni secundi Darij Regis suprà cap. primo, sed de die uicesima quarta noni mensis eiusdem anni secundi Darij, in qua simpliciter puto eos misisse aliqua fundamenta, nondum posita, & super fundamentis prius iactis iterum ædificasse. Alia quæ in textu habentur, sunt aperta.

P A R S Q U A R T A.

Et factum est uerbum Domini secundo ad Aggeum, in uicesima quarta die mensis (nō dubium, quin noni) dicens: Loquere ad Zorobabel

robabel ducem Iuda dicens : Ego mouebo
 cælum, pariter & terram, & subuertam soli
 um regnorum, & conteram fortitudinem
 regni gentium, & subuertam quadrigam et
 ascensorem eius, & descendent equi, & ascen
 sores eorum, uir in gladio fratris sui. In die
 illa, dicit Dominus exercituum, assumam te
 Zorobabel fili Salatiel, serue meus dicit Do
 minus, & ponam te quasi signaculum, quia
 te elegi, dicit Dominus exercituum.

OMnium consensu, hic de Christo agitur. Solus con
 tradicit, cæcus ille Iudeus Rabi Solomon, & com
 plices eius. Et quemadmodum Christus per Da
 uid significatur. Hiere. 30. Ezechi. 34. & 37. & Osee. 3.
 ita & hoc loco capitur per Zorobabelem, in ultimo uer
 su, uidelicet. In die illa &c. Nam quæ præcedunt, ipsi Zo
 robabeli sunt dicta. Promittit autem idem quod præceden
 ti capite, nempe, quòd esset moturus cælum & terram,
 non dubium quin dum ueniret ille, qui erat, & est deside
 ratus cunctis gentibus. Cæterum qua ratione futura esset
 ipsa cōmotio, suprà diximus, quòd ueruntamen hic aper
 tius monstratur. Ait enim quòd in ea commotione, subuer
 teret solum regnorum &c. Cum enim Regnum omni
 um sæculorum Christo datum est, suscepit potestatem ut
 omnia conterere posset. Psal. 2. imò & de facto conterit,
 mox ubi fides eius suscipitur. Quod & aperte Danielis
 secund.

Secundo habetur. Nonne ipse est, qui omnem in fidelibus altitudinem conterit, & facit eos uere humiles? Nam quot quot non omnibus iussionibus eius adquiescunt, sed a se-ipsis regnare, dominari, & regi uolunt, nihil minus quā fideles sunt. Verbum Dei maxime oppositum est, carnalium tum principum tum aliorum adfectibus, ideo eo reuelato commouentur, & perturbantur. Damnatur per illud omnis seculi altitudo, & quidquid non est ex fide, etiam si alioqui bonum, pulchrum, magnum, sublime, & omni ex parte laudabile adpareat, quod mundus sustinere non potest.

Igitur Christus omnia regna destruit, aut melius subuertit, mox ut in ea mittit manū suam. Destruit quod malum est, ut ædificet quod est bonum. Tum subuertit solum regnorum, cum facit ut Reges & Principes ad eum uere conuersi, quasi non Reges sint, nihilq; fidentes regnorum fastigijs, se Dei ministros & seruos agnoscant. Conterit fortitudinem regni gentium, dum infidelitatem, & quidquid gentilicium est, sui uerbi ac spiritus inuicta potentia destruit. Subuertit quadrigas & ascensores earū, & equos & ascensores eorū dum facit, ut non ultra quis fidat curribus, equis, equitibus, aut cuius munitio.

Est quoq; alia cōmotio futura per Christū, qua omnem principatum potestatem & uirtutem auferet, & conteret, de qua. 1. Corin. 15. Quæ tū solū est futura, cū omnia erunt consummata, & finito iudicio mundi, filius reddet patri regnum, ut sit ipse omnia in omnibus.

Ait autem Christo homini Dominus Deus exercituum. Adsumam te, in unam personam mecum in illa die, in temporis plenitudine, o Zorobabel, fili Salatiel, Christe scilicet, qui ita es filius Salatiel, sicut Dauidis. Zorobabel etiam uocatur, eo quod ex semine Zorobabelis natus sit, sicut Dauid uocatur locis paulo ante allegatis, eo quod secundum carnem ex eius semine prodierit. Et ponam te sicut signaculum, non dubium, quin salutis omnibus fidelibus, et in signum cui contradicetur, quem locum aperti-
us declarauimus. Lucae. 2. ibi. Ecce positus est hic &c.

Quare autem id facies ut eum ponas in signaculum, o Deus? Quia, inquit, te elegi. Electus ergo est Christus solus, non Angeli, non sancti, non Papa, non alij quicunq; in signaculum, quod sequamur et imitemur, illiq; fidamus, per eum solum sperantes, nos Dei gratiam consecuturos, foreq; participes, iustitiae ueritatis, et omnium bonorum: Cui cum patre et spiritu sancto, sit honor, gloria, decus, et imperium in secula seculorum, AMEN.

Commentariorum Fran. Lamb. Auenionen.
in Aggeum Prophetam, Finis.

Commen-

COMMEN-

TARIORVM FRANCISCI LAM-
berti Auenionensis, in Zachariam
Prophetam,

PROLOGVS.

Quo tempore, & qua ratione missus fuerit Zacharias, diximus in prologo Aggei, qui ipsi Zachariae fuit contemporaneus, tametsi ante Zachariam Aggeus coepit prophetare. At Zachariae prophetia, multis nominibus admirabilis, nonnulla subobscura, et nonnulla, imò plura de Christo et Ecclesia manifestissime continet. Fuit namq; eius officium lege inculcata, Christi & Ecclesiae mysteria prænunciare. De prophetia proprio libello egimus. Et ideo si de hac re plura à nobis desideras, hunc lege.

Porrò huius Prophetae obscuritas, in uisionibus ac mysticis locutionibus est. De uisionibus autem, id obserua, quòd raro omnes earum partes intelligi possunt, imò neq; ipsi propheta easdem saepe intellexerunt. Quis enī satis agnouit omnium partium cuiuslibet uisionis speciales causas, si tamen aliquae sunt? Nam saepe non nisi summa est requirenda.

Ceterum

Ceterum uide, ne id genus Dei mysteriorum intelligentiam unquam tribuas industriae, arti, ingenio, literis politioribus, experientiae, linguis, ne per id blasphemes Deum, & seducaris, tribuens alienis, quod ad unum dei spiritum attinet. Quemadmodum enim sensum hominis, agnoscit hominis spiritus, qui in eo est, & non alius homo, ita & quae Dei sunt, nemo nouit nisi spiritus Dei. 1. Corin. 2. Horum namque interpretatio non est priuata uoluntatis, sed ipsius spiritus Dei, per quem reuelat in Ecclesiae caelo mysteria sua. Daniel. 2. At de his plenius dicto libello de prophetia.

EIVSDEM ARGVMENTVM

in eundem Prophetam.

Institutionem Hierosolymae & templi Dei, Zacharias praenunciat, ad idque animat populum Iuda. De Christo et Ecclesia insignia ualde habet. Specialiter autem capite primo, admonet ut conuertantur ad Dominum, & ne sequantur errata parentum. Videt Angelum inter myrteta, & equos rufos, uarios albosque sequentes. Prophetat uerba bona & consolatoria, pro Hierusalem & Sion. Videt quoque quatuor cornua & fabros, & super his prophetat aduersum hostes populi Dei.

Cap. 2. De Angelo proficiente ut Hierosolymam metiretur, quodque absque muro foret habitanda, quod Dominus ipse, est murus & gloria eius. Admonet populum

H suum

A R G V M E N T V M.

suum per orbem dispersum ut fugiat è Babylone. Subiungitur in signis prophetia de Christo, & gentium conuersione, & quòd sint futurae cum Iuda in populum domini.

Cap. 3. Increpatur Satan, & Iesus filius Iosedech sacerdos magnus, exiit sordidis uestibus, induitur nouis & mutatorijs, auferturq; ab eo illius iniquitas, & per uias Domini ire iubetur, ut in sacerdotio permaneat. Prophetat de Oriente seruo suo, nempe, Christo Deo & homine, lapideq; uno, super quo sunt oculi septem, hoc est, septem spiritus Dei. Hunc lapidem dedit coram dicto sacerdote. Prædicit se absconsurum eiusdem lapidis celsaturam, non dubium quin impijs, & ablaturum iniquitatem terræ, id est, filiorum Ecclesiæ, illisq; pacem & letitiam daturum.

Cap. 4. Videt candelabrum aureum, cum lampade, lucernis, infusorijs, & duabus oliuis. Petit sibi interpretari uisionem, quod & fit. Magna hic habes.

Cap. 5. Videt uolumen uolans, quo figurabatur maledictio, & iudicium Domini aduersum fures, & iurantes in nomen Dei mendaciter. Videt quoque amphoram impietatis, deferri in Babyloniam, ut in ea sedem habeat. O magnum mysterium.

Cap. 6. Videt quatuor quadrigas cum equis differentibus, in typum quatuor regnorum. Præcipitur quoque Zachariæ, ut sumptis argento & auro fabricet coronas, ponatq; eas super caput pontificis, & tū prophetat de regno

de regno & sacerdotio Christi. Seruatur post hæc corona in templo in memoriam perpetuam.

Cap. 7. Sacerdotibus et Prophetis, quæstio de ieiunio & fletu proponitur. Damnatur hypocrisis ieiunantium & fletuum sibi, non Domino. Multæ dehinc sacræ iussiones adnectuntur.

Cap. 8. Prophetat de reuersione Domini ad Hierusalem & Sion, quod sit futura populosa, quod Deo nihil difficile, quod dispersi electi, sint in eam congregandi, quæ potissimum de Ecclesia Dei capiuntur. Admonet ut confortentur uerbo D O M I N I, & ut expendant iudicia sua, & necessaria mandata subiungit. Post hæc dies ieiuniorum, mutat in dies lætitiæ. De gentibus se inuitantibus ut ueniât ad Ecclesiam Dei, & de uiris decem, apprehendentibus simbriam uiri Iudæi.

Cap. 9. De gentium conuersione & sanctificatione, de aduentu C H R I S T I Regis nostri super asinam, quod omne robur carnis sit ab Ecclesia dissipandum, de dilatatione regni C H R I S T I, quod per eius sanguinem uincti soluuntur. Præcipitur uinctis spei, ut se conuertant ad munitionem, & illis duplicia spondet. Prophetat de ueræ Sion uictoria, aduersum Græcos, id est, omnes Gentes. De potentia uerbi Dei ac ministrorum eius.

Cap. 10. Iubetur populo, ut petat à Domino uerbi Dei aquas, ne sint infrugiferi. Damnantur doctrinæ

H 2 demon

A R G V M E N T V M.

Dæmoniorum, & spirituum impostorum, & ostenditur, quòd propterea captiuitatem incurrerant. Promittitur Dei populo, uictoria, pax, reuersio in terram suam, & congregatio: Assur uero & Aegypti, hoc est, incredulorum humiliatio prædicitur.

Cap. 11. De Hierosolymæ & templi euerfione per Romanos, quòd non parceret habitatoribus terræ, pro eo quòd ouibus pastores non parcebant, quòd tradet unumquemque in manu proximi ac Regis sui. De mysterio duarum uirgarum, decoris & funiculi, de precio 30. argenteorum, quibus ab eis adpreciatus est. De pastore stulto, & idolo. Facit hoc caput maxime contra Antichristos, & impios Iudeos.

Cap. 12. De obsidione Hierosolymæ, & quòd sit futura in lapidem oneris cunctis gentibus, ac de populis illi aduersantibus percutiendis amentia & cecitate. Quòd sit miserturus Iudeæ & Hierosolymæ, cuius duces uastabunt hostes suos, haud secus atque ignis. Quòd Deus sit protecturus eam, ab hostibus. De effusione spiritus gratiæ super domum Dauidis, de planctu super Domino, quem confixerunt: De planctu magno in Hierusalem per singulas familias Israël.

Cap. 13. De fonte patenti domui Dauidis, Ecclesiæ scilicet: De ablatione omnis idololatriæ & mendacij. Quod tanta erit ueritatis dilectio, ut parentes sint confixuri proprios filios mendacium prophetantes. De fra-

mea

mea suscitata super pastore: De pastore percusso, & dispersis ouibus gregis. Et ibi multa de Christo.

Cap. 14. De captione ac uastatione Hierusalem, & diuisione spoliolum in medio eius, de Domino, pro populo suo aduersum gentes præliaturo, de scissione montis oliuarum, de die uota Domino, in cuius uespere erit lux.

De aquis uiuis, perpetuo egredientibus ex Hierusalem, & se diuidentibus ad mare orientale & nouissimum, quod Deus sit ubiq; regnaturus, de uera Hierusalem exaltanda & habitanda in loco suo: de plaga hostium Hierusalem, et præter id multa admodum insignia de ipsa Hierosolyma.

H 3

Incipit



INCIPIT ZACHARIAS

Propheta.

CAPVT PRIMVM.

Summarium Capitis-Primum, in mentem illis reuocat iram suam, & admonet, ut conuertantur. Secundo, uetat ne patrum errata sequantur. Tertio, uidet Angelum & equos inter myrteta, & super his prophetat. Quarto, uidet quatuor cornua & fabros.

PARS PRIMA.

IN mense octauo, in anno secundo Darius Regis, factum est uerbum Domini ad Zachariam filium Barachiae, filium Addo, Prophetam, dicens. Iratus est Dominus super patres uestros iracundia, & dices ad eos. Hæc dicit Dominus exercituum. Conuertimini ad me, ait Dominus exercituum, & conuertar ad uos dicit Dominus exercituum.

De tem

DE tempore prophetiæ in prologo uisum est. Igitur hoc loco in primis est obseruandum, quòd fuerit sollicitus dominus, ad operis domus suæ con= summationē multiplicare Prophetas, mittens nedū Aggeum, sed et Zachariam, et alios, etiā si nomina singulorū ignoremus. Parum quippe fuisset ædificare, nisi et ex fide id scissent, idcirco opus fuit, ut continuc docerentur, quā opoteret eos in magna fidei synceritate, ipsum opus perficeret, ut Deo gratum esset. Sæpiissime aut inculcat, quòd uerba sint Dei, ut nihil aliud quàm ipsissima Dei eloquia hic esse uitemus. Quæ replicatio insignis est, in Prophetis omnibus. Quo et nos docemur, ne ullum omnino uerbum aliud, annunciemus populo Dei, quàm ipsum Dei uerbum, et solum quidem. Veh his quidiuinis eloquijs, humana sterora, et æternis ueritatibus, figmenta seu mendacia hominum permiscant.

Deinde ab ipso prophetandi initio proponit exemplum, patrum impiorum, qui eos præcesserant, quòd scilicet aduersus illos fuerat uehemēter adiratus, ille cuius ira, non est aqua mutatio, sed æterni eius decreti signū et manifestat adimpletio, qua in tempore facit, quæ in æternitate, at immutabiliter proposuit. Cuius iracūdia non passionens sed effectum eius punitionis, ac perpetui inuariabilisq; tñ iniquitatis significat. Idcirco aut meminit de eorū patibus, ne fieret apostasiæ eorū imitatores, et contingeret e similitur experiri, horrendam manū, uehementis furoris atq; iracundiæ eius.

FRANC. LAMB. IN ZACHARIAM

Alia quoque ratione eorum memoriam facit, ut scilicet agnosceret, quod ipse idem erat, qui dixit. Ezech. 18. Filius non portabit iniquitatem patris, nec pater filij. Qui etiam seminis impiorum misertus est, non eorum meritis, sed propter semetipsum, quia ita ab æterno preposuit, & ut seruaret uerbum quod promiserat Abrahamo, & sanctis patribus, in testamētum æternum. Etenim fieri nunquam potuit, ut impiorum patrum cordum & infidele, Dei fidem siue promissionem irritam acceret. Roma. 3. Sed oportuit, ut secundum præfinitionem dei, sua iustitia, per nostram iniustitiam redderetur commendabilior, prout ibidem aperte hæc ex Paulo.

Ait post hæc Deus. Conuertimini &c. Quæst quod prius dixit: Conuertimini ad me, denique subiunxit, & ego conuertar ad uos? Quis potest prius ad eum conuerti, quàm deus se ad eum conuerterit, & misericorditer inclinarit?

Conuerti enim ad dominum, est in eum ire credere, quod nemo facit, præter eum quem suspiritu docuerit, & ad se traxerit. Infrà quoque. 5. capite ait, se qui ante eos proiecerat, eos conuersurus. Certum est autem, quod posteaquam eos proiecerat, prius haudquaquam ante conuerti ualebant, quàm ei deus illustraret & doceret spiritu suo, quæ illustratio nihil aliud, quàm dei conuersio ad nos est.

Igitur

Igitur observa, duplicem esse conuersionem, quarum neutra sola esse potest. Prima est conuersio Dei ad nos, quæ nostræ salutis initium est. Secunda, qua ad Deum conuertimur, & hæc ad priorem mox consequitur. Harum utraq; necessaria est, ut uere ad dominum conuertamur. Est ergo ipsa conuersio, non tam nostrum quam Dei opus, quo circunciduntur corda nostra, eorūq; durities auferitur, daturq; nobis cor carneum & tractabile omnibus Dei iussis uoluntarie acquiescens, de quo Ezech. 36. Auferam cor lapideum de carne uestra, & dabo uobis cor carneum, & spiritum nouum ponam in medio uestri. Et faciam, ut in præceptis meis ambuletis, & iudicia mea custodiatis & operemini.

P A R S S E C V N D A.

Ne fitis sicut patres uestri, ad quos clamabāt Prophetæ priores, dicentes: Hæc dicit dominus exercituum. Conuertimini de uis uestris malis, & de cogitationibus uestris pessimis, & non audierunt neq; attenderunt ad me, dicit dominus. Patres uestri ubi sunt & Prophetæ? Nunquid in sempiternum uiuunt? Veruntamen uerba mea, & legitima mea, quæ mandauī seruis meis Prophetis, nunquid non comprehenderunt patres uestros? Et conuersi sunt, & dixerunt: Sicut co-

gitauit Dominus exercituum facere nobis secundum uias nostras, & secundum adinventiones nostras, ita fecit nobis.

Vbi sunt, qui nunc sermone domini reuelato, nō erubescunt asserere, q̄ iuxta patrum nostrorū, ac eorū qui nos antecesserūt fidē & obseruationes sit ambulandū? Quid dicēt ad hoc uerbū domini? Ne sitis sicut patres uestri &c. Habuerunt illi pseudopphetas, sicut & nos multis seculis habuimus, uiuitq; adhuc ex eis multitudo non parua, qui insaniunt in cunctos, qui in dei nomine ueritatem prophetant. Eiusmodi pseudopphetis consenserant impij ex Israël, calcantes Hieremiam & alios Prophetas Domini. Proinde captiuatae fuere decem tribus, & destructa Hierosolyma, regnum Iuda euersum, & desolatum per annos septuaginta. Hic dignatur optimus ipse D E V S, & pater omnium, commonefacere eos, quos immensa bonitate ex Babyloni orum seruitute liberos fecerat, ne parentum errata sequerentur.

Profecto & ad nos spectat hæc admonitio, immo præceptum, quo nobis iubetur, ut antecessorum nostrorum errata & obseruationes haudquaquam imitemur. Nimirum intutissima res est, & qua nulla intutior, sequi homines, aut eorum mores, scripta, sermones, solum autē ibi omnia tuta sunt, ubi æternus Dei sermo diligitur & seruatur.

Dicebant

Dicebant prophetae sancti: Conuertimini ad Dominum à uis uestris pessimis, alioqui disperitis, & hæc aut illa mala, uel nolentes perferetis. Sed nihil horum uolebant impij, magis acquiescentes falsis prophetis, qui dicebant: Non ueniet super uos malum. Propter quod & ingrauata est super eos manus Domini. Idcirco eorum filij à captiuitate reuersi, ait: Patres uestri ubi sunt, & Prophetae? non dubium, quin falsi. Patres qui non attendebant, sed aspernabantur sermones Domini, & prophetae loquentes mendacium.

Nunquid in sempiternum uiuent? Quasi diceret: Disperiere, neque erunt participes sempiternae gloriae dei. Sic & disperibunt pseudoprophetae seculi huius, & quot quot illis subscribunt.

Sed nunquid omnes disperiere? Nunquid omnes in incredulitate manserunt? Absit. Nam & nonnulli postea quam uiderunt, quæ Dei prophetae prædixerant, adimpleta, resipuere & dixerunt: Sicut cogitauit Dominus &c. O uere sanctam confessionem. Fac D O M I N E, ut uniuersi, quos Anticristi prophetae seduxerunt, resipiscant, & idem profiteantur. Conuerite illos ad te, & conuertentur. Alioqui quis poterit redire ad te? Trahe nos post te, & tum curremus, quocumque præceperis.

P A R S T E R T I A.

FRANC. LAMB. IN ZACHARIAM

In die uicesima quarta undecimi mensis sabbath, in anno secundo Darij, factum est uerbum Domini ad Zachariam filium Baraschiæ filium Addo Prophetam, dicens: Vidi per noctem, & ecce uir ascendens super equum rufum, et ipse stabat inter myrteta, quæ erant in profundo, & post eum equi rufi uarij & albi. Et dixi: Qui sunt isti, domine mi? Et dixit ad me angelus, qui loquebatur in me: Ego ostendam tibi, quid si it hæc. Et respondit uir, qui stabat inter myrteta, & dixit: Isti sunt quos misit Dominus, ut perambularent terram. Et responderunt angelo domini, qui stabat inter myrteta, & dixerunt: Perambulauimus terram, & ecce omnis terra habitatur, & quiescit. Et respondit angelus domini & dixit: Domine exercituum, usque quo tu non misereberis Hierusalem, & urbium Iudæ, quibus iratus es? Iste septuagesimus annus est. Et respondit Dominus angelo, qui loquebatur in me uerba bona, & uerba consolatoria. Et dixit ad me angelus, qui loquebatur in me. Clama, dicens. Hæc dicit Dominus exercituum: Zelatus sum Hierusalé, & Sion zelo magno, & ira magna ego irascor super gentes opulentas, quia ego iratus sum

sum parum, ipse uero adiuuerunt in malū. Propterea hæc dicit Dominus: Reuertar ad Hierusalem in misericordijs, & domus mea ædificabitur in ea, ait Dominus exercituum, & perpendiculum extendetur super Hierusalem. Adhuc clama, dicens: Hæc dicit Dominus exercituum. Adhuc affluent ciuitates meæ bonis, & consolabitur adhuc Dominus Sion, & eliget adhuc Hierusalem.

Mira est hæc uisio & ardua, pro qua primum annotata, quæ in Prologo diximus, de uisionibus, libello quoq; nostro de Prophetia, itidem ea quæ in Ezechielis prologo annotauimus, quem, Deo propitio, post Malachiam ademus. Deniq; facta est hæc uisio in mense Sabbath, qui Februarius apud nos est. Ad hæc obserua, hunc locum, quo Propheta dicit, angelum in eo locutum, non alioqui intelligendum, quàm si dixisset: Loquebatur per me. Dum enim uerbum Domini medio Zachariæ populo notum faciebat, quasi in eo, uel per eum ipsi populo loquebatur. Putauit quidam, sic intelligendum: Loquebatur in me, id est, ad cor meum, & cuius sermo in me recipiebatur. Quam expositionem non damno, uerū non crediderim id uoluisse Prophetam. His præmissis, oēs huius uisionis locos distinctis paragraphis enarremus.

Primum, diem posuit, nepe uicesimam quartam & c.

ubi

ubi nihil aliud inquirendum, quā quod id explicuit ad pleniorē uisionis fidem. Diuino quoq; factum est consilio ut prophetiarum tempora à sanctis conscriberentur, ut ex uarietate sermonum & temporum agnoscamus, quā sollicitus fuerit Dominus pro populo suo.

2 Secundo, ait se nocte, uel per noctem uidisse. Non dixit in somnis, ideo non dicimus fuisse in somnijs, sed neq; negamus. Sunt qui plus tribuunt uisionibus Domini, factis in uigilia, quam his quæ fiunt in somnis, asserentes, q quæ fiunt in uigilia, sint maioris certitudinis. Nos contra sentimus, nempe quod sint paris certitudinis, si à deo sunt. Nam spiritus à quo sunt, certos facit de utroq; quātum opus est. Certitudo quippe uisionum non à tempore quo fiunt, aut à persona cui fiunt, sed ab eo, à quo sunt, pendet. Sed quorsum hæc prophana assertio?

Pari errore lapsus est quidam, qui asseruit, Ioseph Mariæ uirum integrioris fuisse fidei, quā ipsam beatam Mariam, coniiciens per id, q illi in somnis, isti in uigilia sermo Domini per angelum fuerit reuelatus. Illi, inquit, ut maiore & solidiore fide suffecit, uel in somnis uoluntatem Domini agnouisse. Isti uero, eo q fide esset infirmior, oportuit, ut in palam & uigilia reuelaretur. Ego hanc assertionem, præter id q temeraria, insulsa, curiosa, stolidi, & effrenata est, dico eam plenam offensione simplicium, & blasphemia sanctissimæ genitricis Dei. Tum enim consequeretur, q omnes quibus aliquid à Domino in somnis reuelatum est, fuerint integrioris ac firmiter fidei.

fidei, quàm beata uirgo, quæ fide concepit unigenitū dei, & cui in spir. tu sancto Elizabeta dixit: Beata quæ credi disti. Nōne prætulit Deus Mosen alijs Prophetis, in eo quòd palàm ei loqueretur, alijs autem per uisiones & somnia. Nume. 12. Viderint qui talia asserunt, ne fiat in eos plaga Dei, sicut aduersum Mariam sororem Mosi, pro eo quòd detraxerat Mosi, ut ibidem habes. Redeundo autem ad priora, dicimus, q̄ per id quod Zacharias se nocte uidisse scripsit, uoluit ostendere uisionis tempus, & per id magis adstruere fidem eius.

Tertio, uidit uirum super equum rufum, inter myrteta, quæ erant in profundo. Myrtetum locus est, ubi myrti producuntur. Est autem myrtus arbustum preciosum, multiq; odoris. Porrò uir ille, angelus erat, ut paulopost habes, per quem alij Michaelē angelum, alij alios capiunt. Ego puto angelum pro angelis, singulare uidelicet pro plurali positum, quod est frequens in scripturis. Et quia angelus nuncium significat, hoc loco angelus, & sanctos angelos, quos Deus mittebat in auxilium Israël, & ueros Prophetas designat. Quid enim myrteta, nisi populi Dei, & tribus Israël? Nimirum, ut in Salomonis Canticis diximus, per odoratas arbores, fideles capiuntur. Denique hortus quidam Domini fuit Israël, & quælibet tribus quasi myrtetum: quilibet autem uerus Israëlita, quasi myrtus. In medio horum myrtorum erant administratorij multi spiritus, erant & Prophetæ, omnes dei angeli uel nuncij. Recte in medio, quia omnium querebant

bant bonum, & pro eis Dei misericordiam precabantur. Et omnes angeli, uerique; Prophetæ, seu Euangelistæ, qui etiam nunc sunt in medio Ecclesiarum fidelium, sunt quasi inter myrteta. Nam omnes sancti, sunt quasi odorata myrtus. Sunt enim Christi bonus odor, alijs odor uitæ in uitam, alijs odor mortis in mortem. 2. Cor. 2.

Cæterum ipse populus Israël per myrtum arborem paruam, uerum odoratam capiebatur, quod humilis populus tum esset. Captiuitate namque & multis malis contriti fuerant. Odorati autem erant ac preciosi ob uerbum Dei. Quandoquidem illis reuelata erant eloquia eius, & illorum odor ad nos usque peruenit. Sic & myrtus parua, sunt fideles ob humilitatem & crucem, quæ illis est ordinaria, atque perpetua: odorata uero ob uerbum fidei, uerbum, inquam, Dei.

Propter hanc humilitatem & contritionem populi de myrtetis hic dicitur, quod erant in profundo, in tribulatione scilicet & malis multis.

Quarto, hunc angelum stantem inter myrteta sequebantur equi rufi, uarij & albi.

Penè oblitus eram, quod hic angelus dicitur uectus equo rufo. Id ergo primum uideamus, quid significabat equi rufi equitatio, demum ad alia procedemus. Qui uehitur equo, plus itineris implet breui tempore, ac diligentius et citius peruenit, quo ire desyderat. Diligentia ergo & celeritas præscriptorum Dei nunciorum hac equitatione figurata fuit. Sed quid est, quod equus rufus dicitur Apo

ca. 6. sanguinis effusio, & martyrum cruciatus per equi rubedinem capiuntur. Certum est autem, omnes DEI nuncios (de hominibus loquor, in quibus angeli loquebantur, ut supra de Zacharia diximus) ab impijs mala grauius fuisse perpeffos. Porro hæc mala equi rubedine figurantur. Vecti ergo erant hi nuncij equo, in medio myrtetorum, quia diugetissime populi negocia agebant, per instantiam uerbi DEI: sed hic equus rufus erat, quia inter prophetandum multis malis à carnalibus afficiebantur. Et uere omnem, qui uoluerit, sicut necesse est, implere ministerium uerbi Dei, non uehi equo rufo, impossibile est. Veritatis siquidem indiuidua comes est crux.

Qui deinde sunt equi alij? Dicit quidam, per equos significari eos, quos Dominus prius ex terris proprijs eiecerat, sed omnino non congruit. Non enim miserat eos Dominus, ut perambulant ac circuissent terram, sed expulerat à proprijs terris, ut exilium paterentur in terra aliena, tempore multo. Alij uolunt per hos intelligi populos uarios, per quos Dominus Israëlem & alios afflixerat. Sed neq; id congruit. Aliud nanq; est circuire & perambulare, aliud affligere & flagellare. Tametsi & illi circuire, qui plebem, DEO uolente, affluerunt. Verum quicunque tandem per hos capiuntur, missi fuere à Domino, & sciebant se missos ab eo, & impleto suo ministerio, redire ad medium myrtetorum, & sequerentur angelum illum priorem, per quem sanctos prophetas

FRANC. LAMB. IN ZACHARIAM

phetas & spiritus angelicos, qui praeerant Israëlitis, intelligimus. At Chaldaei, Assyrij, & reliquae gentes cum afflixere Israël, non id fecerunt, quasi Deo mittente, sed propria malignitate. Denique hi qui per hos equos designantur, ex ordine uisionis uidentur quærere bonum Israël. Quandoquidem tota hæc uisio ad prophetiam paulo post hic positam ordinatur.

Ego puto per hos intelligi angelos, quos Dominus miserat ad uarias gentes, in salutem electorum, qui in eis erant (siquidem electi fuere etiam in Gentibus) & ad iudicia sua adimplenda. Administrant quippe illi, in populis cunctis, sed id propter electos. Hi uidentes pacem in alijs regnis & populis, uenerunt ad spiritus ministrantes filijs Israël, bonum eorum cupientes.

Adijciam tamen aliam expositionem, quæ forsitan reliquis eo erit purior, quo simplicior, nempe quòd per hos equos intelligantur plerique ex Israël, qui uolente & monente Domino, uaria regna percurrerunt: redeuntes autem in Iudeam, & uidentes ruinas Hierusalem & templi, dicebant sanctis, qui per angelum inter myrteta stantem capiuntur. En quòd regna uaria percurrimus, & ubique pax est, ubique tuta habitatio. Quasi diceret: Quid est, quòd & Hierosolymæ non miseretur Deus? Vnde illi moti, orabant pro reedificatione Hierusalem. Hæc posterior expositio plus cæteris mihi arridet, etiam ea quam de angelis à D E O missis attigimus. Magis enim congruit, per equos homines, quàm angelos interpretari.

pretari. Post hanc uero interpretationem illa de angelis magis placet. Neque id diuersum est ab eo, quod paulo ante negauimus, per hos equos, eiectiones & ductos in captiuitatem intelligi. Nam iuxta simplicitatem textus, hi soli uidentur capiendi, qui ad id percurrerant alias terras, ut uiderent, quid uiueretur in eis. Et aliqui fuerunt ex his, qui in Iudæa erant, dum sub Cyro coeperunt edificare templum & Hierusalem: praepedito autem edificio, moti a DOMINO, uarias regiones circueunt. Qui cum redirent, & narrarent sanctis, gentium quam uiderant pacem, prouocabantur illi, ut Dei misericordiam precarentur.

Quod ex equis alij rufi, alij uarij, alij albi fuisse dicuntur, non puto aliud, quam uarietatem & multitudinem eorum, qui sic cucurrerant, intelligi. Cursores enim per equos aptissime figurantur. Hinc prouerbum illud. Currut ut equus.

Quinto, hæc uidens Propheta, dixit angelo, qui sibi Dei mysteria reuelabat. Qui sunt isti, Domine mi? Quos designant? Cui ille respondit, quod mysterium hoc ei interpretaretur. Mox angelus qui erat inter myrteta, praeueniens, dixit eos esse illos, quos deus miserat ad terram perambulandam. Vide sollicitudinem nunciorum dei, ad erudendos fideles ueritatem eius. Promittit unus se mox interpretaturum, & dum id forsitan mox ordiri uellet, alius id fecit. Quod non tulit grauatim prior, quin potius subticuit, p id

FRANC. LAMB. IN ZACHARIAM

ostendens satis fuisse, quod alius dixerat. Nulla est inuidia inter fideles nuncios ueritatis. Cupiunt enim singuli gloriam Domini, & proximorum bonum. Quod dum fit, illis satis est, etiam si ab ipsis non fiat. Tametsi coram domino, dum idem facere cupiunt, illis imputatur, haud secus atq; ab eis factum esset. Deniq; approbans factum alterius, quasi illud facit.

Sexto, ipsi qui terram perambularant, aiunt: Perambulauimus terram &c. Ad quid putas eos dixisse, quod omnis terra habitaretur & quiesceret, nisi quia idem fieri cupiebant de Hierosolyma & Iudaea? Vbi ardens boni Israël desiderium ostenderunt, quod non congruit hostibus Israël. Hinc argumentum suscipitur, q̄ per equos praescriptos amici Israël capiuntur.

Septimo, angelus stans inter myrteta, sumpta occasione ex sermone praedictorum, orauit pro Iudaea, dicens: Domine exercituum &c. Nedum erat septuagesimus annus, sed & praeterierat. Porro sic dixit, eundem annum esse, q̄ intellexit illum praeteriisse. Quemadmodum si quis promitteret se uenturum ad diem duodecimum, ueniret autem ad uicesimum, & illi uerienti quis diceret: Bene est dies duodecimus. Ita & dixit: Est annus septuagesimus. Quasi di. Est ultra eundem annum. Tempus est Domine miserendi eius. Vult Deus pia fidelis pectoris desideria, & in eis gaudet, ad quae etiam suo spiritu mouet, & excitat. Qui sciunt Deum fidelissimum in uerbis suis, quia tamen nesciunt profunditatem iudiciorum suorum,
ut quae

ut quæ promisit, adimpleat, uigilantissime deprecantur.

Quod & sepe in scripturis sanctis Dominus iubet Ora te, inquit, clamate ad me, petite & accipietis. Neque enim assequi uel minimum quiddam ualemus, qd' ille non prædestinarit, & ante promiserit.

Ceterum annus septuagesimus tum, sicut diximus, præterierat, Deus autē promiserat, q̄ redempturus erat è Babylone Iudeos, & restauraturus Hierosolymam, urbesq; eius, qd' tamen nedum fiebat, impijs nōnullis præpedientibus cœptum domus Domini opus, nemo proinde cogitet Dei promissiones haudquaquam adimpleri eotempore, quo promittit. Nimirum fieri non potest, ut nō implēantur. Potius enim cœlum & terra ruerent, quā hæc haudquaquam implerentur usq; ad iota uel minimum.

Sed interim obserua, Deum habere annos, dies & tempora sua, quæ non hominum more, sed proprio & inuariabili decreto metitur, prout de hebdomadis habes. Dani. 5. Et sepe diem pro anno, aut pro toto tempore longissimo intelligit. Sic totum tempus à Christo nato dicitur annus Domino acceptabilis, diesq; salutis & remissionis. In quo stultam ostendit hominum prudentiam, quæ neque annos scriptorum Dei intelligere ualeat, tametsi nonnunquā aliquid eorum capit ex circumstātia locorum. Forsanq; secundum idem tempus tum annus solum septuagesimus erat, q̄ ab alijs diu præcessisse credebatur. Quod uerumtamen non asseruerim. Verum non est pro eiusmodi contendendum, sed tantum firmo tenendum animo, ipsam Dei

FRANC. LAMB. IN ZACHARIAM

promissionem, ab anno septuagesimo secundū intentionē excelsi adimpleri coepisse. De qua promissione aperte habes Hic. 29. Porro q̄ is angelus, per quē, ut suprà uisū est, ueri prophete capiuntur, p̄ Hierosolymæ & urbiū eius restauratione precatus est, docentur qui ad uerbi ministeriū uocati sunt, ut omni diligentia pro uera Ecclesiæ gloria, filiorūq; eius æterna salute maxime aduigilent & deprecētur. Et quemadmodū is angelus sue orationis ansam exaudita aliarum gentium pace accepit, ita & serui dei audita execrabili pace Ecclesiæ malignantium, Synagogæ ue Antichristorum, efficacius moueri debent, ut beatissima dei Ecclesiæ bonum uelint.

Octauo, dominus ad uerbum præscripti angeli inter myrteta existentis, respondit angelo, qui in Zacharia, aut per eum loquebatur uerba bona & consolatoria, non dubium quin de tum futuro Hierosolymæ & Israël bono, & gloria. Sed quid est, quod non respondit angelo, qui eum orauerat? Certe non ob aliud, quàm propter unanimitatem eorum. Nam quemadmodum, quod unus seruorum D E I facit, alijs imputatur, ita & qd' uni eorum fit, alijs fit, quod in his angelis uides. Promiserat unus eorum Zachariæ, se interpretaturum equorū uisionē, qd' alius adimpleuit. Qui postmodū orauit deum p̄ Israël, & deus alteri respondit. Verū satis priori respondit, dum iuxta cor eius alteri locutus est.

Nono, angelus cui dominus locutus est, dixit ad Zachariam: Clama, dicens: Hec dicit dominus exercituum. No
luit

luit, ut proferret etiam ipsum dei sermonem, nisi prius testaretur, q̄ dei erat. O utinam pari sollicitudine ab uniuersis Euangelistis, uerbiq; ministris uitaretur, ne aliud omnino populos docerent, quam id de quo uere dicere possunt: Hæc dicit Dominus exercituum. Nimirum quicquid non est eiusmodi, est ab eis, quasi pestis nocentissima euitandum.

Sed quid ait dominus? Zelatus sum Hierusalem & Sion zelo magno, & ira magna ego irascor super gentes opulentas, quia ego iratus sum parum, ipsi uero adiurauerunt in malum. Zelus amor est, quo uir diligit uxorem, & quicquid non conuenit puritati coniugij, abominatur. Ab hoc translatus est hoc uocabulum, ad omnem amorē uehementem & purum, quo aliquis sic ab alio diligitur, ut tamen in eo detestetur, quicquid malum est. Sic deus admauit Hierosolymam & Sion, id est, Israëlitas, quorum prima urbs Hierosolyma fuit, et odiuit quicquid impiū perpetrarunt. Porro huius odij signum fuit punitio eorum. Etenim, ut sæpe diximus, flagella Dei, per eius iram, furorēque capiuntur. Ob id dixit. Zelatus sum &c.

Deniq; et sæpissime zelus pro amore alicuius rei capitur cum detestatione eorum, quæ illi contraria sunt. Sic dominus populum suum dilexit, & odiuit hostes eius, qui in superbia magna afflixerunt eum. Ideo hic se zelasse Hierusalem, & iratum fuisse aduersum gentes, dixit.

Ipsam autem Hierosolymæ punctionem per gentes fecit, nempe per Assyrios, Chaldaeos, & alios, quos in deri-

FRANC. LAMB. IN ZACHARIAM

sionem omnis eorum potentiae opulentos uocat. Voluit eos sumere in furoris sui uirgam, & iustissime eorum ministerio ad Israëlitas castigandos usus est. Verum hi non castigantium more egerunt cum ipsis Israëlitis, sed cum omni saeuitia tyrannidem exercuere in eos. Voluit Deus eos cædi per gentes, ut seruarentur tandem: contra gentes ad id nise sunt, ut perpetuo interirent. Proinde ait Dominus: Iratus sum parum, ipsi uero adiurauerunt in malum. Ac si diceret. Ego quidem uolui eos cædi, sed displicuit malignum cor Gentium, uolentium ut disperiret memoria Israëlis. Idcirco ira magna irascor super has Gentes opulentas, superbas, fidentesq; in diuitijs & potentia sua. Sensus est: Puniam eos grauissime, & grauius, q̃ punierim Israëlem. Magnitudo quippe diuinæ iracundiae grauitatem punitionis eius significat.

Sed quid præterea ait Dominus? Propterea, hoc est, quia tam malignæ fuere Gētes aduersum populum meū, reuertar ad Hierusalem in misericordijs, hoc est, eius miserebor, & domus mea ædificabitur in ea, dicit Dominus exercituum. Adiecit autem idē angelus adhuc dicens prophetae: Hæc dicit Dominus exercituum: Adhuc affluent ciuitates meæ bonis, & consolabitur Dominus Sion, & eliget adhuc Hierusalem. Apertiora sunt hæc, quàm ut in eorum historica interpretatione immoremur.

A L L E G O R I A eiusdem uisionis.

Tametsi

TAmetsi uideo nihil opus esse eruditio in scripturis, & sensus exercitatos in eis habentibus, allegoricas præscriptæ uisionis adnectere, itidem nonnullarum sequentium, id tamē uisum fuit non fore inutile, quin potius necessarium, pro indoctoribus quibus maxime insruire optamus, eo quod ipsis uisionibus hic positis, allegoriæ maxime congruant. Quid enim nostris (si tamen nostra sunt, & non potius dei) indigent, magni illi Prophetæ, quibus dei spiritus est copiosissime diffusus? Ego paruulis in Christo maxime desudaui. Ideo qui nō habent opus, his quæ nunc subiunximus, sinant operam nostram simplicibus utilem esse.

Igitur, Zacharias uidit nocte insidentem equo inter myrteta. Quis hic Zacharias domini memor (sic enim interpretatur Zacharias) nisi fidelis filius Barachæ, id est, benedictionis domini, Ecclesiæ scilicet, in qua sola est benedictio eius? Nimirum extra eam nō nisi maledictio est. Huic ostenditur nocte, in tempore uidelicet quietis, quo silentium omnia tenent. Sapiens. per quod tempus, pax animi fidelis hoc loco intelligitur, qua in spiritu uere quiescit & dormit. In hac inquam nocte illi ostenditur, qui sint nuncij dei. Hos uidet inter myrteta, in medio scilicet Ecclesiarum fidelium, quæ myrteta quædam sunt, & singuli fidelium odoratissime quædā myrti. Esse in medio Ecclesiarum, est illis administrare, quemadmodum & dominus ait: Ego in medio uestrum sum, sicut is qui ministrat. Nō ministrat Ecclesiæ, qui saluti fidelium contraria docet,

FRANC. LAMB. IN ZACHARIAM

prout multis sæculis scholastici Sophistæ q̃; fecerūt. Idcirco nihil minus, quàm ministri Ecclesiæ Dei sunt. Vis igitur nosse Dei nuncios, Prophetas q̃; ueros, uide an ministrant Ecclesiæ Dei. Iam cum uides Papam, suos Episcopos, & totum illud perditionis imperium, ac hypocrisicos regnum, dicere se Episcopos Ecclesiæ Dei, Sacerdotes, Presbyteros, Diaconos, atq; sub spiritualium titulis se uenditantes, uides autem quòd nihil utiles sint Ecclesiæ Dei, cui non nisi sua mendacia inculcare nituntur, constanter dic eos nō esse missos à Deo, nunciosue illius. Quo enim sunt ministri, qui in medio Ecclesiarum, intenti scilicet illarum ministerijs haudquaquam sunt? E diuerso cū uides, purissimos Dei eloquiorum ministros, Ecclesiarū bonum, pacem, & uerum gaudium quærentes pro uiribus, modisq; omnibus, nitentes ad deducendum fideles cunctos, ad ueritatis sincerissimam dilectionem, & observationem, eiusmodi nuncios Dei esse nullatenus dubites.

Hi sunt equites, potentissimi ad currendam uiam domini, & diligentissimi ad cōmonefaciendum in omnibus populum eius, quorū diligentia, charitas, & ardor, equitatione equi rufi designatur, sicut in historica enarratione diximus. Hi spectant ad equitationē illam domini, quæ salus est, ex qua scilicet esse, est esse saluū. Abacuc. 3.

Cæterum de myrtetis dicitur, quòd erant in profundo, Ecclesiæ namq; filiorum est hæc uox. Saluum me fac Deus, quoniam intrauerūt aquæ usq; ad animam meam.

Infixus

Infixus sum in limo profundi, & non est substantia. Psal. 68. Et illa. De profundis clamaui ad te domine, domine exaudi uocem meam. Psal. 139. Reprobi ponunt solium suum in sublimibus, & nidum quærūt in altissimis. Contra serui dei locum hic petunt nouissimum. At Deus noua omnia faciet, aliquando deponens potentes de sede, humilesq; exaltans. Luc. 1. Ob aliud quoq; in profundo esse dicuntur fideles, quod summe dei causa seipsos abijciant, et calcent, nihilq; sibi tribuant ac fidant, sed omnia deo. Itidem sunt sæpe in tribulationum profundo, sic in eorum perpetuum bonum uolente deo, ut magis discant fidere illi, et sperare in eum. Deniq; perpetua fidei comes est crux, & simul pax ac gaudiū, omnem sensum exuperās. Contra superbi, increduli, humilitatis et crucis profundū abominantur. Et si illis à deo crux mittitur, nunquam est pacis & ueri gaudiij sale condita. O uere felicem myrtum, quæ in profundis est. Sunt quippe adulterinæ quædam, quæ nō in profundis illis sunt, & ideo sunt maledictæ.

Demum, post eum angelum qui erat inter myrteta, ueniebant equi rufi albi, & uarij, qui scilicet ad dei equitationem attinēt, quorū seffor Deus est. Hi quærūt Israëlis, id est, Ecclesiæ dei bonū. Diximus qd' per Angelū stantē inter myrteta, uerbi dei ministri intelligūtur. Qui prædicant syncerissimū uerbum dei, cui quotquot se subiiciunt, quidā equi domini sunt, per ipsum namq; uerbū in eis sedet. E quibus hi qui præ ceteris reliquorum salutem desiderant, per equos præscriptos aptissime figurantur.

FRANC. LAMB. IN ZACHARIAM

Forſan aut paulo conuenientius erit, ſi per aſcenſorē illum equi ruſi, inter myrteta exiſtentem, Dominū I Eſſum Chriſtum, in allegoria capiamus. Is quippe inter præſcripta myrteta perpetuus eſt, & cum ſequuntur, quotquot ueritati adquiſcunt, & bonum Eccleſiæ ſanctæ cupiunt, qui equis prædictis designantur.

Porrò equis myſticis uiſis, uerus quiſq; Zacharias, myſterium noſſe cupit, et humiliter interrogat, qui ſint. Seruus namq; Dei, eius myſteria quantū licet inueſtigat, & requirit, quòd in eo ſolo gaudium habeat. Fideliter autem inquirenti, non deeſt omnipotens Deus, ſed erudit eū ſermonibus uere conſolationis. Pauca hic ſunt, quæ tranſferre in allegoriam noluiſmus, quòd non tam congruere ut in reliquis putaremus. Maxime enim id uidendum eſt, ne inanibus & incongruis allegorijs, quiſpiam utatur. Sed ſcopus proſpiciendus eſt, nempe, quòd fidelem domini memorem, Deus ipſe erudiat, de futuris Eccleſiæ bonis. Quis enim Hieruſalem & templū niſi Eccleſia dei? Templum namq; eſt, quòd in ea uere colitur Deus: ciuitas uero Hieroſolyma, ciuitas dei Regia, quòd in ea Chriſtus regnet, & ciues habeat: electos omnes. Contra filios Eccleſiæ huius, inſurgunt paſſim gentes, ueniunt in hæreditatem domini, omnia polluentes, perturbantes, & ſubuertentes. Occidunt, maſtant, rapiunt, & perdunt in tempus, ſic ad maius electorum bonum, præordinante deo. Tempore autem ab eo præſinito, truncabuntur ungues, & manus impiorum, omnis ſcilicet eorum facultas ad nihilum

hilum redigetur, et calcabuntur, ut puluis terræ, domino zelante pro Ecclesia sua. Zelo quidem Ecclesiæ, hoc est, amore ueri boni eius, & odio impietatis, uult filios eius in tempus adfligi, donec sæculo mutato, in reproborum caput, eorum malignitatem tyrannidemq; conuertat.

Roboretur autem fidelis anima uerbo domini, & in eo confidenter agat, nihil dubitās, quòd dominus reuertatur ad Ecclesiā in misericordijs, instaurabunturq; ruinae eius, & templum domini, id est, uerus cultus eius, in ea edificabitur. Fiat, fiat citius. Veni domine IES V, & noli tardare, Hierosolymæq; ruinas instaura.

P A R S Q U A R T A.

Et leuaui oculos meos & uidi, & ecce quatuor cornua. Et dixi ad angelum qui loquebatur in me. Quid sunt hæc? Et dixit ad me. Hæc sunt cornua quæ uentilauerūt Iudam, & Israel & Hierusalem. Et ostendit mihi dominus quatuor fabros. Et dixi. Quid isti ueniunt facere? Qui ait, dicens. Hæc sunt cornua quæ uentilauerunt Iudam per singulos uiros, & nemo eorum leuaui caput suum.

Et uenerunt isti deterrere ea, ut deici-

ant cornua gentium, quæ leuaue-

runt cornu super terram

Iuda, ut disperge-

rent eam.

Per

FRANC. LAMB. IN ZACHARIAM

Per quatuor cornua nonnulli uolunt quatuor regna specialia intelligi, Assyrios scilicet, Chaldaeos, Græcos, & Romanos. Sed obsistit, quod ex textus ordine, de his qui eos ante huius prophetiæ tempus adfluxerāt capitur. Nihil autem pro eorum adfertione facit, quòd in prophetis, præteritum pro futuro sæpissime ponitur. Nunquam enim tempus est immutandum, nisi exigat circumstantia textus. Nihil autem compellit hoc loco, ut futurum pro præterito adcipias, nisi in allegoria, quæ huic textui nedum congruit, sed & necessaria est.

Ego per quatuor hæc cornua, intelligo uniuerfos Iudeorum aduersarios, qui ideo per quatuor intelliguntur, quod à quatuor partibus, circa terras Israël, positi erāt. Quia enim omnes terræ eorūdem, respectu Israël, erāt aut ab oriente, aut ab occidēte, aut à meridie, aut ab aquilone, ideo per quatuor recte capiuntur. Quorum superbia et tyrannis cornu uentilante designantur, ut aliàs nō raro habes in scriptis Dei, ut Hier. 48. Abscisum est cornu Moab. Item Ezech. 32. Ventilabas cornu in fluminibus. Et Amos. 3. Amputabuntur cornua.

Tamei si non raro cornu pro sublimitate & potentia etiam regni Christi capiatur. Neq; id nouum est in scripturis, ut per quatuor omnes adcipiamus, ut plenius deo propitio Ezech. 1. in expositione uisionis quatuor animalium explanabimus.

Quemadmodum autem per quatuor cornua, omnes Iudeorum aduersarios, ita & per quatuor fabros, uniuerfos

uersos per quos Deus ipsos eorum hostes contriuit intelligimus.

Promisit ergo Deus, in his uisionibus, quod omnes Israëlis aduersarios contereret, quantumlibet cornuti, superbi uidelicet, fortes, diuites, potentesq; essent.

ALLEGORIA, QVAM

hoc loco maxime prospicere
debemus.

Cornua gentium superbissima, & saeuissima, sunt omnes Synagoga Antichristorū primores, ipsamq; tyrannidem suam, ne dum per se ipsos, sed & per uniuersos suae impietatis consortes, maxime autem Phariseos, sacrificulos, pseudoprophetas, & ministros eorum exercent. Cornibus suis multis sæculis undiq; uentilarunt, neq; cessant in hunc diem, quantum eis licet, donec prætereat hora eorum, & potestas tenebrarum. Sed uenient dies, quibus Deus mittet fabros, non eos qui malleos inuentionum, doctrinarum, mandatorum, & opinionum hominum consarcinant, ut hodie faber unus æditi ingenti uolumine fecit. Cuius malleus, nec sufficit quidē, herbas terere delicatissimas, tantum abest, ut ualeat terere durissima incredulorum cornua, & ferream cecrucem. Ex folijs, ex somnijs scilicet, ædedit malleum suum, putans quod nedum hominum cornua, sed & durissimū, summum, inuictissimū, atque æternum cornu domini nostri

FRANC. LAMB. IN ZACHARIAM

nostri IESV Christi, uerbiq; eius conterere possit. Sed mittet dominus ipse IESVS Christus, nouos fabros, qui ex omni parte hunc Fabrum, ac complices eius, cum eorū malleis ac cornibus conteret, & in proximo quidem. Desine tu o cæce & infelix Faber, uelle conterere cornu Seruatoris nostri IESV Christi, quod omnibus malleis tuis fortius est, & te ac malleum tuum, quantumlibet auctum & crassum, ut puluerem calcari faciet. Dissipa domine IESV, & contere, ac conuerte ad te, omnes Fabros, Latomos, Cocleas, Tregarios, Eckios, Murneros, & id genus artifices Synagogæ perditionis.

C A P V T S E C V N D V M.

Summarium capitis. Primum, conspicit uirum, qui proficiscebatur ad Hierosolymæ longitudinem ac latitudinem metiendam, & ibi pleraq; insignia, de uerbi ministerio & Dei Ecclesia. Secundo, admonet Sion, ut fugiat e Babylone, quia id iubet dominus exercituū, qui dicit.
Post gloriam &c. Is est dominus IESVS Christus,
de quo ibidem multa
præclarissima.

P A R S P R I M A.

Et leuauit

ET leuaui oculos meos et uidi. Et ecce uir & in manu eius funiculus mensorum. Et dixi quo tu uadis? Et dixit ad me. Vt metiar Hierusalem, et uideam quanta sit latitudo eius, & quanta longitudo eius. Et ecce angelus qui loquebatur in me egrediebatur, & alius angelus egrediebatur in occursum eius, & dixit ad eum. Curre loquere ad puerum istum; dicens. Absque muro habitabitur Hierusalem, præ multitudine hominum & iumentorum in medio eius. Et ego ero ei, ait dominus meus ignis in circumitu, & in gloria ero in medio eius.

Magnus est locus hic de Hierosolymæ dimensione, quem plenius deo uolente, in ultima Ezechielis uisione, & prope finē Apocalypseos exponemus. Quo etiam loco Ezechielis, de ipsa templi Dei Hierosolymæ structura, copiosissime agitur. Incipit autem ipsa uisio ultima Ezechielis cap. 40. Paucis ergo adcipe, quæ ad huius textus intelligentiam, sunt necessaria.

Quod Ezech. 40. per calamū, & Apoc. 21. per arundinem auream, hic per funiculum geometræ intelligimus. Mensor enim, geometra est. Funiculus, uerbum Dei est. Geometra uero, qui per illud, sanè intellectum, de uerâ Hierosolyma iudicat. Metiri enim iudicare est, ut paulo=

K post

FRANC. LAMB .IN ZACHARIAM

post habes . Porro Geometrae eruditor , est spiritus sanctus . Igitur qui illustratus ab ipso spiritu , de uera Hierosolyma secundum uerbum domini iudicat , quasi illam funiculo metitur .

Certum est autem , quòd hæc prophetia de lapidea illa Hierosolyma minime capitur . Vnde et eorū , quæ superiore capitulo diximus , ueritas mōstratur . Hoc est , quòd allegoria , uisionibus in eo positis necessaria sit . Maxime enī de uera Hierosolyma , id est , Ecclesia Christi , eiusmodi prophetiæ capiuntur , nam & in ea sola perfecte implentur . Fit enim sæpe , sic uolente Deo , quòd prophetiæ scripturarum , non nisi in parte ad literam impletæ sunt , ut perfectius implendæ non dubitentur . Ecce enim quòd hic posita nunquam fuere impleta , nempe , quòd absq; muro habitabitur Hierusalem , quod nō impleri impossibile est . Simile est , quod habetur Ezech . 33 . Hi omnes habitant sine muro , uectes & portæ non sunt eis . Similiter templum & Hierosolyma iuxta Ezechielis descriptionē , nunquam fuere ædificata . Quia autem eiusmodi non impleri impossibile est , necesse est ut perfectius hæc impleantur , etiam usq; ad iota & apicem unum .

His præmissis , audiamus Prophetam . Leuauī , inquit , oculos meos , & ecce uir & c . Per unum uirum plures intelligimus , omnes scilicet fideles uerbi dei ministros , qui habent funiculum mensorū , id est , uerbum domini . Ab eis querit seruus domini Zacharias , quisquis uidelicet domini memor est . Quo tu uadis ? Ut metiar , inquit , Hierusalem

ſalem &c. Cupit omnis dei ſeruus, ſcire funiculi, id eſt, uerbi dei uſum. Quod hic maniſeſtiſſime docetur. Nimirũ eius primus uſus, ad id eſt, ut agnoſcamus quæcũq; ſpectant ad Hieroſolymam, id eſt, Eccleſiam dei, & ſciamus quanta ſit longitudo & latitudo eius, nempe, immenſa carni & ſanguini, ſed non his qui habent uerbi dei funiculum, quo ſolo uniuerſa recte metiri, id eſt, de eis bene iudicare ualemus. Siquidem omnis alia menſura, omne ſcilicet iudicium, quod non congruit uerbo dei, iniuſtum eſt.

Tum angelus ille, qui in Zacharia uel per eũ loquebatur populo dei, egrediebatur. Et mox alius in occurſum eius egreſſus eſt, & dixit ad eũ. Curre & loquere ad puerum iſtum, non dubiũ, quin Zachariam, qui puer, id eſt, ſeruus domini erat. Frequens namq; eſt in ſcripturis ſanctis, ſeruos pueros adpellare. Hinc psal. 112. Laudate pueri, id eſt, ſerui dominum. Secundus angelus, noluit Zachariam adloqui, quod non eſſet miniſterij ſui, ſed id commiſit angelo, qui munus docendi Zachariam à deo adceperat. Multi hic argutantur de angelorum miniſterijs, quod illis permitto. Verum id puto rem intuitiſſimam, quod de nobis incognitis, tam confidenter philoſophemur. Ecce, inquiunt, maior erat angelus, qui præcepit, eo cui iuſſum eſt. Sed uere non eſt ſufficiens argumentũ, ut hunc maiorem, illum uero minorem adſerere poſſint. Nam ſepe frater fratri dicet. Curre, uade, fac hoc et illud, & id quidem non niſi fraternæ & amicæ confidentiæ. Crede mihi. Eſto contentus menſura tua. Quid enim tibi, & tam multis

K 2 dubijs

FRANC. LAMB. IN ZACHARIAM

dubijs inutilibus , tibiq; impenitrabilibus? Ego in eius-
modi admiror , ministrantium Deo ordinem , & eo-
rum quæ per hæc designantur . Multi enim sunt qui
populos docent , & multi qui id nequeunt , id uerunta-
men facit in eis Deus , quòd per eos aut scriptis , aut in
scholis docet ipsos , qui populis uerbū administrant . Qui
in hoc corā oculis hominū pluris esse uidetur , tamen si mul-
toties , sunt coram Domino absque similitudine minores .
Porrò in Ecclesia ille maior est , qui est coram Deo ma-
ior , ideo nemo pro alijs alios deprimat . Scit Deus maio-
res Ecclesiæ autem filij , sentiunt in spiritu , qui sunt maio-
res , nempe , hi quorum doctrina , eos mouet efficacius ad
pictatem . Non est ergo sita magnitudo uerbi Dei mini-
stri , in linguarum uarietate , eloquentia , experientia , et id
genus alijs , sed ī synceriores uerbi sancti administratione .

Sed quid dixit? Absque muro habitabitur Hierusa-
lem , præ multitudinem hominum & iumentorum in me-
dio eius . Satis notum fecimus ex superioribus , quòd Hie-
rusalem Dei Ecclesia sit . Quæ absque muro habitari di-
citur , eo quòd non muris lapideis , sed Dei firmissima pro-
tectione claudatur , & quòd filij Ecclesiæ nullis externis
muris ac munitionibus fidant . Nimirum soli Domino fi-
dunt , qui ait . Ego sum ei murus ignis in circumitu , &
gloria in medio eius . Maledicti qui habitant absque hoc
muro , benedicti uero omnes qui eo uallantur . Ad id
congruit totus Psal. 90. qui incipit . Qui habitat in ad-
iutorio altissimi .

Sunt

Sunt qui hic per homines, spirituales, per iumenta uero carnales interpretantur. Sed quid carnales ad Ecclesiam Dei? Ego puto simpliciter, per homines uniuersos fideles, per iumentorum uero multitudinem, omnem substantiam illis necessariam intelligi. Nonne iumenta & pecora ad substantiam spectant? Et certe olim, præcipue diuitie, maxime in armentis & pecoribus erant. Significatur ergo, quod multi erant futuri Ecclesiæ Dei populi, et quod Deus cunctis quantum opus esset prouideret, etiam in corporeis, tametsi fidelium diuitiæ maximæ in spiritu sunt. Verum nō damnares, si quis intellexerit per iumenta infirmos in uerbo, per homines uero, eos qui Dei spiritus in fide uera solidauit. Itidem si quis dicat eundem fidelem ob dei imaginem, hic dici hominem, ob carnem uero iumentum. Verum magis adridet prior interpretatio. Ex duobus uero ultimis, posteriorem puto synceriores.

Murus ergo Deus in circuitu Ecclesiæ est. Quis fidelium nunc timebit? Si deus pro nobis, quis cōtra nos? Nēdū aut in circuitu, sed et in medio, imō ubiq; in ea. Vbiq; præsens est Deus, & oīa implet, ibi ueruntamē potissimū esse dicitur, ubi aliquid insigne operatur. Quia ergo Ecclesiam seruat, est in eius circuitu: quia uero illi semper adest, & in ea operatur mirabilia spiritus sui, estq; eius gloria, ideo in medio eius esse dicitur. Cæterum quia Deus fidelium murus, ipsi in eo habitare dicuntur: quia uero ipsi simul, sunt gloriosa ciuitas Dei, ipse Deus in eorum medio habitare dicitur.

P A R S S E C V N D A.

O ò, fugite de terra aquilonis, dicit dominus, quoniam in quatuor uentis cæli dispersi uos, dicit dominus. O Sion fuge quæ habitas apud filiam Babylonis, quia hæc dicit dominus exercituum. Post gloriam misit me ad gentes quæ spoliauerunt uos. Qui enim tetigerit uos, tægit pupillam oculi eius.

Quia ecce ego leuo manum meam
super eos, & erunt prædæ his qui
seruiebant sibi, & cognoscetis
quia dominus exer-
cituum misit
me.

Nolunt quidam hæc dicta, his qui adhuc in Babyloniorum terris erant, quòd tum Babylonia esset euerfa, ideo nullam huius textus partem uolunt iuxta historiam capi. Sed si rem ipsam diligenter expendimus, uidebimus hæc tum iuxta literam dicta, his qui amore uxorum, aut possessionum, detenti fuerant in Babylonie finibus, etiam urbe euerfa. Qui fines hic per Babyloniam capiuntur. Quia autem magis debuerat omnia contempnisse, eis nunc iussum fuit, ut abirent è regione aquilonis,

lonis, in qua tum erant, & uenirent in Iudeam, ad urbes, & Regiones eius edificandas. O ò, uos tardi, quid pigritamini? Quid ultra facitis in Babylonia? Nonne uestrum est restaurare urbes regionis, quæ uobis in sortem contigit, fugite & cito abite de terra aquilonis, dicit dominus. In quatuor namq; uentis dispersi uos, in uarijs regionibus uos captiuando, dicit dominus. Ac si di. Ego sum qui uos dispersi, & nũc uoco uos, ut redeatis in terrã quã uobis, pulsus gentibus tradiat. Redite ergo propere, è terris captiuitatis uestræ. Videte ne quid uos præpediat. O Sion plebs scilicet regni Iuda, quæ habitas apud filiam Babylonis, fuge in Iudeam, & ædifica ciuitates eius. Quare? Quia hæc dicit dominus exercituum. Post gloriam, misit me ad gentes. Quis est qui misit Deum? Nonne ille sic mittit alios, ut à nemine mutatur? Proinde, nonnulli hunc locum de Christo enarrant, à quibus nullatenus dissentire ualemus. Cogit namq; ad id, quod subiungitur. Quia ecce ego leuabo &c. Hoc namq; prophætæ uerbum esse non potest. Omnia quoq; sequentia usq; ad finem huius capituli indicant, quod domini IESV Christi sit hic sermo. Dei ergo unigenitus, unus cum patre summo Deus, se missum adserit, non dubium quin in carnem.

Ad id necesse est, ut memoreris eorum quæ sæpe diximus, nempe, quòd Iudæi, typum gessere fidelium, qui heredes sunt promissionum Dei. Certum namque est, quòd reprobis ex Israële, non sunt factæ promissiones,

FRANC. LAMB. IN ZACHARIAM

quia non omnes Israëlitaë , ad uerum Israëlẽm attinent. In mente quoque habe, quæ paulo ante scripsimus, nempe, quòd id commune sit spiritui sancto, nonnulla in prophetijs miscere, quæ ad literam capi nequeunt, ut sciamus adhuc superesse perfectiorem impletionem, quàm eam quæ olim fuit, sub iudeis secundum carnem.

Igitur tametsi huius capituli prophetia, nonnihil Israëlẽm iuxta carnem contingeret, tamen sumpta ab eo occasione, mox ad totius Ecclesiæ sacrosancta mysteria transit. Admonuit iuxta literam adhuc torpentes in Babylone, imò illis præcepit, ut confestim abirent ab hostium terris, quod etiam in mysterio & allegorice capiendum, sequentia docent.

Iuxta ergo allegoriam & mysterium hic primum à Dei spiritu intentum, ait Deus omnibus qui in scelerum ac errorum malis captiui fuere. Oò, fugite de terra aquilonis, dicit Dominus. Aquilo ut in Solomonis Cantics, & aliàs non raro diximus, aduersa, atque etiam aduersarios designat. Quid autem magis aduersarium C H R I S T O, & Ecclesiæ, quàm Synagoga Antichristorum? Heu nobis, qui sub eorum mendacijs, per spiritus impostores seducti, captiui fuimus sæculis multis. O quàm apte à fidelibus cunctis, nunc adferitur, quòd in captiuitate Babylonica, imò plusquam Babylonica fuimus. C H R I S T V S nos proprio sanguine redemit & liberos fecit in spiritu sancto.

Quod

Quod non sustinuit Satan, & egit arte sua, ut Antichristianam perfidiam in Ecclesiam, sub nomine Ecclesie poneret: & tam multis uinculis nos astringit, tamq; graui captiuitate ac seruitute nos pressit, ut nulla unquam grauior possit excogitari. Nimirum à cæteris solum carofit captiua. ab his autẽ, quid est, quod non captiuũ factũ sit? etiam animæ, etiam ipsum Dei uerbum. Sed quia omnipotens est, non potest non oportune liberum fieri, & conterere omnes, qui illud captiuare tentarunt. Magistamen Dei iudicio expauescendo absconsum est, quàm factum captiuum. Lege librum illum serui Dei Martini Lutheri, quem de Captiuitate Babylonica appellant. Lege, inquam, pio animo, & uidebis quàm captiui fuerimus. Nihil te moueat uehementia libelli, sic enim tum oportuit. Et uere ego ipse admiratus sum scripti huius uehementiam, cum autorem eius nouerim, Dei dono mansuetissimo atq; item placidissimo ingenio esse.

Porrò multi ab ea captiuitate egressi sunt, etiam ego peccator: qui certe ea miserabili seruitute tam pressus fui, ut forsàn nullus æque. Sunt autem adhuc heu plurimi in uarijs regionibus umbræ mortis, per quatuor uentos dispersi, hoc est, per orbem, à uarijs hominum traditionibus seducti & uincti, qui ab ea seruitute exire nolunt. His dicit spiritus sanctus: O, ô. Excitantis simul & uocantis uox est. Eia surgite, hora est de somno surgere. Nox præcessit, dies uero appropinquauit. Fugite de terra ac Synagoga Antichristorum confusissima, ipsissima Baby

FRANC. LAMB. IN ZACHARIA M

lone. Egredimini ab ea, & properate in Ecclesiam meam, dicit Dominus. Ego iudicio æquissimo tradidi uos in tempus, ut à me dispergeremini, post uentos & mendacia execrabilis Babylonis. Sed iam tempus adest, ut soluatur uinculum hoc, in quod uos conieceram, eo q̃ non subscribe-
retis cum omni sinceritate eloquijs meis. Ego qui dispersi uos, uolo ut iterum congregemini in ciuitatem meam Ecclesiã. Volo quoq; ut uniuersæ ruinae eius instaurentur.

O Sion fuge, quæ habitas apud filiã Babylonis. Quis nõ acquiescet deo, toties ac tã instantier uocanti & iubeti, ut alieni efficiamur ab impijssima Babylõe, Synagoga Antichristorum, atq; ut manifestius loquar, à toto Papæ regno, decretis, traditionibus, iussisq; illius ac omnium Episcoporum suorum, & sectarum eiusdem regni? Sion autem uocat omnes Ecclesiæ filios, nempe electos. Vbi nõ exaudientibus uocem Domini, Sed si qui adhuc in huius infelicissimæ Babylonis seruitute, ueniẽt ad Ecclesiã dei, si filij lucis fuerint. Alioqui filij lucis, id est, electi minime sunt. Tenentur adhuc nonnulli in ipsa Babylone, immo ferè nemo alia ratione in ea tencitur, quòd in ea habeat substantiam huius sæculi, ut in Episcopis Papæ, suisue Cardinalibus, Protonotarijs, Præpositis, Canonicis, & alijs id genus laruis, ac his qui per eiusmodi familias suas ditari sperant, est notissimum. Est quoq; alia caussa, q̃ in ea Babylone libere sortita fouentur ac multiplicantur, mutantq; & innouantur passim: ut idem & cinedi. Denique omnis immunditia, ludi, comestationes, ebrietates, rapinae, usurae,

usuræ, hypocrisis, sectæ, litigia, imposturæ, & ut uerbo uno omnia eiusmodi complectamur, totum chaos abominationum regni Satanae in ea abundat. O Sion, ô electi Dei, fugite ab hac Babylone, ubi oïa inuersa, cōfusa, pturbata.

Si optas nosse, ô Sion, quid causæ est, q̄ ab ea est fugiendum, plura superius habes: quæ si sapis quæ recta sunt, satis superq̄ sūt, ut te mouere possint. Verū hoc est summū cui nemo obsistere potest, q̄a hoc iubet, precipit & uult diuus deus exercituū. Ipse enī est qui dicit: Fugite, abscedite ab ea. Cui uerbo bene consentiūt, quæ Apoc. habentur: Fugite, inquit, de medio Babylonis populus meus, & ne participes sitis delictorū eius, & de plagis eius ne accipiat, quoniam peruenerunt peccata eius usq; ad cœlum, & recordatus est Dominus iniquitatū eius. O quando adimplebitur illud: Cecidit, cecidit Babylon.

Sed quid ultrā ait Dominus exercituum, factus homo dominus I E S V S Christus Dei unigenitus? Post gloriam misit me ad gētes. Quis misit? Pater. Quādo? Post gloriā. Post gloriā cuius? Quidā post gloriā eius, qui missus est, nempe Christi, hūc locum intelligunt hoc modo. Post gloriam, inquit, diuinæ substantiæ, quā habuit in cœlo, missus est in carnē, in mundum, ad conterendū quicquid gentilicium est, electosq; seruandos. Verū in hac expositione nō bene cōgruit, q̄ post gloriā diuinitatis ī carnē aduenerit, eo q̄ etiā ī forma serui deus esset. Ego ita capiendū sētio, q̄ sit uerbum ipsius filij dei iā īcarnati, passi, et q̄ post mortē rediuiua in carne gloriosus surrexit ī cœlosq; ascēdit.

dit. Frequēs nāq; ē id locutiōis genus de Christo, ut de eo loquatur scriptura, quasi tū glorificatus esset. Tale est illud psal. 109. Dixit dominus domino meo, sede à dextris meis. Donec ponam inimicos tuos scabellū pedū tuorum. Sæpe etiam, immo sæpius, nedum in psalmis, sed & in Prophetis de Christo fit sermo, quasi iam uenisset, ut Esa. 61. Spiritus Domini super me, eo q̃ unxerit me, euāgelizare pauperibus misit me &c.

Dicit ergo CHRISTVS dominus exercituum, non tantum angelorum, ut quidam scripsit, sed omnium turbarum & castrorum Dei, hoc est, Ecclesiarum. Quid enim Ecclesie, nisi exercitus & castra altissimi? Pater meus post gloriam, id est, posteaquam à morte uictor & gloriosus surrexi, in cælumq; ascendi, & sedi ad eius dexteram, misit me ad gentes, ad nationes scilicet alias ab Israhël, secundum carnem, quæ spoliauerunt uos, ô ueri Israhëlites, electi scilicet tam ex Israhël, quam ex gentibus. Per gentes spoliatrices, uniuersi fidelium hostes capiuntur. Audite gentes, auscultate increduli & Antichristi. Spoliatis sanctum Israhël, populum Dei uerum: affligitis electos, hora uestra & potestate tenebrarum, q̃ ita uelit Deus in electorum bonum. Sed uiuit Dominus ille exercituum, Dominus ille noster IESVS Christus, Deus & homo uerus. Non uicit eum mors, tametsi ab ea percussus fuerit in tempus: propter quod & ita necesse est, electos suos in tempus cædi, percuti, affligi, quòd non sint maiores Domino suo. Resurrexit autem ille, & à morte malis

q̄; omnib; triumphauit, & uicit in electis suis omne malum. Filij cæci usq; quo graui corde? Scitote, quia Dominus sanctum hunc suum, dilectum suum, unigenitum suum fecit gloriosum & admirabilem: dedi q̄; sibi omnes gentes, & uniuersos terminos terræ, ut cunctos sibi obstitentes tanquam uasa figuli contereret. Certissime postquam glorificatus est, & de morte triumphauit, missus est à patre ad gentes, ministerio Apostolorum, ac fidelium ministrorum uerbi, quos ad id elegit, ut nomen suum portent coram gentibus uniuersis. Si moram fecerit, & mox non uenerit in fidelibus Euangelistis, uel per ministerium eorum ad gentes, pro certo ueruntamen sciant, q̄ ueniet, & non tardabit, ut non assit tempore quo præfinit. Si enim à patre missus factus fuit obediens usq; ad mortem, mortem autem crucis, qui fiet, ut non sit obediens ipsi patri, cum mittitur ad seruandum populum suum, reprobosq; conterendos.

Post gloriam ergo missus à patre ueniet & faciet uindictam electorum suorum. Vnde & ait illis: Qui tetigerit uos, aliquid nocendo, tangit pupillam oculi eius, nempe Dei. Quasi dic. deo misit me, ut eorum qui uos tangunt, id est, uobis nocent, uindictam faciam. Tribuit opus suum patri mittenti, quemadmodum Ioan. 14. dicit: Pater in me manens ipse facit opera. Quæ opera? Necdum per digia illa, sed etiam quicquid per seruos suos usq; hodie facit. Vide quàm zelat Deus pro electis suis, dum eorum hostibus tam imputat furorem hostilitatis eorum, ut ita habeat

habeat mala, quæ ipsis inferunt, quasi tangerent pupillam oculi eius.

Sed qui sunt eius oculi, & quæ pupilla? Oculi DEI aut pupilla non sunt aliud ab eo: Verum speciatim ueritatem eius significant. Puto autem ueritatem primam, quæ uidelicet Deus est, pupillæ appellatione designari. Quam tangit, qui negat Deum esse. At qui tangit & persequitur electos Dei, haud secus est, atque qui tangit hanc Dei pupillam, qui scilicet eum esse negat. Ergo fideles persequi, est negare Deum. Hæc huius loci expositio bona quidem & uera est, uerum non dico huic textui necessariam. Summa namque prædicti uersus de pupilla hæc est: Deus ita abominatur & punit malignitatem persequentium fideles suos ueros Israëlitas: quemadmodum si quis, quod in Deo est delicatissimum, persequeretur, aut fieri posset ipsum Deum maxime affligeret. Scriptura namque de ipso deo, more hominum loquitur, uerum ipsæ locutiones non sunt alioqui enarrandæ, quàm sicut ipsi D E O conueniunt.

Audiamus autem uindictam, quam Christus dominus facit in gentibus. Ecce, inquit, ego leuo manum meam super eos, & erunt prædæ his qui seruiebant sibi, & cognoscetis, quia Dominus exercituum misit me. Manus Christi est potestas, seu operandi uirtus, quæ sibi data est in cælo & in terra. Hanc super gentes, seu incredulos leuat, dum mittit eis uerbum suum, quo sic uincuntur, ut fiant prædæ fidelium, sequæ subijciant illis, quos prius oppresserant,

rant, eorum uerbo acquiescentes. Super eos uero, qui nō acq̃uierint, fiet manus eius ad perdendum eos. Iustus dominus in omnibus uijs suis. Tum cognoscent fideles Christum à patre missum. Vide paulopost. Quòd autem ita capi debeat hic textus, ex sequentibus notum sit.

Lauda & lætare filia Sion, quia ecce ego uenio, & habitabo in medio tui, ait Dominus. Et applicabuntur gentes multæ ad Dominum in die illa, & erunt mihi in populum. Et habitabo in medio tui, & scies quia Dominus exercituum misit me ad te. Et possidebit Dominus Iudam partem suam in terra sanctificata, & eliget adhuc Hierusalem. Sileat omnis caro à facie Domini, quia con-surrexit de habitaculo sancto suo.

Sion Ecclesiam esse, notum est, quam dominus exercituum, unigenitus dei alloquitur, promittens aduentum suum. Lætare, inquit, & lauda filia Sion. Vnde illi lætandum? Vnde laudandus Deus? Et tu lector obserua, unde lætandum, & laudandum nomen Domini. Quia ecce, inquit, ego ueniam, in carnem, & habitabo in medio tui, etiam uisibiliter in tempus, perpetuo autem spiritu et inuisibiliter, sicut habes Mat. ul. Ecce ego uobiscum sum, usq; ad consummationē seculi. Venit in horas Christus, ut assit fidelib. suis, cuius aduentus exhibitio auxiliij sui est. Semper uero adest, quia sēper iuuat. Hinc lauda dominū, hinc gaude, ô fidelis anima, quòd uenit Christus, q̃ p̃misit se nobis

se nobis affuturum, & dic: Si Deus pro nobis, quis contra nos? Dominus illuminatio mea, & salus mea, quem timebo? Dominus protector ueritatis meae, a quo trepidabo? Si consistent aduersum me castra, non timebit cor meum. Si exurgat aduersum me praelum, in hoc ego sperabo.

Hinc quoque lauda & letare, quia in die illa, in die Christi, nempe post gloriam suam praescriptam, multae gentes applicabuntur ad Dominum, suscipientes uerbum fidei, & se pietati subiicientes. In hac die est, qui uere credit, alioqui non nisi in nocte esse potest. Et in ea sola die potest se quis applicare ad Dominum, alioqui nunquam se applicabit ad eum. Quotquot autem se ad eum applicant, fiunt DEI populus, immo hi soli populus eius sunt. Hoc est, quod habes Osee 2. Vocabo non plebem meam, plebem meam, & non dilectam, dilectam. Quod à Paulo Roman. nono allegatur. Non applicamur Domino, a quis aut externis, sed fide: tametsi baptismus sit fidei signum, sine fide inutile. Nemo tamen hoc uerbo putet se subscribere his, qui paruulorum baptismum negant, de qua re alibi egimus.

Quia autem & gentium & Israëlitis conuersorum, computatum unum Christus est, ideo postquam de gentium conuersione egit, & dixit eos uniendos ueris Israëlitis in populum unum: iterum dicit, quod paulo ante solis Israëlitis dixerat: Et habitabo in medio tui, & scies, quia dominus exercituum misit me ad te. Magna res est nosse Christum missum à patre. In hoc enim uel solo sita est nostrae salutis summa.

his summa. Proinde ubi tot'es de scientia Dei uel salutis aliquid legis, non dubites hoc esse primum in ea, nosse Christum. Nosse autem Christum cōplectitur nosse, ad quid missus sit: & q. solus sit Dei & hominum mediator, & aduocatus noster unicus, & quaecūq; ad hæc sequuntur, nempe oī uerbo eius toto corde acquiescere, et à nullo oīno dissentire.

Que sequuntur: Et possidebit dominus iudā &c. & ad literā et secundū mysteriū capiuntur. Adhuc cultus eius fuit secundum legē in iudæa & Hierusalē templo reedificato. Verus quoq; Dei cultus abiectus & calcatus ministerio Antichristorū, ī electis dei gratia et dono instauratur, īstaurabiturq; deinceps pfectius, uerbo plenius reuelato, et ī terris pluribus annūciato Siquidē ipsi electi quedā iudæa et Hierusalē sunt, quemadmodū et Israel ac Abraham semen. Porro cū hæc implentur, ubi scilicet est uerus Dei cultus: & ubi uerbum eius suscipitur, si et omnis caro à facie Domini, quemadmodum hic Propheta adhortatur, dicens: Sileat omnis terra &c. Quem uersum Abac. 2. ubi etiā habetur, explanauimus. Quaecunq; hic prænūciauit de Israelitis spiritus sanctus, in ultia Israelis cōuersiōe ī eis perfectiss̃ implenda cōfidimus. At de his alijs locis plura:

CAPVT TERTIVM.

Summariū capitis. Primum, uidet pontificem legis exui sordidis uestibus, & indui præclaris, in Christi figurā. Secundo, insignis de Christo pphetia subiūgitur, ī qua oriēs

FRANC. LAMB. IN ZACHARIAM

Et Domini seruus ac lapis appellatur. Tertio, ostenditur quibus abscondita sit huius lapidis sculptura. Et ibi multa de fidei ac uerbi fructu, suauitate et potentia.

P A R S P R I M A.

ET ostendit mihi Iesum sacerdotem magnum, stantem coram angelo Domini, & Satan stabat à dextris eius, ut aduersaretur ei. Et dicit Dominus ad Satan: Increpet dominus in te Satan, & increpet in te dominus, qui elegit Hierusalem. Nunquid non iste torris est erutus de igne? Et Iesus erat indutus uestibus sordidis, & stabat ante faciem angeli. Qui respondit, & ait ad eos, qui stabant coram se, dicens: Auferte uestimenta sordida ab eo. Et dixit ad eum: Ecce abstuli à te iniquitatem tuam, & indui te mutatorijs. Et dixit: Ponite cydarim mundam super caput eius. Et posuerunt cydarim super caput eius mundam. Et induerunt eum uestibus. Et angelus Domini stabat, & cōtestabatur angelus Domini Iesum, dicens: Hæc dicit Dominus exercituum: Si in uñs meis ambulaueris & custodiam meam custodieris, tu quoq; iudicabis domum meam, & custodies atria mea, & dabo tibi
ambu.

ambulantes de his, qui nunc hic assistunt.

Magna est inter expositores de sensu huius capituli cōtentio. Hebræi nanq; totū interpretantur de Iesu filio Iosedech usq; ad eum locū. Ecce ego adducam seruū meum orientē: alij uero totū de doīo Iesu Christo enarrāt. Ego utrūq; uolo, q; utrūq; uelle spīritū dei nihil dubitē. Nam quemadmodū multæ aliæ prophetiæ, de Israēle, Hierosolyma, Iudæa aut Dauide in figurā primū, iuxta historiam uel in parte adimpletæ sunt, perfectius autem in Christo & Ecclesia adimplentur: ita & de hoc textu, ac de multis sequentibus iudicandum est. Nimirum impletio una ut figura præcessit, alia ut ueritas figurata sequitur.

Indubie enim Iesus uel Iosue filius Iosedech, sacerdos magnus pollutus fuerat criminib; nō leuib; uel in hoc q; permisit filios suos ducere uxores alienigenas, ut patet. 1. Ezræ decimo. Et puto q; ob id potissimum uisus est sordidis uestitus. Fuit quoq; & ipse, uelut torris uel titio semiustus, raptus ab incendio. Interpretabimur ergo primū hunc textum iuxta figuram, secundo iuxta rem figuratam, propter quam potissimum hæc uisio fuit Zachariæ ostensa.

Igitur dominus ostendit hæc Zachariæ in uisione. Vidit Iesum filium Iosedech sacerdotem magnum, stantem ante faciem angel. Quis fuerit hic angelus nemo nouit: incertum nanq; est, an fuerit is, qui in Zacharia loquebatur:

FRANC. LAMB. IN ZACHARIAM

Neq; tutum est illis subscribere, qui per eū uolūt Michaelem intelligi. Sed uere absq; fructu est pro eiusmodi tam diuexari. Id enim tantum certum est, q̄ fuit angelus domini, ad id missus, ut impleret hoc ministeriū. Verū si in eiusmodi liceret opinari, magis sentio fuisse angelū per Prophetam ad populum loquentem, quam aliū quemcunq;.

A dextris uero Iesu erat diabolus satagens, ut perderet eum. Querebat angelus domini bonus, ut seruaretur Iesus: contra malus angelus eidem aduersabatur, ad idq; moliebatur, ut reprobaretur à Domino. Vide in his duobus angelis, omniūq; bonorum & malorū angelorū diuersa studia. Et quia angelus nuncius interpretatur, uide etiā in utroq; nunciorū dei, hoc est fidelīū pphetarū et nūciorū Satanae, hoc ē, pseudopphetarū oppositos affectus.

Porro angelus sanctus uidēs, ad qd niteretur Satan, ait i persona Dei, unde & hic scribitur, q̄ dominus id dixerit: Increpet dominus in te Satan. In te arguat & puniat maliciā, qua plenus es. Tibi imputet peccatum Iesu, q̄ eius punitionem non peccati odio, sed mera inuidia & malignitate deposcis. Is est accusator fratrum nostrorū, Apoca. 12. Dei ergo uerbum est istud: increpet &c. magis quā angeli. Vbi uide, quā ea sit misericordia eius, mox hosti cōtradicit, ostendens quōd uelit seruare eum, quem ille perdere cupiebat. A me, inquit, qui sum dominus in te aduersatissimo omnis boni aduersario, non in sacerdote magno, mea increpatio, siue punitio manifesta fiat. Perdaris tu à me, ô impie, quem reprobauī, non Hierusalem, quam elegi,

elegi, nec filij eius. Sunt qui hunc locum sic tractant, quasi una persona de alia loquatur. Sic dominus filius ait: Dominus pater increpet in te &c. Tu uide, ne illis subscripseris, quod è nullo Scripturæ loco probari ualeat eiusmodi enarratio. Simplicior quippe est, ut dicas angelum in persona D E I appareniem hæc dixisse, ut ostenderet clementiam Dei erga peccatores resipiscentes, & in Dei persona de ipso D E O, quasi de tertio quodam locutus est.

Ait quoq;: Nunquid non iste torris est erutus de igne? De ipso Pontifice loquitur. Quod. Fuit in captiuitatis miseria, in qua malorum grauitate quasi semiustus fuit. Nunc ab ea liber factus est, malis plenus. Nunquid eum liberum feci, ut perdam, & non magis ut instauretur, quod in eo propter captiuitatis incendium deperditum est? Volo instaurare eum, in sacerdotij gloriam, & illi signa dilectionis ostendere. Absit à me, qui bonus sum, ut paream uotis tuis. Tempus uenit, quo ante secula apud me definitum est, quod misericordiam suscipiet. Nondum aperuisti os tuum, sed uideo maliciam tuam, quæ scilicet ades, ut aduerseris ei.

Tum præcepit angelus idem ex persona Domini, his qui coram se erant: Auferte uestimenta eius sordida. Quod ubi factum fuit, ait: Ecce abstuli à te iniquitatem tuam, & indui te mutatorijs: Iussit quoq; ut cydarim, seu mitram mundam ponerent super caput eius, quod & fecerunt. Ego arbutror hanc uestimentorum innouati

FRANC. LAMB. IN ZACHARIAM

onem, significare sibi remissa, quæ contra legem Dei admiserat: & quod præterierat sordidum flagelli Hierosolymæ tempus, aderat autem dies, quo instauranda erat in gloriam suam. Maxime autem figurabat instauranda Sacerdotum ministeria, quæ in diebus captiuitatis cessauerant

Eo ergo induto, angelus illum contestabatur. Hæc, inquit, dicit Dominus exercituum: Si in uis meis ambulaueris, & cætera. Afferunt nonnulli, quod hi assistentes Pontifici, qui paulopost emici eius, & portendentes uocantur, erant Ananias, Misael, & Azarias. Sed intutum nimium est, quicquam similem asserere, ubi certitudo est nulla. Textus alioqui nihil difficultatis habet.

Nunc alia ratione, nempe iuxta rem figuratam, exponemus, quæ secundum figuram enarrauimus, & non iam Iosue illum filium Iosedech, sed I E S V M C H R I S T V M Dei unigenitum, pontificem æternum secundum ordinem Melchisedech intelligemus. Qui fuit in misera huius mortalitatis Babylone, semiustus malorum incendijs, cuius perditionem quærebat Satan, nesciens certò, quod filius D E I & mundi instaurator esset. Qui & ipsum Dominum nostrum tentauit sæpius: & contra eum prouocauit innumeros, nempe Iudam, & Iudeos, Herodémque ac Pilatum cum ministris eorum.

Habebat tum Christus uestem sordidam mortalitatis, sordidiorem autem in tempore passionis suæ, & nolebat Satan

bat Satan, ut indueretur melioribus, nempe gloria resurrectionis. Sed suscitauit eum dominus tertia die, cum admirabili gloria & immortalitate uestiuit eum. Ceterum antequam resurgeret, nempe cum pateretur, factus erat sicut peccator & maledictus, eo quod maledictus esset qui pendebat in ligno: & cum sceleratis reputatus erat, dum peccata nostra in corpore suo pertulit super lignū. Mox autem ubi suscitauit eū deus, ablata est ab eo omnis maledictio & sordes uniuersæ.

Deniq; id noluit palàm fieri Satan, sed nifus est, ut pro sordido habcretur, agens arte, ut sepulchri custodes corpus eius à Discipulis sublatum uulgarent, sed neq; ualuit præpediri gloria eius, diaboli & suorum execrabiles conatus, irridente & irritante Deo.

Demum cum hypocritarum & Antichristorum Synagogis non cessauit id agere, neq; in hunc diem cessat, ut CHRISTVS & sua omnia sordida putentur, cui re probi subscribunt, quicquid Christi est persequentes. Et quidē aliter fieri nequit, quod sint tam ipse Christus, quàm sua omnia posita in signa, quibus ab incredulis cōtradicator. Verum semper tandem uincit, & uincet ueritas, & quantumlibet Satan & Synagoga eius insaniant. Christus nō sordidus, sed gloriosiss. agnosceatur, ut idem & quæcunq; ad eum spectant.

Quæ sequuntur ab eo loco: Si in uijs meis ambul. usq; ad illū: Ecce ego adducā seruū meū orientē, nō bene cōueniūt domino nostro Iesu Christo, sed taniū ad literā capiūtur.

Audi Iesu sacerdos magne, tu & amici tui, qui habitant coram te, quia uiri portendentes sunt. Ecce enim ego adducam seruum meum orientem, quia ecce lapis quem dedi coram Iesu super lapidem unum, septem oculi sunt.

Pontifex & amici eius, uiri portēdentes, hoc est, prænunciantes & in futurum expectantes excitantur à Domino, ut audiant rem certe magnam, nempe prophetiam de summo & æterno pontifice, non Iesu filio Iosedech, sed domino IESU CHRISTO, Dei unigenito, quem operiebantur sciebantq; uenturum.

Ecce, inquit, ego adducam seruum meum Orientem. Is est per quem omnia facta sunt. Ioan. primo. De quo infra capite sexto. Ecce uir Oriens nomen eius. Ipse enim principium est. Ioan. octauo. Et principium quidē uitæ, lucis, ueritatis, gratiæ, iustitiæ, uirtutis, sapientiæ & omnis boni. Sibi ergo optime competit Orientis nomen. Quid enim oriens, nisi lucis principium uel fons seu initium, à quo progreditur lux? Et lux est Christus. Ioan. octauo: & sol iustitiæ, Malach quarto. Qui ex alto est ortus, ut lumen tribueret his qui in tenebris & in umbra mortis sedent: atq; ad dirigendos pedes nostros in uiam pacis. Lucæ. 1. Et ipse fons sapientiæ. Eccle. 1. Verbum
caro

caro factum, plenum ueritate & gratia, de cuius plenitudine omnes adcepimus. Ioan. 1. A quo procedit lux spiritus dei. Nonne hæc omnia conueniunt orienti? Et hic Oriens, ut homo seruus est domini, Patre minor. Ioan. 14. Verum ut deus ill. per omnia æqualis, & unum, uel unus Deus cum eo. Ioan. 10. Sic propter humanitatem, uocatur domini seruus, & Dauid. Eze. 34. & 37. Aggei quoq; u. eadem ratione, & Zorobabel, & seruus dei appellatur.

Quòd dicit, adducam, promissio est uerbi sui incarnandi. Et uere tam magna, aperta, sublimis, & mirifica est promissio hæc, ut nulla in scripturis apertior, qua simul & carnis, & uerbi naturæ, & utriusq; unio ostenduntur. In seruo enim carnem, in oriente deum agnosce. Oriens quoq; deus scilicet, unum cum patre omnium creatorum principium, & unigenitus eius, semper à patre ipso egrediens, seruus eius dicitur, ut homo. Qui Christus homo, propter naturam qua oriens est, Dei filius uocatur.

Demum eius qui sub orientis & serui nomine intelligitur, gloriam, fortitudinem, ac scientiæ plenitudinem prænūciat, sub metaphora, lapidis, & oculorum. Et puto quòd id quod de oculis meminit, non fecit in alium finem, quàm ut ostenderet, unde potissimum, eum dixerat Orientem, nosq; instrueret, ad quid eum adducturus erat. Obseruandum, quod toties in his prophetiis replicat, ecce, ut ostendat, quòd ea de quibus hic agitur, sint eiusmodi, ut ad ea oporteat cunctos esse intentissimos.

FRANC. LAMB. IN ZACHARIAM

Sic autem iungitur, cum uersu præcedenti . Ecce ego adducam seruum meum Orientem . Quare? Quia ecce lapis, Christus scilicet, idem qui Oriens, lapis abscisus de monte, omnia regna mundi comminuens. Daniel. 2. Lapis reprobatus ab ædificantibus, sed factus in caput anguli. Is, inquam, lapis eiusmodi est, quod super unum lapidem, ipsum Christum, qui est unus, uel unum, nempe, una persona, non plures, & non super alium lapidem, sunt oculi septem . Qui sunt hi septem oculi, nisi septem lampades ardentes ante thronum dei, Apoc. 4. & 7. oculi; immaculati agni? Apoc. 5. Per septem, uniuersitatem, aut aliquid magnum seu graue designari, Amos. 1. ac alijs nonnullis locis probauimus. Porro Apoc. 5. dicitur, quod sunt septem spiritus dei, uniuersa scilicet charismata eius. Plenitudo ergo ueritatis iustitiæ & omnium charismatum spiritus dei, septem quidam oculi sunt, orientis & lapidis Christi.

Nunc si quæris, qua ratione erat adducturus orientem in carnem, & quare cum ita uocarit. Respondet. En proinde adducam in mundum ipsum orientem, quod summe necessarius mundo sit, & quod non possit irrita fieri promissio mea. Ipse autem quem uocaui orientem, est idem, qui lapis ille, quem promisi per Danielelem. Daniel. 2. Quæ nunc ideo orientem uocaui, ut sciatis quàm uobis necessarius sit. Nimirum ipse solus & unus est, in quo posui omnem spiritus mei plenitudinem, ideoq; fons, oriens, & principium est, omnis ueritatis & omnium eiusdem spiritus

ritus charismatum. Quæ ideo per oculos designantur, ut sciatis quòd absq; eodem spiritu, non nisi cæcitas esse potest. Et quisquis noluerit cæcus, & absq; sano ueroq; iudicio esse, ipsi cohereat necesse est.

Sed quid est, quod ait, quòd dicit se dedisse hunc lapidem coram Iesu? Quis hic Iesus? filius Iosedech. Coram eo erat, dum prophetiam Danielis nouerat, & illi credebatur, atq; dum spiritu uidebat Christum lapidem uiuum, sicut de Abrahamo dicitur. Ioan. 8. Abraham exultauit ut uideret diem meum. Vidit (spiritu) & gauisus est. Nihil autem facit, ut quis habeat coram se hunc lapidem, esse post eius incarnationem, aut fuisse antequam incarnaretur, sed fides. Iudæi uiderunt eum iuxta carnem, sed non habebant eum coram eis, dum eum CHRISTVM esse, minime crediderunt. Fuit namque illis, quasi alius quæspiam esset. Summa. Nullus incredulus & hypocrita, illum coram se habuit unquam, neque habebit, nisi adque scat uerbo fidei, lapidis huius.

Verum id est obseruandum, quòd fieri non potest, ut quis hunc lapidem habeat coram se, nisi largiente deo. Vnde & Dominus ait: Dedi hunc lapidem coram Iesu, hoc est, illustraui eum, ut nosset mysterium lapidis huius, & illi uere crederet. Hæc fuit causa, & unica quædam, salutis Iesu, filij Iosedech, & Abrahami, & omnium electorum, quòd DOMINVS dedit coram eis lapidem istum. Da o domine lapidem istum, coram nobis, ne pereamus.

P A R S T E R T I A.

Et ecce ego cælabo sculpturam eius, ait dominus exercituum, & auferam iniquitatem terrę illius in die una.

Seruans lapidis metaphoram, dicit. Cælabo sculpturam eius. O uere magnum mysterium. Quid putas hoc esse, quàm quod habetur Apoc. 2. Vincenti dabo manna absconditum, & dabo illi calculum candidum, & in calculo nomen nouum scriptum, quod nemo scit, nisi qui adcipit. Nosse sculpturam lapidis Christi, est nosse uere & ex spiritu, quid sit IESVS Christus, & mysterium adueniẽs eius. Hoc solus nouit, qui in eum sincere credit. Credit autem solus ille, qui à Deo trahitur & docetur. Cæterum accipit hoc à deo, quisquis ab illo eruditur. Hanc igitur sculpturam cælat & abscondit Deus. Quibus? Omnibus omnino, ita ut nemo ualeat nosse eam, nisi idem qui eam cælauit, eandem suo spiritu notam faciat. Vnde in dicto loco Apocalypscos. Nemo, inquit, scit hoc nomen, præter eum, qui adcipit, non dubiũ quin à domino. Porrò quisquis id adcipit à deo, mox credit, et gustat suauitatem, & letatur in mirabilibus, magni nominis eius.

Cæterum una die, tempore scilicet, quo mens lucis &
diei.

diei ueritatis, fit dei munere particeps, quod prius occultarat, misericorditer aperit, & cognita sculptura nominis, lapidis huius excelsi, aufert omnem iniquitatem terræ, purgat & mundat ab omnibus peccatorum sordibus, efficacia lapidis, conterentis quæcunq; ad carnem et hoc seculum spectant.

In die illa dicit dominus exercituum, uocabit uir amicum suum subter uineam & subter ficum.

Multis locis diximus, uino seu uitibus, figurari dei uerbum, eo quod uere letificet, non carnem solam, sed cor hominis. Quod etiam, ficu fructu suauiissimo designatur.

Subter ergo uitem, & ficum uocat amicus amicum, dum unus alium prouocat, ut se dei uerbo subiciant. Manentes autem sub uerbo Domini, letantur in eo, & quiescunt in pulchritudine pacis, & in requie opulenta, & in tabernaculis fiduciæ. Per mansionem enim sub uite, & ficulnea, nedum uerbi suauitas, sed & pax Christi omnem sensum exuperans significatur, quæ etiam in medio umbræ mortis habetur. Nimirum fideles in aduersis omnibus, possunt Dei uerbo pacem consequi. Incredulis autem, & impijs non est pax, quantumlibet, sub Dei eloquiorum arboribus se manere adserant. Legunt sacros libros, sed non ex fide & spiritu, ideo per eos pacem neutiquam habent. Ardua est hæc res, ab omnibus Antichristis, Phariseis, & hypocritis abscondita, etiam si perpetuo legant, & prædicarint sermones dei Altissimi.

CAPVT QVARTVM.

Summarium capituli. Primum, Zacharias suscitatur ab Angelo Domini, & uidet candelabrum aureum cum partibus suis. Secundo, petit sibi interpretari ipsam uisionem, quod & facit Angelus, ubi complura insignissima de Christo & Ecclesia habes.

PARS PRIM A.

ET reuersus est angelus qui loquebatur in me, & suscitauit me quasi uirum, qui suscitatur de somno suo, & dixit ad me: Quid tu uides? Et dixi. Vidi & ecce candelabrum aureum totum, & lampas eius super caput ipsius, & septem lucernæ eius super illud, & septem infusoria lucernis, quæ erant super caput eius, & duæ oliuæ super illud, una à dextris lampadis, & una à sinistris eius.

Quo magis progredior in Prophetæ huius enarratione, eo magis demiror mysteriorum magnitudinem. Multi quippe putant, hæc ad literam, de solo Zorobabele capienda. Sed quemadmodum capite superiore diximus, multa sæpe in prophetiis habes, quæ externe haud

haudquaquam impleta fuerunt. Implentur autem per se-
 Æ in Christo & Ecclesia. Nam quod impletum fuit in
 populo Israël, pars sola impletionis fuit. Sic est de huius
 capitis prophetia sentiendum. Proinde sicut præcedenti
 capite, priore parte fecimus: Primum eandem prophe-
 tiam iuxta figuram, deniq; iuxta rem maxime & primū
 figuratam exponemus.

Principio igitur, per id quòd uir dei, non prius uidit
 mysteria dei, quam susciaretur ab Angelo, docemur nul-
 lum esse, qui possit nosse ueritatem, nisi excitatus admoni-
 tus, & doctus à Domino. Cæterum is quem sic Deus ad-
 monet, quasi à somno excitat. Nam quisquis non illustra-
 tur à domino, non est alioqui cum eloquijs Dei, quàm ho-
 mo dormiens, quòd ea capere non possit. Vnde uir hic
 dei, se quasi à somno excitatum, conuenientissime dixit.

Mox autem ut fuit excitatus, uidit uisiones Dei, nem-
 pe, candelabrum ea forma, quæ habetur Exo. 25. paucissi-
 mis demptis, quæ patebunt conferenti hunc locum, cum
 illo. Hic ponit lampadem unam, puto quòd pro septem,
 eo quòd septem lucernas uidit, quarum quælibet, super
 lampade una ponebatur.

P A R S S E C V N D A.

Et respondi, & aio ad angelum qui loqueba-
 tur in me, dicens: Quid sunt hæc domine
 mi. Et respondit angelus qui loquebatur in
 me,

me, et dixit ad me. Nunquid nescis quid sunt hæc? Et dixi, non domine mi. Et respondit, & ait ad me, dicens. Hoc est uerbum domini ad Zorobabel, dicēs. Non in exercitu nec in robore, sed in spiritu meo, dicit dominus exercituum. Quis tu mons magne coram Zorobabel in planum? Et educet lapidem primarium, & exequabit gratiam gratiæ eius. Et factum est uerbum domini ad me, dicens. Manus Zorobabel fundauerunt domum istam, & manus eius perficient eam, & scietis, quia dominus exercituum misit me ad uos: Quis enim despexit dies paruos? Et lætabuntur & uidebunt lapidem stanneum in manu Zorobabel. Septem isti oculi sunt domini, qui discurrunt in uniuersa terra. Et respondi & dixi ad eum: Quid sunt duæ oliuæ istę ad dexteram candelabri, & ad sinistram eius? Et respondi secundo, & dixi ad eum. Quid sunt duæ spicę oliuarum, quæ sunt iuxta duo rostra aurea, in quibus sunt suffossoria ex auro? Et ait ad me, dicens. Nunquid nescis quid sunt hæc? Et dixi. Nō domine mi. Et dixit. Isti sunt duo filij olei, qui assistunt dominatori uniuersę terre.

Non intellexit, quod uiderat, ideo petijt, ut hanc rem ab Angelo doceretur. Quod autem interroganti

ganti dixit Angelus. Nunquid nescis &c. non dubito ob id factum, ut in nostram eruditionem, Propheta se nescire apertius testaretur. In nostram dixi eruditionem, ut scilicet, nihil nostro sensu adgrediamur in his uisionibus, in quibus etiam ipsi Prophetæ trepidarūt. Erudimur quoq; ut si uolumus sensu domini uere docti fieri, deponamus sensum nostrum fallaciissimū, et nihil fiduciæ adponamus, iudicio nostro, arti, ingenio quantumlibet acri, neq; ulli omnino literature.

Profitenti ergo ueritatem, nempe, quòd dei mysteria ignoraret, opusq; habere se, interpretatione uisionis, respondit Angelus. Hoc est uerbum domini ad Zorobabel dicens. Non in exercitu neq; in robore, sed in spiritu meo, dixit dominus exercituum. Valde pregnans est hic sermo, & eo quidem plus, quo truncatus uidetur. Ad id primum obserua, quæ sint opera spiritus dei, & quod hoc speciatim loco, spiritus pro dei uoluntate ac decreto capiatur, quemadmodum & Gene. 1. Et spiritus domini ferebatur super aquas. Spiritus quippe seu uoluntas domini, in id ferebatur immutabiliter, ut ex aquis uniuerfa conderet. Per aquas autem intellige omnia tum ab eo facta, absq; ornatu, quem deniq; per sex dies adiecit. Scio quosdam hic uertisse uentum pro spiritu, quod non puto sic capiendum, etiam si Ruach uox Hebræa ad utrumq; æquiuoca sit.

Porro ab eo spiritu seu uoluntate dei sunt omnia, nempe, celum, terra, aquæ, & quæcunq; in his sunt, & fiunt. Ideo nihil est tribuendum sapientiæ, robori, experientiæ,

M uirtuti

FRANC. LAMB. IN ZACHARIAM

uirtuti, ac potentiae, alterius cuiuscunq; . Quoties ergo aliquid uides, dic: Hoc non in robore creato, sed spiritu dei. Idem dic in corde tuo, cum uideris hos uincere, illos uinci. Non in exercitu, sed spiritu dei. Disce omnia illius decreto tribuere, etiam peccata. Non quod sentiam deum operari potenter peccatum, sed quod aequissimo iudicio suo, deserat aliquos absq; sui spiritus illustratione, & tū non peccare non possunt. Primum ergo etiam peccata, eo iudicante fiunt. Verum in hoc peccatum non operatur, sed iustitiam. Tribue omnia deo, & erit tibi mira pax.

Puto Zorobabelem, non nihil sollicitum paulo plusculum quam oportuisset, uidendo opus quod coeperant, magnum, multarumq; impensarum, & in populo non esse eam copiam, quam optabat ad tantum opus. Videbatq; undiq; hostes Israël contradicentes, & nitentes eos praepedire ab opere Domini. Et increduli nonnulli, ab implenda iussione Domini absterrebantur. Impij quoque illorum aduersarij, subsannabant eos, quasi incipientes opus quod nō essent perfecturi. Hæc uide in Ezræ libris. Contra quos dicitur: Quis despexit dies paruos? Aestimo autem hæc fuisse in causa, ut Dominus Zorobabeli præciperet dici. Non in exercitu &c. Quid si pauper nunc sit populus, & non est Israël in ea gloria qua olim? Mihi non est impossibile omne uerbum. Omnia pendent à uoluntate mea, non à robore, potentia

& di

Et diuitijs hominum. Agite tantum confidenter. Ego sum, qui hæc præcipio, qui et adero uobis in omnibus, et prouidebo de impensis.

Puto quoq; Dominum simul in hoc uerbo intellexisse, quòd hæc propheta de reedificatione Hierosolymæ, et templi sui maxime spiritu intelligenda erat, et quòd tamen si nonnihil erat iuxta carnem implenda, perfectius ueruntamen solo spiritu et uerbo Dei impleretur. Certum est enim, quòd omnes eiusmodi prophetiæ, in C H R I S T O solo et Ecclesia perfecte impleantur. Proinde fors an hic dicit. Non in exercitu, robore, diuitijs, ac rerum copia, perfecte et adamussim, impletur sermo quem prædico tibi, sed solo spiritu et decreto meo, sermonūq; meorum potentia inuicta.

Mirum est autem, quòd hic dicitur Zachariæ non intelligenti uisionem, quòd nihil aliud esset, quàm quòd Dominus mittebat ad Zorobabelem, hoc uerbum. Non in exercitu et c. Verum si diligenter uisionem scrutamur, puto ex alijs scripturæ locis non parum lucis, huic difficultati adaccessurum. Aureum candelabrum uidit, cum suis lampadibus, lucernis, infusorijs, et oliuis, nempe tale, cuiusmodi in templo Domini, usus erat.

Erat quoque unum e præcipuis, quæ Deus iusserat, in Hierosolymæ templo haberi. Proinde æstimo uisione candelabri, templi et cultus quod in eo DEVS instituuerat, restorationem designari. Vnde et paulo=

FRANC. LAMB. IN ZACHARIAM

post, Deus promittit, quòd à Zorobabele domus sua perficeretur, & id quidem nō tam humanis suffragijs, quàm sua institutione, atq; decreto

Demum quia templū illud Ecclesiæ Dei typum gessit, quòd in ea uere colatur Deus, id quod multis locis probauimus, itidem quia eiusdem Ecclesiæ figura candelabrum est, ut patet Apoc. 1. ideo per huius candelabri uisionem, ueri cultus dei in Ecclesia sua, adeoq; ipsius Ecclesiæ instauratio figuratur. Ferme namq; iam nulla est fides, nec fuit à seculis multis, regnantibus mendacijs hominum. Porro hæc instauratio, non fit exercitu, robore, diuitijs, scientijs humanis, eloquentia, linguis, sed neq; litera operum nostrorum aut eloquiorum Dei, sed solo scopo eorum, nempe, literæ spiritu, ac beneplacito domini, & fide. Vnde & à domino recte dicitur: Non in exercitu & robore, sed in spiritu meo. Sequitur.

Quis tum mons magnæ &c. Superbi hostes Israël, qui opus Dei præpedire nitebantur, cum eorum capite Satana, montis magni adpellatione capiuntur. Hic mons, stare non poterat, & omnino absque uiribus ante faciem Zorobabel, quòd secum haberet uerbum, auxilium, & spiritum Domini. Per id ostendit, quòd nihil possent, ad impediendum, domus Dei opus, quod Zorobabel inceperat, ut non tandem uel eis insipientibus perficeretur. Hinc habes argumentum, quòd nihil sub cælo potentius est, fideli seruo Dei.

Quod

Quod si Diabolus cum suis omnibus, nihil potuerūt, ad impediendum opus, quod Zorobabel incepterat, multo minus quidquam poterunt aduersum decretum domini, et opus summi Zorobabelis Domini I E S V C H R I S T I, qui Zorobabelis nomine, Aggei ultimo capitur. Qui templum, id est, Ecclesiam suam instaurare cœpit, & uel insaniente alto uniuersorum Antichristorum monte, quod cœpit perficiet.

Fortior ergo fuit Zorobabel, omnibus hostibus suis, Domino sibi adsistente. Qui dominus, non Zorobabel, nedum id suo spir. tu faciet, sed & educet lapidem primum C H R I S T V M, per Zorobabelem designatum, factum in anguli caput. Psal. 117. & Matth. 21. primogenitum in electis omnibus, qui sunt lapides secundarij, & uiui. 1. Pet. 2. Lapidem, inquam, fundamenti uere Sion Ecclesie, de quo in capite libri scriptum est. Psal. 117.

Et exæquabit deus, gratiam gratie eius. Cuius eius? Lapidis primarij, Domini I E S V C H R I S T I. Quorum gratiam exæquabit gratie C H R I S T I? Non dubium quin electorum. Sensus est. Quisquis gratiam meam adcipiet, non habebit eam alioqui, quàm secundum aut propter gratiam eius. Nimirum illius meritis, de plenitudine eius uniuersi adipient gratiam pro gratia. Siquidē gratia & ueritas, per I E S V M C H R I S T V M facta est. Ioan. 1.

FRANC. LAMB IN ZACHARIAM

Forſan autem purior, & magis intenta à ſpiritu erit interpretatio, ſi per montem Chriſtū intellexerimus. Et quidem mihi magis adridet, eo quòd ſimile quiddam capite præcedēti habeamus. Hic namq; habes: Quis tu mōs magne corā Zorobabel? illic uero, dedi lapidē corā Ieſu. Chriſtus quippe mons petreus eſt, ſuper quo fundata eſt Eccleſia dei, & lapis de monte abſciſus. Daniel. 2. Sæpe enim, ubi prophetauerant ſancti, de his quæ figuræ crāt, prophetias de rebus figuratis, ſicut à ſancto ſpiritu dirigebantur immiſcuere. Porro quæ fiebant in populo Iſraël, figuras fuiſſe eorum quæ ſunt in Chriſto & Eccleſia, notum eſt. Ideo nunc prophetiæ inſtaurationis Hieroſolymæ & templi, miſcet aliquid de Chriſto & Eccleſia.

Poſteaquam ergo eruditum Zorobabelem, ne trepidaret, ac nihil dubitaret, de auxilio ſuo, ad conſummationē ciuitatis & templi, mox ſubiunxit de Chriſto, in quem proculdubio credebat ipſe Zorobabel, & cuius figura erat. Quis eſ tu mons magne, ſublimis, præclare I E S V Chriſte, qui eſ coram Zorobabele? in corde ſcilicet eius, & ab eius poſteritate eſ naſciturus, in planumq; & uallem terræ uenturus, uel ut Septua. uerterunt, ut corrigas & iudices impioſ hoſtes meoſ, ac populi. Quòd interrogatiue prophetauit, ideo fecit, ut Domini I E S V C H R I S T I ſublimitatem, potētiam, gloriāmq; efficacius oſtenderet.

Conſeſtim deniq; apertius indicat, quid per hunc montem uelit deſignari, dicens. Et educet lapidem primarium, eundē

um, eundem qui mons est, nempe, CHRISTVM, & exequabit gratiam electorum gratiæ eius. Habes id paulo ante apertius enarratum.

Ceterum Zacharias ad cepto à deo sermone, ait: Manus Zorobabel, ducis populi Iuda, fundauerunt domum istam, & manus eius eandem perficient. Quod dum factum fuerit, cognoscetis quod non à me ipso locutus sim, sed quod me miserit dominus. Cognoscetis quoque mendacia pseudoprophetarum & incredulorum dicentium. Non poterit Zorobabel, urbis & templi ædificium consummare. Qua ratione præcepit Deus, Deutero. 18. probari an Prophetæ ab eo loquerentur.

Quis enim despexit dies paruos? Quis contempsit tempus hoc, quo in faciem, non tam ut olim floret Israël, in diuitijs, populi multitudine, & similibus? Nunquid impletio uerbi domini, pendet ab externis? Nonne magis pendet, à spiritu & decreto eius? Nemo trepidet. Zorobabel consummabit domum istam.

Porro aliam ciuitatem, aliudue templum, nempe, dei Ecclesiam, quæ ciuitas dicitur eo quod Regem habeat Christum, & ciues electos: templum uero, quod in ea cultu uero colatur dominus, manus summi Zorobabelis IESV Christi, de semine alterius nati, secundum carnem, ideoque pari nomine uocati, fundauerunt & incœperunt. Dum enim uniuersi electi, qui sunt uiri lapides ædificij Ecclesiæ, Christi spiritu & fide, à principio in eius structura positi sunt, quasi manu uirtute & operatione eius, ipsa

FRANC. LAMB. IN ZACHARIAM

Ecclesia est fundata. Quæ etiam eadem ratione ab eo perficietur, dum per eum omnes electi usq; ad ultimum, seruabuntur, & eius spiritu, in Ecclesiæ unitatem adducuntur. Cuius operi et proposito, nec totus mundus, nec ipse inferi portæ obsistere possunt, quòd data sit ei omnis potestas in cælo, & in terra, & manus eius super omnes, et nemo super eum.

Et nunc ecce resumpsit Ecclesiæ suæ opus, quòd Sannaballitæ cæci, hostes scilicet pietatis, suis inuentis præpediterunt sæculis multis. Non fiunt ueruntamen nunc sublimia illa signa, quæ olim ab Apostolis facta sunt, nec tanta uidetur in facië Ecclesiæ gloria, ut tū fuit. Sed hos dies paruos, in quibus uidelicet, nō est tam magna prodigiorū gloria, ut olim, nemo paruoducat, nemo proinde desperet, cōsummari posse dei opus. Nō enim in prodigijs aut quibusuis externis, sita est eiusdem operis consummatio, sed in spiritu dei. Fideles deinde non credunt ueritati propter signa, quæ uelle frustra exigere, increduli est pectoris. Ideo nolentibus adquiescere uerbo, nisi signa habeant, terrendo altissimi iudicio signa mittuntur, & multis sæculis missa sunt, quibus in mendacio facti sunt obstinationes, et ad uerbi ueritatē nunq̃ puenerūt. Quia autē signis mendacibus, siue pro mendacio factis, orbis fuit multis sæculis in errore firmatus, non uult deus, ut nunc miracula fiant, sed ut potētissimo uerbo suo, oīa deuincātur, & opus domus domini, Ecclesiæ uidelicet consummetur.

Veh Antichristis & phariseis contemnentibus hos paruos dies, & dicentibus: Vbi sunt magni illi dies, quib. multa miracula fiebant? Facite, inquiunt, miracula. Generatio hæc praua & adultera signum quærit, & signum nõ dabitur ei, nisi signum de quo prophetauit Daniel, capite octauo, nempe quod sine manu, exercitu, robore, carnis sapientia, prodigijs, & alijs id genus, solo autem spiritu, decreto, & sermonibus Domini inuictissimis conterentur Papa, Cardinales, Episcopi illi laruati, Pharisei, cum omnibus Synagogis, decretis & traditionibus Antichristorum. Hoc signum fiet, & certissime quidem, & nõ erit ex ueritatis hostibus, qui tandem non conteratur.

Quis ergo despiciet hos dies paruos? Affligimur, sed consolamur: conijcimus in carceres, damnamur exilio, rapimur ad tormenta & ignes, sed tandem uincet DEI uerbum, qua fiducia nos consolatur spiritus IESV Christi: scimusq; q. moriendo & mala pro ueritatis testimonio perferendo uincimus, & per id ostium ueritatis Synagogæ efficacissime prosternuntur. Audeamus ergo in Domino, nihil trepidantes, nam perficietur domus dei structura sanctissima, & cadet omnis altitudo impiorũ. Quia enim Ecclesia Dei in faciendis prodigijs modicam nunc accepit uirtutem, is qui habet clauem Dauid, & aperit & nemo claudit: claudit, & nemo aperit, nempe Christus sponsus eius, dedit coram ea ostium apertum, quod nemo potest claudere, quemadmodum Philadelphie sanctis promisit Apoca. 3. Quod ostium quid aliud est, quam dis

ficultas intelligentie Scripturarum, quod tum aperitur, dum earum ueritas reseratur.

Sed quid ultra ait Dominus? Et letabuntur & uidebunt lapidem stanneum in manu Zorobabel. Putat quidam, nescio quæ, de templi tecto plumbato hic intelligenda, quod ego nullatenus crediderim. Aestimo enim, in ò nihil dubio, idem intelligendum per hunc lapidem, quod per eum, quem Dominus ait capite præce. se dedisse ante faciem Iesu filij Iosedech: super quo septem oculi sunt, ut & hic & illic habes. Qui oculi non sunt administrato-rij illi spiritus, ut quidam interpretatur, sed septem, id est, uniuersa charismata spiritus dei, ut præ. capite diximus. Quod discurrunt, uel iuxta Septuaginta, respiciunt in omni terra. Solo enim Dei spiritu recte de uniuersis iudicamus, idcirco hic ubiq; discurrere uel respicere dicitur. Nimirum discursus quidam est, iudicare de omnibus. Quasi enim discurret ubiq;, qui ubiq; iudicat. Et spiritus Domini, imo etiam quisquis per eum spiritualis factus est, omnia iudicat. 1. Cor. 2.

Puto autem hunc lapidem Christum idcirco stanneum dici, q; quasi stannum per malorum ignem transierit, quã diu in hoc mundo fuit. Quid enim fuit tota eius uita in carne mortali, nisi transitus quidam per ignem? Sed eductus fuit tandem in refrigerium, & stanni huius purissimi nitor apparuit, cum de morte surrexit.

In manu quoq; Zorobabelis stanneus hic lapis fuit, q; coram eo uel ante eum fide perpetua extitit. Quæ enim

ab aliquo in manu habentur, coram eo sunt. Vel quasi in manu eius seu coram eo fuit, dū ex eius semine natus est, et tum in lumbis eius adhuc erat. Ceterum manus operationem significat, idcirco dum Christus secundū carnem ex his quos genuit Zorobabel, prodijt, quasi in manu & opere eius fuit. Hunc lapidem uident in manu, semine aut cognatione Zorobabelis fideles, non dubitantes q̄ ex eo secundum carnem natus sit. Et ob id letantur. Quæ enī maior letitia fidelibus, quā nosse Christum natum de semine Dauidis, Zorobabelis & filiorū eorundem? Recte ait: Lætabuntur, q̄ nō nisi mœror & grauis tristitia esse possit his, qui hunc lapidem nesciunt. Maledictus qui nō uidet Christum in manu Zorobabelis. Hunc non uidet, quisquis non uere & sincerissime credit.

Quod tandem attinet ad specialem candelabri expositionem, diximus suprā, Ecclesiam candelabro significari. Porro septem lampadibus, lucernisq; non puto aliud designari, quā speciales Ecclesias, quæ Apoc. i. septem candelabris designantur, in quorum quolibet non septem, sed una tantum lucerna uidetur. Hic per unum candelabrum figuratur una Ecclesia; per septem uero lucernas, idē qd' apd' Apoc. p candelabra septē, nēpe unius catholicæ Ecclesiæ, speciales filie. Fouetur aut in lāpadib. ignis oleo. Quid aut oleū nisi spiritus dei? Psal. 44. Vnxit te deus, deus tuus oleo letitiæ. Hoc oleo fouetur in Ecclesia charitatis ignis et lux ueritatis. Et omnia charismata spiritus eiusdem, ueritatis luci & charitatis ardori sunt annexa.

FRANC. LAMB. IN ZACHARIAM

In lucernis ergo, id est, in specialibus Ecclesijs, unius catholice, immittitur oleum spiritus Dei. Sed quæ sunt infusoria? Fideles ministri uerbi, quos Paulus secunda Corinth. ministros reconciliationis appellat. Ipsum quippe ministerium uerbi, si est fidele, syncerum & purum, quid nisi infusorium quoddam est spiritus ueritatis? Velterris abijcientibus hoc spiritus Dei infusorium, & querentibus infusoria mendacij, nempe ministerium pseudo prophetarum, traditiones, mendacia & decreta hominũ infundentium, per quæ non infunditur oleum diuini spiritus, sed si quæ est amabilis ueritatis lux, ac suauissimus dilectionis ardor mox per hæc extinguitur.

Postremo, angelus dixit Zacharie, duabus oliuis, aut oliuarum spicis, seu (ut Septuaginta uerterunt) ramis, significari duos filios olei, qui assistunt dominatori uniuersæ terræ. Mirũ profecto, quàm uarie à multis de his filiis olei fuit definitum. Ego omnibus uarietatibus omis sis, estimo nihil aliud hic capiendum, quàm præscriptum Zorobabelem ducem populi, & Iesum filium Iosedech, sacerdotem magnum, utrumq; unctum: alterum in ducem, alterum in Prophetam, & utrumq; filium, nedum unctionis ipsius externæ, sed olei eius, qui uere letificat, spiritus scilicet Dei. Quia enim spirituales erant, recte filij olei appellati sunt. O quàm felices essemus, si omnes Principes, & presbyteri seu ministri fidelium, filij olei & uere spirituales essent. Infinitos habemus filios olei seu chris-matis unguentarij seu apothecarij, ex quibus heu uix ullus reperitur.

reperitur, qui sit filius olei spiritus Dei. Omnes enim sunt caro & sanguis. Putant cæci quidem omnia perditæ, si non sint chrismate inuncti, qui baptizantur: ac qui populo uerbum aut sacramenta administrant. Sed quid ad Ecclesiam chrisma aut oleum unguetarij carnis? Nonne illi sat est, habere unguenta suauissima sponsi eius Domini IESV Christi, ad quæ tam sæpe in Solomonis Canticis suspirat? Exterminet Deus omnes eiusmodi hypocriticos ritus, ut simus uere Christi, id est, uncti, oleo & chrismate spiritus sancti.

Igitur duo præscripti filij olei & uere spirituales assistebant dominatori uniuersæ terræ, perseuerantes in fide & opere eius: & sollicitè implentes, quæ ille imperabat. Quod nunquam fecissent, nisi fuissent filij olei spiritus Dei. Nimirum sine eo nullus Deo assistit, aut uoluntatem eius implet. Et nos si uolumus Deo perpetuo assistere, & eius decretis obtemperare, oremus, ut olei sancti sui filios nos clementer efficiat per IESVM Christum dominum nostrum, amen.

CAPVT QVINTVM.

Summarium capitis. Primum, uidet mysterium uolominis seu falcis uolantis, & maledictionem furum, ac dei nomine abutentium designantis. Secundo, uidet iniquitatis amphoram, ferri à duabus mulieribus in Babylo nē, ut ei domū et sedē i ea ædificēt. Præclara oīno mysteria

ET conuersus sum, & leuaui oculos meos, & uidi, & ecce uolumen uolans. Et dixit ad me: Quid tu uides? Et dixi: Ego uideo uolumen uolās, longitudo eius uiginti cubitorum, & latitudo eius decem cubitorum. Et dixit ad me: Hæc est maledictio, quæ egreditur super faciem uniuersæ terræ, quia omnis fur, sicut ibi scriptum est, iudicabitur: & omnis iurans ex hoc similiter iudicabitur. Educam illud, dicit Dominus exercituum, & ueniet ad domum furis, & ad domum iurātis in nomine meo mendaciter, & commorabitur in medio domus eius, & consumet eum, & ligna eius & lapides eius.

Vbi nos habemus uolumen, Septua habent falcem. Magal enim uox hebræa hic posita, significat falcem. Hieronymi autem iudicio etiam significat uolumen. Parum autem refert, utrum horū acceperis, q̄ idē sensus maneat, nempe q̄ maledictio & iudiciū domini sit aduersum fures & assumptes nomen Domini mendaciter. Non nihil uerum plus congruere uidetur uolumen, q̄ falx, quod Dani. 7. in iudicio libri aperiri dicuntur. Verū nolo pro hac re contendere. Accipe ergo, quod uolueris, uel falcem uel uolumen.

De eo primum dicitur, quod uolet. Quid per uolatum nisi celeritas diuini iudicij, & condemnationis impiorum intelligitur? Impossibile quippe est differri iudicium domini, ubi tēpus ab eo præfinitum affuerit. Quod nedum de extremo iudicio, sed de singulis dei iudicijs intelligimus.

Secundo, describitur magnitudo eius, per quam ostenditur, quā horrendum sit, incidere in manus Dei uiuentis. Magnum quippe, forte & terribile est iudicium Domini aduersum eos, qui non acquiescunt uerbo eius, aut illo abutuntur.

Tertio, speciatim meminit de maledictione furum, & iurantium in nomine Domini mendaciter. Per fures oīa quæ fiunt contra charitatē proximi: & piurantes cum mendacio per nomen Dei, omnes peccantes in Deum intellige. Fures quidem sunt omnes usurarij, raptores, adulteri &c. Periuri uero omnes abutentes uerbo Dei, falsi Christiani & hypocritæ, ac quotquot sub nomine Dei, ac specie pietatis aliquid impium agunt.

Quarto, in horum impiorum domos descendit hæc maledictio tempore à Deo decreto, & absument omnia, etiam usq; ad ligna & lapides. Siquidem fieri non potest, ut diu permaneant, quæ male sunt parta. Adducit namq; Deus oportune terribile suæ maledictionis uolumen aut falcem.

Quinto, hic habetur, unde & ppter qd sit maledictio, nēpe à Deo adducēte, propter contemptum ueritatis suæ, et malignitatem in proximum. Ergo non ab hominū mendacibus

FRANC. LAMB. IN ZACHARIAM

cibus censuris. Hinc uides quàm execrabili commento; Antichristi se posse maledicere & benedicere gloriatur. Sed quid dicit Dominus? Maledicam benedictionibus uestris, & benedicam maledictionibus uestris. Hinc seruus Dei ait Psal. 103. Maledicent impij, & tu benedices. Maledictiones ergo illæ stercorariæ Antichristorum etiã Romanityranni, seruis Dei non nisi benedictiones sunt. Magis ergo sunt desyderandæ quàm metuendæ, q̃ sint nõ his copiosioris gratiæ causâ. Et tu maledic mihi, ô Antichriste, ut à Domino in me peccatorem copiosior benedictio ueniat. In hoc uel nolens nobis omnibus benefacis, & tibi soli maledictionem accumulas.

Sexto, cum Deus mittit in domum aliquam maledictionem suam, mox quidem ad eam uenit, sed non mox omnia absumit. Absumit autem sensim, donec nihil omnino deserat. Ad hanc uero consumptionem spectat, quòd omnia etiam prospera impijs cooperantur in malum, quemadmodũ fidelibus & pijs omnia etiam aduersa quæcunq; illis cooperantur in bonum. Rom. 8.

P A R S S E C V N D A.

Et egressus est angelus, qui loquebatur in me, et dixit ad me: Leua oculos tuos, & uide, quid sit hoc quod egreditur? Et dixi: Quid nam est? Et ait. Hæc est amphora egrediens. Et dixit: Hæc est oculus eorum in uniuersa terra.

terra. Et ecce talentum plumbi portabatur, & ecce mulier una sedens in medio amphoræ, & dixit: Hæc est impietas, & proiecit eam in medio amphoræ, & misit massam plumbeam in os eius. Et leuauit oculos meos, & uidi, & ecce duæ mulieres egredientes, & spiritus in alise earum. Et habebant alas quasi alas milui, & leuauerunt amphoram inter terram & cœlum. Et dixi ad angelum, qui loquebatur in me. Quo istæ deferunt amphoram? Et dixit ad me. Vt ædificetur ei domus in terra Sennaar, & stabiliatur, & ponatur ibi super basem suam.

Ephi uocem Hebræam Septuaginta uerterunt mensuram, Hieronymus uero amphoram. Sed in hoc nihil est dissidendum, q̄ idem sensus maneat, utro eorum accepto. Nam id solum uoluit spiritus Domini ostendere Zachariæ, quod mulier uocata impietas seu iniquitas, occludenda erat.

His præmissis, simplicitas uisionis obseruanda est, in qua impietas clauditur in mensura, uel amphora, massa, uel talento plumbeo. Porro amphoram uel mensuram, dicit esse in uniuersa terra eorum oculum. Quorum eorū? Non dubium quin Iudeorum. Lex enim his qui sub lege sunt, loquitur. Roman. 3. Deniq; id quod dicit, in uniuersa terra, de terra IIsraëlis intelligit. Cæterum oculus, iu-

N diciunt;

FRANC. LAMB. IN ZACHARIAM

dicium, prudentiam & affectus eorum impios designat. In capite amphoræ apparebat mulier, quæ erat in medio eius, nempe iniquitas ipsam amphoram replens. Repletio amphoræ completionem iniquitatum regni Iuda significat. Talentum uero siue massa, res magni ponderis, onus Domini aduersum idem regnum. Onus autem punitio est, ut sæpe diximus & probauimus in alijs Prophetis. Significat ergo impositio talenti plumbei, metalli ponderosissimi, super amphora plena iniquitate, q̃ completis iniquitatibus Iuda, Dominus posuerit onus suum, id est, punitiōem super eos. Hæc autem amphora egrediens, non dubium quin ex Iudæa, dicitur, q̃ populus Iuda, completis suis iniquitatibus, cum suis iniquitatibus & suo onere egressus fuerit è terra sua, & translatus in Babylonē. Quod significatur per id, quod duæ mulieres tulerunt amphoram opertam talenti plumbei onere in terram Sennaar, id est, in Babylonem, in quā Iudæi abierunt, non de relictâ impietate sua. Multi per has duas mulieres putant tribus aut regna diuersa capienda, quod nullatenus eputo. Vult enim spiritus sanctus id docere, q̃ iniquitas gressa è Iudæa, nequaquam sit in eam reuersura. Quod quidā ait intelligendū de cultu idolorum, qui post captiuitatem Babylonicam, nequaquam fuit in regno Iuda, demptis paucis, qui sub Antiocho idola coluerunt. Sed eius pace salua, non ita est, neq; potest ad literam intelligi de ipso Iudæorum populo secundum carnem. Nimirum dū Christus uenit in carnem, reperit totam Iudæam plenam impietate,

tate & hypocrisi, colentem suarum traditionum idola, plus quàm legem Dei. Et si iuxta carnem hic populus intelligendus est, uisio non congruit. Nam amphora illa iniquitatis non haberet domum & sedem in Babylone, sed rediisset etiam in Iudeam.

Deniq; impietas ipsa non in sola Babylone habet domum, ideo Babylon hoc loco in mysterio accipienda est, sicut & populi Iudeorum. Igitur Babylon ciuitas Gentium & hostium populi Dei, omnes impios & incredulos significat. Iudea uero & Hierosolyma Ecclesiam Dei, & fideles omnes. Aufertur iniquitatis amphora à filiis Ecclesiæ, & permanet in Synagoga incredulorum, nec unquam reuertitur in Ecclesiam sanctam. Non enim reperitur ultra impietas in ea. Peccatum quidem habent filij eius, donec in carne uiuunt, sed fide remittitur, et nō imputatur, sicut scriptum est Psal. 31. Beati quorum remissæ sunt iniquitates, & quorum tecta sunt peccata. Beatus uir, cui nō imputauit Dominus peccatum. Hinc Ecclesia in Solomone Canticis pulchra, perfecta & miri decoris esse dicitur.

Vide, ô lector, quàm pulchre mysteria quadrent. In Iudea, Ecclesia scilicet Domini, nulla est impietas. Ergo nullus impius, aut non acquiescens uerbo Domini, nullus, in quā, auarus, immundus, ebriosus, scortator, aut alioq; scelerosus in Dei Ecclesia est supputandus. At in Babylone confusissima, uidelicet in Synagoga incredulorum, aut hypocritarum sedem habet. Quod si per duas mulieres deferentes impietatis amphoram, aliquid est specia

FRANC. LAMB. IN ZACHARIAM

tim capiendum , profecto id erit incredulitas & hy-
pocrisis. Nam quemadmodum per unam mulierem ini-
quitas , ita per alias duas portantes illam , nihil re-
ctius capitur, quam ipsi omnis iniquitatis fontes, nempe
2 infidelitas & hypocrisis. Etenimistarum quaelibet nun-
quam non fert secum impietatem & iniquitatem, sed o-
mni cura illi domum ædificant, uolentes ut secum perma-
neat. Habent autem alas quasi milui rapacis uolucris.
Nam uniuerſi increduli & hypocritæ uolant, id est, festi-
nant ædificare domum impietati, sed id non alioqui, quã
rapacitate, quod Dei est, nempe honorem, gloriam, uindi-
ctamq; usurpando, & modis uarijs proximorum substã-
tiam diripiendo: quod in cunctis ueritatis hostibus ac re-
gno hypocriseos Antichristorum, nullus non uidet, præ-
ter cum qui cæcitatis eiusdem regni factus est particeps.

C A P V T S E X T V M.

Summarium capitis. Primum, uidet quatuor qua-
drigas, cum equis differentibus quatuor regna designan-
tes. Secundo, iubet Zachariæ, ut fabricet coro-
nas argenteas & aureas, ponatq; eas super ca-
put summi sacerdotis, in figuram perpetui
regni ac sacerdotij Christi.

P A R S P R I M A.

ET conuersus sum, & leuaui oculos meos, & uidi, et ecce quatuor quadrigæ egredientes de medio duorum montium, & montes, montes enei. In quadriga prima equi rufi, in quadriga secunda equi nigri, et in quadriga tertia equi albi: & in quadriga quarta equi uarij & fortes. Et respondi, & dixi ad angelũ, qui loquebatur in me. Quid sunt hæc domine mi? Er respondit angelus, & ait ad me: Iſti ſunt quatuor uenti cœli, qui egrediuntur, ut ſtent corã dominatore omnis terræ. In qua erant equi nigri, egrediebantur in terram Aquilonis, & albi egreſſi ſunt poſt eos, et uarij egreſſi ſũt ad terram Auſtri. Qui aurem erant robuſtiſſimi, exierunt & querebant ire, & diſcurrere per omnem terram. Et dixit: Ite & perambulate terram. Et perambulauerunt terram, & uocauit me, & locutus eſt ad me, dicens: Ecce qui egrediuntur in terram Aquilonis, requieſcere fecerunt ſpiritum meum in terra Aquilonis.

Hic primum obſerua, q̃ prima quadriga ſignificat regnum Babyloniorum ſeu Chaldeorum. Secunda regnum Medorum & Perſarum. Tertia regnũ Macedonũ ſeu Græcorum. Quarta regnũ Romanorũ.

FRANC. LAMB. IN ZACHARIAM

Secundo, puto regnum Chaldaeorum ideo intelligi equis rufis uel rubeis, q̄ multarum gentium sanguinem fudissent. Regnum Medorum atq; Persarum, equis oblutum filiorum Israël, quos Aman uno die uoluit perdere, de Græcis nescio quare per albos capiantur, nisi forsitan ob magnam regni eorum gloriam. Imperarunt enim uniuersæ terræ. Dā. 2. De Romanis arbitror, q̄ ideo p̄ uarios et fortes capiantur, q̄ multis sæculis regnarint, et id quidē uarijs modis, ac uaria Principum institutione, ut notum est hystorias perspicienti. Fortius quoque fuit idem regnū alijs tribus, quod et liquet Danie. secundo. Verum super equorū coloribus non est contēdendum, sed summa quædam est colligenda ex locis similibus. Summa autē huius textus est, q̄ regnorum quatuor successionem describit.

Tertio, egressi sunt ē medio duorum æneorum montium, ē locis uidelicet munitissimis ac fortissimis. Quid enim fortius æneis montibus? Quidam per duos æneos montes, prophetas utriusq; regni Israël interpretantur, sed nullatenus congruit. Montes ergo ænei potentiam et fortitudinē eorundē regnorū, quantū arbitror significāt.

Quarto, dicuntur uenti quatuor cæli, assistentes Dominatori uniuersæ terræ. Venti dicuntur ob celeritatem et impetum implendi iudicia Dei: assistentes uero ipsi DEO, eo quod iudicia eius implerent, etiam si id minime cogitarent.

Quinto, de primis equis, nempe regno Chaldaeorum, non dicit in quam partem egredierentur, eo q̄ tempore hu-

ius prophetiæ deletum erat & deuictū à Medis et Persis.

Sexto, equi nigri, Medi scilicet & Persæ, egressi sunt in terram Aquilonis, scilicet in Chaldæam & Babyloni-
am, quæ per Aquilonem idcirco intelligitur, quod è regio-
ne Aquilonis incepit debellare Iudæam. Hinc Hiere. 1.
Ab Aquilone pandetur omne malum.

Septimo, post hos ingressi sunt equi albi, Græci scili-
cet, inuadentes omnes terras, quibus imperabant Medi et
Persæ, eorum regibus deuictis.

Octauo, equi uarij, Romanum scilicet regnum, egres-
si sunt in australem plagam, & procedente eorum forti-
tudine, querebant omnem terram perambulare, ac sibi
subijcere, quod & datum est illis à Domino, dicente eis
per angelum: Ite, & perambulate terram, alioquin nun-
quam ad id peruenissent. Ab eius nanque decreto omnia
pendent.

Nono, de equis nigris & albis, per quos impleuit iudi-
cia sua in Aquilone, id est, in Babylonia et Chaldæa, ait do-
minus, quod quiescere fecerint spiritum suum in terra, ad
quam profecti sunt: Loquitur more hominis adirati, cu-
ius ira quiescere dicitur, dum hostes eius puniuntur. Sen-
sus est: Impleuerunt iudicium & uoluntatem suam, aduer-
sum Chaldæos.

Ex his obserua, quàm uerum sit, omnia esse à domino,
& q̃ ab ipso sint omnes Principatus, regna, uictoriæ, pu-
nitiões, et quicquid sub cœlo est, etiã si hō cæcus alid' putet.

P A R S S E C U N D A.

N 4 Et

FRANC. LAMB. IN ZACHARIAM

Et factum est uerbum Domini ad me, dicēs: Sume à transmigratione ab Oldai, & à Tobia & ab Idaia, & uenies tu in die illa, et intra bis domum Iosiae filij Sophoniae, qui uenerunt de Babylone, & sumes argentum & aurum, & facies coronas, & pones in capite Iesu filij Iosedech sacerdotis magni, & loqueris ad eum, dicens: Hæc ait dominus exercituum, dicens: Ecce uir Oriens nomen eius. Et subter eum orietur, & ædificabit templum Domino, & ipse extruet templum domino. Et ipse portabit gloriam, & sedebit, & dominabitur super solio suo. Et erit sacerdos super solio suo, & consilium pacis erit inter illos duos. Et coronæ erunt Helen, et Tobia, & Idaia, & Hen filio Sophoniae memoriale in tēplo domini. Et qui procul sūt, uenient, & ædificabunt in templo Domini. Et scietis, quia Dominus exercituum misit me ad uos. Erit autem hoc, si auditu audieritis uocem domini Dei uestri.

Primum fuit præceptum Zachariae, ut sumat ab Oldai, Tobia & Idaia, aurum & argentum, intraret q̄ in domum Sophoniae, filij Iosiae, & faceret in ea coronas duas aut tres, aut plures.

Denique iussu illi fuit, ut illas capiti Iesu filij Iosedech sacerdotis magni imponeret, diceretque ei: Hæc dicit dominus

Dominus exercituum. Ecce uir oriens nomen eius. Nuntur quidam frustra, ut hunc locum de ipso pontifice magno filio Iosedech, hanc prophetiam interpretentur. Nunquam enim fieri potest, ut omnes partes eius conueniant. Demum, ut alia prætereamus, unde id nos docebūt, quod idem pontifex oriens dici possit? Chaldaica quoq; uersio, Messiam habet, ubi nos orientem habemus. Oriens ergo Christus est, quemadmodum apertius ostendimus, supra cap. 3. Est quoq; & uir. Ego puto idem esse, quod hic dicit uir, oriens, ac si dixisset, homo, Deus, uel homo principium. Ecce, inquit, uir, Christus homo, nomen eius Oriens, siue principium, à quo & per quem omnia. Et subter eū, uel post eum scilicet Iesum filium Iosedech, orietur, id est, nascetur secundum carnem, ipse uir, oriens uocatus. Post eum uenit, succedens illi, & nomine & ministerio, sed perfectius illo omnia habens.

Et ipse ædificabit templum Domino: Et ipse extruet templum Domino. Hæc inculcatio designat rei prænuntiatæ certitudinem, & magnitudinem, magnamq; letitiam uiri Dei prophetantis. Hic est sensus huius loci. Ille, ille, templum ædificabit. Aedificabit templum de lapidibus mortuis Iesus filius Iosedech, cum Zorobabele, sed aliud longe sublimius, præclarius, & uenerabilius, non de mortuis, sed de uiuis lapidibus, extruet Dominus IESVS Christus, filius dei, uir cui nomen Oriens. Hoc templum est sancta Ecclesia, ut sæpius diximus.

Et ipse Oriens portabit et adciptet gloriam regni des

FRANC. LAMB. IN ZACHARIAM

uictis peccato, morte, & inferno. Et sedebit & domina-
bitur, super solio suo, regnans super Ecclesiam, data sibi
omni potestate in cælo et in terra, et erit nedū rex, sed &
sacerdos super solio suo. En quā aperte hic præuncia-
tum fuit regnum & sacerdotium Christi. Puto autem
quod hæc duo regnum scilicet et sacerdotiū, sint illa duo,
inter quæ hic prædicitur futurum consiliū unū, unus sen-
sus, una uoluntas. Dum enim in uno Domino I E S V Chri-
sto, regnum & sacerdotium conuenerunt, quasi utriusq;
unum consilium fuit. Per duos istos, quidam intelligunt,
Iudeos & Gentes, qui in unam Ecclesiam conueniunt,
quod non arbitror. Ex textus namq; ordine, prior enar-
ratio pendet. Sedebit, inquit, in throno suo, non dubium,
quin Rex ipse Christus, sedebit & sacerdos, non alius,
ab eodē Christo. Et inter regē Christū, et sacerdotē Chri-
stū, nō crunt duo cōsilia, sed unū, quia nō erūt duæ perso-
næ, sed una I E S V S Christus, Deus & homo, Rex & sa-
cerdos. Quod uersio septuaginta, manifestius ostendit,
quæ sic habet. Et sedebit, & imperabit super throno suo,
C H R I S T V S scilicet Rex, & erit sacerdos à
dextris eius. At nullum est sacerdotium, posteaquam à
patre regnum adcepit, præterquam suum, cuius ipse est
summus pontifex, & unus & solus quidem. Per id ergo
quod dicit, à dextris Regis C H R I S T I, esse sa-
cerdotem, de ipsius met C H R I S T I sacerdo-
tio intelligamus necesse est. De quo si aliquid plenius de-
sideras, uide Epistolam ad Hebræos.

Porro

Porrò regni & sacerdotij Christi consilium, pacis consilium dicitur, tam ob unionem utriusq; in Christo, quàm ut ostendatur, quòd in pacem & reconciliationem nostram factū est, ut hæc duo in Christo conuenirent. Nimirum ut Rex uiuat nos, & ab omni malo eripit, ut sacerdos uero, interpellat pro nobis. Tum erant in Dei populo, Princeps alius à sacerdote magno, quod unus esset Zorobabel, alius filius Iosedech. At uir ille oriens utrunq; habet, factus sacerdos secundū ordinem Melchisedech. Psal. 109. & Principatus factus est super humerū eius. Esa. 9. In cuius rei figuram, iussit Prophetæ ut sacerdoti magno Iesu filio Iosedech, imponerēt coronam. Non enim factus fuit Rex, sed tantum in mysterio capiti suo, ad modicum imposita fuit corona, & hoc facto tale quiddam uolebat Dominus. Quemadmodum seruus meus filius Iosedech, sacerdos magnus, simul habuit in capite suo regiā coronam, ita ego mittam uirum Orientem, quierit simul Rex & sacerdos.

Quo facto, iussit Deus ipsas coronas accipi, & in memoriale perpetuum huius prophetiæ seruari in templo Dei, quasi munera Holdai siue Hælem, Tobie, Idaie, & Hen, filij Sophoniæ, qui aurum & argentum ad faciendas coronas tradiderāt. Quartus, nempe, Hen, adiectus est tribus præscriptis, nisi forsā idem sit qui Iosias filius Sophoniæ. Profecto si aliud significaret ipsa coronarum impositio, quàm ea quæ in Christo implentur, non

mox

FRANC. LAMB. IN ZACHARIAM

mox ablatae fuissent à capite sacerdotis, & repositae in templo Domini in memoriale sempiternum. Ego puto, imò nihil dubito, plures ideo fuisse coronas, & omnes impositas capiti sacerdotis, ut designaretur, quòd regnis omnibus Christus imperaret.

Demum, de ipso edificio templi, qd' exstructurus erat uir oriens, adicitur. Et qui procul sunt, nempe, gentes, uenient &c. hoc est conuertentur, ad Dominum. Nimirum ad eum conuerti, est edificium sanctae Ecclesiae adiuuare. Quisquis enim uere conuertitur, ad edificium eius spectat. Volunt Iudaei hunc locum intelligi de templo, quod edificauit Zorobabel, quia scilicet multi è gentibus iuuerunt edificium eius. Non nego uerum esse, quòd gentes iuuerint, sed dico, id maxime de Ecclesiae structura enarrandum. Neq; obstat, quòd dicunt. En quòd Propheta dixit: Et scietis quoniam Dominus exercituum, misit me ad uos. Quomodo hoc signo Prophetam missum ad eos crederent, nisi quod praedixerat uiderent? Dicimus quòd Prophetae firmo, ne dum illis, qui tunc erant, sed & nobis & omnibus qui erunt usq; in saeculi finem, directus fuit. Et cum eum ueritatem prænunciassse uidemus, profiteamur, quòd à Domino missus sit.

In hoc quod saepe inculcat, scietis quòd me Deus misit, obserua quanto studio Prophetae uitauit, ne etiam dei uerbum loquerentur, nisi missi ab eo, nec uolebant, quòd quisquam putaret eos loqui, nisi deo mittente. Vbi nunc sunt, qui gloriantur in inueniis suis, & quasi missi à deo

à deo somnia & mendacia prædicant? Veh impostoribus, in proximo disperdendis. Fiat fiat.

Sed quid est, quòd tandem ait? Erit autem hoc, si audieritis uocem Domini dei uestri? Nunquid impletio dei eloquiorum à nostra obedientia pendet? Nonne uerbum Dei manet in æternum, cuius uel iota unum solui nequit, ut non fiat? Deus enim uerax est, omnis autem homo mendax. Psal. 115. Deniq; nostra iniustitia dei iustitia committitur, dum nihil obfistentibus peccatis nostris, semper eius sermo impletur.

Semper ergo stat uerbum dei inuictum, inuariabile, semper manens. Et uerbum quòd hic prædixit Zacharias, non potuit non impleri, etiam Iudeis non adquiescentibus uerbo Domini, & tamen uerum dixit. Erit autem hoc, si audieritis &c. Ideo observa, quòd uerbum quidem manet, sed non impletur pro incredulis, & non audientibus uocem Domini. Est ergo sensus præscripti uersus. Si uos adqueueritis uerbo domini, participes eritis eorum quæ prænuiciaui uobis, alioqui non erit uobis pars in eis. Hic uita, quæ à nonnullis dicuntur, omnes promissiones Dei, sub conditione esse. Nam hoc mendacium execrabilius, & perniciosius. Nam si sub conditione est dei promissio, quomodo erit solida fides in eam? Et tum impletio uerbi Domini penderet, ab opere nostro. O errorem.

CAPVT SEPTIMUM.

Summa

FRANC. LAMB. IN ZACHARIAM

Summarium capitis. Primum, sacerdotibus & Prophetis Domini, questio proponitur, de ieiunio & fletu. Secundo, eidem à Domino per Zachariam respondetur, & omnis hypocrisis damnatur. Tertio, docet quid faciendum, & unde Hierosolymæ euer=
sio sit maxime
perfecta.

P A R S P R I M A.

ET factum est in anno quarto Darij regis, factum est uerbum domini ad Zachariam in quarta mensis noni, qui est casleu. Et miserunt ad domum Dei Sarasar, & Regemmelech, & uiri qui erant cum eo ad precandum faciem domini, ut dicerent sacerdotibus domus domini exercituum & prophetis loquentes. Nunquid flendum est mihi in quinto mense, uel sanctificare me debeo sicut feci iam multis annis?

Eos qui in hoc textu nominantur, alij dicunt fuisse Persarum Principes seu duces à Rege Dario positos, timentes Dominum: alij nuncios missos ab his qui adhuc erant in Babylone, sed neutrum horum probari potest. Ego magis puto, eos fuisse missos, à nōnullis è populo,

populo, quod proinde coniecto, quòd Dominus iubet populo responderi. Verum contentiose nolo agere, sciens id tantum hoc loco necessariũ sentire, quòd fuerit proposita quæstio, sacerdotibus et Prophetis Domini, Anno Regis Darij quarto, nono mense, & quarta die eiusdẽ mensis.

Fuit autem quæstio, an flendum & ieiunandum illis erat, ut annis septuaginta fecerant in Babylone, ob Hierosolymæ, & domus Dei euerisionem, ac reliquiarũ Israëlis dispersionem. Ob primum enim ieiunabant mense quinto, ob secundũ uero, mense septimo, eo quòd mense septimo ferunt Godoliam ab Ismaële occisum, quod fuit causa dispersionis reliquiarũ Israëlis, ut patet Hiere. 41. & 42.

P A R S S E C V N D A.

Et factum est uerbum domini exercituũ ad me, dicens. Loquere ad omnem populum terræ et ad sacerdotes, dicens: Cũ ieiunaretis & plangeretis in quinto & septimo per hos septuaginta annos, nunquid ieiunium ieiunastis mihi? Et cum comedistis & bibistis, nunquid non uobis comedistis & uobismet ipsis bibistis? Nunquid non hæc sunt uerba quæ locutus est dominus in manu prophetarum priorum, cum adhuc Hierusalem habitaretur, & esset opulenta, & ipsa & urbes illius in circuitu eius, & ad austrum & in campis habitaretur?

Quam

FRANC. LAMB. IN ZACHARIAM

Quam patenter hic damnantur studia hypocritarum, qui fidunt ieiunijs, fletibus, externisq; alijs, quæ non iussit Deus, sed à seipsis excogitarunt. Ecce quod ait, Iudeos sibi & ieiunasse, dum ieiunarunt, & manducasse dum manducarunt, non domino. Fidelis Domino uiuit, ieiunat, manducat, quia ex fide & uerbo eius. At qui relictis his quæ imperat Dominus, misericordia scilicet, charitate, pace uera, et alijs eiusmodi, aliquid prædictorum facit, non Domino, sed sibi omnia facit. Idcirco ait Deus Israëlitas in Babylone, non illi sed sibi ipsis, ieiunasse, manducasse, & bibisse, quod hæc sine uera in eum fide facerent, & interim spernerent, quæ imperabat. Pro qua re, & aliàs multis locis, eorum opera damnat. Docuerat quoq; eos sanè, adhuc stante Hierusalem, & Iudæ regnò, per Prophetas suos, quid ieiunandum, manducandum, bibendum, uiuendumq; ubilibet, quod eis reuocat in memoriam. Concordat his quæ habentur hoc loco, magna pars. s. capitis Esaie Prophetæ:

P A R S T E R T I A.

Et factum est uerbum domini ad Zachariam, dicens. Hæc ait dominus exercituum, dicens. Iudicium uerum iudicate, & misericordiam, & miserationes facite unusquisq; cum fratre suo. Et uiduam & pupillum & aduenam & pauperem nolite calumniari,

& ma-

& malum uir fratri suo non cogitet in corde suo. Et noluerunt attendere & auerterunt scapulam recedentes, & aures suas aggrauauerunt ne audirent & cor suum posuerunt adamantem, ne audirēt legem, et uerba quæ misit dominus exercituum in spiritu suo, per manum prophetarum priorum. Et facta est indignatio magna à domino exercituum. Et factum est, sicut locutus est, & non audierunt, sic clamabunt & non exaudiam, dicit dominus exercituum. Et dispersi eos per omnia regna quæ nesciunt, & terra desolata est ab eis, eo quod non esset transiens & reuertens, & posuerunt terram desiderabilem in desertum.

ADhuc stante Hierusalem & Iudæa, erant ex eis, cuiusmodi innumeros habemus, ieiunantes, flentes, seruantes proprias traditiones, somnia, decreta, submurmurantes aliquot preculas sine spiritu, uouentes inutilia, imò pernicioſa, & per hæc Deo satisfacere se posse putantes, ac fidentes iustitijs operum, & eorum quidem, nō quæ iussit Deus, sed quæ excogitarant. Inter ea enim rapaces, maligni, detractores, & sine charitate in proximum erant. Propter quod & Hierosolymā euerſam, & omnem terram eorū, desolatam fuisse dicit. Heu quā multos habet nostrū seculū, omnibus Israëlitis, deterriores, maxime Antichristi Episcopos, et Phariseos oēs.

FRANC. LAMB. IN ZACHARIAM

Sed notū est, quod nihil à nobis Deus exigit, nisi quā praecepit. Vnde damnata falsa iustitia, nunc ait. Iudicium uerum &c. O praecepta sanctissima, si ex fide seruentur. Iudicium uerum iudicat, qui non iudicat nisi ex uerbo & spiritu dei. Reliqua hic posita, per se nota sunt.

Hec eadem praeceperat illis Deus, antequam ducerentur in Babylonem, sed induraruēt ceruicem suam, ut adamantem, ideo percussit eos. Quorum exemplū innumerum hodie fiunt, indurantes cor suum, & nolentes adquiescere uerbo Domini. Sed oportune disperdentur. Et uere potior causa, propter quam expauescendo altissimi iudicio, fuimus tot saeculis, in seruitute plusquam Babylonica, Synagoga Antichristorū, fuit quòd adqueuimus mendacijs hominum, & ad sermonem Domini, ceruices nostras indurauimus. Solue Domine captiuitatem hanc, & congrega omnes filios tuos.

C A P V T O C T A V V M.

Summarium Capitis. Primum, de reuerfione Domini in Hierusalē. Secūdo, quòd esset futura populosa. Tertio, quòd Deo nihil difficile. Quarto, de cōgregatione populi Domini. Quinto, admonet ut dei uerbo cōfortentur, praedicēs quòd sint futuri semē pacis. Sexto, adiicit praecepta sanctissima. Septimo, de ieiunijs, quarti, quinti, septimi, et decimi mensis, uertendis in letitiae dies. Octauo, de gentibus uenientibus in nouam Hierusalem ad dominū adorandum. Nono, de decē apprehēdentibus fimbriā uiri Iudei.

P A R S P R I M A.

ET factum est uerbum domini exercituum, dicens: Hæc dicit dominus exercituum. Zelatus sum Sion zelo magno, & indignatione magna zelatus sum eam. Hæc dicit dominus exercituum: Reuersus sum ad Sion & habitabo in medio Hierusalem. Et uocabitur Hierusalem ciuitas ueritatis, & mons domini exercituum mons sanctificatus.

Qua habentur hoc capite, nonnihil impleta sunt, in ea terrestri ac ueteri Hierosolyma, sed perfectius in noua Ecclesia scilicet, per terrestrem figurata. Facile aut est, textum hunc interpretari de eadē, ideo breuius id agemus, ad spirituale Hierosolymam & templū transeuntes. Igitur ait Dominus: Zelo zelatus sum Sion, & zelo quidē magno, maxime abominans oēs impietates eius, uolēs ut nō alteri quā mihi hereret. Ideo indignationem grauē misi in eam, euertens illam et totū regnū eius. Nunc autem cum adiratus fui, & iræ tempus præterijt, recepi iterum in gratiam Sion & Hierusalem, uolens ut denuo edificetur. Et uocabitur ciuitas ueritatis, mons Domini exercituum, mons sanctificatus.

Quid est quòd Hierusalem promittitur futura, ciuitas ueritatis, mons Domini exercituum, & mons sanctificatus. Nonne idem fuerat antequam euerteretur? Si-

FRANC. LAMB. IN ZACHARIAM

quidem in ea fuerat ueritas, aliquando maxime sub Dauide. Fuerat quoq; electa & sanctificata à Domino. Exponunt quidam id de Christi diebus, quòd scilicet tum in ea fuerit ueritas. Fuit certe, uerum non nisi maxime conculcata, ita ut crucifigerent, eum qui est ueritas æterna. Sed ita sit, quòd utcunq; conueniat. Nemo tamen sane mentis negabit, id potissimum de Ecclesia dici.

Quid est, quòd tam zelatus est Sion illam atq; Hierusalem? Certe ob id uel primū, quòd Ecclesiæ figura erat, & ut ostenderet, quòd nihil in Ecclesia nō cōueniens uerbo suo esse debuit. Et uere ipsam Ecclesiam suam, zelo magno zelatus est, tot sæculis eam diuexans per Antichristos, eo quòd nonnulli ex filiis eius, hominū figmenta prætulerint diuinis institutis. Sed nunc reuersus est ad eam, denuo palàm faciens eloquiorum suorum ueritatem, quā multis sæculis iudicio terribili, sub tenebris humanæ sapientie, siuerat abscondi.

In eius medio habitat Deus, ad sistens fidelibus suis, quemadmodum Matth. ult. promisit. Ecce, inquit, ego uobiscum sum usq; ad cōsummationem sæculi. O utinam saperemus huius sermonis dulcedinē, quòd Deus in medio nostri esse dicitur, si ex Dei Ecclesia sumus. Is est sanctus ille Emanuel, quod interpretatur, nobiscum Deus. Esa. 7.

Hæc uocatur Hierusalem, pacis uisio, quòd omnes filij eius sint uiri pacis, quòd fiant participes pacis Christi, quæ etiam inter mala quæcunq; tribuitur. Quod quia caro nō capit, ideo ipsa Christi pax omnem sensum creatū exuperat.

exuperare dicitur. Huius pacis copia, est in Ecclesia Dei ipsissima Hierusalem. Non est in ea pax seculi huius, carnalis, misera, præteriens, & semper infecta. Nimirum pax eius, est munda, sancta, hoc est, non communis, incoccussa, firmaque; etiam in medio umbræ mortis. Da nobis domine pacem hanc.

Vocatur quoque ipsa Ecclesia, ciuitas ueritatis, cuius nullus mēdax ciuis. Ciuitas enim à ciuibus dicitur. Vide nunc quam non cōueniat terrestri Hierosolymæ, ut uocaretur ciuitas ueritatis, quod hominū figmenta & mēdacia, mox in ea supra modum increuerint, ut historie Euangeliorū testātur. Propter quod potius mēdacijs quā ueritatis ciuitas dicēda erat. Per id quod Ecclesia ciuitas ueritatis dicitur, notum est, qui ad Ecclesiam spectet, nempe, non mendaces & hypocritæ, sed synceri amatores ueritatis. Hi enim sunt, super quibus scribitur nomen Dei, & ciuitatis eius nouæ Hierusalem. Apoc. 3. Ergo nullus ex Antichristis, phariseis, sectarū amatoribus, amicisque doctrinarū hominū, ad Ecclesiam ipsam spectat, quæ ueritas non sit in eo.

Dicitur itidem, mons Domini exercituum, mons sanctificatus. De eo quod dicitur mons Domini, late egimus. Micheæ. 4. Sanctificatus autem est, hoc est, segregatus Domino. Et est sensus. Hic Ecclesiæ mons, non est prophanus, communis, & ad quem sit cuilibet adcessus, sed est Dei solius, in usum ouium suarum, quæ in pinguißimis pascuis eiusdem montis pascuntur, et in eo requiescunt in herbis uirentibus. Eze. 34. In huius pascuis motis erat, qui dixit.

FRANC. LAMB .IN ZACHARIAM

Dominus regit me et nihil mihi deerit. In loco pascuæ ibi me collocauit. Psal. 22.

P A R S S E C V N D A.

Hæc dicit dominus exercituum. Adhuc habitabunt senes et anus in plateis Hierusalem, & niri baculus in manu eius præ multitudi-
ne dierum. Et plateæ ciuitatis complebuntur infantibus, et puellis ludētib; in plateis eius.

Litera facies aperta est, nempe, quod Hierusalem, quam tum re edificabant, adhuc futura erat populo-
sa, & senibus & paruulis. Ceterū quod ad mysteri-
um, nouam scilicet Hierosolymā spectat, in ea sunt senes,
anus et iuuenes, quia ex omni ætate suscipiuntur in eā, deo
corda eorū misericorditer illustrāte, et ad fidem trahēte.

Quia autē figura est de senibus, qui facti sunt senes in
Hierusalem, forsān erit cōuenientius, imò certe est, si per
senes & anus, eos qui diu in fide perseuerarunt, aut eos
qui habent sensus spiritus uenerādam caniciem, intelligi-
mus, hi præsertim, qui præ multitudi-
ne dierū, id est, præ
sincera cognitione ueritatum dei (quæ uelut dies quidam
sunt) hominem ueterem sic crucifixerunt, ut etiam ipso
uetus homo baculo seu uirgæ eloquiorum dei necessario
innitatur.

Infantibus uero puellis & pueris completur, hæc bea-
tissima uir-
tutis ciuitas, dū plena est sanctis, qui sicut mo-
do geniti infantes, rationabiles, sine dolo, suauissimū ue-
ritatis

ritatis lac cōcupiscunt, ut per illud horatim fide augeantur. 1. Pet. 2. & omni malicia paruuli sunt. 1. Corin. 14. Hi sunt, qui efficiuntur uelut paruuli, ut intrent in regnum celorum. Qui in plateis ciuitatis ludunt, magna in deum fiducia, in cunctis eorū operib. semper leti. Lusus ergo quidam electorū, est letitia in spiritu sancto, quā in omni opere parit uera fides. Lusus iudē sanctus, est psallere, ueritatem nunciare, meditari in scripturis, et id genus alia.

Ego peccator fatebor gloriam domini, & peccatum meum, quod ita ille me iudicat, quod uix ullibi pacem habeo, nisi cū in diuinis literis meditor & ludo, sicut me illustrare dignatur. Fere autem in omnibus reliquis præpeditior, & angustior uel nolens, & semper minor fio, donec ad ipsum spiritus ludum reuertor. Beatus cui placet, is sacratissimus ludus. Et is solus est, quem tu erudieris Domine, & de lege tua docueris eum. Psal. 93. Ludite sancti dei, in plateis ciuitatis nouæ Hierusalem. Adducantur Christo regi uirgines, in letitia, exultatione, & ludo spiritus, propter iudicia tua Domine.

P A R S T E R T I A.

Hæc dicit dominus exercituum. Si uidebitur difficile in oculis reliquiarum populi huius, in diebus illis, nunquid in oculis meis difficile erit, dicit dominus exercituum?

FRANC. LAMB. IN ZACHARIAM

Non est impossibile apud deum omne uerbū. Lu. 1.
Et hic Dominus manifeste adserit, quod nec difficile quidem ei quidquam sit. Sublimia de hac noua Hierusalem prophetarant tã multi, Ezechiel præsertim, & is Zacharias, per quem nunc ait Dominus: Si reliquijs populi huius, qui fuerint in diebus illis, quibus ædificanda est ipsa noua Hierusalem, & perficienda per orientem illum, de quo supra cap. 3. & 6. Si, inquam, his qui tum residui fuerint, hæc res difficilis uidebitur, sciāt quod mihi omnia facilia sunt. Qu. d. Ego uerax sum, et potens, ut adimpleā omnia quæ promitto. Nolite ergo dubitare, de impletionem eorum, quæ nunc promitto uobis. Facile est ergo Domino perficere Ecclesiæ structuram, quam cœpit, quam & perficiet, quantum uis insaniant impij omnes.

P A R S Q U A R T A.

Hæc dicit dominus exercituū. Ecce ego saluabo populum meum de terra Orientis, & de terra occasus solis, & adducam eos, & habitabunt in medio Hierusalem, & erunt mihi in populum, & ego ero eis in Deum, in ueritate & in iustitia.

Notum est, congregationē electorū in unam Ecclesiam, hic prænūciari. Quandoquidē ex toto mundo cōgregantur. Totus autē mūdus, oriēte et occidente,

dēte, nō raro figuratur. Hic psal. 112. A solis ortu usq; ad occasum, id est, in toto mūdo, laudabile est nomē domini.

Vide quoque ex hoc loco, q̄ non tam de terrestri, quā de noua illa Hierosolyma hæ prophetiæ capiuntur. Nunquam enim factum est, nec fiet ut totus Domini populus habitaret, aut in futurum habitet in medio terrenæ illius Hierusalem. Est ergo noua Ecclesia, scilicet in quam nō congregari uniuersos electos impossibile est.

Porrò quotquot in eam congregantur etiam è gentibus, fiunt populus Domini, & non iam sunt illis idola, sed dominus Deus Israël, est Deus eorum in ueritate & iustitia. Deus sanctorum Deus in ueritate dicitur, q̄ sit uerus Deus, uera doceat, ueròsque amet, & omne mendacium abominetur. Denique in ueritate iuuat suos: punit impios: & uniuersa eloquia sua in ueritate seruat: ab eo non est mendacium, sed ueritas, ideo ueritatis Deus recte appellatur. Est quoq; nobis deus in iustitia, quia iustus, q̄ ab eo sit uera iustitia, & solus ipse uere iustificare possit. Ergo nō est ab alio iustitia, nisi mēdax, hypocritica, fallax.

P A R S Q V I N T A.

Hęc dicit Dominus exercituum: Confortentur manus uestræ, qui audiris in his diebus sermones istos per os Prophetarum, in die qua fundata est domus Domini exercituum, ut templum ædificaretur. Siquidem an-

te dies illos merces hominum non erat, nec merces iumentorū erat, neque intro eunti et exeunti erat pax præ tribulatione, & dimissi omnes homines, unumquemque cōtra proximum suum. Nunc autem non iuxta dies priores ego faciam reliquijs populi huius, dicit Dominus exercituum, sed semen pacis erit. Vineam dabit fructum suum, & terra dabit germen suum. Et cœli dabunt rorem suum, & possidere faciam reliquias populi huius uniuersa hæc. Et erit. Sicut eratis maledictio in gentibus domus Iuda, & domus Israel, sic saluabo uos, & eritis benedictio. Nolite timere. Confortentur manus uestre, quia hæc dicit Dominus exercituum. Sicut cogitavi ut affligerem uos, cum ad iracundiam prouocassent me patres nestri, dicit Dominus, et non sum misertus, sic conuersus cogitavi in diebus istis, ut bene faciam Hierusalem et domui Iuda. Nolite timere.

Multis & eisdem efficacissimis argumentis consolatus est populum Iuda in templi opere, quod cœperat. Et primum quidem dicit, ut confortentur manus eorum, id est, ipsi, in opere scilicet domus Dei, nihil formidantes hostium suorum impetum. Sed unde uult eos confortari? Verbo Dei. Confortemini, inquit, uos qui auditis

ditis sermones Prophetarum, qui promittunt uobis ex me quod non poterunt praeualere in uos uniuersi hostes uestri. Et nos quoq; quibus indubie hic sermo non minus dicitur, quam Iudeis, confortemur in opere noui templi, noueque Hierosolymae Ecclesiae. Donabit quippe Deus, ut omnes pietatis hostes, semper inuicta uerbi sui potentia conuerantur. Neq; dubitemus coeptam Ecclesiae strueturam consummandam, quantumuis inferorum portae insistant.

Ostendit postmodum, quam nihil prospere haberent, antequam aedificarent ipsum templum, quod paulo copiosius habes in Aggeo, utroq; capite. Promittit autem se diuersum illis missurum, nempe pluuiam in tempore suo, et uina et frumenta, et omnes terrae fructus. Et nobis si perrexerimus in opere Domini fideliter et cum diligentia, nihil deerit, etiam si non iuxta carnis affectus abundauerimus. Etenim illi cura est de nobis.

Promittit quoque eis, quod non sint ultra futuri in maledictione inter gentes, sed in benedictione, quodq; non iam uelit affligere eos, sed bene facere Hierusalem et domui Iuda. Obserua lector, passim nonnullos locos, quibus nosse potes praecipuum harum promissionum scopum, in Christo solo et Ecclesia impleri, nondumque in Israel impletas esse ipsas promissiones. Ecce enim q. hic dicitur, q. reliquiae populi huius, semen pacis erunt. Deniq; promittit, quod domus Iuda et domus Israel sint futurae in benedictione inter gentes. Certum est autem, q. post reedificatam

FRANC. LAMB. IN ZACHARIAM

reëdificatam Hierosolymam non fuerint absq; bellis, ut patet in libris Machabæorum: neq; fuerunt in pace, sicut hic textus in faciem spōdet. Deniq; non est consuetudinis Scripturarū, ut ab alia pace filios pacis appellet, quā à pace spiritus Dei, cuius dominus IESVS Christus Esaiæ nono princeps uocatur. De reliquijs ergo solis Israël maxime de Apostolis, ac his qui in dierum nouissimo conuertentur, atq; etiam de electis omnibus, qui ad uerum Israël spectant, hi loci capiuntur.

De eo quòd dicit: Domum Israël & domum Iuda futuras in benedictione inter gentes, certum est de Israël domo, regno scilicet decem tribuum nunquam impletum, sicut multis locis probauimus, maxime Amos nono, quod implendum non dubitamus in nouissimo dierum, quando uenient, & quærent dominum Deum suum, ac Dauid regem suum, & pauebunt ad bonum eius, Osee. 3. Tum incis adimplebitur, quod in electis omnibus dei munere fit, nempe q; erunt semen pacis, & possidebunt in copia frumentum, uinum & oleum, pluuiamq; matutinam ac serotinam, per quæ non nisi uerbum & spiritum Domini intelligimus. Nimirum diuersis respectibus per hæc uerbum Domini figuratur, ut diximus Osee. 2. Non enim intelligimus de solis his carneis rebus. Nam quid Ecclesiæ Dei, & copię istorum? Habentes uictum & uestitum, his contenti sumus. Nec multum fuisset ista promissiße, quæ etiam impijs & brutis communia sunt. Alia ergo ab istis, frumentum, uinum, oleum, & pluuiam promisit
ueris

ueris Israëlitis Deus, quæ & illi summe desyderant.

In benedictione deinde uera sunt inter gentes & incredulos. Vbique enim à Domino benedicti sunt. Ideo saepe adhortatur eos, ut confortentur, & ne timeant, hoc est, ne diffidant, sed in magna fiducia agant semper.

P A R S S E X T A.

Hæc sunt ergo uerba, quæ facietis: Loquimini ueritatem unusquisque cū proximo suo. Veritatem & iudicium pacis iudicate in portis uestris, & unusquisque malum contra amicum suū ne cogitetis in cordibus uestris, & iuramentum mēdæ ne diligatis. Omnia enim hæc sunt, quæ odi, dicit dominus.

Primum iubet, ut quisque ueritatem loquatur cū proximo suo: ne quis doceat mendacium & traditiones hominum. Contra hoc faciunt Antichristi & prophetae eorum, ac uniuersi mendaces.

Secundo præcipit, ut iudicent ueritatem, & sit iudiciū pacis in portis. In portis dicit, quod moris tum fuit, ut in portis omnes causse definirentur. Sensus est: Cum nuda ueritate, & secundum uerbum meum iudicate inter uirū & proximum suum.

Tertio, ne quis malum cogitet apud se aduersus proximum suum, & eiusmodi cogitationes sint Deo abominabiles.

FRANC. LAMB. IN ZACHARIAM

les. Vbi sunt cæci, qui dicunt, olim sub lege non prohibitum affectum, sed solam manum? Quid ergo est hoc? Nemo cogitet in corde suo malum contra proximum suum.

Quarto, quod iuramentum mendax nemo diligat, ne scilicet quispiam abutatur nomine suo. Contra quod faciunt Synagoga hypocritarum & Phariseorum, cum toto schismatico regno. Propter quod sunt Deo abominabiles.

In primo præcipit ueritatis eloquium, & prohibet sermonem mendacij. In secundo iubet rectum iudicium, interdicens peruersum. In tertio prohibet odium proximi, & charitatem erga eum iubet. In quarto uetat omnem abusum nominis eius sanctissimi, & reuerentiam erga illud iubet. Porro eum qui non acquiescit imperio suo, odit, quæ faciat, quæ Deus ipse abominatur, ut hic manifeste habes.

P A R S S E P T I M A.

Et factum est uerbum Domini exercituum, ad me dicens. Hæc dicit Dominus exercituum: Ieiunium quarti, & ieiunium quinti, & ieiunium septimi, & ieiunium decimi erit domui Iuda in gaudium, & in lætitiā, & in solennitates præclaras. Veritatem tantum & pacem diligite.

Iudæi ferunt ieiunium quarti mensis, qui apud nos Iunius est, celebrari die decima septima eiusdem mensis, quando Moses descendit de monte, & uisis coram uultu auro

lo aureo saltantiũ choris, tabulas confregit, quo etiam die Hierusalem capta est. Ieiuniũ quinti mensis fuisse ob euer-
sionem Hierosolymæ et templi. Ieiunium uero septimi,
ob Godoliæ interfectionem ab Ismael, dispersasq; proinde
Iudeorum reliquias. Hier. 41. Ieiunium uero decimi, qd'
fuerit, non reperio. Non enim congruit id quod nonnulli
dicunt, tum solum Hierosolymæ & templi combustionẽ,
innotuisse Iudeis qui in Babylonia erant. Non enim est ue-
risimile. At quacũq; caussa constituti à Iudeis fuerint hi
ieiuniorum dies, certum est, Deum uoluisse, ut ipsi dies
mœroris in dies lætitiæ & solennitates præclaras uerterẽ-
tur domui Iuda & Hierusalem. Quæsiuit tantum ab eis,
ut ueritatem & pacem diligerent. Veritatem quidem,
non quam mundi sapientia ueritatem esse putat, sed eam,
quæ a Deo est, æternam, impollutam, semper inuictam, et
omnia uincentem. Pacem uero non quam mundus dat,
sed quam mundus capere non potest, immo quã damnat,
eo q; ignoret eam. Hæc est pax Domini I E S V Chrtsti,
Beatus qui eiusdem particeps factus est.

Ad ueritatem pertinent fides, & fructus eius, sincere
& sine fraude ambulare in omni negotio, & alienũ esse
ab omni mendacio, malignitate, dolo: ad pacem uero quæ-
rere bonum proximis, & uitare modis omnib. ne ulla in
re dominus iritetur, ideoq; uigilantissime seruare uniuer-
sas iussiones eius.

Quid hoc sibi uult, quod dies mœroris iussit conuerti
in dies gaudiij & exultationis? Potissime enim nobis hæc
diriguntur.

FRANC. LAMB. IN ZACHARIAM

diriguntur, & uniuerſis electis, in quos fines ſeculorum
 deueniunt. Id obſerua, quòd tum mœrorem iuſſit uer-
 ti in gaudiũ, cum in domus Dei ſtructura fideliter pro-
 grederentur. At in proſſo eſt, domum Dei Ecclſiã eſſe
 ſe, quam uir ille Oriens ædificaturus prædicitur. Suprà ca-
 pite ſexto. Fit autẽ eiufdem ſtructura, uerbi Dei inſtan-
 tia, & multorum ad ipſum uerbum conuerſione, fidelĩq;
 eiufdem receptione. Quod antequam fiat, quid niſi per-
 petui mœrores & luctus? Vbi autam id fieri Dei miſeri-
 cordia conſpicimus, præcipitur nobis, ut ceſſent mœroris
 & tritiſtiæ dies, ſed magis agamus lætitiæ dies, & confi-
 teamur illi. Et uere inæſtimabile eſt fidelis pectoris gau-
 dium: immo ſecura mens quaſi iuge conuiuium. Lætetur
 ergo in domino Deo noſtro & ueritate eius. Sint nobis
 omnes luctus & ieiuniorum dies in ſolennitates præcla-
 ras, hoc eſt, in omni tribulatione lætemur, quòd interim
 ædificentur Hieruſalem templumq; Domini. ieiunemus,
 ſed à uitijs & mendacijs hominum. Et ſi ſecundum cor-
 pus ieiunamus, nō fiat in triſtitia, hypocriſi et inuento ho-
 minum, ſed ex fide & libertate ſpiritus Dei. Cum ieiuna-
 mus, non ſimus uelut hypocritæ, triſtes: ſed ſimus læti in
 Domino. Veh ieiunantibus ieiunia quarti, quinti, ſepti-
 mi & decimi, id eſt, omnia in mœrore, quaſi domus DEI
 non ædificaretur. Vere inter fideles nulla debent conſtitui
 ieiunia mœroris, ſed ſi quis peccauit, & mouetur ſpiritu
 ad ieiunium, & id bonum putat, ieiunet tum ex ſpiritu, ſi-
 de & ueritate. Ex fide, dico, IESV Chriſti, & proprij
 operis

operis diffidentia: ex ueritate uero sine hypocrisi, & ex toto corde. Bonum est ieiunium cum oratione & eleemosyna, sed si ex fide & ueritate, alioqui non nisi peccatum est. Nimirū quicquid non est ex fide, est peccatum.

P A R S O C T A V A.

Hæc dicit dominus exercituum: Adhuc uenient populi multi, & habitabunt in ciuitatibus multis, & uadent habitatores unus ad alterum, dicentes: eamus & deprecemur faciem Domini, & quæramus Dominum exercituum. Vadam etiam ego, & uenient populi multi & gentes robustæ ad quærendum dominum exercituum in Hierusalem, & deprecandam faciem Domini.

Quidam exponunt de Iudeorum populo, priorem huius textus partem, ego autem id nō puto nisi de gentibus capiendum, sic: Adhuc uenient, non dubium quin in Ecclesiam gentium populi, & habitatores urbium multarum, & ibunt habitatores earundē urbium, unus ad alterum, se mutuo adiuuantantes, & dicentes: Eamus & deprecemur faciē domini, & queramus deum exercituum, hoc est, credamus in eū, fidamusq; illi, ab eo solo postulantes auxilium. Et respondebit alter habitator alteri: Vadā & ego, acquiescens tuæ admonitioni, ut queram

FRANC. LAMB. IN ZACHARIAM

quæram dominū tecum, uno animo, uno spiritu, una fide.

Versio Hieronymi habet. Vsq̃ue quo ueniant populi,
 & habitent in ciuitatibus multis, & uadant habitatores.
 Sed quia non satis congruere uidetur, & sensus nimium
 implicitus esset, hunc locum posui iuxta uersionem Septu-
 aginta, quos non dubito scopū huius textus plenius & cer-
 tius agnouisse, quàm diuum Hieronymum.

Et sic uenient populi multi et gentes robustæ, altero al-
 terum excitante & inuitante, ad quærendum Dominum
 exercituum in Hierusa'em, in Ecclesiam scilicet: & ad de-
 precandum faciem Domini. Certum est, nonnullos è gen-
 tibus uenisse, & adorasse in Hierusalem illa terrestri, ue-
 rum non tam multi, ut hic significari uidentur. Vnde li-
 quet de Hierosolyma noua, Ecclesia scilicet, id genus lo-
 cos enarrandos.

Arbitror, quòd à locis eiusmodi, nonnulli sanctam
 rem putarint esse, Deoq; acceptissimam, si Hierosolymā
 peterent, ad eam peregrinaturi. O utinam aboleretur
 doctrina hæc dæmoniorum, de uotis peregrinationum, si
 ue Hierosolymam, siue Romam, siue ad sanctum Iacobū,
 siue ad diuum Nicolaum, siue ad alios quosuis. Non enim
 profecta sunt hæc nisi à spiritibus impostoribus, & rapa-
 citate Antichristorum, per hæc impinguantium uentres
 suos, & ex raptâ pauperum substantia, implentium man-
 ticas suas, ac tabernacula. His siquidem rapinis horum
 prædonum tabernacula abundant.

Diuagantur ea ratione plurimi in suam & familie
 sue

sue perniciem, nihil aliud discentes, ut in omnibus ferme huiusmodi peregrinis uidemus, quàm quòd fiunt leuiculi, loquaces, gloriosuli, temerarij, & mendaces. Interim, ô bone D E V S, quot adulteria, fornicationes, incesta, & aliæ innumerae abominationes ea causa perpetrantur. Vbi tum cura familiae, quam districtissime iubet Deus? Vbi studium uerbi Dei, & meditatio eius, fidelibus die ac nocte necessaria?

Quid frustra cursitant, caci & miseri homines? Nonne D E V S ubique est, & non iam apud Hierosolymam terream, sed apud eam, quæ de coelo descendit, est in spiritu & ueritate requirendus & adorandus? Ioannis quarto: Venit hora, dicit D O M I N V S, in qua ueri adoratores, non Hierosolymis, sed in spiritu & ueritate adorabunt patrem. Quid ergo non acquiescis D O M I N O? Dissipet Dominus omnes eiusmodi hypocriticos & execrabiles discursus, qui non nisi à spiritu uanitatis & mendacij profici sci queunt.

Vis bene & sancte peregrinari, ô frater? Scias te non habere hic ciuitatem manentem, sed futuram inquirere, si ex Deo es, & donec uiuis, agnosce te à DOMINO peregrinum. Vide per dies singulos, an in uera Hierosolyma sis, in Ecclesia Dei scilicet. In ea es, si uere credis, alioqui minime. Proba ergo fidem tuam, & uide, ne extra Hierosolymam uiuas, id est, ne sis incredulus

FRANC. LAMB. IN ZACHARIAM

uerbo Domini. Quòd si quid incredulitatis in te deprehendis, ingemisce, quòd extra Hierosolymam sis, & cōfestim regredere in eam. Discurre, festina, & noli cessare, quousq; in eam dei misericordia denuo recipiaris. Gloriosa dicta sunt de te, Hierusalem ciuitas Dei. Ideo beati omnes ciues tui, alij uero maledicti. Nimirum habitare in te, summum gaudium, summaq; letitia est. Es uanq; urbs perfecte letantium electorum, & omnes ciues tui sancti, & filij Dei sunt.

P A R S N O N A.

Hæc dicit Dominus exercituum. In diebus illis in quibus apprehēdent decem homines ex omnibus linguis gentium, & apprehendent fimbriam uiri Iudæi, dicentes: Ibimus uobiscum. Audiuius enim, quoniam Deus uobiscum est.

Manifestissima est hæc prophetia, de Christo et Apostolis, qui Iudæi erant, seu Iſraélite, itidem de conuersione Gentium ad Christum per ministerium Apostolorum. Quid per decem nisi multos intelligimus? Decem ergo, id est, multi ex gentibus cunctis apprehendent fimbriam uiri, non solum carne, sed & spiritu, Iudæi, cuiusmodi erant Apostoli, dicentes: Ibimus uobiscum, uobis sociabimur, desyderantes fidei & ueritatis, quam habetis, esse participes. Audiuius enim, quia uobiscum

scum est dominus IESVS Christus, deus uerus & homo uerus, quòd scilicet cum eo fuistis conuersati, etiam iuxta carnē, & uobis semper adest, per uos mirifica operans.

Iudæi quoq; sunt uniuersi fideles, in spiritu & ueritate, & in semine Abrahe supputantur. Hos decem, hoc est, multi ex his qui ad Synagogam Antichristorum, siue incredulorum spectant, illustrati à domino, alieni fiunt ab ea Synagoga, & apprehendunt uirum unum è fidelibus, et iudæis ueris, dicētes, ut suprā: Ibimus tecum, & seque mur fidem, quam asseris, quòd uobiscum sit deus. O utinam id uideremus in incredulis multis, qui cum nihil minus amēt, quā Christum, pro ueris fidelibus haberi uolūt. O quā beatie essent, si apprehenderent fimbriam unius uiri iudæi, id est, fidelis, et sequeretur uerbū, qd' ille habet.

Sed quid est apprehendere fimbriam? Modus est loquendi significans magnum affectū dicentium: Ibimus uobiscum: itemq; dilectionem eorū ad Deum, uerbumq; suū & amatores eius. Non enim aestimo, quòd aliquid sit per fimbriam specialiter capiendum. Maledictus qui abicit fimbriam uiri iudæi, & cum eo ire recusat.

CAPVT NONVM.

Summariū capitis. Primū, de mirifica gentium conuersione ac sanctificatione. Et ibi insignia multa. Secundo, de aduentu Christi sedentis super asinam, quē regem, iustū, & seruatore[m] nostrum uocat. Tertio, q̃ fideles nō habebunt

fiduciam in ullum carnis robur, & de potentie Christi dilatatione. Quarto, q̄ Christus uinctos per proprium sanguinem soluit. Quinto, iubetur uinctis spei, ut properent ad munitionem, duplicia recepturi. Sexto, de uerbo Dei ac ministris eius, & ibi multa de Ecclesia.

P A R S P R I M A.

Onus uerbi domini in terra Adarach et Damasci requiei eius, quia domini est oculus hominis, & omniū tribuū Israel. Hamath quoque in terminis eius, & Tyrus, & Sidon. Assumpserunt quippe sibi sapientiam ualde. Et ædificauit Tyrus munitionem suam, & coaceruauit argentum quasi humum, & aurū, ut lutum platearum. Ecce Dominus possidebit eam, & percutiet in mari fortitudinem eius, & hæc igni deuorabitur. Videbit Ascalon, & timebit, & Gaza et dolebit nimis, & Acharon, quoniam confusa est spes eius. Et peribit rex de Gaza, & Ascalon non habitabitur, & sedebit separator in Azoto. Et disperdam superbiam Philistinorum, & auferam sanguinem eius de ore eius, et abominationes eius de medio dentium eius. Et relinquetur etiam ipse Deo nostro, & erit quasi
dux

dux in Iuda, & Accaron quasi Hiebuseus.

Textus hic sacratissimus in faciem uidetur asper, q̄ de percussione Dei & deuoratione per ignem agatur sed cum tandem ait, q̄ Azotus relinquetur deo nostro: et Accaron erit quasi Iebuseus uel Iebus, notum facit, quòd agat de uocatione gentium in Ecclesiam IESV Christi: ideo totus hic textus de gentium conuersione est enarrandus.

Igitur primum uidendum est de onere domini, de quo præter ea quæ diximus Abac. 1. atq; alijs locis, obserua, quòd omnis sermo dei onerosus est carni & sanguini, maxime ubi de conuersione agitur, eo q̄ non possit fieri, ut uerba spiritus Dei carni placeant. Vnde recte dicitur in huius prophetiæ initio: Onus uerbi domini, in terra Hadrach et Damasci requieieius.

Quidam Hadrach putant spectare ad Iudeam, sed nō habent, unde id confirmant: alij dicunt Syriæ oppidum esse, aut terram eiusdem regni, quod magis arbitror, q̄ & Damascus mox adiecta caput Syriæ esset. Esa. 7. Audi onus Syriæ, immo & omnium gentium, id est, incredulorum. Quia domini est oculus hominis, & omnium tribuum Israël. Quid oculi, nisi iudicium & sensus? Sensus ergo omnis hominis, & omnium tribuum Israël in manu Domini est: ab eo enim est omnis sapientia. Quia autem uera sapientia maxime fuit in populo Israël, ob Dei eloquia eidem credita: ideo de eis speciatim meminit, ut quic

FRANC. LAMB. IN ZACHARIAM

quid sapientiæ in eodem populo fuit, ab eo profecta nō dubitetur. Hoc non sustinet impia caro, quæ in propria sapientia gloriatur, & pro ea Dei sapientiam calcare nititur. Proinde habet pro onere grauiſſimo sermonē præscriptum, nec illic credit, nempe q̄ omnium hominum sensus in manu Dei sit.

Dicit igitur: Onus uerbi Domini in terra Hadrach, id est, Syrorum & Damasci requiei eius, hoc est, quæ terra Hadrach & Damasci est requies oneris uerbi Domini. Nimirum in ea implebitur ipsum uerbum & onus.

Septuaginta uerterunt: Quia Dominus respicit homines & omnes tribus Israël. Et hoc quoq; est onus importabile carnalibus. Summe nanque odiunt, nec credunt, quod Domini oculi sint super omne hominum genus, & de omnibus illi sit cura: quodque ab eius decreto omnia pendeant, & uita & sensus, & quicquid omnino circa eos contingit. Porro id quod dicitur, Respicit, generatim positum est pro omni dei animaduersione, aduersum impios, maxime de ea qua impios conuersurus, impietatem eorum iudicat & perdit, & sic quidem, ut iam non sint quod erant. Vtraq; uersio catholica est, uerum lectoris iudicio relinquimus, quæ Hebrææ simplicitati magis consentiat. Mihi magis probatur & plus arridet uersio prima, tametsi neq; secunda displicet. Vbiq; enim multo duco uersionem Septuaginta.

Hamath quoque in terminis, in uicina Syria, & Tyrus & Sidon, supple, onus suum habebūt. Quare? Quia
assumpserunt

adsumpserunt sibi sapientiam ualde, hoc est, nimis fuere prudentes, & supra modum suo sensui multum tribuerunt. Vide quàm multum odiat Deus huius sæculi prudentiam, & quàm uerum sit, quod paulo ante diximus, nempe, in manu eius esse omnem sapiētiam, & sensum, quod sapientia huius sæculi non agnoscit, ideo illi summo odio est. Deniq; nihil minus est, quàm sapientia coram Domino. Idcirco Ezech. 28. multis argumentis Tyri sapientiam deridet, ut eodem loco, Deo uolente, ostendemus. Et uere etiam in hoc loco, non nisi derisorie de ea meminit. Adsumpserunt, inquit, sapientiam ualde. Quod. Putant se admodum sapientes esse, cum sint maxime stulti.

Sed Tyri exemplo, audiamus cuiusmodi sit huius sæculi cæca sapientia. Aedificauerat sibi munitionem suam, & coaceruauit sibi argentum quasi humum, & aurum ut lutum platearum. Putauit sibi hæc posse dare salutem & uictoriam ab hostibus cunctis, sed nihil profuit. Fuit enim euersa per Babylonios, ut patet Eze. 26. & 27. & demũ capta ab Alexandro. Verum non puto hanc ultimam eius uastationem, hic prænunciari ut quidam scribunt. Etenim quod hic ait, Dominus possidebit eam, percutiet q; in mari, ac quòd igne deuorabitur, non nisi de euerfione impietatis intelligitur. Tum Dominus Tyrum possidet, cū eam uerbo suo subiecit, percussit in mari, dum eius impietatem uicit potentia eloquiorum suorum, non obstante omni carnis robore ac sapientia & altitudine, igne deuorauit, dum in eam misit spiritus sui ignem, quem uult ue-

FRANC. LAMB. IN ZACHARIAM

hementem accendi. Tyrus autem & Sidon, & reliquæ gentium urbes hic posite, omnes gentes & incredulos significant, Quemadmodum & Psal. 96. Ecce alienigenæ & Tyrus, & populus Aethiopum, hi fuerunt illic. Qui uersus multum cum hoc textu facit. Nimirum agit de aduentu gentium in Ecclesiam Christi,

Porrò dū Ascalon, Gaza, Accaron et Azotus, primæ Philisteorū ciuitates, uidebūt Syriam, Tyrū, Hamath, & Sidonem, uerbo Domini uictas, & quasi igne uoratas, timebunt, expauescentes ad uerbum Domini, quod illis est pro onere grauissimo, cum caro sint. Timebunt quoque cum uictam cōspexerint eam, in qua maxime sperabant. Ergo spes carnalium, caro est. Fidunt amicis, potentie, diuitijs, & id genus caducis rebus. Sed nulli tutum fidere, nisi Domino. Corruit namq; omnis sæculi altitudo. En quòd omnes carnales timent, ubi uident potentiam uerbi, quòd nostro sæculo apertissime conspiciamus. Ad quid enim Antichristi & Pharisei, in Gallia, Burgundia, Brabantia, Lothoringia, Flandria, & alijs regionibus multis, tam insaniunt in uerbum Domini, & uniuersos professores ac amatores eius, nisi quia uident totam ferme Germaniam, Dei sermonibus uictam, et Dei ignem in ea tam ardentem, ut pro nihilo habeantur omnes eorum imposturæ, & ideo timent ne tale quiddam illis contingat. Sed insaniant, ut uoluerint, sedebit tandem separator in Azoto, separator, inquā, ille qui diuidit preciosum à uili,

à uili, sedebit & regnabit, in omnibus regionibus, in quibus Antichristi & ueritatis hostes regnant. Et disperdet Dominus omnem Philistinorum, hoc est, impiorum superbiam, cum uel nolentes ad infima compellet, & humiliabit. Bisariam autem horum superbia destruitur, primum dum à seculi fastigio deiiciuntur, secundo, dum spiritus Dei munere uere humiles fiunt. Confidite sancti Dei, & confortentur manus uestrae, & ne absterreamini ab altitudine Satanae quam in filio illo perditio, suisque mitratis ac Pharisaïs conspiciatis. Venient dies, quibus disperdetur eorum superbia, & deponentur à sedibus suis. Dominus autem regnabit in omni terra, & calcabit hostes suos, ponetque eos scabellum pedum suorum.

Sed quid ultra praedixit de Azoto Zacharias, in uerbo & persona domini? Et auferam, inquit, sanguinem &c. Quid per ablationem sanguinis, & abominationum, de medio oris & dentium intelligitur, nisi ablatio tyrannidis, & conuersio ad benignitatem? Ergo magna est mutatio dexteræ excelsi, qui facit ex lupis oues, ex persecutoribus, amicos, & ex inimicis, charitate uera iunctissimos. Quae dum fiunt, qui prius ad Synagogam perditionis adtinebant, Deo nostro relinquuntur, & supputantur in fidelibus suis.

Et erit Azotus, quasi dux in Iuda, & Accaron quasi Iebuseus. Ego puto hic per ducem intelligi primam urbem, ut sit sensus. Azotus cum fuerit facta sedes separatoris,

FRANC. LAMB. IN ZACHARIAM

toris dei, & Domini nostri IESV Christi, ac sanguis et abominationes, ablatae fuerint, ab ore & dentibus suis, adsimilabitur, primae urbi Iuda, in cultu Domini. Quod sequitur: Et Accaron quasi Iebuseus, siue Iebus, eundem sensum habet. Quid enim Iebus, nisi Hierusalem? Siquidem trinomina fuit, Salema, Hierusalem, Iebus, ut Hieronymus ponit. Summa. Id uult spiritus Dei, quod in omni loco etiam gentium erit uerus cultus nominis eius. Et erit quaelibet urbs, noua quaedam Hierosolyma, ob uerbi sancti praesentiam, & perfectum Dei cultum.

Et circundabo domum meam ex his qui militant mihi euntes, & reuertentes, & non transibit super eos ultra exactor, quia nunc uidi in oculis meis.

Domum Dei Ecclesiam esse, notum est. Denique fideles ueri, eius milites sunt. 2. Timo. 2. Labora ut bonus miles IESV Christi. Euntes & reuertentes, hoc est, promptissimi & fortes ad ministeria & custodiam eiusdem domus. Siquidem militem esse magnanimitatem designat, & fortitudinem, ire uero & reuerti diligentiam, ac celeritatem, id quod maxime de ministris uerbi intelligitur. Qui nunquam redeunt, aut reuertuntur nisi cum mouentur a spiritu Dei. Nimirum solum eius spiritum sequuntur.

Porro ubi id fit, super eos qui ad domum siue Ecclesiam Dei attinent, non est ultra transiturus exactor. Exactores uarij sunt, lex, peccatum, mors, & infernus. Ceterum mox ubi adsunt milites Christi, & fideles ministri
uerbi

uerbi eius, fieri non potest, ut non sint, qui adquiescant uerbo Dei, & illi credant. Quod dum fit, cessant exactores præscripti, quia nulla est condemnatio, hic qui sunt in Christo IESV, Roma. 3. Id aut sup. certissimæ cognitionis testimonio, Deus adserit dicens: quia nunc uidi in oculis meis sup. quæ prædixi. Qua loquendi ratione usus est, ut significantius exprimeret, uiuacitatem & certitudinem cognitionis suæ.

P A R S S E C V N D A.

Exulta satis filia Sion, iubila filia Hierusalem. Ecce rex tuus ueniet tibi iustus & saluator, ipse pauper & ascendens super asinam, & super pullum filium asinæ.

MOx ubi de exactoris cessatione prophetauit, de eo per quem cessauit exactio agit, nempe, de Domino IESV Christo, cui dicitur Es. 1. 9. Iugum oneris eius, & uirgā humeri eius, & sceptrū exactoris eius superasti, sicut i die Madian. Quod aut de ipso capiatur hic textus, patet Matth. 21. & Ioan. 12. Neq; putandum est, aliud esse, quod illi habent, cum non posuerant. Exulta satis filia Sion, iubila filia Hierusalem. Matthæus enim posuit, dicite filiæ Sion Et. Iohannes: Noli timere filia Sion, sed sensu à Zacharia minime dissentiuunt. Matthæus quippe, præceptum Dei, factum Zachariæ, & non dubium

FRANC. LAMB. IN ZACHARIAM

bium quin etiam alijs explicuit, quo iussit, ut humilitatem
 Regis Christi uenturi in adsumpta carne Hierosolymam
 prænunciarent, filię Sion & Hierosolymę. Quia autem
 præscripta propheta uoluit spiritus dei, ut Sion fiducia=
 liter ageret & consolaretur, spe futuri, eiusdemq; indu=
 bitati aduēus Domini seruatoris, id Iohannes explicuit,
 quod certum est, ipsum dei spiritum uoluisse, dicens: No=
 li timere, hoc est, noli diffidere, sed multa fiducia age, nam
 ecce rex tuus &c.

2 Per id obserua, quàm sæpe à sanctis Apostolis, non
 fuerint uerbōtim allegati bibliorum textus, nisi qua ratio
 ne habent Septua. aut non nisi iuxta sensum. Quod puto
 deo providente factum, ut damnaretur quorundam su=
 perstitio & uanum studium, quo putant nihil recte ex di
 uinis literis allegatum, nisi ubi uel etiam uel iota unum ex
 litera superficie non dimittitur, cum in ueritate magis sit
 allegandus sensus ex sensu, quàm uox ex uoce, modo no=
 tum sit uerum sensum spiritus esse. Quod certo argumen
 to agnosces, aut ex locorum circumstantia, aut ex apertis
 scripturę testimonijs Proinde his qui dicunt, perplexum
 esse, si ex spiritu dei loqueris, necne, nec nobis licere, qđ
 Apostolis licuit, dicimus primum, nobis haudquaquam li
 cere in omnibus, quòd ipsis Apostolis licuit, uerum quod
 ad scripturarum allegationes spectat, idem per omnia no
 bis licere, modo testimonium certum habeamus eloquio=
 rum Dei, quę sunt testimonia uoluntatis & ueritatis
 eius. Psal. 18. & 118. Imò eorum exemplo uitādum nobis
 est,

est, ne uocum prolatione nimium torqueamur, modo à scopo minime aberremus. Sufficit enim dicere quod uult spiritus, quomodolibet illud allegaris ac protuleris. Crede mihi lector, tantum adnitere, ne à sensus simplicitate apostates, ne male tibi sit, si literam inutiliter obseruaueris. Non dico, ut non alleges textus, ut sunt, sed ut id maxime uideas, ne à sensu spiritus alienus sis, & aliud doceas, ex uerbo Dei, quàm uelit Deus, & per id male habeas, & iudicaris coram Domino. Liberum tibi sit uoces omnes allegare, sed non liberum philosophari super omnibus, nec ut quem uolueris sensum adferas. Magis captiua sensum tuum, sub sensum spiritus IESU Christi, sicut necesse est. Ergo tu ipse uide, an Dei munere, sensus habeas tam exercitos, in sanctis eloquijs eius, ut possis adsumere potius sensum ex sensu, quàm uerbum ex uerbo. Si id adcepisti, noli tam anxie literæ inniti, quo minus sensum uideas: sin minus, allega quàm simplicius uales textum, & ex eo sensum collige, quem docet spiritus Dei.

O quàm multos seducunt, uocum superflue obseruationes. Etenim nonnulli ferme insanire stolidissimis commentarijs, nihil tandem, quod uellet spiritus adferentes. En quod uetus instrumentum, lingua Hebræa datum est. Quod si iuxta uocum eiusdem linguae ordinem, & rationem, quis uertit ipsum instrumentum in linguam nostram, quis obsecro sensus uidebitur. Et si latinam linguam, quis uertit in Germanicam, obseruato omnium dictionum ordine, quis Germanorum profitebitur ipsam uersionem
germani.

FRANC. LAMB. IN ZACHARIAM

germanicam esse, cum uix intelligere possit sensum eius.

Profecto, quemadmodum hi qui uertunt diuina eloquia è linguis in linguas maxime id obseruare debent, ne uel iota unum, è sensu dimittant, nihilq; omnino mutant è dictionibus, ex quibus pendet tota res, aut quidquam addant, quod alium sensum faciat, uel in minimo quidem, ita uniuersi ministri uerbi eiusdem, aut concionando, aut scriptis idem uerbum enarrando, facere debent. Tu quoq; etiam si minister uerbi non sis, non minus idem obseruare debes, cū dei legem meditaris. Sensum spiritus quere, & inuentum sequere, summe autem uita, ne in dei eloquia, aut tuum, aut alicuius quencunq; sensum adferas. Delicatus & preciosus est sensus spiritus dei, & non uult alteri commisceri.

Sed tandem redeundū ad Prophetæ sermonem. Quid dicitur filiae Sion & Hierusalem? Exulta satis, hoc est, uehementer, & iubila. Exultatio gaudium est, quod etiam externis signis palam fit: iubilus uero est uox, à nimio cordis gaudio prodicens, qua non nisi uel paululum ipsum gaudium exprimitur, imò per eam exprimi nequit, ut est sincerissima prædicatio, eius qui perfecte nouit & gustat ueritatem. Nimirū ei qui uere gustat bonum dei uerbum, ad illud exprimendum, uocum penuria est, quòd plura absque similitudine meditetur, quàm loqui possit. Ideo recte ubi nos habemus iubila, Septua. habent prædica. De ratione harum uocum, iubila, & exulta, plenius egimus, Sophoniæ. 3. ibi. Lauda filia Sion.

Vnde

Vnde autem unde exultandum, unde iubilandum seu prædicandum filia Sion? Ecce, inquit, Rex tuus, IESVS Christus, iustus, & seruator, ueniet tibi, in tempore quod ante secula Deus præfiniuit. Ecce, excitantis est ad meditandum. Ceterum quatuor hic de Christo habes. Primo, quòd sit rex Sion. Secundo, quòd sit iustus. Tertio, quòd sit saluator. Quarto, quòd uenit ipsi Sion. De primo. Si Christus est Rex & Princeps in Sion & Hierusalem, id est, Ecclesia, nemo in ea regnare debet, nisi sub eo, & eius solius leges in ea seruandæ sint, his reiectis & spretis, quæ suis aduersantur. Facit hoc contra Regnum Antichristorum, impios fidelium Principes, ac magistratus, sectas Phariseorum, & id genus hostes Dei, qui sine Christo regnare uolunt. Quòd autem Christus Rex & Princeps sit in Sion, Hierusalem, domo Iacob, seu Dauid, quibus Ecclesia significatur, liquet Psal. 2. 3. & alijs. Esa. 9. Eze. 34. 37. Item Luca. 1. Tu ò fidelis, agnosce Christum Regem tuum, & nulli pareas, qui aliena à Christi legibus præceperit, & tum etiam tu ipse cum Christo regnabis. Nimirum omnes sancti & fideles, cum Christo regnant. De secundo, nempe, quòd ipse Dominus IESVS Christus sit iustus, patet Hiere. 23. Et uocabunt eum Dominus iustus noster. Is etenim est, per quē orta est iustitia, & abundantia pacis. Si Christus noster, imò et iustitia, redemptio ac sanctificatio nostra, ubi est nostra iustitia? Facit ergo hic locus, cōtra eos qui se putāt operibus iustificari posse. Veh iustitiaris hypocritis.

Q

De tertio,

FRANC. LAMB. IN ZACHARIAM

De tertio, quòd uidelicet sit seruator & solus quidem, liquet Acto. 4. Non est aliud nomen sub cælo datum hominibus, in quo nos oporteat saluos fieri. Quod si ita est, profecto non est in alio quopiam salus. Facit hic locus aduersum abominationes regni perditionis, & Phariseorum, qui in suis mendacijs & figmentis, ac diuorum inuocationibus, & uotis, atq; alijs id genus, salutem dicunt suam. Sed tu ò fidelis, abscede & alienus efficere ab impostoribus istis, & agnosce unum Dominum IESVM Christum seruatorem tuum.

De quarto, quòd scilicet uenit ipsi Sion & Hierusalem, hoc est, ad salutem eius, habes Matth. 15. Non ueni, inquit, nisi ad oues quæ perierunt domus Israël. Quæ domus, uniuersos electos tam ex Israël, quàm ex gentibus complectitur. Ergo non uenit pro reprobis, qui ad eam domum non pertinent.

Obseruandum autem, quòd primum hic textus, de ingressu Domini in Hierusalem capitur. Item de omni tempore, quo electis fit ex fide, Rex, iustitia & salus. In eum quippe, qui uere credit, uenit, estq; mox illi iustitia, & salus. Ergo, qui in eum minime credit, nec iustus nec saluus esse potest, quod ad eum iustus & seruator non ueniat. Cæterum is ad quem uenit lætari debet, ac exultare, & iubilare Domino. Exultandum quippe & iubilandum fuit, ipsi terrenæ Sion ac Hierosolymæ, sed multo magis nouæ Sion & Hierosolymæ, scilicet Ecclesiæ Dei, ac filijs eius.

Sed iam uideamus quomodo uenerit, ut sit proinde tã exultandum & iubilandum. Pauper, sedens super asinam, & pullũ asine filium, seu pullum nouũ, ut Septuaginta habent. Per id letari non potest caro & sanguis, sed tantum qui habet spiritum IESV Christi, qui damnat omnẽ huius sæculi arrogantiam, & laudat spiritus paupertatem. En quod is cuius est orbis terræ, & plenitudo eius, factus est. Psal. 23. Factus est pauper, ut nos suis opibus ditaret: eguit, ut abundaremus: mortuus est, ut uiuificaremur. Proinde in ingressu eius, ab Hebræorum pueris, bene cantatum est. Benedictus qui uenit in nomine domini. Matth. 21. Mar. 11. Lucæ. 19. & Ioan. 12.

Tu ergo ò Sion filia Dei, Ecclesia, quæ plena es spiritu & sensu IESV CHRISTI, & per eum damnas omnem huius sæculi fiduciam & uanitatem, amasq; ueram iustitiam & salutem, exulta & iubila, quia ut cupis, ad te uenit Rex tuus, iustus & seruator, sedens super animal humillimum, non phaleratũ equum, & in paupertate, non diuitijs uanissimis ac fluentibus, suo exemplo omnem huius sæculi altitudinem, reprobans & condemnans.

De hoc ingressu, egimus Lucæ. 19. Porro ex eo quod Dominus sedit super animali tam humili, laborioso, & forti, nec multum calcitrante, puto signari quod uere humiles, laborantes ad diuinæ uoluntatis iussionem implendam, & fortes, id est, constantes & firmi in uerbo, ac

FRANC. LAMB. IN ZACHARIAM

contra illud minime calcitrantes, fiunt sedes spiritus Domini IESV Christi, sicut scriptum est / Super quem requiescet spiritus meus, nisi super humilem, & quietum, & tremen- em sermones meos? Esa. 66.

P A R S T E R T I A.

Et disperdam quadrigam ex Effraim, & equum de Hierusalem, & dissipabitur arcus belli. Et loquetur pacem gentibus, & potestas eius à mari usque ad mare, & à fluminibus usque ad fines terræ.

ECce efficaciam humillimi ingressus regis nostri, Domini IESV Christi. Disperdet, inquit, quadrigam ex Effraim, & equum de Hierusalem, & dissipabitur arcus belli. Effraim regnum decem tribuum erat, quod nonnunquam Effraim dictum fuit, eo quòd primus eorum Rex Effrateus fuerit, & quòd ab Effraim potissimum apostasia & fornicatio seu idololatria Israël pro dierit. Hierusalem autem capitur pro regno Iuda, quòd urbs prima esset eiusdem regni. Porro utrunq; regnum spectabat ad populum Domini, ideo omnes fideles per ea capiuntur. Tametsi etiam de omnibus Israël tribubus, nò dubito hæc implenda, cum in dierum nouissimo ad Dominum conuerterentur. Tum enim ab eis Deus auferet: quadrigam & equum, dum spiritum suum illis infundet, quo
nulli

nulli externæ munitioni fident, sed soli deo. Tum dabit eis ueram pacem, qua dissipatur arcus belli, imò quidquid ad bellum spectat. Nam Deus loquetur pacem gentibus, id est, uerbum pacis, quo perpetuò in pace erunt cum Israëlitis, omnibus tam Israëlitarum quam gentium electis, in unam Ecclesiam conuenientibus.

Hoc uerbum, usq; in finem sæculi impleri necesse est, nempe, ut disperdantur quadrigæ & equi ab Effraim & Hierusalem, hoc est, ut auferatur omnis fiducia sublimitatis huius sæculi, & omnis roboris carnis, sitq; in solum Deum fiducia ab his qui ad Christi Ecclesiam spectare putantur. Effraim fuit in toto Israël idololatriæ fons, per quem qui aptius capiuntur, quam hypocritæ omnes & Antichristi, in quibus idolis plena sunt omnia, & nihil ueræ in Deum fiduciæ habent? Fidunt enim suis quadrigis, equis, diuitijs, operibus, iustitijs carnis, & similibus. Sed uenient dies, quibus hæc omnia auferentur ex eis, uerum diuersimode. Ab electis siquidem, auferetur omnis in eiusmodi fiducia, dabiturq; eis ut in solum Deum fiduciam habeant. A reprobis uero omnia alioqui auferentur, dum scilicet omnibus priuabuntur, & demergentur, in interitum sempiternum.

Porrò in uniuersis, qui Christo adquiescunt, etiam dissipatur arcus belli, dum uera pax illis tribuitur, quemadmodum & Esa 2 ac Micheæ 4. prædictum fuit. Concident gladios suos in uomeres, & lanceas suas in falces. Non leuabit gens contra gentem gladium, nec exerce-

FRANC. LAMB. IN ZACHARIAM

buntur ultrà ad bellū. Quibus uerbis ac similibus inestimabilis fidelium pax figuratur.

Per quid autem arcus belli dissipetur, & pax uera adferatur, & cum Domino & cū omnibus hominibus, in Domino palàm fit, ex eo quod subiungitur. Et loquetur pacem Gentibus. Gentes sunt increduli, quibus uerbum pacis tum profertur, dum illis prædicatur gratia, pax, & remissio peccatorum per Christum. Cui mox ubi creditur, pax uera est. Sed quis loquetur hoc uerbum pacis? Christus Dominus, ac Deus per eum, & omnes quos elegerit uerbi sui ministros.

Audi autem efficaciam huius uerbi pacis. Et potestas eius & c. Cuius eius? Domini IESV Christi. Qui sermone pacis, omnia sibi subijcit, & omnem carnis potētiam rumpit. Insaniant ergo ut uoluerint, omnes pietatis hostes, uincet tandem Christus Dominus, uerboq; suo omne eorum robur conteret, & potestas eius ubiq; erit. Postulant namq; à Deo, & dedit sibi gentes hereditatē suam, & possessionem suam terminos terræ. Reges eos in uirga ferrea, & tanquam uas figuli cōfringet eos: Psal. 2. Oportet enim adimpleri illud Psal. 71. Et dominabitur à mari usq; ad mare, & à flumine usq; ad terminos orbis terrarum. Et illud Danie. 7. Regnum, & potestas, & magnitudo, regni quod est subter omne cælum, detur populo sanctorum altissimi. Cuius regnum, regnum sempiternum est, & omnes reges, seruiant & obediant ei. Fiat fiat.

P A R S Q V A R T A.

Tu quoque in sanguine testamenti tui emisisti uinctos tuos de lacu in quo non est aqua.

Qui sunt hi uincti, nisi qui sub peccato, morte, & inferno seu maledicto legis capti uidentur? Quis est denique sanguis testamenti seu pacti, hos uinctos emittens, & liberos faciens, nisi sanguis agni immaculati Christi, qui solus tollit peccata mundi. Ioan. 1. Et lauat nos ab eis, in sanguine suo? Apoc. 1. Sed hi uincti emittuntur è lacu, in quo non est aqua, sermonum Dei, aut misericordie eius purgantis, & refrigerantis nos, ac omnem sitim mortiferam extinguentis. Quid ergo est in eo? Lutum, & omnia mortifera, inuentorum ac traditionum hominum, præter peccatum & perditionem, quæ omnia in credulitatem comitantur, quæ primum est, propter quod in lacum præscriptum quis mittitur. Vnde & huic lacui, nullum nomen magis congruit quàm si uocetur lacus incredulitatis, siue incredulitas, quod mox ad eam sequantur, peccatum, mendacia, cæcitas, mors, ira Dei, & maledictio. Lacus ergo iste, incredulitas est.

Porro uincti in lacu isto, Domini uincti adpellantur, non quemadmodum Paulus scribens Philemoni, se uinctum IESV Christidicit, sed ideo uincti eius, quod æquisimo iudicio suo, ad eundem lacum illos damnarit, eos in-

durans & excæcans. Siquidem ipsa condemnatio, excæcatio & induratio, uinculum est, quo increduli omnes uinciuntur. Soluitur autē hoc uinculū, per solam fidem IESV Christi. Liberos namq; facit omnes credentes in se.

Obserua autem quòd hic dicitur Christo : Tu emisisti uinctos tuos, in sanguine pacti sui. Tu, inquit, non alius, et in sanguine tuo, non per aliud. Ergo per solum Christum & per solum sanguinem eius, soluitur præscriptum uinculum. Quomodo ergo Antichristi multi diuersum adserunt, suis Bullis, traditionibus, uotis, cucullis, operibus, præscripti uinculi solutionē tribuentes, & per id blasphemantes Dominum IESVM Christum, ad quem solum id penitus attinet? Vch hypocritis & mendacibus, qui sunt uere similes Iudeis excæcatissimis, qui damnabant Christum, quòd peccata remitteret, ut notum est. Luc. 5. interrim ueruntamen suam iustitiam constituere nitebantur, diuine obliti. Rom. 10. Propter quod, ut ibidem habes, excæcati sunt. Quid autem est, suam iustitiam constituere, nisi putare se propria & humana iustitia, præscriptum uinculum incredulitatis soluere posse, siue posse emittere uinctos Dei à lacu antedicto? Et quemadmodum Iudei cæci, C H R I S T V M in suum interitum damnarunt & blasphemum adpellarunt, idcòque reprobati sunt, quotquot non resipuerunt, ita & blasphemia illa Antichristorum Synagoga, idem sibi futurum non dubitet. Nam à solo C H R I S T O & per sanguinem

sanguinem eius, est prædicti uinculi solutio, hoc est, remissio peccatorum, destructioq; impietatis, liberatio à morte & inferno, ac gratia Dei.

P A R S Q V I N T A.

Conuertimini ad munitionem uincti spei.
Hodie quoque annuncians, duplicia
reddam tibi.

Putares forsan ex his quæ suprà parte tertia diximus, omnem omnino quadrigam, equum, arcum, et omne robur armorum & munitionum per Christum IESVM disperdenda. Et uere sunt uniuersa disperdenda, quæ ad carnis robur spectant. Verum una est munitio, & ea quidem sola inexpugnabilis, fortissima, æterna, semper tutissima ac sufficientissima, de qua Prouerb. 18. Turris fortissima nomen Domini. Ad ipsam currit iustus, & seruabitur. De hac præcipitur uinctis spei, ut ad eam conuertantur & fugiant. Qui sunt uincti spei? Hi sunt, qui uincti quidem sunt carnis huius uinculis, ac nonnunquã peccato & fructibus suis, sed de eis spes certa & expectatio est, q, seruabuntur, propter quod & uincti spei recte appellantur: impossibile nanq; est eos perire. Nimirum hi sunt, quos dedit filio pater. 1oan. sexto, electi scilicet, quos à manu eius nemo rapere potest. 1oan. 10. Et uere donec in mundo uiuimus, aliquid uinculorum habemus, propter carnem, & à Domino peregrinamur.

Q s sanctis

FRANC. LAMB. IN ZACHARIAM

sanctis preciosa mors, qua in fide à sæculo migrant, uincula uniuerſa dirimuntur. Hinc prodibat is Pauli ſermo: Cupio diſſolui, & eſſe cum Chriſto.

Omnes filij Adam ſunt uincti, ſed alij ſpei, nempe electi, alij deſperationis, nempe reprobi, quos non dedit filio pater. Maledictus qui non eſt uinctus ſpei. Da nobis domine Deus noſter, ut non ſimus uincti deſperationis. Porro inter hos uinctos id intereſt, quòd primi non conuertuntur ad munitionem carnis, nempe ad diuitias, gladios, currus, equos, arma, clypeos, arces, exercitus fortitudinem, & id genus alia, atq; his minime fidunt. Etenim tametſi nõ nunquam plus equo hærent carnalibus eiſmodi, nunquã ueruntamen eis toto corde fidunt, eos retinente Deo. Neque eis pleno affectu placent ſigmenta huius ſæculi, etiam ſi eis deditiſſimi uideantur. Hi nunquam blaſphemant ſpiritum Domini, nec toto corde odiunt ſermonem ueritatis, alioqui fieri non poſſet, ut ſeruarentur. Quæ omnia in teipſo ſi ex electis es, experiris, etiam ſi nõdum ad id perueniſti, ut ea diiudicare poſſis. Caue autem, ne ullatenus præſumas deſinire, aut de teipſo, aut de alio quopiam, qd non ſit ex ſpei uinctis.

Habent autem hi ſpei uincti omne robur ſuum, omnẽ munitionem ſuam in magno Dei nomine, in Deo ſcilicet, cuius nomen eſt ſummum, inæſtimabile, atq; ineffabile, et id quidem per I E S V M Chriſtum filium ſuum. Quid autem ſit nomen Dei, Luc. 1. palam fecimus.

Quod deinde ad poſtremos uinctos, ſcilicet deſperati
onis

onis attinet, hi diuersum omnino à prioribus faciunt, præscriptam nominis domini tutissimam atq; semper inuictā munitionem pro nihilo habentes, se autem cōvertentes ad carnis brachium & robur, quod perire necesse est. Qui fiduciam habent in baculo arundineo in umbra Aegypti.

Igitur præcipit deus uinctis suis, uinctis, inquam, spei. Conuertimini ad munitionem, non dubium, quin ad ipsū met iubentem dominum, ab eo per Christum misericordiam, gratiam, & auxilium expectantes. Sæpe enim in Prophetis de seipso, quasi de tertio quopiam loquitur.

Acquiescenti autem præcepto suo magna spondet. Hodie, inquit, annuncians, duplicia reddam tibi. Quòd dicit hodie, duo significat. Primum, celeritatem impletionis rei quam promittit: secundo, tempus Christianæ lucis. Et is quidem est sensus: O uincti spei, dum conuersi fueritis per Christum ad me, qui sum munitio uestra, nuncio uobis, quòd sim duplicia redditurus. Quando? Hodie, hoc est, mox & in die Christi. In eo die sunt, & à mundi principio fuerūt, quotquot lucis spiritus Christi facti sunt participes.

Sed quæ sunt hæc duplicia, quæ reddit? Magna & sublimia, quæ pro nobis redimendis & seruandis Christus fecit. Hinc etiam est illud Esa. 40. Suscepit de manu domini duplicia pro omnibus peccatis suis. Duplicia intellige, præclara, insignia, maxima, & cunctis quæ peccato dispersa sunt, eminentiora. Hæc sunt, q̄ Dei unigenitus nobis natus, passus, & modis omnibus datus est. Esa. 9.

FRANC. LAMB. IN ZACHARIAM

Hæc redduntur uniuersis, qui se conuertunt ad firmissimam munitionem, de qua prædiximus, nempe ad ipsum met deũ p Iesum Christũ, i fiducia scilicet meritorũ eius. Et id quidem hodie, mox uidelicet, posteaquam ueritatis optatissimus dies in corde illuxerit per spiritum sanctum.

Crede & tu ô fidelis, Deo hæc tibi annuncianti & promittenti. Festina ad munitionem tutissimam Deum ipsum optimum, maximum, potentissimum, per IESVM Christum, & non dubites mox duplicia tibi fore reddenda, de quibus duplicibus subnectitur.

P A R S S E X T A.

Quoniam extendi mihi Iudam quasi arcum, impleui Effraim, & suscitabo filios tuos Sion super filios tuos Græcia, & ponam te quasi gladium fortium, & dominus Deus super eos uidebitur, & exhibit ut fulgur iaculum eius. Et dominus Deus in tuba canet, & uadet in turbine Austri, Dominus exercituum proteget eos.

Quæ hac parte habentur, de uictoria Machabæorũ aduersum Græcos, ab Hebræis enarrantur. Sed nihil minus arbitror, nam ex præcedentibus & sequentibus non uidentur ad aliud referenda, quam ad mysteria Christi & Ecclesiæ sanctæ. Proinde textus ordinem

dinem obserua, & uide, q̄ toto hoc textu agatur de duplicibus, quæ sanctis redduntur, cum plena fide ad Deum cōfugiunt, de his scilicet, quæ Christus fecit pro nobis.

Igitur primum annotandum, q̄ iaculis & gladio uerbum Dei capitur, ut Psalm. 44. Accingere gladio tuo super femur tuum potentissime. Et rursum ibidem: Sagittæ tuæ acutæ, cadent in corda inimicorum regis. Item Ephes. sexto. Gladius spiritus est uerbum Dei. Et Hebræ. 4. Sermo Dei uiuus & efficax est penetrabilior omni gladio accipiti. Propter ipsum uerbum in Christi persona dicit Esaias libri sui capite 49. Posuit os meum uelut gladium acutum, sub umbra manus suæ protexit me, & posuit me ut sagittam electam. Qui locus etiam de uniuersis fidelibus ministris eloquiorum Dei intelligitur.

Ceterum quia primi, per quos Deus misit in orbem ipsum uerbum, nempe Christus et Apostoli fuere iudei, dominus ait se extensurum iudam quasi arcum. Porro ista extensio significat præparationem & aptitudinem ad uerbi ministerium, quam illis Deus tribuit. Horum os fuit quasi gladius & sagitta: gladius uulnerans in æternā salutem corda eorum qui propè: sagitta uero, uulnerans eos qui longè. Nam & nos uulnerant sagittæ eorum, quæ ad nos usq; scriptis peruenerunt.

Impleui Esffraim, non dubium, quin ipsis sagittis, aut si mauis, præscriptis duplicibus. Per Esffraim certum est, decem tribus sæpe, & indubie etiam hoc loco intelligi.

Quemadmodum autē multis locis probauimus, ad ipsas
decem

FRANC. LAMB. IN ZACHARIAM

decem tribus non sic peruenit Dei sermo, ut eorum corda penetrarit, quasi gladius & sagitta. Nondum enim ad Christum conuersæ sunt, neq; etiam duæ tribus. Sed fieri non potest, ut non impleatur Effraim, immo Israël totus, sagittis, id est, eloquijs Dei, sicut hic ob rei futuræ certitudinem in præterito dixit: Impleui Effraim.

Per Iudam quoq; & Effraim, omnes ueri Israëlites, id est, electi capiuntur, ut nullus nescit, præter eum, qui à dei uerbo prorsus est alienus. Et hos Deus ut arcum extendit, ad mittendas suorum eloquiorum sagittas penetrantissimas, illosq; implet spiritu & ueritate sua.

Quod subiungit: Et suscitabo filios tuos &c. ad idem spectat. Puto enim Græciam hic non aliter accipi, quam apud Paulum in Romanis, ubi per Græcos, Gentes capit, capite primo & secundo. Est igitur sensus: Ego Deus suscitabo, mouebo, illustrabo filios tuos, ô Sion. Hi sunt Apostoli primum, deniq; uniuersi fideles, qui ad ueram Sion, id est, Ecclesiam spectant. Suscitabo, inquit, ipsos filios tuos, ô Sion, super filios tuos, ô Græcia, ô gentes uniuersæ. Siquidem ab Apostolis uirisq; apostolicis deuictæ fuere gentes, uincunturq; indies sagittis & gladio sermonum Dei. Vnde etiam addit: Et ponam te, ô Sion, quasi gladium fortium, propter uerbum semper inuictum, & omnia uincens. Qui sermo ad conuersos primum ex Iudeis, deniq; ad omnem Ecclesiam, maxime ad uerbi ministros dirigitur.

Et dominus Deus super eos, Apostolos & uiros apostolicos

stolicos uidebitur. Sensus est: Agnoscetur q̄ Deus sit cū eis, quodq̄ non proprio sensu, sed Dei spiriū cuncta efficiant. Beatus est uerbi minister, super quem est Deus, et uidetur in eo à fidelibus, alioqui maledictus, q̄ ueritas in eo esse non possit, & Dei scripta non nisi perperam enarrare ualeat. Porro non aliunde melius agnoscitur, q̄ Dominus sit in ministris uerbi, quàm per syncerum ministerium eius. Propter quod subdit: Et exhibit ut fulgur iaculum eius. Iaculum eius, nempe Dei, quod est uerbū, exhibit ministerio filiorum Sion, ut fulgur, hoc est, mira cū uehementia & efficacia. Vide quæ diximus Abacuc tertio, ibi: In luce sagittarum &c. & scies qua potissimum ratione sermo dei fulguri assimiletur.

Deinde ipsum ministerium sermonum Dei, clangori tubæ comparat, dicens: Dominus Deus canet per Apostolos & ueros filios Sion, in tuba, hoc est, patenter, & cum uehementi spiritu, quemadmodum sonus tubæ est uehemens, notam faciet ueritatem suam. Et ipse dominus uadet, progreditur in electis, ac in eis operabitur. Quādo? In turbine seu commotione Austri. Diximus in Solomonis Canticis, Austro designari spiritum Dei, cuius uerbū turbat carnales, & commouet uehementissime. Porro dum homo incipit terreri uerbo ipso, spes est boni eius, dū scilicet profitetur, quod à Deo sit, sentit uehementiam, qua damnat omne peccatum, & omnem incredulitatem, cum fructibus suis. Tum quasi primum in eo Deus uadit, dum ipsum terrorem uerbo suo in eo operatur. At purius
hic

hic terror desperationem induceret, nisi immutaretur.

Sed protegit suos Dominus, & seruat per Euangelium filij sui. Proinde adiicit: Dominus exercituum proteget eos, intellige tam eos, qui administrant sermonem, quam eos qui illo terrentur. Magnum & apertissimum uerbum, uere consolationis plenissimum, quo tam ministris uerbi, quam uniuersis fidelibus, ad sermonem Dei terris protectio diuina promittitur.

Et deuorabūt, & subijcient lapidibus funde.

Dum filij Sion, Græcorum, id est, gentium ac incredulorum filios uincunt, & illos ad se trahunt, ita ut fide uera unum in Christo fiant, quasi eos deuorant. Quos subijciunt domino efficacia & percussione lapidum fundæ. Cuius fundæ? idem per fundam, quod per arcum capitur, nempe ipsimet filij Sion, præsertim ministri sermonum Dei. Qui dum rotantur à spiritu sancto, quasi fundæ, lapides eloquiorum dei aduersum incredulos efficacissime iaciunt. Porro quisque uere fidelis est funda, qua aut per quam humilis ille Dauid, Christus scilicet, præscriptis acutissimis ac limpidissimis lapidibus sumptis ex torrente scriptorum Dei, percutit in fronte superbum illum Goliath diabolum, in terramque deiicit & calcatur, ita ut respirare non possit. Quo perempto, omne illius robur conterit, quem admodum in figura præcessit, primo Regum decimo septimo.

Et bibentes inebriabūtur quasi uino, et replebuntur ut phialæ et quasi cornua altaris.

Quod

Quod suprà gladio, iaculis & fundæ lapidibus, hic per uinum intelligimus, nempe uerbū dei, in quo fideles habēt arma sue militiæ, & omnerobur, ac frumentum, uinum, oleum & omne bonum. Nimirum uarijs respectibus idē uerbum uarijs rebus figuratur, prout locis alijs diximus.

Dicit ergo: Filij Sion bibentes uinum eloquiorum dei, in eo scilicet exhilarati, q̄ ad ipsum spectet lætificare cor hominis, tam abunde ex eo potabunt, ut illius suauitate et efficacia semper inuicta inebrientur, quemadmodum Cāti. 5. a sponsa inuitantur, qui ait: Bibite uinum & inebriemini charissimi. Non est hæc ebrietas à uino, quod uitis produxit, sed quam infundit spiritus dei in cor fidelis. Ideo ait: Inebriabuntur quasi à uino. Quemadmodum enim ebrius homo nihil formidat, quòd ablato sensu, non præualeat iudicare, quid formidandum, quid ue non: ita quotquot Dei uino, hoc est, sermone replentur ac inebriantur, amittunt proprium sensum, immo illi uolūtariè abrenunciant, propter desyderatissimum sensum, quem tribuit, uinum suauissimum dei eloquiorū ac spiritus ueritatis, & per id fiunt securi in Domini fiducia, cuius nomen illis est haud secus atq; fortissima turris. Prouer. 18.

Sed quid est, quòd dicuntur repleri ut phialæ, ac quasi cornua altaris? Per primum ostenditur, quanta sit filiorum Ecclesiæ ueræ Sion plenitudo. Quasi phialæ repleti erant hi, de quibus scriptum est: Repleti sunt omnes spiritu sancto. Act. 2. Beatus qui sic ut phiala repletur uino Dei excelsi. Porro ne quis putet hanc repletionem, aliam

R esse

esse quàm sit, subiunxit: Quasi cornua altaris, super quo, ut patet Deut. 12. sanguis hostiarum fundēdus erat. Quē admodum altare replebatur sanguine ad uerbum et præceptum Domini, & hoc ipsi gratisimum fuit, cū ex fide ita filij Sion dei uoluntate, eius æternæ ueritatis desiderabili uino replētur et inebriantur, qd' deo est longe acceptissimum. Et ut magis credas, hanc ebrietatem sic repletis afferre ueram salutem, adiicit:

Et saluabit eos dominus Deus eorum in die illa, ut gregem populi sui, quia lapides sancti eleuabuntur super terram eius.

Lucente semper inuictæ ueritatis luce, & cum sunt filij Sion, in die Christi saluat eos dominus Deus eorum, sicut gregem ac populum suum. Cæterum nemo seruatur nisi in hoc die. Ad hunc diem fide perueniunt, peruenuntq; à principio electi omnes, qui sunt ueri filij Sion, quòd eos perire impossibile sit. Verum & hæc dies est tēpus aduentus Domini. **ESV** Christi, in quo tam pro electis qui præcesserunt, quàm pro his qui secuti sunt, salutem in medio terræ operatus est. Seruati quidē omnes fuerunt ex fide in eū, quem uenturū non dubitabant, nēpe Christi, uerū non nisi per ipsius merita ac gratiā, ac propter illa, quæ in temporis plenitudine in carne fecit. Porro quæcūq; tū fecit, eiusmodi sunt, q̄ corū gloria & lux seruauit etiam uniuersos electos, qui eū præcesserunt. Neq; enī fieri potuit, ut Abraham, Isaac, Iacob, Moses, & alij sancti alioqui, quā huius lucis participatione seruarentur.

Quare

Quare seruabat eos dominus Deus, dominus IESVS Christus? Quia lapides sancti eleuabuntur, uel ut Septuaginta habent, uoluentur, super terram eius. Nonnulli per lapides intelligunt Apostolos aut alios fideles, qui priore Petr secundo, lapides uiui appellantur. Ego puto hoc loco non intelligendos alios lapides, quàm eos de quibus paulo ante dictum est. Et subijcient eos lapidibus fundæ, nempe sermones Dei. Nimirum hi sermones electi quidã ac sancti lapides sunt, qui dum prædicantur ac fideliter annunciantur, quasi lapides in funda eleuantur & uoluntur, ut mittantur aduersum incredulos omnes, sicut in superioribus uisum est. Nunquam enim in eadem propheta, per rem eandem uaria sunt capiendæ, nisi textuum circumstantia ad id compellat. Et quod attinet ad hunc locum, quia paucis interiectis ante per lapides eloquia Dei intelligere necessum fuit, nõ est modo interpretatio immutanda. Denique multo magis congruit, ut prior interpretandi ratio obseruetur. Nam ubi dixit: Filios Sion a D O M I N O seruandos, quasi oues & populum suum, quo ministerio ea salus ad eos perueniat, ex eo quod mox subiungit, ostendit, dicens: Quia lapides sancti eleuabuntur seu uoluentur super terram eius. A quibus eleuabuntur & uoluentur? Ab his, quos Deus ad functionem apostolicam elegerit, de quibus prædictum est, quòd impios subijcient D O M I N O, ipsis sacrosanctis lapidibus. Vides quòd alludit ad missionem lapidis cū funda, qui à mittente primū eligitur, deinde eleuatur

FRANC. LAMB. IN ZACHARIAM

Et ponitur in funda, in qua uoluitur Et rotatur, ut fortius percutiat.

Sed quid est, quòd dicuntur eleuari Et uolui? Profecto arbitror, non ob aliud quàm ut scias, quis sit fidelis dispensator et minister eorum. Multi nanque pseudoprophetae hos sanctos lapides assumunt quidem, sed eleuare Et uoluere eos nequeunt. Sic enim tractant ipsum Verbum, quasi non D E I, sed hominum esset, ideo non eleuant eos à terra, nō obseruantes spiritum literæ, imò nec literam sequentes quidem. Quandoquidem solo impuro, mendaci Et cæco iudicio ac sensu carnis de scriptis sapientiæ ac sensus Domini iudicant, quorum mysteria solus D E I spiritus intelligit. Nam quemadmodum sensum hominis nouit non alius homo, sed hominis spiritus qui in ipso est, ita Et quæ Dei sunt, nemo nouit, nisi spiritus Dei. 1. Cor. 2.

Interra quasi sunt ipsi lapides sancti, ipsa eloquia dei, dum uocibus Et locutionibus in faciem utitur, ex quibus, non nisi terrena siue externa uidentur, præterquàm ab eo, qui spiritum domini accepit. Et ideo qui absq; eo uiuit Et iudicat, non potest eleuare ipsos lapides, hoc est, de eis iudicare, secundum altum Et sublime spiritus iudiciū, nec potest eos uoluere seu rotare, hoc est, uere Et perfecte ipsos enarrare et interpretari, seu in eis meditari: nec potest eos mittere in aliorum corda, sic ut per eos increduli Domino subijciantur. Contra, fideles ministri eorum, per D E I spiritus necessariam directionem,

Et efficaciam ipsos lapides à terra eleuant, cum de eis solo Dei spiritu iudicant et sentiunt, eosque bene uolutos et rotatos, hoc est, diligentissime iuxta spiritus sensum præmeditados, quasi fundæ, mittunt in corda hostium regis nostri IESV Christi. Quo fit tandem, ut uicti, se ipsi Christo spontanee subijciant.

Sed ubi eleuantur et uoluuntur ea ratione, qua prædiximus, lapides hi sacrosancti? Non alibi, quàm in terra Domini. Quæ est hæc terra? Ecclesia domini IESV Christi. In ea quippe sola, est sincera meditatio et interpretatio eloquiorum Dei, et efficax missio seu prædicatio eorum, et in ea sola est spiritus, à quo integrum iudicium, ueraque interpretatio proficiscitur.

Vide nunc, quàm bene omnia sibi inuicem consentiāt. Dictum fuerat, quòd seruaret Dominus filios Sion, id est, Ecclesie, nempe electos, congregando eos in Ecclesiam ipsam. Nunc si quæris, quâ ratione, aut per quid id fieri possit, respondet spiritus sanctus: Quia lapides sancti eloquiorum Dei, qui sunt super terram siue in terra eius, à fidelissimis eorundem ministris, ueritatis iudicio plenis, eleuabuntur et uoluentur. quasi in funda, hoc est, sincerissime enarrabuntur et mittentur in omnes populos, ut eorum efficacia electi reuertantur ad DOMINVM, et in eius Ecclesiam congregentur. Quod autem ad sanctum uerbi ministerium omnes hi loci spectent, palà fit ex his quæ subiunguntur.

FRANC. LAMB. IN ZACHARIAM

Quid enim bonum eius est, & quid pulchrū eius, nisi frumentum electorum, & uinum germinans uirgines.

Diximus paulo ante, nempe hac sexta huius capitis parte, quòd frumento & uino idem significatur, quod per lapides fundæ, uerbum scilicet dei, idcirco nemo plus quàm opus sit, admiretur, quòd mox ubi egit de lapide, de frumento & uino memoriam facit. Hæc quippe sunt spiritus sancti synonyma, qui uerbum suum uarijs modis pro suo impetu, & rei conuenientia uocat. Nihil ergo tibi plus difficilis uideatur hæc uarietas, quàm si de quopiam binomine aut trinomine quis nunc secundum unum nomen, nunc secundum aliud nomen loqueretur. Multorum quippe nominum est uerbum D E I, propter ineffabilem uirtutem eius. Quia enim ex eo fideles habent arma salutis, ideo uocatur gladius, hasta, iaculum, lapisq; fundæ, deniq; frumentum dicitur, quia reficit: uinū, quia lætificat: oleum, quia sanat & lenit. Et sic uarijs respectibus, uarijs nominibus appellatur.

Præterea quòd hic de uerbo agatur, notum fit ex textus circūstantia, quòd scilicet ea quæ ante posita sunt, ad uerbum ipsum attineant sicut ostendimus: & quæ hic ponuntur, non nisi ipsi uerbo conueniunt. Nam ait: Quid enim bonum eius est, & quid pulchrum eius? Cuius eius? Nō dubium quin Sion. Hoc pulchrum, hoc bonum, est frumentum electorum, & uinum faciens uirgines, uelut Septuaginta habent, uinum boni odoris ad uirgines. Nunc uide,

uide, quod est maxime bonum, imò solum uere bonum & pulchrum, quod mittit Ecclesiæ suæ Deus. Vide etiam, quis sit panis seu frumentum electorum, & quod sit uinū illud, non inebrians ad luxuriam, sed ad omnimodam puritatem & uirginitatem animæ, per Christū Iesum. Profecto, si mille noctes & dies id fueris meditatus, nihil inuenies, cui hæc ullatenus conueniant, præterquā uerbum Dei, complectens omnē ueritatem eius per Christū Iesum, cuius ipse Christus est principium, fons, finis & consummatio in spiritu sancto. Nonne in uerbo ipso sita est bonitas, & pulchritudo Ecclesiæ sanctæ? Nonne electi in eo habēt suum frumentū & panem suauissimum, suaq; uberrima pascua, & uinum inebrians ad omnem sanctitatem et puritatem? Hoc uino Paulus uoluit inebriari Corinthiorū Ecclesiam, ut uirgo castissima fieret, & cœlesti sponso domino IESU Christo in summa puritate exhiberetur. 2. Corin. 11. Ideo quisquis optat consequi uirginitatē Deo acceptissimam, ueramq; bonitatem ac pulchritudinem, hoc uino preciosissimo inebriari festinet. Beatus qui hoc uino inebriatur, quod ille assequitur, qui eidem firmissime credit & acquiescit.

In eo quod dicit: Hoc uinum uinū esse electorū seu iuuenum, ut Septuaginta habent, eorum scilicet, quorū iuuentutem deus latificat eo uino, Psal. 103. & per quod ipsa eorum iuētus sicut aquilæ renouatur, Psalmo centesimo secundo, habemus certissimum argumentum, qd hoc uinum haudquaquā pertineat ad reprobos et peccatorum

sordibus inueteratos. Siquidem necesse est eum Christi spiritu renouari, qui huius uini delicijs perpetuo frui cupit. Alioquin non nisi ut reprobus fruetur, in tempus scilicet, quod Dei largitate non nihil renouatur, & quasi electorum frumento cibatur, & uino potatur, dum semel illuminatur, gustatq; donum coeleste, & particeps fit spiritus sancti: gustatq; bonum Dei uerbum & delicias seculi. Postmodum apostatat à uerbo, & prolabitur blasphemans spiritum Dei. Hunc impossibile est rursum misericordiam consequi. Hebræ. σ: Fac nos domine participes huius frumeti & uini tui, & id quidem perpetuo, ne unquam apostatemus à te, sed electis ac uirginib. tuis annumeremur. Vch uniuersis, qui apostatant à domo & Ecclesia Dei, in qua sola hoc frumentum, uinumque dispensatur. Adliga nos ô domine I E S V uinculis tuis, ut nunquam diuidamur à te, ô uita, dulcedo & spes nostra.

CAPVT DECIMVM.

Summarium capitis. Primum, electis præcipitur, ut plenam æternæ ueritatis à domino petant. Secundo, quod propter mendacia & ueri pastoris defectum ducti fuerint in captiuitatem. Tertio, de furore domini contra pseudopastores, & quod Dominus suum gregem uisitaret, faceretq; suæ gloriæ equum. Quarto, quod ex Iuda prodirent Christus, & quæcunq; erant in regni sui gloriam primum futura, ut angulus, paxillus, arcus prælij &c.

Quinto,

Quinto, de confortatione & instauratione Iuda. Sexto, de fortitudine & letitia uera, sic instauratorum. Septimo, quod sibilo suo, congregabit & multiplicabit eos. Octauo, de seminatione eorum in populis, & de fructu seminationis eiusdem. Nono, de gloria & uirtute transitus Domini, & suorum &c.

P A R S P R I M A.

Petite à Domino pluuiam in tempore serotino, & Dominus faciet nubes & pluuiam imbris dabit eis, singulis herbam in agro.

Frumenta & uina, ac pascua sitiunt & cupiunt sancti omnes, sed ea de quibus superiori capite actum est, in quibus sciunt esse situm quidquid maxime bonum in Ecclesia & pulchrum est, nempe, eloquia dei. Sitiunt, inquam, non solum ea prædicari uoce, aut calamo scribi in membranis, sed ut per uirtutem spiritus IESU Christi, noscant uim eorum sacratissimam, & scribantur in cordibus eorū indelebiliter. Sciunt bonum ac necessarium esse, ut per fideles ministros, seminentur ac plantentur, uerum etiam norunt, absq; fructu esse omnem ministrorū operā, nisi Deus incrementū tribuat. De qua re mādāt illis Deus hoc loco, dicens: Petite pluuiā à Domino in tēpore serotino. Velut iuxta sensum Septuag. habent.

FRANC. LAMB. IN ZACHARIAM

Petite pluuiam à Domino oportunam, temporaneam, et serotinam. Pluuia quæ non tarde, hoc est, post tempus necessarium, sed quæ uespere, non in meridie descendit, oportuna uidetur, proinde puto hic Septua. uertisse, pluuiam oportunam & temporaneam. Verum si quis uult serotinam pluuiam, uel tempus serotinum, referre ad dies Christi, non displicebit. Siquidem. 1. Ioan. 2. Hora nouissima dicuntur, & in multis prophetarum locis, ut Esa. 2. et Micheæ. 4. per dies nouissimos intelliguntur. Et dum iubetur, ut petatur à Domino pluuia, de doctrina & spiritu Christi, capitur. Quod ad me attinet, plus mihi probatur, ut per serotinam pluuiam, temporaneam intelligamus, & per tempus serotinum, tempus quod est opportunum. Et tū etiam per pluuiam capiemus sermonem Dei, spiritumq; ueritatis, à quo scilicet est ueritas, qui non est alius quam spiritu I E S V Christi.

Ego puto, hoc uerbū omnibus electis, etiā his qui Domini I E S V Christi aduentum præcessere dirigi: per tempus uero temporaneū, intelligi omne tempus quo opportune uerbum fidei missum est, & mittitur. Indubie enim eūdem habuere sermonem eundemq; spiritū, qui Domini I E S V Christi præcessere aduentū, quos et nos. Sermonē aut pluuiam intelligi, patet Deutero. 32. Concreascut ut pluuiam doctrina mea, fluat ut ros eloquiū meum, sicut imber super herbam, et sicut stille super gramina. Spiritus quoque Dei effusione, quæ aquis ac pluuiæ competit, designatur. Iohelis secundo. Super seruos meos & ancillas meas,

meas, effundam de spiritu meo, & prophetabunt.

Præcipit igitur Deus omnibus Sion, nempe, Ecclesiæ filiis, ut petant à Domino, non ab alio, quocunq; siue sint Angeli, siue sancti, ut mittat pluuiam eloquiorū & spiritus sui, in tempore oportuno, cum scilicet necessarium uideat Ecclesiæ suæ, & sic ut fructum proferant in his super quibus mittentur. Quàm paucis, heu à multis sæculis data fuit hæc pluuiæ. At nunc cœpit illam Deus super nōnullis effundere, & proferunt ideo fructū. Petamus eam cuncti multa instantia, ut nedum nobis, sed & uniuerſis populis mittatur, ne pereant.

Cæterū ne pūtemus, nos frustra petituſos, Deus ipse, quasi de tertio loquens, subiungit promissionem, cui nos credere neceſſe est. Et Dominus, inquit, faciet niues, & pluuiam imbris dabit eis, singulis herbam in agro. Sensus est. Mox ubi multa cum fiducia Dei misericordiam postulaueritis, dabitur uobis abunde præscripta desiderabilis pluuiæ, nempe, uerbum, nedum externe prolatū aut scriptum, sed scriptum & fixum in cordibus uestris, quo fiet, ut bonis fructibus pleni sitis. Hi nimirū fructus, agri seu campi herba designantur.

P A R S S E C U N D A.

Quia simulachra locuta sunt inutile, & diuini uiderunt mendacium, & somniatores lo-

cuti sunt frustra, uane consolabantur. Idcirco adducti sunt quasi grex affligentur, quia non est eis pastor.

VIdetur ex hoc loco, quàm uerũ sit, quod prædiximus, nempe, pluuiam designari, uerbum & spiritum dei. Nam per id quod ut reddens præscripti sermonis rationem, quare scilicet, iusserit pluuiam à Domino peti, aperte loquitur de doctrinis mendacibus, ostendit quòd ante de doctrina ueritatis loqueretur. Siquidem is est ordo sensus horum locorum, ut Deus præcipiat populo suo. Petite à me uerbum & spiritum ueritatis, petite ut à me doceamini, & nolite petere aliud uerbum aut alium spiritum, ne proinde apostatemini à me. Nolite a modo petere ab idolis pluuiam, hoc est, doctrinam. Quia idola uel simulachra, in quibus terribili Dei iudicio demones olim responsa dabant, & illorum Prophetæ ipsissima idola, locuta sunt inutile, rem scilicet, quæ uobis haudquaquam profuit, quin potius admodum perniciosam. Et diuini seu coniectores uiderunt mendacium & falsitatem. Et somniores, locuti sunt frustra, in uentum, rem falsam, & per eam uane non uere consolabantur uos, negantes uobis futurum malum, cum non seruabatis præcepta mea, & Prophetas meos aspernabamini. Idcirco adducti sunt, populi Iuda & Israël, quasi grex. Quo adducti? Alij in Assyrios, alij in Babylonem, in captiuitatem. Quasi autem grex adducti dicuntur, eo quòd priuarit eos Deus uiribus, ut non

ut non possent plus resistere hostibus captiuantibus, quā grex ducentibus se. Porro qui sic fuere ducti in captiuitatem, & in ea adhuc, ut de decem tribubus tum erat, & nunc de omnibus, adstringentur Quare? Quia non est eis pastor uerus, Deus scilicet, ac uerus Propheta, qui Dei uerbo populos depascit. Quæ enim lætitiæ his esse potest, qui in tenebris errorum sunt. Hæc diximus, sicut putamus literam in faciem intelligendam, uerum non dubitamus aliud superesse, per id figuratum, quod & maxime hoc loco est requirendum, nempe, quod is sermo de uersis, qui erroribus subscripserunt, intelligitur, quod profecto etiam omnes sanctos contingit. Qui quoniam nostris sæculis impletus est, eundem ad ipsa nostra sæcula referemus. Facile enim tum fuerit, de alijs temporibus eum interpretari.

Igitur sanctis & fidelibus cunctis, superiori parte, iussit Deus, ut ab eo peterent necessariam eloquiorum ueritatis pluuiam, quatenus possent fructibus fidei ac ueræ iustitiæ abundare, nolens ut ab alienis ab eo, pluuiæ doctrina peteretur. Nunc ostendit quā miserum, fallax, et perniciosum sit, omne aliud uerbum à suo, ut sunt doctrinæ demoniorum, Phariseorum traditiones, ac imposturæ, & decreta falsorum Episcoporum. Quia omnes locuti sunt inutile, et quod summe est perniciosum, ac mendacium, frustra quempiam consolantes, imò nihil minus quā uere consolantes. Nimirum sophisticum est, quid quid faciunt. Quotquot autem illis crediderunt, adducti sunt

FRANC. LAMB. IN ZACHARIAM

sunt in tam horrendam cecitatem, in tam graues tenebras, in tam miseram seruitutem, ac tam graua mala, quod maiora nullatenus excogitari possent. Quis enim sufficeret enumerare, cruciatus animorum, infidelitatis pestem, pseudoprophetarum ac sectarum mendacia, Antichristorum insanias, idololatriæ abominationes, et infinita mala, in qua tot errorum sæculis, nempe, ab annis ferme trecentis et mille decidimus? O seuißima Babylon, absq; similitudine peior et execrabilior, Babylone illa Chaldeorum, in qua non solum annis Septuaginta, sed plurimis annorum centenis, populū dei altissimi, durissima captiuitate pressisti, et usq; in hunc diem premis. Euge è medio eius electi dei, quia maledictus est, qui permanserit in ea. Nimirum de plagis eius accipiet. Heu quā multi in ea, ut olim iudei non pauci in Babylone Chaldeorum, amore possessionum & diuitiarum huius sæculi detinentur, & nolunt uenire in Iudæam & Hierusalem, Ecclesiam scilicet Dei. Quid nos sinimus duci, ab Antichristis, tanquam greges, nihil obistentes, in tam deplorandam seruitutem? Et quid est, quod per uerbum suum, tam aperte nos uocante Deo, non resipiscimus, redeuntes in Sion, & libertatem spiritus IESV Christi?

Adfligentur profecto, & adflitione quidem magna, quotquot non adquieuerint, eo quod alieni sint à uero pastore Domino IESV Christo, & non alijs quam lupis rapacissimis sint subiecti. Et nisi resipuerint, sicut oues tandem in inferno ponentur, & mors depascet eos. Psal. 48.

Pars

P A R S T E R T I A.

Super pastores iratus est furor meus, & super hircos uisitabo. Quia uisitauit dominus exercituum gregem suum domum Iuda, & posuit eos quasi equum gloriae suae in bello.

Pastores dicuntur Reges, Principes, & maiores, ac hi quorum interest, regere & pascere Domini gregem. Contra quos sub pastorum typo. Eze. 34. manifestissime prophetatur, itidem infra cap. 11.

Primum autem exponemus hunc textum secundum figuram, deinde secundum rem figuratam, eo quod certissimum sit, allegoriam hic potissimum requirendam. Figura est in filiis Iuda, & Israël, in quibus nonnulla hoc capite posita impleta sunt, reliqua autem impleri necesse est.

Igitur super Israëlitarum Principes & Prophetas, Deus adferit se iratum, cuius ira abominationem omnis impietatis, & iustam eius punitionem designat. De hac eius ira, lege Regum & Paralipomenon libros, et uide, quod ipsi Principes et primores, maxime fuerunt in causa malorum Israël, in utroq; regno. Proinde furor Domini, contra eos potissimum fuit.

Ait deniq; Dominus. Et super hircos uisitabo. Vbi
Septua.

FRANC. LAMB. IN ZACHARIAM

Septua uerterunt. Et super agnos, quod magis congrue arbitror. Igitur posteaquam Dominus ostendit furorem suae punitionis, maxime ob dyscolos Principes uenisse in populam, non dubium quin ideo, quod ab illis coeperat idololatriæ abominatio, ut patet de impio Hieroboam, qui peccare fecit Israël. 3. Reg. 12. nunc spondeat misericordiam agnis, electis scilicet ex Israël. Et uisitabo, inquit, super agnos. Ac si diceret. Iratus fui aduersum reprobos Principes, & uniuersos qui eorum mendacijs adhaeserunt, sed non ita faciam cum agnis, pijs scilicet, sed uisitabo eos, in misericordia & miserationibus. Ponitur sepe in scriptura uisitatio pro Dei punitione, sed non uideo, quod hoc loco ita debeat aut possit accipi. Aestimo enim quod de ea uisitatione sit hic locus, de qua Lucae. 1. Visitauit nos, oriens ex alto. itidem de ea uisitatione, qua Deus sui spiritus consolatione, suisq; muneribus, electos suos uisitare consuevit. Quod autem ita sit capienda hæc uisitatio, palam facit ipse Dominus, de seipso, quasi de tertio quopiam subiungens.

Quia uisitauit Dominus exercituum, gregem suum domum Iuda. Hunc locum & quæ sequuntur, Septua. in futuro posuerunt, quod etiam præteritum pro futuro, ob rei certitudinem positum sit, qui loquendi modus, ut aliàs sepe uidimus, in diuinis literis est frequens.

Dicit ergo: Visitauit, id est, uisitabit Dominus exercituum, gregem suum, nempe, domum Iuda, quam prius per agnos intellexit. Visitabit, inquam, hanc domum,
in carne

in carne adsumpta, per semetipsum illam erudiens, & electos ex ea suo spiritu confortans, suoq; labore ac sanguine, à peccato, morte, & inferno liberos faciens. Certum namq; est, hæc maxime tum adimpleta, dum filius ipse Dei, pro electorum salute uenit in carnem, & in ea humiliavit semetipsum, factus Patri obediens usq; ad mortem, mortem autem crucis. Philip. 2. Huius quoq; uisitationis, fiunt participes electi omnes, quoties sincera in Deum fide eleuantur.

Tum posuit Deus eos, nempe, filios domus Iuda, quasi equum gloriæ suæ in bello, quod maxime fuit adimpletum in Apostolis, qui erant ex Iudæis, & ex Israël. Hi sunt equus albus, super quo Iohannes uidit Christum, qui exiuit uincens, ut uinceret. Apoc. 6. Nimirum hi sunt, qui dum uerbum Euangelij, ac nomen Christi portarunt coràm gentibus, ad uincendum eas, & subiiciendum ipsi Domino IES V Christo, quasi equus gloriæ eius fuerunt in bello sacratissimo, quod Deus aduersum gentes suscitauit, ut eas uinceret per uerbum suum. Recte uero per equum animal ad currendum aptissimum intelliguntur, quod uirtute magna cucurrerint ad terras, ad quas missi sunt à Domino.

Hactenus uidimus qua ratione præscriptus textus, de Iudæis intelligatur, iuxta literam, iam superest, ut eundem interpretemur de Ecclesia Dei, quæ est ipsissima domus Iuda. Igitur in Dei Ecclesia multi fuere & sunt etiã hodiè pastores, Principes scilicet, & primores, quos oportuit

S regere,

FRANC. LAMB. IN ZACHARIAM

regere, & pascere Domini populum, secundum uerbum eius, imò ipso uerbo. Qui tametsi pro Christianis Principibus & pastoribus haberi uolunt, ad id ueruntamē semper nisi sunt, nitunturq; etiam nunc, ut calcato dei uerbo, hominū inuenta & mandata seruentur. Quid enim aliud factum est à multis sæculis, tam ab illo Romano Nerone, quàm ab uniuersis Episcopis suis, ac cunctis Principibus & populorum maioribus, quàm quod conculcarunt modis omnibus ueritatem Dei, & suarum traditionum ster cora, ab uniuersis custodiri uoluerunt?

Contra eiusmodi pastores, ait Dominus. Super pastores iratus est furor meus. Deo siquidem abominabiles fuerunt semper, quod non nisi lupi rapacissimi, & Antichristi fuerint, pellentes Dei Prophetas, & Prophetas mendacij indies multiplicantes. Et furor grauissimæ punitio- nis Dei, uenit super eos, & nō agnouerunt. Quis furor? Quod tradidit illos in mentem reprobam, excæcavit, indurauit, misitq; ac confirmauit eos in spiritu erroris, & tandem pessime mortui sunt, adiudicati igni sempiterno. Nihil horum uident cæci, facti insensibiles. Vulnerati sunt, & non doluerunt.

Furor Dei fuit, quidquid omnino putarunt gratiam esse, nempe, eorum fastigia, diuitie, multiplicationes sacellorum, uotorum ad diuos, collegiorū, monachorum, sacrificulorum, fundationū, missarū, boatuum in choris, Bulle quoq; indulgentiarū, dispensationes Papæ & suorum, institutiones festorum & solennitatum, dicrumq; luctus

luctus seu ieiunij, itidem multitudo uniuerſitatũ, & Epiſcoporum, ac prædicantium eloquentiſſimorum, ſimiliter priuilegia data à Romana beſtia illa, et tyrannis ſuis, beneficia quæcunq; benedictiones & conſecrationes omnium rerum, ordines, ſacramenta, preces, cælibatus ille execrabilis, uigiliæ, ſtudia, eleemoſynæ, mēdacitas Phariſæorum rapaciſſima, & fallax, erectiones clauſtrorum & templorum, peregrinationes, & omnia prorſus, etiam Chriſtus ipſe, & beati Angeli, cum omnibus ſanctis. Nam quemadmodum electis omnia cooperantur in bonum. Roma. 8. ita & incredulis omnia uertuntur in perniciem, & condemnationem. Porro longum eſſet præſcripta, testimonijs fulcire per ſingula, & proprium librum expeterent. Verum ſatis eſt fideli ad omnem probationem, quòd ideo ſunt Deo execrabilia quæcunq; faciūt, & ſeruant, quòd nihil ex fide, & ſecundum uerbum Domini faciant, ſed omnia in mendacio & hypocrifi aut ad rapacitatem. O grauiffimum Dei furorem, quem miſeri non ſentiunt. Sed procedet eo uſque is Domini furor, ut ſolo D E I uerbo potentiſſimo, ſine manu & carnis robore, omnis eorum altitudo ſit conterenda.

Sed nunquid proinde agni, electi ſcilicet, periere? Abſit. Eos namq; dedit filio Pater. Ioan. 6. Et nemo poteſt eos rapere è manu eius. Ioan. 10. Idcirco hic promiſit Deus. Et ſuper agnos uiſitabo, hoc eſt, illuſtrabo eos ſpiritu

FRANC. LAMB. IN ZACHARIAM

meo. Siquidem fieri nequit, ut nō uisitetur. Sic uisitati fue-
re electi complures, toto errorum seculo, qui tametsi er-
roribus plurimis consenserunt, indubie ueruntamen uisi-
tauit eos Deus suo spiritu, uel in diebus eorum ultimis eos
erudiens, quantum opus fuit, ut seruarentur scilicet ut in
Christum uere crederent, alienis autem ab eo, nihil fide-
rent, qua fide etiam inter quoscunq; errores, quasi tres
pueri in medio flammaram, salui facti sunt.

Apertius autem ipsam uisitationem, ostendit dicens:
Et uisitabit Dominus exercituum (de se, ut de tertio lo-
quitur) gregem suum, eosdem scilicet qui agni, qui sunt
uera domus Iuda, & ponet eos quasi equum gloriæ suæ,
in bello, quod tum fit, dum sic eos ardentes facit, ut non
expauescant portare nomen suum, coram gentibus, ut se-
ueritati subijciant, & in bello, quod fit non gladio, hasta,
aut clypeo, sed uerbo Dei, in eorum æternam salutem de-
uincantur.

Subiūgam id tantillum, de persona uerbum præscri-
ptum dicentis, quod scilicet sit forsan uerbum Patris sum-
mi, de filio loquentis, maxime ab eo loco. Quia uisitauit
&c. ut sit sensus & ordo huius textus. Ego pater iratus
sum, super pastores, & super agnos uisitabo. Quare
iratus es? Quare uisitabis agnos? Respondet. Quia uisi-
tauit &c. Qu. d. Iratus ideo sum super eos, quod non
agnoscant misericordiam meam, qui misi filium meum,
qui est mecum, unus Dominus Deus exercituum, qui ex
eis car=

eis carne adsumpta, uisitauit eos, & redemit misericorditer, & fecit eos quasi equum gloriæ in bello. Intellige præteritum pro futuro, nisi ad eos qui nunc sunt, conuer-
tas interpretationem. Similiter ideo ait se uisitaturum agnos, quia is qui unus cum eo Deus, & Dominus exercituum est, adsumpta carne mortis obnoxia, uisitauit &c. Eligat lector, uerum id quod ultimo loco, de persona loquentis posuimus, maxime placet.

P A R S Q V A R T A.

Ex ipso angulus, ex ipso paxillus, ex ipso arcus prælii, ex ipso egredietur omnis exactor simul. Et erunt quasi fortes conculcantes luterum uiarum in prælio. Et bellabunt,
quia Dominus cum eis, &
confundentur ascenso-
res equorum.

EX prophetiis in quibus usq; in hunc locum, de Iuda habuimus, ex quo & cui Deus promisit se facturum gentia, quasi per corollarium infert, ex ipso angulus &c. Quasi diceret. Vt paucis multa complectar, ex ipso Iuda prodibunt omnia, per quæ Deus sua mirabilia operari dignatur, maxime quæ ad mundi redemptionem, et conuersionem incredulorum, & gentium uniuersarum spectant.

FRANC. LAMB. IN ZACHARIAM

Et ut speciatim omnia prosequamur, ex ipso Iuda etiam iuxta carnem, est angulus, puto non alius, quàm lapis ille, de quo suprà cap. 3. & 4. Qui Esa. 28. Lapis angularis dicitur, quod de C H R I S T O debere intelligi, Petrus docet. Acto. 4. & 1. Pet. 2. De quo etiam Psal. 117. Lapidem quem reprobauerunt ædificantes, hic factus est, in caput anguli. Quod de se dictum, Christus profitetur. Matth. 21. Mar. 12. & Luc. 20.

Ex ipso quoque Iuda paxillus. Paxillus est quod parietis figitur, ut in eo nonnulla pendeant, & seruentur. Quid ergo aptius nomine paxilli adcipimus, quàm eum, à quo salus nostra, & omne bonum nostrum pendet. Is est C H R I S T V S Dominus noster? Deniq; nihil sanum & utile, in nobis seruari potest, nisi per eum. Ideo iuxta allegoriam paxillus uocatur. Esa. 22. Et figam, inquit, eum paxillum in loco fideli, & erit solium gloriæ domus patris sui, & suspendam super eum, omnem gloriæ domus patris eius. Ecclesia est locus fidelis, in quo fixus est hic paxillus. Et ipsa est solium gloriæ patris summi, C H R I S T O regnum tenente, super quo pater ipse æternus, suspendit omnem gloriæ suam, hoc est, uult ut ab eo pendeant & per eum querantur quæcunque spectant ad gloriæ suam. Porro dum fortissimus paxillus figitur, alius sibi contrarius aufertur, ut patet Esa. 22. Neque possumus seruari huius gloriosi paxilli efficacia, nisi prius renunciemus, paxillis execrabilibus, nempe, Antichristis, qui uolunt omnes homines ab ipsis pendere,

pendere, & quod soli C H R I S T O debetur, si usurpant.

Vide quòd C H R I S T V S, tam angulo, quàm paxillo figuratur. Angulus est, quia fundamentum. Esa. 28. quia iungens duos parietes, Israël scilicet & gentes, in capite eorum positus, unicus eorum Rex, pastor, dux, Princeps, & seruator. Paxillus uero, quòd ab eo pendeat gloria domus Domini, id est, Ecclesiæ. Quia autem Christus est Iudeus, uide quàm uerum sit, quòd ex Iuda sit, angulus, & paxillus.

Ex ipso quoque est arcus diuini praelij, quemadmodum capite præcedenti, dictum est. Extendi mihi Iudam, quasi arcum, quod maxime in Apostolis sanctis, qui fuerunt Iudei, impletum fuit, prout diximus. Nimirum tametsi uniuersi ministri uerbi Dei, sint arcus ille, quem habet in manu sua, ille qui exiuit uincēs, ut uinceret. Apoc. 6. Apostolis ueruntamen, id primum congruit.

Porro si Apostoli fuere arcus praelij D O M I N I, ergo praelium suum habet D E V S, habet & sagittas, quæ arcu mittuntur. Prælium est, quòd non est nobis colluctatio, aduersus carnem & sanguinem, sed aduersus mundi huius rectores, Principes & potestates tenebrarum harum. Ephe. 6. Hi sunt maligni spiritus, quibus non est super terram, in hominibus scilicet, æqua potestas. Iob. 41. In hominibus intellige carnalibus, & sine spiritu D E I. Nam si diuini spiritus fortitudo, in eis est, cassum est omne robur spirituum immundorum. Qui

FRANC. LAMB. IN ZACHARIAM

mundi, non machinæ huius uisibilis cæli & terre, sed omnis incredulitatis & impietatis, ac eorum quibus hæc placent, impiorum scilicet, rectores dicuntur, quòd ab eo, quasi à fonte omnium abominationum, hæc prodeant. Porro hos impios mundum esse, liquet ex eo, quòd **C H R I S T V S** Patrem summum pro uere pijs orans, de ipsis impijs dixit: Non pro mundo rogo. Ioan. 17. Qui etiam, una cum eorum abominationibus, tenebræ dicuntur, quòd absque ueritatis lumine sint. Denique non est illis pars in **C H R I S T O**, qui est lux uera, illuminans omnem hominem, uenientem in hunc mundum. Ioan. 1. Luxq; mundi. Ioan. 8. Et lumen ad reuelationem gentium. Lucæ. 2. Tenebræ ergo sunt omnes impij, & omnis eorum sensus, iudicium, uita, mores, & quidquid omnino in eis est. Horum maligni spiritus, Principes, & potestates dicuntur, quòd super eis in tempus potestatem adceperint. Hinc Iob. 41. de Satana scriptum est. Ipse est Rex super omnes filios superbiæ.

Sed quid est, quod diximus ex Paulo, non esse nobis colluctationem aduersus carnem & sanguinem? Nonne impij omnes carnales sunt, atq; etiam caro? Et uere tam ipsi quam omnia quæ in eis sunt, et caro sunt, et sanguis, ut multis locis probauimus. Et aduersum eos, eorumq; præscriptos rectores, Principes, & potestates, est nobis perpetua colluctatio, perpetuumq; bellum. Quomodo ergo uerum est, quod ex Paulo adsumpsimus? Caro & sanguis,

sanguis non accipitur loco prædicto, nisi pro his externis quibus in hominum militijs utimur. Et est sensus: Hoc bellum non est carnale, sed spirituale. In eo non est nobis præliandum cum gladijs, fustibus et armis, nec aduersum gladijs accinctos & galea, thorace, lorica, scuto, alijsq; id genus armis undique armatos, sed aduersum principes et potestates tenebrarum præscriptarum.

Est ergo Dei bellum, quo electi aduersus malignos spiritus, atq; eos quos seduxerunt, perpetuo luctantur, & id quidem non armis carnalibus, sed potentissimo & semper inuicto dei uerbo. In eo prælio uno tantum modo ipsi spiritus uincantur, nempe dum firmissime Dei uerbo acquiescimus, & ab eo ob illorum mendacia nunquam deficimus. Ad id quippe nituntur, ut à pietate apostatemus, et illis subscribamus, quod dum non facimus, uincuntur.

Cæterum qui ab eis seducti, tenebræ facti sunt, & sub illorum execrabile iugum proinde transierunt, tum in prælio Domini uincuntur, in eorum salutem æternam, dum acquiescunt uerbo Dei, & reiecto regis filiorum superbie & suorum abominabili iugo, suaue Christi iugum amplectuntur. O quam felix & uere beatus est, qui ita uincitur. Aliter quoq; uincatur, nempe eo prorsus modo, quo maligni spiritus, & in eorū sempiternā perniciem. Sic uincuntur reprobi omnes ab electis dei per uerbum sanctum eius.

Igitur ex domo Iuda prodijt arcus prælij domini, apostoli scilicet. Sed unde prodeunt sagittæ ab eis missæ? Etiam ex ipsa domo Iuda. Quid enim hæ sagittæ, nisi uerbū Do-

mini? Quod superiori capite probauimus. Porro ipsum uerbum ex Iuda exire notum est. Esa 2. & Mich. 4. De Si on exibit lex, & uerbum Domini de Hierusalem. Capite quoq; precedenti dicitur, q*uo*d iaculū arcus extenti, domus scilicet Iuda, uelut fulgur ex ret, nō dubiū quin ab ipsa domo Iuda, q*uo*d et sequētia ostēdūt. Ex Iuda quoq; simul egredietur exactor, lex scilicet, et omne uerbū dei, q*uo*d quia fidē à nobis exigit, recte exactor dicitur. Non pręstantes autem quod exigit, reprobant & condemnant. Hinc dicit Christus Ioan. 3. Qui non credit, iam condemnatus est, quia nō credit in nomen unigeniti filij Dei. Item Ioan. duodecimo. Qui reijcit me, & non recipit uerba mea, habet qui iudicet eum. Sermo quem locutus sum, ille iudicabit eum in extremo die.

Porro tot exactores ex ipso Iuda prodire, quod sermones Israēlitarum ministerio, nobis à D E Orcuelati sunt. Ipse quoq; dominus I E S V S conuenientissime exactor dicitur, quod à nobis fidem ante omnia exigat. Nec moueat quempiam, q*uo*d exactor in singulari ponitur. Nam sepe in arcanis literis, ut non raro diximus, singulare pro plurali habetur. Et suprā arcus in singulari plurimos designat. Porro lex Exactoris uocabulo aperte intelligitur. Esa. 9. ubi Christo dicitur: Sceptrum exactoris eius superasti.

Quod si quis per exactorem etiam uerbi ministros capit, reprobare non possumus. Quandoquidem eorum ministerium est, per uerbum sanctum exigere in tempore oportuno

oportuno ab his quibus ipsum uerbum annunciant, fructus ueræ iustitiæ, quæ est ex fide, quemadmodum ex parabola patris familiæ mittentis aliquoties proprios seruos, deniq; filium suū ad uineæ suæ cultores, notum est. Matt. 21. Mar. 12. & Luc. 20.

Eterunt filij Iuda in prælio, de quo paulo ante egimus, quasi fortes conculcantes hostes suos ut lutum uiarum. Sensus est: Tanta erit eorum fortitudo, ut omnes hostes suos sint deuicturi. Miri ergo & inuicti fuere bellatores, Apostoli sancti, de quibus hic locus primum capitur, & implebitur etiam in reliquijs Israël, cum in dierum nouissimo ad Dominum conuertentur: & quærent Dauid, id est, Christum regem suum. Osce tertio: ingressa scilicet gentium plenitudine. Roman. undecimo. Sed unde tam admirabile robur? A Domino. Vnde & subiungitur: Quia dominus cum eis. Qu. d. Non esset in eis quicquam uirum, nisi Deus illis adesset. Quo assistente, semper manebunt inuicti, & omnia uincant. Proinde cōfundētur ascensores equorū, qui scilicet equis fidūt, uidentes se ab illis absq; ullis carnalibus armis deuinci. Cōfundentur quoq; hoc e. humiliabuntur acquiescentes sermonibus Dei, erubescētes q; in equos & carnalia fiduciā habuerint.

Post hæc, quia Ecclesia dei est uera domus Iuda, de ea præscripti sermones capiūtur. Siquidē ex ea est angulus & paxillus Christus, imò illius caput est. Ephe. 5. & Col. 1. Ex ea quoq; arcus extenti, fideles scilicet ministri eloquiorum Dei, ac ipsæ acutissimæ eorundem eloquiorū sagit

FRANC. LAMB. IN ZACHARIAM

te. Ex ea omnis exactor, intelligendo per exactorē eadē, que supra. Siquidem uniuerſa hæc ad Eccleſiam pertinet. Et ipſi filij Iuda, nempe electi, fortisſimo ſpiritu per uerbum Domini bellant, calcant & uincunt omnes, quòd dominus ſit cum eis. Beatus qui eſt ex hac domo Iuda.

P A R S Q. V I N T A.

Et confortabo domum Iuda, & domum Ioseph ſaluabo. Et conuertam eos, quia miſerebor eorum, & erūt ſicut fuerunt, quando non proieceram eos. Ego enim dominus Deus eorum, & exaudiam eos.

D*omum Iuda ad literam non tam dicitur confortasse dominus in Christi aduentu, quàm aliquos ex ipsa domo. Nimirum domus fermè tota deſolatiſſima facta eſt, quòd Christum abnegarit. Nam proinde abiecta eſt, ne eſſet Domini populus, prout diximus Oſeæ primo. De quibus maxime eſt illud Dani. nono. Non erit eius populus, qui eum negaturus eſt. Tametſi non abnuimus, quin Christus, mater eius, Apoſtoli, & omnes ſimul, qui ueritati acquieuerunt, domus Iuda recte dicantur. Hanc domum Iuda abunde confortauit Dominus ſpiritu ſuo & præſentia carnis aſſumptæ, uerbóque ſuo, atq; aliàs uarijs modis, ut ex hiſtoria Euangelica, actisq; apoſtolicis notum eſt.*

Verum quod ad totam domum Iuda, ſiue Iſraël attinet.

net, neceſſe eſt, de ea & hunc ſermonem adimpleri, quod ſicut Oſeæ tertio, Amos ultimo, & alijs pluribus locis probauimus, in dierum nouiſſimo eſt futurum. Tum confortabit domum iuda & domum ioseph, decem uidelicet tribus ſeruabit. Nam conuertet eos ad ſe, & miſerebitur eorum.

Tum erunt ſicut fuerant, quando eos Deus haudquam proiecerat, id eſt, uerus Domini populus. Quid enim erant, antequam à Deo proijcerentur, niſi Domini populus, illiq; gratus & acceptus? Et nunc ut uides ſunt reiecti, ne ſint id quod erant, nempe Dei populus. Sed in greſſa gentium plenitudine, erunt denuo ipſum quod erant. Adijcit autem: Ego enim dominus Deus eorum. Ac ſi diceret: Ego qui nequeo mentiri, & ſum ipſiſſima ueritas, ego, inquam, ſum, qui hæc promitto, & ea implere poſſum & uolo, & ipſi ſunt quos præ cunctis elegi, ut eſſem Deus eorum: & ideo fieri non poteſt, ut hæc minime impleantur. Non enim perpetuò reieci eos, ſed in tēpus: ideo præfinito tempore reuertar ad eos in miſericordijs. Et exaudiam tum eos, cum me deprecabuntur, eo q̃ iterum ero illorum Deus, & ipſi populus meus. Non enim abijciam deprecationes eorum, ut eo tempore, quo abieci eos, ne eſſent populus meus.

Porro quæ ad literam intelliguntur de ipſo Iſraële, ſecundum allegoriam huic loco non ſolum congruentem, ſed & neceſſariam, de electis qui ſunt uera domus iuda, ſeu Iſraël, nempe Eccleſia, capiuntur. Siquidem nedum hæc,

FRANC. LAMB. IN ZACHARIAM

hec, sed & quæcunq; hoc capite sequuntur, sunt iuxta allegoriam ad Ecclesiam referenda. Quæ per uarias domos Israël figuratur, eo quòd ex uarijs gentibus, populis, tribus ac familijs congregetur, ut liquet Apoca. 7.

Igitur Ecclesiæ filios suo spiritu et uerbo Dominus confortat, & fide seruat, immo illos non seruari & confortari impossibile est, perireq; non possunt. Idcirco conuertet eos, ut hic habes, misereturq; eorum.

Tum erunt, quod fuerant, non in proprijs personis, sed in primis electis, Abel, Noë, Abrahamo & alijs, pro quorum filijs habentur. Sæpe enim in Scripturis, impij pro filijs impiorum, & iusti pro filijs iustorum habentur. Hinc Lucæ sexto de impijs dicitur: Secundum hæc faciebant Prophetis Patres eorum, non dubium, quin impiorum. Et ibidem paucis interiectis: Secundum hæc faciebant Pseudoprophetis patres eorum. De quibus plenius egimus apud ipsum Lucam. Erunt ergo sicut fuerant in primis illis patribus, maxime Abrahamo, cuius semen uocantur & sunt. Roman. 9. Qui patres erant, cū nondum abiecti essent. Sed quid erunt ipsi filij Iuda? Sicut eorum patres, incorrupti, fideles, Deo grati, pleni spiritu suo, & populus eius.

Obserua, quòd pprie ille dicitur abijci, qui prius non erat abiectus. Et ideo hic locus non potest simplicius ac purius enarrari, quàm de ipso Israël, secundum carnem, qui nunc proiectus est quidem, sed eius reliquæ tandem conuertentur. Gentes siquidem non dicuntur proprie abiectæ,

abiecta, sed uocantur plebs non dilecta, non consecuta misericordiam, & non populus Domini. Ose. 2. & Roman. nono. Itemq; .1. Petr. 2. Quod si quis uult asserere eos proiectos ab eo, q, fuerunt in Adamo, Seth, Noë, & sanctis nonnullis è primis. Dicimus, uerū qdeme esse, sed nō est scripturæ consuetudo, ut per gentem proiectam alios intelligat, quā in Israël.

Quod deinde subiungitur: Ego enim sum dominus Deus eorum, & exaudiam eos, omnibus electis, qui sunt ueri Israëlite, summe conuenit. Siquidem in nomen sanctum domini IESV Christi, firmiter credendo, filij Dei facti sunt. Ioan. 1. Exaudiuntur quoq; orationes eorum, sicut Dominus promisit Matthæi septimo. Lucæ .11. & Ioan. 16. Petite & accipietis: quærite & inuenietis: pulsate & aperietur uobis. Omnis enim qui petit accipit: & qui quærit inuenit: & pulsanti aperietur. Hi quoq; sunt pauperes illi, de quibus Psalm. 9. Desyderium pauperum exaudiuit dominus, præparationem cordis eorum audiuit auris tua. Et Psalm. 144. Voluntatem timentium se faciet, & deprecationem eorum exaudiet, & saluos faciet illos.

P A R S S E X T A.

Et erunt quasi fortes Effraim, & lætabitur cor eorum quasi a uino. Et filij eorum uidebunt & lætabuntur, & exultabit cor eorum in domino:

Qui

Qui ex Israël, domino in carnē ueniente, pietati ac
 queuerūt, facti sunt, uelut fortes Effraim, nō ut olī
 debiles & passim cadentes in idololatriam omni-
 genam, nihilq; uirium ac spiritus habentes ad obsistendū
 impijs regibus ac pseudoprophetis, sed constantissimi &
 firmi ad obsistendum omni impietati, & custodienda ius-
 sa dei altissimi. Deniq; per Effraī Israël totus sēpe intelli-
 gitur, maxime autem decem tribus: ideo cum dicit: Erunt
 sicut fortes Effraim, idem est ac si diceret: Erunt uelut
 fortes, animosi, ualentesq; Israelitæ, quod maxime de spi-
 ritus fortitudine ac uigore intelligitur. Porro in Israël
 multos fuisse fortes, immo fortissimos, cum animo tum
 corpore, nemo qui historias sacras legerit, ignorat.

Quidam sic enarrant: Et erunt quasi fortes Effraim,
 hoc est, fortes ubertate, multum scilicet fœcundi, accipi-
 endo Effraim adpellatiue, quod secundum Hieronymum
 ubertas interpretatur. Quod non displicet, uerum prio-
 rem interpretationem malo, quod eam non dubitem textui
 esse germaniorem.

Fortes ergo Israël fuere Apostoli, immo fortissimi,
 nempe ex sexaginta illis ad bella doctissimis, qui ueri So-
 lomonis domini IESV Christi lectulum ambiūt, cuius uni-
 us cuiusq; ensis super femur suū propter timores noctur-
 nos. Cant. 3. Quorum cor letatum fuit ueritate, quasi ui-
 no optimo, immo plus quā uino quocunq; Et filij eorum
 quos per uerbum Domino genuerunt, id uiderūt, summe
 proinde letantes & exultantes in domino.

Fortes itidem fuerunt alij omnes, qui ex Israël Christo acquieuerunt, & uera letitia perfusi sunt inestimabiliter. Quod eorum filij, qui nedum carne & fide patribus successerunt, agnouerunt, & de patrum suorum fide, constantia & gaudio uero, in Domino letati sunt, & exultauerunt.

Hec impleta fuisse in primis illis ex Iudaismo conuersis, ostendimus: uerū eadem perfectissime in ipsius Israël ultima & generali conuersione futura nō dubitemus. Certissime enim erit reliquijs eius salus.

In uniuersis quoq; Ecclesiæ Dei filijs hæc adimplētur, quod & ipsi ad Israël & Iudam pertineant. Proinde quæcunq; de primo cōuersis ex Iudeis superius diximus, similiter de uniuersis fidelibus intellexeris, eo dempto, q̄ iuxta carnem neq; Iudæi neq; Israëlitæ dici possunt. Nimirum ipsis fidelibus, uerum & desyderabilem spiritus uigorem cum sancta letitia & exultatione, quantum ad salutem illis opus est, Dominus tribuit.

P A R S S E P T I M A

Sibilabo eis, & congregabo illos, quia redēmie eos. Et multiplicabo eos, sicut ante fuerāt multiplicati.

Eorum qui fuerunt ex domo Iuda secundum carnem, parua admodum fuit congregatio Christi diebus,

ita ut pro eo tempore nequeat hic locus de eis accipi. Implebitur autem diebus ultimis, dum in eorum corda sibilauerit Deus, cuius sibili efficacia conuertentur ad dominũ, & congregabuntur in Ecclesiam Dei, & multiplicabuntur, sicut ante fuerant multiplicati. Quæ multiplicatio conuersionem omnium duodecim tribuum respicit, quas puto multiplicandas, potius numero piorum, quàm multitudine personarũ, quæ sint iuxta carnem ex Israël. Attinet quoq; ad hanc multiplicationem conuersio omnium gentium, & earum congregatio in Christi Ecclesiam, quæ ut toties diximus, uera domus Iuda & Israël est.

Porrò Dominus tum sibilare dicitur, cum illustrat, mouet, aut excitat, ad aliquid faciendum. Sic accipitur Esa. 5. Sibilabit ad eum de finibus terræ. Et Esaia septimo: Sibilabit muscæ, quæ est in extremo finium Aegypti, & api quæ est in terra Assur. Accipitur quoq; sibilare pro derisione, quo sensu hoc uocabulum in Prophetis, maxime in Esaia & Hieremia sæpe reperies.

Igitur sibilat alicui Dominus, cum illustrat eundem, qui sibilus est efficacissimus ad congregandum in Ecclesiam Dei, in quam hi solum congregantur, qui à domino IESV Christo redempti sunt. Vnde hic dicitur: Sibilabo eis & congregabo illos, quia redemi eos. Ergo nulli deus sibilat, eo sibilo efficaci, quo electi in Ecclesiam congregantur, nisi ex eis sit, quos DOMINVS suo sanguine redemit, pro quibus etiam solis missus est, ac in carnem uenit.

P A R S O C T A V A.

Et seminabo eos in populis. Et de longe recordabuntur mei, & uiuent cum filiis suis et reuertentur. Et reducam eos de terra Aegypti, & de Assyrijs congregabo eos. Et ad terram Galaad & Libani adducam eos, & non inuenietur eis locus.

Quod seminatur, idcirco seminatur, ut germinet et tandem multum fructum proferat. Sic seminauit deus filios Iuda, nempe apostolos, quos misit in gentes ad nominis sancti sui gloriam pronuntiandam: audi eorum seminationem. Misit illos Dominus, & ait: Ite, ecce ego mitto uos, sicut agnos inter lupos. Lu. 10.

Nunc observa, de fructu Ioan. 15: Ego misi uos, ut edatis & fructum afferatis, & fructus uester maneat.

Seminantur quoq; à Domino uniuersi fideles ministri uerbi eius, qui ad ueram domum Iuda, nempe Ecclesiam spectant, inter incredulos, qui pro gentibus coram Deo habentur, ut per sanctum eius uerbum, fructum plurimum afferant. Et ego non dubito, denuo seminandos, etiam ex ipsa domo Israël, cum tandem conuersi fuerint.

In ipsis autem Apostolis, itemq; in Prophetis, uide quā uerum sit, quod filij Iuda à Domino seminati fuerint.

Nimirum etiam in hunc usque diem inter nos sunt eorum sanctis libris seminati, quibus dum toto corde

T a acquiescimus

FRANC. LAMB. IN ZACHARIAM

acquiescimus, nobis est salus, uitaq; æterna. Sic Zacharia semen, immo ipsum Zachariam seminatum inter nos habemus in hoc libro, beatus qui gratum habuerit hoc illius semen. Idem de Ezechiele, Osea, Michea, Paulo, Petro, & alijs sanctis ex Israël, qui Dei ueritatem nobis scripta reliquerunt, sentire necesse est.

Et de longe recordabuntur mei. Hic est fructus ita seminatum, ut scilicet qui prius erant de longe, nempe increduli, à quibus longe sunt, Deus, ueritas, salus, recordentur sancti nominis Domini, uerbum fidei suscipientes.

Quia autem ex fide est uita, Abacuc secundo, & Heb. 10. ideo quotquot uere recordabuntur nominis Domini, hoc est, in illud perfecte crediderint, uiuēt uita, quæ est per IESUM Christum, in spiritu sancto. Et id quidem cum uniuersis eorum filijs, modo fuerint illorum fidei imitatores. Vehbis qui seminatis inter eos Apostolis & Prophetis, non reuertuntur ad Dominum, sed permanent in regione mendacij, in regione umbræ mortis, quæ à Domino longe admodum posita est. Recordemini Dei, & ad eum reuertimini, qui longe estis, & erit uobis ac filijs uestris uita & salus, alioqui peribitis. Quādoquidem maledictus est, qui Deo proximior fieri recusat.

Sed quid amplius ait dominus? Et reducam ac congregabo eos, non dubiū quin ueros filios Iuda siue Israël, nēpe electos omnes, cuiuscunq; secundū carnem tribus aut gentis, qui ad Israël emattinent. Vnde reduces eos, ô Deus, unde congregabis eos? De terra Aegypti & de Assyrijs. Dixi
mus

mus suprà cap. 9. & in Abdia, & alijs libris non raro, q̃ spiritus sanctus cōsueuit per unā aut plures nationes è gētibus, intelligere omnes gentes, incredulos, & hostes Dei. Ita & hic per Aegyptios atq; Assyrios, uniuersos terræ populos, eos præsertim, qui uerbo cōtradiciunt, capere necesse est. Hi de populis reducentur & cōgregabuntur, dū ab incredulorum synagogis per Dei spiritum attrahentur, & deducuntur in sanctorum Ecclesiam.

Porrò ipsa Ecclesia per terram Galaad & Libani figuratur. Galaad enim seu Gilead interpretatur aceruus uel collis, testis seu testimonij. Libanus uero mons est, & interpretatur candor. Significat quoq; thus. Quæ omnia Ecclesiæ sanctæ maxime cōueniunt. Nā ipsa est terra in qua est aceruus & collis testimoniorum Dei, eorum scilicet, de quibus Psal. 18. Testimonium domini fidele, sapientiam præstans paruulis. Et Psal. 119. Beati qui scrutantur testimonia eius. Et iterum: In uia testimoniorum tuorum delectatus sum, sicut in omnibus diuitijs. Rursumq;: Mirabilia testimonia tua, ideo scrutata est ea anima mea. Vbi enim sunt eloquia Dei, nisi in ea? Ideo tametsi Bibliorum codicem increduli habent aut legunt, perinde est, atq; ipsum non haberēt aut legerent, q̃ spiritū, quo scriptura à Deo reuelata est, minime habeāt. Neq; illis ipsa DEI scripta sunt in testimoniū, q̃ earū testimoniū haudquaquā accipiāt. Nā quia in eis regnat mendax carnis sensus, qui Dei ueritati semper cōtrarius est, fieri non potest, ut arcane literæ eis placeant, & illarum sensum amplectantur.

FRANC. LAMB. IN ZACHARIAM

Ergo Synagoga incredulorum non est terra Galaad, hoc est, in qua est cumulus, uel terra cumuli testimoniorū dei. Is Galaad est mons, cuius capris uiuacissimis assimilantur sponsae, id est, Ecclesiae capilli. Cant. 4. Vbi & uide huius loci interpretationem.

Est quoq; ipsa Dei Ecclesia Libanus, candida scilicet, & mons aromatum ac thuris. Hinc dicit ei sponsus Cant. 4. Vadam ad montem myrrae & collem thuris. Quem uersum proprio loco exposuimus, nempe in dicto Canticorum libro, à cuius principio multa habes de Christi et Ecclesiae aromatibus, charismatibus scilicet spiritus Dei. Omōtem sanctum, odoratum, frugiferum, amoenissimum. O uere felicem & desideratissimam Galaad regionem. Beatus qui ad eam à Domino misericorditer deducitur.

P A R S N O N A.

Et transibit in maris freto, et percutiet in mari fluctus, & confundentur omnia profunda fluminis. Et humiliabitur superbia Assur, & sceptrum Aegypti recedet. Confortabo eos in domino, & in nomine eius ambulabunt, dicit Dominus.

Vniuersos qui ex Aegypto et Assur, hoc est, ex incredulorum turbis ac populis, per diuini spiritus efficaciam & attractionem congregantur in Ecclesia Dei,

dei, ueram terram Galaad, ueramq; Libanum, necesse est transire per angustum mare, ut Septua uerterunt, uel in maris freto, ut nos habemus. Sed fieri non potest, ut illes transiant, nisi præcedente Domino, de quo & dicitur: Et transibit &c. De hoc mari multa est inter expositores uarietas. Sed ea dimissa, id quod spiritum sanctum hoc loco uelle confidimus, subiungemus. Mare est mundus, & quæcunq; ad eū spectant, ut incredulitas siue impietas, ppter quam impij cor mari feruenti assimilatur. Esa. 57. Porro hunc mundū mare esse, notum est Psal. 103. in quo per allegoriam de eo dicitur: Hoc mare magnum & spaciosum, in quo reptilia, quorum non est numerus. Per allegoriam dixi, quod secundum textus primum sensum de æquore intelligatur. Huius maris fluctus, sunt peccatum, mors, infernus, ira dei et mala quæcūq; itidē doctrinæ, præcepta ac traditiones humanæ, & omne omnino mendacium. Verum & hæc ipsa per fluuios capiuntur, ut patebit. Igitur ait spiritus sanctus: Et transibit, indubie dominus unigenitus Dei, & unus cum ipso & spiritu sancto dominus, in maris huius mundi freto. Quando? Cum semetipsum exinaniuit, formam serui accipiens, & habitu inueniuit sicut homo, ac humiliavit semetipsum usq; ad mortē, mortem autē crucis. Philippen. secundo. Tū expertus est maris huius amaritudines, contumelias & terrores passus, uulneratus propter iniquitates nostras, & attritus propter scelera nostra, dum pacis nostre disciplina fuit super eum, & peccata nostra pertulit

FRANC. LAMB. IN ZACHARIAM

super lignum in suo corpore, in quo tam grauiā pertulit, ut reputaretur quasi leprosus, uir dolorum & sciens infirmitatem. Esai. 53. Tum habitus fuit ut uermis, & non homo, obprobrium hominum & abiectio plebis. Psalm. 21. Deniq; inter sceleratos habitus est. Esaiæ. 53. Sustinuitq; famem, sitim, frigus, algorem, tentatusq; est per dies quadraginta, & aliās sæpe. Luc. 4. Quid autem fuerūt omnia hæc, nisi transitus per mare præscriptum?

Audi autem quod subiungitur: Et percutiet in mari fluctus. Transiens quippe per mare præscriptum, fluctus eius percussit. Destruxit enim peccatum, mortem, et infernum, iramq; Dei: & facit ut nulli eiusmodi fluctus neq; etiam mors suis fidelibus obsint, sed omnia illis cooperantur in bonum. Roman. 8. Quod apertius habes Osee. 13. De manu, inquit, mortis liberabo eos, de morte redimam eos. Ego mors tua, ô mors: morsus tuus ero inferne.

Idem autem figuratur per id quod addit: Et confundentur omnia profunda fluminis. Fluminis pro fluminibus, singulare uidelicet pro plurali. Quorum profunda tum confunduntur, cum destruuntur, quod non sit alioqui quam aquis ablatis. Ideo sensum uertere Septuaginta sic: Et siccabuntur omnia profunda fluuiorum, hoc est, auferentur omnium malorum aquæ. Siquidem per aquas mala sæpe capiuntur: Vt Psalm. decimosextimo: Eduxit me de aquis multis. Et Psalm. 68. Saluum me fac Deus, quoniam intransierunt aquæ usq; ad animam meam. Fieri autē

non

non ualuit alioqui hæc fluuiorum exiccatio, quàm per solum Domini IESV Christi necessarium transitum.

in his deinde in quibus non est spiritus IESV Christi, qui scilicet non sunt facti participes transitus maris, id est, mortis ipsius Domini IESV Christi, hæc malorum flumina haudquaquam sunt exiccata, sed omnia illis cooperantur in malum, ideo non possunt transire illæ si in his fluctibus & fluminibus. Contrà electi transcunt absq; damno, mox ut egressi sunt ab Assur, & Aegypto, scilicet ab incredulorum Synagogis. Nimirum eorum peccata fide remittuntur, & non imputantur. Psal. 31. & Roma. 4. Et nulla est condemnatio eisdem. Roma. 8. Et sicut paulo ante ex Paulo diximus, omnia illis cooperantur in salutem.

Tandem eiusmodi fluuiorum profundis, marisq; fluctibus desiccatis, per desideratissimum ac omnipotentissimum IESV Christi transitum, humiliatur superbia Assur, & sceptrum Aegypti recedit. Diximus per hæc duo, populi Dei hostium regna, intelligi populos pietati contradicentes, qui sub Assyrii Aegyptijq; illius execrabilis, nempe, Satanae imperio & scepro uiuunt, sicut de eo scriptum est. Ipse est rex super oēs filios superbiae. Iob 41. Hoc nimirum est quod dixit ipse, transiturus imò iam transiens per mare. Ioan. 12. Nunc iudicium mundi: Ecce percussione fluctuum maris, & siccationem profundorum fluminum. Nunc princeps huius mundi eiicietur for-

FRANC. LAMB. IN ZACHARIAM

ras. Ecce humiliationem superbiæ Assur, & amotionem
Sceptri Aegypti.

Porrò ipsa superbia, ipsumq; sceptrum, in uniuersis
impijs adhuc est, quòd eorum rex, & pater Diabolus sit.
Et quæcunq; ab eis tum fiunt, ad idem regnum spectant.
Nunc uides apertissime, quid sint, cuius sint, & unde sint
omnis imposturæ hostium Dei, itidem eorum opera. Sunt
enim superbiæ Diaboli, quæ est omnis mali initiū. Eccle-
10. Frondes, folia, & fructus, semper mortiferi, & no-
centissimi, procedentes ab ipso Diabolo, & ad eum re-
gnumq; eius spectantes. Ex his palàm est quid sentien-
dum, de omnibus inuentis hominum, ut sunt decreta Anti-
christorum, & constitutiones sectarum perditionis, deq;
indulgentijs Papæ, uotis ad diuos, sacellis, idolis, & alijs
id genus cunctis. Nunc uide quàm uere Paulus. 1. Timo. 3.
prohibitionem coniugij, & esus omnium ciborum, do-
ctrinam demoniorum adpellat.

Attende, & de ipsius Domini Seruatoris trāsitu, quid
promittat Deus. Confortabo eos. In quo? In Domino, uel
per dominum eorum I E S V M Christum. Sed quos con-
fortabis, o Domine? Filios Iuda, fideles scilicet. Qui per
ipsum Dominum I E S V M confortati, ambulabunt in
nomine eius. Ambulat in Christi nomine, qui ex fide ui-
uit, & omnia operatur, in fiduciaq; sanctissimi nominis
eius, ubiq; tutus est. Ambulat in eius nomine, qui uere di-
cere potest, illud Psal. 22. Si ambulem in medio umbræ
mortis, non timebo mala, quoniam tu mecum es. Itemq;
illud

illud psal. 125. Dominus illuminatio mea, & salus mea, quē timebo? Dominus protector uite mee, à quo trepida bo? Si cōsistant aduersum me castra, nō timebit cor meū. Si exurgat aduersum me praelium, in hoc ego sperabo.

Obserua diligenter, quòd Dominus promittit, se consolaturum per filium suum, electos omnes, posteaquam exierint ab Aegypto & Assur, ab Ecclesia scilicet malignantium, & fide uenerint in Ecclesiam suam. Pro quibus patrem rogat filius ipse suus, & dominus noster. Ioan. 17. quos dicit non esse de mundo, qui per Assur & Aegyptum hic capitur. Lege ipsum. 17. caput Ioannis, nam maxime huic prophetiæ congruit, in quo filius dicit, se seruasse suos, & patrem orat. Lege etiam quatuor aut quinque præcedentia in ipso Ioanne capita, & uidebis quā mire suos consoletur. Deniq; uniuerſi qui uere credunt, experiuntur, quanta sit eiusmodi confortatio. Conforta nos Pater summe in filio tuo, & da nobis, ut in nomine eius perpetuo ambulemus.

CAPVT VNDECIMUM.

Summarium Capitis. Primum, de Hierosolymæ euerſione per Romanos, ubi & superbos regni Iuda deridet. Secundo, iubet filio Pater, ut oues pascant, quas reprobi pastores passim occidebant, & de uindicta contra ipsos pseudopastores. Tertio, de adſumptione duorum regnorum Isaëlis, sub typo uirgarum scilicet decoris & funiculi.

FRANC. LAMB. IN ZACHARIAM

culi. Quarto, de abscissione ipsorum duorum regnorum
 & sacerdotij, sub typo abscissionis trium pastorum men-
 se uno. Quinto, quòd nolite eos pascere, sed magis abijce-
 re. Sexto, de abiectione regni decem tribuum in speciali.
 Septimo, quòd æstimarunt Dominum triginta argenteis.
 Octauo, de abiectione regni duarum tribuum in speciali.
 Nono, de Antichristo, insigniter prophetat.

P A R S P R I M A.

A Peri Libane portas tuas, & come-
 det ignis cedros tuas.

Magna & uere insignia multa, de Christo et Eccle-
 sia, hætenus mysteria habuimus, nunc omnium
 ferme expositorum consensu Synagoge, primũ
 autem Hierosolymæ & templi euersionem, factam per
 Romanos prænunciat. Vbi Libanum non iam ut ante acci-
 pit, scilicet non pro Ecclesia Dei, uera Hierosolyma, sed
 pro ipsa terrestri Hierosolyma & templo eius. In quo
 etiam sensu ponitur Eze. 17. Aquila grandis, inquit, ma-
 gnarum alarum, longo membrorum ductu, plena plumis
 & uarietate uenit ad Libanum, & tulit medullam cedri.
 Liquet enim, ibidem aquilam Nabuchodonosor, Liba-
 num uero Hierosolymam templumq; figurare.

Igitur Propheta, qui ad ciuitatis et templi ædificatio-
 nem,

nem, Zorobabelem ducem Iuda, & Iesum filium Ioseph, sacerdotum Principem, omnemq; populum excitabat, & commonefaciebat, simul de utriusq; euerfione prophetat. Neq; dubito ipsum præuidisse, tum futuram Iudeorum cecitatem, & quod eo usq; insanirent & prolaberentur, ut præferrent suas traditiones diuinis institutis, ita ut pro eorum adsertione, autorem uitæ damnaverent, & reprobarent, propter quod tandem abijcerentur, ne essent Domini populus, cuertereturq; Hierosolyma, & populus captiuus duceretur. De quibus potissimum hoc capite agitur.

Ego puto simul Zachariam prophetasse de Hierosolymæ & templi ædificatione, deq; eorundem euerfione, ut ex tunc ipsi ædificantes, agnoscerent, quòd ea quæ faciebant, non erant ciuitas illa, illudue templum, de quibus tam mirabilia, à compluribus, atq; etiam ab ipso Zacharia prædicta erant. Et indubie id sciebant ueri fideles, multis idem prænoscentes argumentis. Videbant enim quòd nihil conueniebat eorum opus, descriptioni Ezechielis, de qua agit sui libri cap. 5. usq; in finem. Videbant item, id quòd murum ædificabant, non congruere prophetiæ, de qua suprà cap. 2. Vbi prædicit Hierusalem, absq; muro habitandam. Cum autem uidebant tum non impleri, non dubitabant aliquando, tempore scilicet à deo præfinito implenda. Idcirco de ciuitate ac templo, quæ tum extruebant, dicebant intra se. Si alia ciuitas, aliudue templum sunt ædificanda, quid fiet de his, quæ nunc extruimus? Proinde
eorum

FRANC. LAMB. IN ZACHARIAM

eorum euerſionē prædixit ſpiritus ſanctus, perinde atq̃ illis diceret. Quod ab hominibus fit, & conſtruitur, deſicere & euerti neceſſe eſt. Cæterum ciuitas & templum, de quibus potiſſimum per Prophetas locutus ſum, erunt ſpiritualia, æterna, inuicta, & ſemper inexpugnabilia.

Sed iam audiamus Prophetam, in ſpiritus uehemētia, ſic exordientem. Aperi Libane portas tuas, & comedet ignis cedros tuas. Ad impios ex Iudæis, qui Domino I E= S V Chriſto, & Apoſtolis contradixerunt, hæc uerba diriguntur. Et eſt ſenſus ac ſi ipsis præſentibus loqueretur. Vos impij, qui non ſuſcepiftis ueritatem dei, ſed illi contradixiſtis, et occidiſtis Meſſiam, quem uobis miſit deus, diſperdemini cum urbe & templo. Siquidem ueniet contra uos Romanorum exercitus, cui uel nolentes, aperietis ciuitatis, & templi, ac munitionum ueſtrarum portas. Qui mox ut ingreſſi fuerint igne omnia abſument, etiam altas cedros, nempe, duces & Principes tuos, ac ſummas arces, in quibus multum cōfidebas. Ignis hoc loco nedam elementum, ſed & Dei grauiſſimam iracundiam ſignificat, ut aliàs ſæpe in ſcripturis, præſertim in Moſe cantico, Prophetis et pſalmis. Item comedere ſignificat, uāſtare, diſperdere, & conſumere. Cedri autem, ſummos Principes, et quæcunq; præcipua erant Iudæis deſignat. Quia enim Libano monti amœniſſimo, Hieroſolymā templumq; eius adſimilarat, permanens in metaphora, quæ præter hæc, in eis prima ſummaq; erāt, cedros Libani uocat. Cedri fuerunt Principes & ſummi ſacerdotes. Lege

Ioſephum.

Iosephum & Egesippum, & uidebis quas cedros, ignis diuini furoris, in Hierosolymæ ac templi euerfione absumpserit. Vbi etiam agnosces, ululatum abietum, quercuum Basan, pastorum et leonum, de quibus subiūgitur. Vlula abies quia cecidit cedrus, quoniam magnifici uastati sunt. Vlulate quercus Basan, quoniam succisus est saltus munitus. Vox ululatus pastorum, quia uastata est magnificentia eorum. Vox rugitus leonum, quoniam uastata est superbia Iordanis.

Abietis adpellatione, qui post cedros, id est, summos Principes maiores erant capiuntur. Denique ululatus, planctus est uehemens, sed confusus. Abietes ergo, uiso cedrorū casu, et quòd ignis diuini furoris eas absumpserat, uehementer contristatæ sunt, proinde hic inuitantur ad planctum & ululatum. Quod autem cedris primi capiuntur, liquet ex eo quod mox ut dixit: Vlula abies, quia cecidit cedrus, subiūgit, quoniā magnifici (iuxta Septuaginta optimates) uastati sunt.

Quercus itidem Basan, uocantur ad ululatum, pro abscissione saltus muniti. Per saltum munitum, urbem Hierusalem & templum munitissima capit. Quæ ubi destructa per Romanos fuerunt, quasi saltus munitus abscisus est. Sed quæ sunt hæ quercus Basan, siue pingues? Basan enī, pingue interpretatur. Quercu durissima ac fortissima arbore, robusti designantur. Robusti ergo & pingues, siue diuites bellatores, quercus Basan sunt.

FRANC. LAMB. IN ZACHARIAM

Verum & Basan, regio est trans Iordanem, in quam primum, testibus Iosepho & Egesippo, exercitus Romanus, ueniens contra Hierosolymam se infudit, & uastata prius igne & ferro, tota ferme Galilæa, ipsam deinde Hierosolymam cepit & euertit, & indubie etiam tum quæ munita erant in regione Basan contrita sunt. Idcirco nihil reprobarim, si ita hic locus enarretur. O quercus, uos scilicet qui fortes estis, quasi quercus, qui habitatis in regione Basan, ululate, quia saltus munitus succisus est, hoc est, quia uniuersæ tæuestre, quæ Iudææ totius munitiones euerse sunt, præsertim Hierosolyma & templum.

Ipsam quoque uastationem, magis inculcat, his quæ subduntur. Vox ululatus pastorum, hoc est, Regum & Principum, qui pastorum uocabulo capiuntur. Eze. 34. Quid uastata est, magnificentia eorū, quæ scilicet in eis magnificentiora erant, præsertim prima ciuitas & templum. Pastores derisorie uocati sunt, qui non nisi lupi rapacissimi, leonesq; superbissimi ac sæuissimi erant. Proinde & leones uocantur. Ezech. 19. & h. c. cum subditur: Vox rugitus leonum, quia uastata est superbia Iordanis. Per Iordanem præcipuum terrarum Israël fluuium, tota Israël terra capitur, præcipue Iudæa, contra quam hoc loco specialiter prophetatur. Iordanis ergo superbia, tum uastata fuit, cum omnia, in quibus Iudæi maxime superbiebant, euerse sunt.

Obseruandum autem, quàm mira uehementia, aduersum impios & apostatas Iudæos, tum futura iudicia, spiritus

ritus Domini inculcarit, quo eadem futura nihil dubitarent. Denique & hic uidendum, quàm opposita sentiat & uelit ab impijs, quàmque studiosè subsannet adfectus eorum, ac omnem carnis fiduciam. Nimirum prophetantis simul & subsannantis, sunt eiusmodi uoces, ululate, cedri, quercus, magnifici, uox ululatus pastorum, uox rugitus leonum. Nam perinde est atq; diceret. O superbæ cedri, o pingues quercus, & magnifici homines (pro talibus enim uultis haberi) ubi sunt illa præclara in quibus gloriabamini? Vbi Hierosolyma? ubi templum? ubi omnes uestre ciuitates munitæ? Ululate nunc, non solum flete ut homines, sed ut bestię & lupi (siquidem & lupi estis) ululate. Sed frustra omnia. Estis enim filij mortis, perperuis malis diuexandi. Et subiungit. Vox ululatus &c. Ac si di. Audite uniuerſi ululatum horum luporum, qui pro gregis mei pastoribus haberi uolunt. Dolent quòd ea sint uastata & demolitâ, unde gloriari & superbire consueuerant. Quid uobis uidetur? Nonne iustum est meum aduersum illos iudicium? Putant me crudelem, sic de me sentiunt & iudicant, uiricæci. Neque obseruant, quantæ fuerint iniquitates eorum, in eo maxime quòd unigenito meo in carnem uenienti contradixerunt, eundemq; morte sæuissima condemnarunt. Nec uolunt agnoscere se peccasse, quin potius modis omnibus, ad id nituntur, ut omnis populus, cum eis cæcus permaneat & intereat.

Hæc dicit dominus Deus meus. Pasce pecora occisionis, quæ qui possederant occidebāt & non dolebant, & uendebant ea, dicentes. Benedictus dominus, diuites facti sumus.

ARduū & difficile est, quod hoc capite sequitur, et tam difficile quidem, ut uix ullibi maior difficultas, tametsi parem non nego. Ideo inter expositores, maxime est in huius loci enarratione diuersitas, & uix posteaquam admodum laborarunt, ad id tandem perueniunt, ut aliquid dignum, aut quod bene congrueret, dicerent. Quemadmodum autem sæpe diximus, hoc est summum, quod in scriptorum dei interpretatione, est diligentissime obseruandum, ut singule partes interpretationis, singulis partibus textus quem exponimus consentiant. Neq; opus est, præscripta diuersitate onerare lectorem, quia neq; utile id esse putauī.

Igitur dicta uarietate dimissa, sensum quem arbitramur esse germaniorem, nunc adferemus. Pro quo est primum obseruandum, quis sit qui dixit, hæc dicit Dominus Deus meus. Is est Zacharias ipse.

Secundo, quis est cui Deus dixit: Pasce pecora occisionis? Ego eum esse arbitror, qui paulopost dicit. Ego pascam &c. Et iterum, & pasci gregem. Is est Dominus IESVS Christus, pastor bonus & uerus. EZE. 34. & IO. 10.

Tertio,

Tertio, quæ sunt pecora occisionis, quæ pasci iubentur? Ea sunt populi simplices & pij, qui oues occisionis proinde uocantur, quòd ab impijs regibus, ac diuitibus, raperentur, discrucianturq; uarijs modis, & ab eis compellerentur ad mortifera figmenta hominum. Oues quoq; eiusmodi sunt quotquot tam ex gentibus, quam ex Iudæis Christum susceperunt, qui idcirco oues occisionis seu mortis dicuntur, quòd in gladium, mortem, exilium aliaq; innumera mala, pro Domini IESV Christi ac ueritatis eius testimonio dati sint. Et hi paulopost pauperes gregis uocantur, & dicuntur intelligere iudicium Domini. Ex his ouibus fuerunt, qui dixerūt. Aestimati sumus uelut oues occisionis. Psal. 43. Nihil moror, quòd omnes quotquot legi, per oues occisionis, intelligunt Iudæos, qui à Romanis fuere occisi, & captiuati. Nam is locus non est contra oues ipsas, sed maxime pro eis. Nihil enim nec pilum quidem hic reperies, quod pro eis non sit, si scopum diligenter prospexeris. Neq; obstat, quòd ante prædixit Hierosolymæ euerfionem, nam multo magis conuenit cum præcedentibus, sic enarrare, ut diximus, quàm aliter, sicut oportune palàm fiet. Hæ sunt oues gregis, quæ pastore Christo percusso disperse sunt, infrà cap. 13.

Quarto, qui sunt, qui oues possedisse dicuntur? Profecto, quantum æstimo, non alij, quàm qui infrà earum pastores adpellantur.

Præterea observa, quòd Propheta sicut prædiximus, præuidens Hierosolymæ quæ tum extruebant destructionem,

FRANC. LAMB. IN ZACHARIAM

nem, præuidit simul et causas eiusdem destructionis, nempe, obstinatorum ex Iudæis insaniam, contra Dominum IESVM Christum, & omnes professores nominis eius. Et indubie etiam præuidit, quàm multi ex gentibus surgerent unanimiter cum ipsis Iudæis, aduersum tam Christum quàm suos omnes. Quòd aduersum Christum surrexerint, & ex Euangelica historia, & ex psal. 2 notum est. Reges enim terræ, & Iudæorum Principes conuenerunt in unum, aduersum Dominum, & aduersus Christum eius. Quòd aduersum fideles ut Iudæi surrexerint, notius est, quàm ut probatione opus sit. Quia autem summi & primores tam ex Iudæis quàm ex gentibus, maxime contra Christum et fideles eius desæuerunt, desæuuntq; etiam hodie, ideo primum & specialiter aduersum illos, hic sub pastorum nomine prophetatur. Simul quoq; uir Dei præuidit, quàm multi reprobī pastores tum in Iudæa ante Christi aduentum futuri erant, qui perderent, mactarent & raperent ipsum populum Domini. Ideo nunc de uero pastore prophetat.

Nunc ergo ait: Dominus Deus meus, hæc dixit. Cui? Domino IESV Christo, filio suo, in carnē ueniēti. Quid dixit? Pasce pecora occisionis, populum scilicet meum, quem nō pauerunt pastores eorum Reges uidelicet, sacerdotes & Prophetæ, quin potius eis mortifera dederunt, nempe, mendacia, doctrinas, & traditiones hominum, et illos minime dilexerunt, sed rapuerunt, mactarunt, occiderunt, pascentes semetipsos, nō ipsum populum meum,

contra

cōtra quos apertissime prophetat Ezechiel, sui libri cap.
 34. Nolentes autem eorum mendacijs adquiescere, sed fa-
 uentes ueritati meæ, persecuti sunt, uarie discruciarunt,
 & occiderunt, ut de Prophetis, Apostolis, alijsq; sanctis
 notum est. Hunc ergo populum meum, tam adflētum, ab
 hisce falsis pastoribus, tu fili mi IESV Christe (dicit Do-
 minus Deus) pascce, non dubium quin spiritu suo, ac uer-
 bo suauissimæ ueritatis suæ. Pascce, consolare, letifica, &
 tribue pacem, quæ omnem sensum exuperat, quæ etiam
 est inter aduersa omnia, mentemq; & animum eorum
 corrobora in beneplacito meo. Non sint ultrà hi falsi pa-
 stores, cuiusmodi plures, habuit Hierosolyma. Sis tu corū
 pastor, & Princeps in medio eorum. EZE. 34. & 37.

Porrò hoc uerbum, pascce, Domino IESV Christo,
 perpetuo à Patre dicitur, ut semper pascat filios suos, qui
 scilicet fide filij Dei facti sunt. Ioan. 1. Qui positi sunt in-
 ter incredulos, sicut oues inter lupos. Matth. 10. & Lu-
 10. Qui æstimantur, haud secus atque oues occisionis.
 Psal. 43. Et tanquam huius mundi purgamenta habentur.
 1. Corin. 4. Hos semper pascit Dominus IESVS Chri-
 stus. Siquidem & illi à Patre derelicti sunt.

Sed unde probabitur, quòd hoc uerbum filio dicat
 Pater? Per id probamus, quòd sicut diximus, ipse est ue-
 rus electorum pastor, qui eos per se & ministros suos,
 uerbo suo pascit. Nam si alicui alteri diceretur, non uide-
 retur alius, quàm Prophetas iste, sed ipse non est, qui infrà
 dicit: Et pascam pecus occisionis. Et Rursum. Pauli gre-

FRANC. LAMB. IN ZACHARIAM

gem. Et non puto rectum esse in eadem Prophetia, tam cito mutare, eiusdem sermonis interpretationem, nisi textus circumstantia compellat. Ego omnino sentio hæc dicta Christo, qui infra capite. 13. dicitur. Habere oues gregis, quæ ipso percusso dispersæ sunt.

Deniq; maxime congruit ordo textus, ut posteaquam prædixit Hierosolymæ tēpli, totiusq; Iudææ ac principatus eorum euerisionem, nunc prophetarit apertius, aduersum eorum Principes, ac uniuersos, qui eorum impietati subscriberent, & prænunderit Domini IESV Christi gloriosissimum principatum, adtulertq; sermonem Patris summi, filio dicentis: Pasce oues occisionis, non sint ultra pastores, qui hætenus pro talibus haberi uoluerunt. Tu sis eorum Rex, Pastor, Princeps, & Dux. Cessent illi carnales Principes Synagogæ, Reges, Sacerdotes, & Prophetæ, tu pro omnibus sis & in æternum quidem Rex & sacerdos secundum ordinem Melchisedech. Psal. 110. Et nullus alioqui quam tuo spiritu prophetet, ut non iam illi, sed tu in eis prophetes, & tu in eis uerus Prophetas sis.

Quia deinde ipsa Hierosolyma, ut Christum occidit & sanctos, typus est gentium, & quia etiam gentium conuersarum pastor & Dominus Christus est, ideo cum ei Pater dixit: Pasce oues occisionis, etiam de electis gentium intellexit, quod scilicet eorum pastorem constitueret Dominum IESVM Christum, & liberos eosdem faceret ab omni iugo hominum, quod simulcum Dei uerbo stare

stare nequit. Hic ergo locus, de libertate fidelium agit, quam per Domini spiritum, mox ut credunt consequuntur. O uere gloriosam, sanctam, & desiderabilem libertatem, quæ nimirum tanta est, ut fidelis etiam fortissimis uinculis constrictus, atq; etiam in medio umbræ mortis, in Domino IESV Christo liber sit, & nihil obistente tyrannorum rabie, ab eius spiritu uerboq; pascatur. Sed iam ad textum redeamus.

Ait Pater æternus unigenito filio suo, Domino IESV Christo: Pasce uerbo & spiritu ueritatis, per te & pueros, seu ministros quos dedit tibi, pecora occisionis, oues meas & populum meum, quem qui possederunt, hi scilicet, qui pro eorum rectoribus habere uoluerunt, occidebant, & occidunt, uarijsq; modis adfugunt. Id autem facientes, non dolebant, hoc est, indurati erant, et quantum libet à Prophetis illis diceretur, nolbant agere pœnitentiam super crudelitate, rapina, & tyrannide sua, quin potius letabantur cum male fecerant & exultabant in rebus pessimis. Tyrannidem quoq; suam, quasi licitū quiddam tuebantur. Nam uendebant ipsas oues, hoc est, seducebant (siquidem nō raro uendere pro decipere etiam in scripturis ponitur) rapiebant, desolabantur. Aut uendebant etiam nonnulli, aliquos ex pijs, in manus hostium, tamen puto primum, magis uelle spiritum sanctum. Sensus est. Pro nihilo habebant, salutem, bonum, pacem, & prosperitatem ipsarum, imò eisdem tanto erant contemptui, ut illis pro minimo esset, eas occidere, seducere,

FRANC. LAMB. IN ZACHARIAM

uendere, modolucrinonnihileisadcederet. Vbi autē rapinis ditabantur, dicebant. Benedictus Dominus. Diuites facti sumus. Fecimus & consecuti fuimus, quod uoluimus. Sic letabantur fidelium tyranni, letanturq; etiam hodie, cum sanctos Dei occidunt, cum eos rapiunt ad carceres, ignem, & quæuis tormenta. Sic quoq; & gaudent, dum scortati sunt, seipsos de inimicis uindicarunt, aut alia contra Dei uerbum egerunt. Neq; tam dolenda res esset, si etiam hi qui pro C H R I S T I fidelibus haberi uolunt, nihil minus istis facerent. Nimirum sunt innumeri, qui sunt priscis omnibus tyrannis deteriores ac crudeliores, & quamuis optent haberi pro fidelibus, nemo à mundi principio, acrius ipsis, contra Christum & seruos eius pugnauit. Hi sunt uniuersi qui ad Antichristi regnum spectant. Sed habebunt miseri iudiciū suum, tempore quod ab æterno præfinit Deus.

P A R S S E C V N D A.

Er pastores eorum non parcebant eis, & ego non parcam ultra super habitantes terram dicit dominus. Ecce ego tradam homines, unumquemq; in manu proximi sui, & in manu regis sui, & concident terram & non eruam de manu eorum, & pascam pecus occisionis propter hoc o pauperes gregis.

Domini

Domini nostri IESV Christi, Dei simul & hominis, est hic sermo, quem quidam sic enarrant, sed perperam, ut sit sensus: Pastores eorum nō parcebant eis, ita neq; ego sum illorum miserturus. Vbi obsecro tale quiddam in Scripturis quis legit? Nunquid deus, quia alij scēiunt, uult scēire? Absit. Non facit hoc, qui natura pius & misericors est, quin potius his, quibus impij desolationem & aduersa inferunt, consolationem mittit. Neq; dicitur hic. Quia pastores non parcūt eis, neq; ego illis parcam, sed iuste iudicās de impijs ait: Quia non pepercerunt ouibus, ego non parcam terræ habitatoribus, ipsis scilicet reprobis pastoribus, & his qui eorum tyrannidi mendacijsq; subscribunt. Non enim de ouibus præscriptis intelligitur, nam de eisdem paulo post ait: Et pascam &c.

Igitur usq; in hunc locum sermo est patris summi dicentis filio, immo totius trinitatis, constituentis Christum hominem pastorem gregis sui, electorum scilicet, illiq; iubentis: Pasce &c. Tum ille humiliauit semetipsum, factus obediens pro ouibus præscriptis usq; ad mortem, ut tandem pastor earum esset, quas ut digne pasceret, data est sibi omnis potestas in cœlo & in terra. Matth. ultimo. Qua accepta, ait quod hic habes: Et pastores &c.

At dicet aliquis: Vnde nosti, quod domini IESV Christi sint hi sermones? Respon. quod duplici argumēto id conijcere licet. Primum, quod sicut probauimus, ipse est, cui pater dicit: Pasce. Quod si ita est, profecto

FRANC. LAMB. IN ZACHARIAM

ipse est, qui paulo post respondet: Et pascam. Respondet enim iubenti Deo Christus homo, unus cum eo Deus. secundo, ipse est, cui Pater dedit omne iudiciū. Ioan. 5. Ideo & ipse ait, Ioan. 12. Nunc iudicium est mundi, nūc Princeps huius mundi eiicietur foras. Certū est autem, q̄ hic agitur de iudicio aut condemnatione mundi huius, impiorum scilicet pastorum, & omnium qui terram amant, ppter quod puto hunc sermonem Christi iudicis esse.

Dicit ergo: Et pastores eorum pecorum scilicet occisionis, non parcebant eis, sed occidebant, uendebant, seducebant & affligebant ea, ut tu mi Pater dixisti. Noli nimium curiosus esse pro eo, quod huic uersui præponitur, Et coniunctio. Nam Iudæis est frequens, ut etiam à librorum principijs, Et, ponāt, ut in principijs Ezechielis & Iona: Et ego Christus, posteaquam me pastorem fecisti, nō ero crudelis ouibus tuis, quas mihi commisisti, sed protegam eas à falsis pastoribus, & impijs omnibus, quibus ultrā non parcam, nec ultrā dissimulabo, cū occiderint & male tractauerint oues tuas. In hoc secundo uersu, Et coniunctio, pro ideo ponitur, quod & Septuaginta uertunt. Dicit, quod non parcet ultrā habitatoribus terræ, quod nonnulli de sola Iudæa capiunt. Nos aliud arbitramur, nempe quod de uniuersis impijs & incredulis sit accipiendum, qui è terra sunt, & terræ habitatores, idcirco dicuntur, quod sola quæ super terram sunt, quærant & sapiant. Nam quod spectat ad oues Christi, illæ dicunt: Nostra conuersatio in cœlis est.

Sed

Sed quod iudicium facies aduersum impios, ô Pastor noster? Ecce ego, inquit, tradam homines &c. Quem admodum pax CHRISTI, figuratur conflatione gladiorum in uomeres, lancearumq; in falces. Esaïæ. 2. & Micheæ. 4. ac per sessionem sub uite & ficulnea: ita per bella, seditiones & terræ perturbationem, omnigena in tranquillitas, ea maxime quæ paci Christi est opposita, figuratur. Nimirum impijs non est pax, dicit dominus Deus. Esaïæ quinquagesimo septimo. Idcirco præfato textu, quid minatur Christus, nisi quod sit pacem ablaturus è terra? Quod certe non potest de ouibus Domini, id est, credentibus adicipi. Quandoquidem etiam in medio umbræ mortis pacem habent. Deniq; eosdem, tanquam amicos & eos, quibus nota facit, quæ à patre audiuit. Ioan. 15. hic alloquitur. Nam eis solis datum est, ut noscant mysteria regni Dei. Mat. 13. Mar. 4. & Lu. 8.

Sic autem ordinandus est textus: O pauperes gregis, oues infirmæ, percussio pastore disperse (infra ca. 13.) qui mei causa habemini pro ouibus occisionis, & à reprobis pastoribus ipsissimis lupis, multa patimini, ecce, uidete, intendite, propter hoc, quia scilicet pastores non parcabant uobis, & non erant pij ac misericordes in uos, quin potius duri, rapaces, crudeles, quod & usque hodie sūt, ego CHRISTVS uerus pastor uester, pro uobis semel in uestram salutem & exemplū percussus, nunc uero nō iam percussus, sed regnans in cœlo et in terra, tradam ipsos homines hostes uestros (nō enī potest adicipi hic locus

FRANC. LAMB. IN ZACHARIAM

locus de amicis ouium domini) unūquemq; in manu proximi sui, & in manu regis sui, & peribunt uarijs modis afflicti, quod nō sim eos eruturus de manibus affligentium eos, in uindictam iniquitatis & tyrannidis, quam contra uos exercuerunt & exercent. En uidemus nostro seculo, & apertissime quidem, quā hęc sint uera in hostibus pietatis, in quibus perpetuę lites, dissidia, rixę, bella, homicidia, irę, inimicitie, conscientie inquietudo, & id genus innumera. Summa. In eis nulla est pax, etiam si maxime in pace esse uideantur. Iudicio ergo domini fit, ut nulla sit reprobis pax.

At dices: Quid est, quod non damnat solos pastores quorum tyrannidem reprobate? Dicimus, quod nihil uel parum efficiunt pastores ipsi, nisi populi impij ministerio. Non enim possent. Ceterum uidentes populos pari sensu in omnibus ambulare, nihil est, quod non audeant, nihil est quod non tentent, etiam aduersus Dominū & Christum eius. Nihil profecisset Hieroboam, cum uitulos posuit in Israël. 3. Regum . 12. nisi populus eius mendacijs subscripsisset. Recte ergo simul omnes à Christo damnantur, etiam populi, qui pro impijs pastoribus, summo pastori contradicunt, eo æquissime iudicante fit, ut eorū, quibus ipso contempto adhæserunt, tyrannidem & crudelitatem in seipsis experiantur.

Præscriptis ergo malis concidetur terra, & omnia perturbabuntur, qd' & nos experimur nostro seculo. Vnde enim tot tumultus, qui hodie sunt? Putas quod ob aliud sint.

sint, quàm quòd Deus facit uindictam sanguinis electorũ, & uerbi sui, quod ab impijs in eorũ sempiternam perniciem tam effrenate calcatur? Hæc mala ipse qui ea missurus erat, Dominus IESVS Christus prædixit. Lucæ 21. Surget, inquit, gens contra gentem, & regnum aduersus regnum, & terræ motus magni erunt per loca, & pestilentia, & fames, terroresq; de cælo & tempestates, & signa magna erunt.

Grauiissimum autem omnium iudicium est, q, dicit, se non eruturum à malis ipsis. Nam tolerabile est, in tempus mala hæc, tam spiritualia quàm corporea, & temporanea experiri. At nunquam ab eis eripi, quid nisi mors sempiterna? Electi mala sæpius habent, uerum non nisi in eorum bonum. Inter ipsa quoq; mala ueram animi pacem habent. Tandem à malis omnibus eripiuntur. Contra reprobos, etiam si externe sint iucundi, pace interna nunquam potiuntur. Semper quoq; Domino sunt abominabiles, cæci, increduli, donec uiuunt, tandemq; merguntur in interitum sempiternum. Hi sunt quos à manu mali Christus nunquam eripit. Erue nos Domine in misericordia & miserationibus, ut confiteamur nomini sancto tuo.

Sed quid amplius ait dominus IESVS Christus pauperibus gregis? Et pascam oues occisionis. Quas? Indubie easdem, qui pauperes gregis, uel pauper grex Domini scilicet, de quibus parte prima uidimus, quare oues occisionis appellentur. Quæ dicuntur pauperes gregis dominici, uel pauper grex dominicus, quòd nihil afficiantur terrenis,

FRANC. LAMB. IN ZACHARIAM

terrenis, sed spiritu uere pauperes sint. Is est grex, cui in Apostolis Dominus ait: Nolite timere pusillus grex, quia complacuit patri uestro dare uobis regnum. Quibus pascuis hunc gregem depascet? Herbis uirentibus eloquiorum Dei. Hæc sunt pascua uberrima, & pinguia montium Israël, de quibus latissime prophetatur Ezech. 34. In his pascuis erat ouis illa, prius errans uelut ouis quæ perit, à Domino autem quæsita & inuenta, Psalm. 118. quæ Psalm. 22. ait. Dominus regit me & nihil mihi deerit, in loco pascuæ ibi me collocauit. Super aquam refectionis educauit me, animam meam conuertit.

P A R S T E R T I A.

Et assumpsi mihi duas uirgas, unam uocaui decorem, & alteram uocaui funiculos.

Virga in Scripturis, aliàs regem aut regnum significat, aliàs flagellum Domini. Christum ut regem significat. Esa. 11. Egredietur uirga de radice Iesse. Regni uero eius sceptrum, nempe uerbum, & per id regnum ipsum. Psalm. 109. Virgã uirtutis tuæ emittet dominus ex Sion. Deniq; flagellum designat. Psalmo. 22. Virga tua & baculus tuus ipsa me consolata sunt. Et Psalm. 88. Visitabo in uirga iniquitates eorum, & in uerbis peccata eorum. Hinc etiam Reges per quos Deus afflixit Israël, furoris sui uirga dicuntur. Verum de duabus

duabus uirgis hic positis, diuersa à diuersis scribuntur, ad modumq; perplexus apud me fuit hic locus, quod attinet ad eius interpretationem, cum scirem in omni sincera et narratione summe quærendum, ut nihil in ea sit, quod omnibus textus partibus non conueniat. Video autem, quàm nihil ferè consentiant, quæ à nonnullis hic dicuntur. Ego post omnia diligentia qua ualui meditata, non puto, per harum uirgarum assumptionem & abscisionem aliud figurari, quàm electionem duorum regnorum Israël, uel duodecim tribuum, in duo postmodum regna diuisarum, illarumq; iustam abiectionem, quod diuinis testimonijs adnitar roborare. Quod si quis certius quippiam habet, proferat, ut uniuersi electi ex ueritate apertius reuelata letentur.

Est autem primum id uidendum, cuius sit is sermo: Et assumpsi &c. Cui dubio respondemus, q̃ eiusdem sit, qui paulo post dicit: Adpenderunt mercedem meam, triginta argenteos. Is est dominus IESVS Christus, cuius etiam præcedētia fuisse probauimus, neq; aliquid est, quo ostendi possit, mutari personam loquentis. Nimirum in omnis scripturæ interpretatione summe est uitandum, ne dicamus personam mutari, nisi aut aperte id exprimat, aut ex locorum circumstantia id palam fiat. Quemadmodū paulo ante cū dicitur: Pasce, et deinde respondetur: Pascam, conijcitur, quod is cui dicitur: Pasce, alius sit ab eo, qui idem uerbum dixit.

Et id quoq; est annotandam, q̃ ipse dominus IESVS
Christus

FRANC. LAMB. IN ZACHARIAM

Christus hæc dicit, posteaquã à proditore uēditus fuit. Vbi obserua gloriã spiritus pphetici, qua in persona Christi, de his mysterijs Zacharias tam aperte locutus est, ac si iã facta essent.

Igitur Christus ait: Et assumpsi olim, elegi scilicet, non ut homo, sed ut unus cum Patre & spiritu sancto Deus: mihi, id est, in populum meum, duas uirgas, id est, duodecim tribus Israël, quæ sub Roboam filio Solomonis sunt in duo regna diuise. 3. Regum. 12. De qua electione dicitur Deute. ca. 32. Quando diuidebat (& abiciebat à se) altissimus (Deus) gentes, & separabat filiōs Adam. Constituit terminos populorum (alienorum ab Israël) iuxta (propè, aut in uicinia) numerum filiorum Israël. Pars autem Domini populus eius Iacob funiculus hereditatis eius. Et paulopost: Assumpsit eum atq; portauit in humeris suis. Alijs quoq; locis plura de hac electione habes. Porro gentes, quia non habebantur pro Dei populo, & uocabantur populus non dilectus, ac misericordiam haud quaquam consecutus, idcirco non possunt per has uirgas intelligi. Quo palàm fit, pperam à nonnullis per primã uirgam gentes capi. Illis quippe haud congruit sermo præscriptus: Et assumpsi. Non enim fuere tū à domino assumpta, quin potius abiecta & depulsa.

Cæterum primam uirgam, nempe regnum maius, decem scilicet tribuum, quarum primus rex fuit Hieroboã ille impius, filius Nabatæ, qui peccare fecit Israël, in uittulis aureis ab eo excogitatis. 3. Regum. 12. Hanc, inquam, uirgam

uirgam, siue regnum uocauit decorem seu pulchritudinē, tam ob populi multitudinē, quā ob magnitudinē Regni atq; diuitias. Forſan autem ſic uocauit eos, q̄ ſit commune ſpiritui ſancto, uocare multos ſecundum ea, quæ de ſeipſis ſentiunt & gloriantur. Sic hypocritas irridendo uocat potentes & diuites Lu. 1. & iuſtos ac ſanos. Lu. 5. Non egent, inquit, qui ſani ſunt, medico, ſed qui male habent. Non enim ueni uocare iuſtos, ſed peccatores. Ita quoniam hi, qui ad ipſum regnum ſpectabant, gloriabantur in diuitijs, potentia, regni decore, humana ſapientia, ac proprijs inuentis, eos ſubſannando, regnum eorum decorem adpellat. Quòd autem uirga regnum ſignificet, ſuprà probatum eſt.

Alteram deniq; uirgam, non dubium quin regnum decem tribuum, uocauit funiculum ſeu funiculos. Cuius adpellationis cauſſam hanc unicam eſſe puto, q̄ uerus DEI cultus in eo poſt regni Iſraēl partitionem remanſerit. Stolidi enim ea eſt ratio, quam allegat quidam, q̄ ideo uocatum ſit funiculus, plus quā regnum decem tribuum, eo q̄ Roboam rex Iuda dixerit populo: Pater meus cecidit uos flagellis, ego autem cēdam uos ſcorpionibus. In ſcorpionibus autem ſunt funiculi. Abſit, ut rem tam ſtupidam profiteamur. Nunquid Deus Regnum ab eo electū uocare neſciuit alio uocabulo, q̄ eo quod inconſulte & in ſuum malum protulit imprudens ille Roboam? Nihil minus dicendum putamus. Hæc ergo eſt cauſſa, q̄ apoſtata te regno decem tribuum poſt uitulos aureos, regnū Iuda

FRANC. LAMB. IN ZACHARIAM

coluit deum, propter quod funiculus siue hereditas domini adpellatum est. Prius totus Israël uocabatur funiculus siue pars Domini, quod uocabulum mansit duabus tribubus, propter domos D O M I N I, cultusq; eius præsentiā.

Obscrua, quòd Dominus assumpsit Israël, siue elegit in eternitate, & assumpsit in tempore, nempe quando uocauit Abrahamum patrem eorum, apertius autē cū uocauit eos ex Aegypto, et dedit terras pmissas. Vocatio autem prædicta competit eis, à regni Israël diuisione.

Et pauti gregem.

Dei sermonibus pascitur uerus grex domini. Eo ergo pauti Israël Deus. Sed non omnibus sapuit is cibus, nisi eis qui fide syncera uerbo hæserunt, qui soli ad Domini sanctum gregem pertinuerunt. Nam alij non nisi in faciem in ipso grege supputati sunt. In pluribus enim non est bene placitum illi, propter quod in deserto prostrati sunt. Ro. 10. Diximus autem, q; domini IESV Christi est is sermo, qui in se credentes pascit. Sed tū nondum in carnē aduenerat. Quomodo ergo uerū est, q; ait: Pauti gregē? Huic dubio Paul. Ro. 10. apertiss. respōdet. Et oēs, inquit, eandem (supple nobiscum) escam spiritualem manducauerunt, et omnes eundem potū spiritualem biberunt. Bibebant autē de spiritali consequente eos petra. Petra autē erat Christus. Quisquis ab orbe condito in eum uere credidit, fuit Christi ouis, cui ipse fuit esca & cibus. Ergo syncera in eum fide uniuersi credētes ex Israël, etiā in Aegypto, aut deserto,

deserto, uere depasti fuere. Proinde Christus dixit. Et pascui gregem, electos scilicet omnes, primum ex Israël, denique ex gentibus, qui ad domum Israël pertinent. Et uere quidquid Ioan. 6. de manducatione carnis, & potione sanguinis Christi dicitur & iubetur, in sanctis omnibus ab initio adimpletum est. Sed quando pascuit hunc gregem? Certe non solum a tempore diuisionis regni Israël, sed etiam ab initio seculi.

P A R S Q U A R T A.

Et succidi tres pastores in mense uno, & contracta est anima mea in eis. Siquidem & anima eorum uariavit in me.

Dicunt nonnulli hos tres pastores fuisse Moysen, Aaronem, & Mariam eorum sororem,, quorum Maria mense Nisan mortua est, & eodem mense Moyses et Aaron abiecti sunt, ut nequaquam introducerent filios Israël in promissam terram, ut patet Nume. 20. Alij dicunt hos fuisse Ioram, Ochoziam, & Iezabel, quos simul Iehu interfecit. 4. Reg. 9. Nos horum neutrum dicendum arbitramur. Et primum quidem non satis congruit, quod mox subiungatur: Non pascam eos, dominus autem etiam post eum mensem Nisan, pascuit tam Moysen & Aaron, quam fideles ex populo, uerbo suo. Neque tamen sic fuit abiectus ipse populus, ut de eo impletum sit illud, quod subditur: Quod moritur, non riatur &c. Neque si ordinem textus inspicis, hæc uidentur

illis congruere posse. Neq; secundum bene consentit, qd' & ipse iudicabis, si omnes textus partes diligenter expēderis. Nam certum est, hanc pphetiam esse primum de assumptione Iſraēlis: secundo de abiectione eius, & præter id etiam aduersum reprobos pastores seducentes populū & tyrannidem in pios exercentes, quod tam ex præcedentibus, q̄ ex his quæ sequuntur, notū est. Qui aut̄ fuisse Iorā, Ochozias, & Iezabel, ut eorum magis quam Hieroboam filij Nabath, aut Amri, aut Achab, aut aliorum pessimorum in tam insigni prophetia meminerit? Profecto magni periculi res est, in his speciatim definire.

Ego sentio, & ita esse nihil dubito, quod impij pastores, hoc est, Principes aut sacerdotes, siue Prophetæ, quorum numerum definire non audeo, capiuntur. Sæpe enim ut non raro diximus, eiusmodi numeris aliud capitur, quam litera uelit. Et si licet conijcere, arbitror his tribus pastoribus duas uirgas præscriptas, & præter id sacerdotium legis figurari. Nimirum ad dictarum uirgarum abscisionem, legis sacerdotium cadere notum est. Generaliter autem hic de ipsis tribus agit, deinde specialiter de duobus, cum quibus & tertium intelligitur. Quod deniq; addit, de mense uno, absit ut definiamus, quod nō licet nobis. Id tantum certum est, quod per ipsum mensem aliquod tempus capitur. Forsan intelligit pro anno diem, sicut scriptum est: Diem pro anno tradidi tibi. Ez. ch. 4. quod tamen non dico. Id enim tantum dico, quod aliquod tempus figuratur, illud scilicet quo hæc fecit deus, quo

quo præcidit uirgas duas & sacerdotium. Aestimo autē hoc tempus distributiue capiendum, maxime de succisione duorum pastorum seu uirgarum, q̄ lōgo interuallo, una uirga post aliam præcisa sit. Porro tertij pastoris præcisio cum alijs simul facta est. Sacerdotium enim domini, cessauit in Israēl, cum translatus fuit in Assyrios. 4. Reg. 17. Cessauit deinde in duabus, translato simul regno et sacerdotio in Christum.

Igitur distributiue, scilicet cuilibet pastori, maxime duobus regnis p̄prium mensem tribuēdo, hic locus sic enarretur: Ego Christus ut Deus, una cū Patre & spiritu sancto uirtute, succidi, id est, abieci tres pastores, uidelicet regnū decē tribuū, regnū duarum tribuū, & sacerdotiū legis, in mense uno, in tēpore scilicet, qd' ad id præfiniui, primum sub Osea, anno eius. 9. 4. Reg. 17. Secundū sub reuelato Euāgelio: Tertium cū utroq; Et contracta est anima mea i eis. Sensus est: Odi eos, & nō placēt mihi. Hos quoq; succidi, cū abstulit, & iuxta p̄phetiā Ose. 3. fecit, ut essent sine rege ex eis, sine Prīcipe, sine Ephod ac sacrificio. Quod & illis fuerat comminatus. Leui. 26. & Deut. 28.

Quare hæc regna & sacerdotiū abiecisti & abstulisti? Et anima tua grauatim illos tulit & odiuit? Hoc nō feci nisi titulo iustissimo. Siquidem & anima eorum uariaruit in me. Hoc est: ipsi in me uariarunt, non perstiterunt in uerbo & ueritate mea. Nam pastores primi regni mox ut diuisum est regnum Israēl, posuerunt in suo regno uirgularum et Baal, ac aliorum idolorū immunditias. Pastores

FRANC. LAMB. IN ZACHARIAM

uero secundiregni, paucissimis demptis, à uero Dei cultu apostatarunt, & ad idē iraxerunt populū. Tertijs autē pastores, nempe Sacerdotes & Prophetæ non obseruarunt legitima domini, et pphetarūt mēdaciū, ut dicitur Hie. 2. Sacerdotes nō dixerūt, ubi est dominus, tenentes legē meā nescierunt me, & pastores (Principes) præuaricati sunt in me, & Prophetæ prophetabant in Baal, & idola secuti sunt. Audite hoc uerbū uniuerſi pastores, Principes scilicet fidelū, & Episcopi Ecclesiæ dei. Intēdite qd fuerit in caussa, q̄ sceptrā seu uirgē Israēl, cū eorū sacerdotio abiecta & ablata sint. Anima, inq̄ deus, corū uariauit i me. Quid putatis de uobis futurū, qui plus q̄ oēs Israēlitæ uariatis & apostatatis, alieniq; omnino efficiimini à domino? Certissime enī dies ueniēt, quib. dominus præcipiet uos ab scindi, & succidet uos nihil tale sperātes, cōijcietq; i ignē eternū, q̄ paratus ē diabolo et angelis eius, et uobis, nisi cito resipueritis. Quid tū faciētis ô repbica ceciq; pastores, q̄ Antichristi caussa insanitis aduersus dominum, uerbūq; illius, ac sanctam Ecclesiam eius? Reuertimini ad cor, dum tempus est. Auferat Deus cæcitatem uestram.

P A R S Q U I N T A.

Et dixi, non pascam uos. Quod moritur, moriatur, & quod succiditur succidatur, & reliqui deuorent unusquisque carnem proximi sui.

Qui

Qui sunt hi, quos nō uult pascere dominus IESVS Christus? Israēlitæ ab eo uariantes & apostatantes, qui eum nō receperunt, sed usq; ad mortem psecuti sunt. Sensus est: Nolo ultrā esse pastor & rex uester, nec eritis amodo populus meus. Excæcaui uos, ut iā suauitatem spiritus mei in Scriptura latentis, etiam si per omnes dies & noctes ipsam Scripturam legeritis, non sitis gustaturi. Nolo enim uos pascere ipso spiritu meo dulcissimo, q̄ abieceritis me. Neq; pascam ac fovebo uos secundum corpus ut olim.

Nemo autem putet, electis ex Israēl hæc dicta, q̄ perire non possint. Solis quippe reprobis dicta sunt, quorum multitudo ingens erat. Reprobantis nimirum sermo est. Non pascam uos. Quod moritur, moriatur, & qd' succiditur, succidatur, & reliqui deuorent unusquisq; carnem pximi sui. Hoc enī est haud secus atq; dixisset. Abieci stis me, ne sim rex uester, & ego abieci uos. Neq; ut olim pascā uos secundum utrunq; hominē, neq; ptegam uos aut sollicitus ero p uobis. Dimittam uos sæculis multis in mendacijs, quæ elegistis, & in illis uiuetis, miseri & ubiq; cōculcati. Pro minimo quoq; erit mihi, quidq; mali uobis illatum fuerit. Sinam uos ab hostibus uestris, rapi, cedi, uorari, interfici. Fui uestris patribus p muro, ubiq; et sēper, sed uobis nō ita ero, q̄ à fide et sinceritate eorū alieni sitis. Et ego abieci uos, & non eritis mihi ultrā in populum neque ego uobis in Deum. Inuocate eos, quib; adhæstis, et me contempto in eis fiduciam habuistis. Surgant, uobis

FRANC. LAMB. IN ZACHARIAM

opituletur, & in necessitate uos protegant. Sinam uos a Romanis perdi, gladioq; & igne omnes ciuitates uestras deuastari, & qui ex uobis tum reliqui fuerint, cæci manebunt & captiui per totum Romanū orbem ducētur. Hæc sunt mala, de quibus puto hunc locum intelligi, & in quibus erunt, donec misertus illorum Deus, eos illustrabit, et faciet, ut redeant ad dominum Deum suū, & Dauid regē suum, in nouissimo dierum, sicut prædictum est Ose. 3.

Obserua tu quisquis es, qui dominū spernis, quā terribili iudicio damnauerit populum ab eo electū, ut tā illū abiecerit, nolitq; pascere eū. Sis domine IESV pastor noster, & noli deserere nos. Da nobis quidquid malorum uolueris, tantū ut semper simus populus tuus, & tu deus ac seruator noster. Et nunquā tā irascaris nobis, ut dicas: Nō, pascā uos. Quod moritur moriatur &c.

P A R S S E X T A.

Et tuli uirgam meam, quæ uocabatur decus, et abscidieā, ut irritum facerem tædus meum, quod percussi cum omnibus populis, & in irritum deductū est in die illa. Et cognouerunt sic pauperes gregis, qui custodiunt mihi, quia uerbum domini est.

Virga hæc, ut diximus, regnū Israël est, qd' ita intelligendū, etiā ex eo conicitur, qd' dominus eandē uirgā suā dicit. Et tuli, inqt, uirgā meā. Si enī de gētibus intelligi.

intelligi uoluisset, minime subiunxisset: Meam, quod uocari uirga uel sceptrū, aut nō populus Domini, ut patet Osee. 2. Soli quippe Israëlita populus, & regnū eius dicebantur, quod leges & iudicia sua eis reuelasset.

Igitur posteaquam generatim, de utriusq; Regni Israël, ac sacerdotij legis succisione prophetauit, nunc specialiter agit de ablatione sceptri decem tribuum, dicens. Et tuli, id est, accepi, ego Christus, ut Deus, uirgam meam, regnum populi mei latius & maius, quod uocabatur decus, rationibus præscriptis, & abscondi eam, hoc est, abstuli sceptrum eiusdem regni, secundum carnem nuncquam instaurandum, sicut Dominus in typo filiae uocatae sine misericordia, Osee. 1. præmonstrauit.

Quare abscidisti hanc uirgam? Vt irritum facerem pactum meum, quod percussi cum omnibus gentium populis. Quod est hoc pactum? Non æstimo aliud esse, quā sicut Osee. 2. ait, se feriturum cum bestia agri, uolucres celi, ac reptili terræ, hoc est se facturum, ut quæ per hæc capiuntur, nihil eis nocere possint. Siquidem cum Deus adsumpsit Israëlem, promisit se illi adfuturū, facturumq; ut nulli populi eis nocere possint, si modo non fornicaretur ab eo, & permaneret in uerbo eius. Cæterum cum populis gentium, pro bono filiorum Israël fecit, ut nihil eis officere possent, sed magis prodescent, quod fuit uelut quoddam foedus. Septua. habent: Vt dissipem testamentum meum, quod habui ad omnes populos. Hoc testamentum seu foedus habuit ad omnes gentium populos pro-

X 5 filijs

FRANC. LAMB. IN ZACHARIAM

filijs Iſraël, cum diſpoſuit, ut filij Iſraël omnibus gentibus maiores eſſent, in hoc quod Domini populus erant, & quod ab eis uinci haudquaquam poſſent. Vide promiſſa Leuit. 26. & Deutero. 28. Hoc autem ſcœdus, quod attinet ad regnum decem tribuum, tum apertiſſime diſſipatum eſt, cum Aſſyrijs data eſt potentia à Domino, qua poſſent regnum eorum euertere, & illos transferre in Aſſyrios, ut patet. 4. Reg. 17.

Obſerua, quòd Dominus ferit pactũ pro electis ſuis, cum omni re, ut ipsis electis nocere haudquaquã poſſint. Hoc pactum, decretum illius eſt. Fieri autem nequit, ut eis noceant, niſi ipſo decreto antea diſſipato. Propter ipſum pactum dicitur Roma. 8. Scimus, quoniam his qui diligunt Deum, omnia cooperantur in bonum, his qui ſecundum propoſitum uocati ſunt. Porrò ſcœdus hoc tum fit irritum, cum æquiſſimo Dei iudicio, fit ut delinquentibus, ea noceant, & ſint in detrimentum, quæ prius illis erant in utilitatem. Serua nos Deus, in fidei ſynceritate, & amore æternæ ueritatis tuæ, ut nunquam fiat irritum teſtamentum, quod cum gentibus & creatis omnibus, pro nobis pepigiſti.

In die autem illa, nempe, anno Regni Oſeæ nono, in irritum deductum eſt ſcœdus, quod pro Iſraëlitis Deus cũ gentibus pepigerat. Et ſic mox ut id factum fuit, pauperes gregis dominici, nempe pij ex Regno Iuda, cuius populus, decem tribubus in Aſſyrios translatis et abiectis, pro Dei grege ſeu populo habebatur. Hi inquam pauperes qui

res qui custodiunt mihi, non dubium quin fidem, ut Rex Ezechias, & alij pii qui diebus suis erant, quorum temporibus Samaria capta est. 4. Reg. 18. cognouerunt, quia hoc uerbum Domini est, de quo Leui. 26. et Deutero. 28. & aliàs sæpe fuerat prophetatū, quod scilicet mox ut deficerent a Domino, gentibus inferiores existerent, & ab eis uincerentur, destruerentur, & captiuarentur.

Itidem ceteri ex Iuda, animo impij per hypocrisim, qui custodierūt uel in faciē Domino fidem, et præcepta eius seruare uidebantur, quiq; scientiæ clauem ferebant, cognouerunt de ipsa decem tribuū euerfione, quia uerbū Domini est, sicut prædiximus. Si quis enim Phariseis & scribis, qui Christū omni studio persequerentur dixisset, an iuste reprobatae fuissent decē tribus, & eorū sceptrū dissipatū, indubie respōdissent ex lege & Prophetis, deū id prædixisse, aduersum contemptores uerbi sui.

Ergo, nedum uere pij, sed & hypocritæ Regni Iuda, pauperum gregis, & custodientium legem dei uocabulis capiuntur. Sed primis id uere cōgruit, alijs uero minime, nisi per subsannationem. Quia enim ita de seipsis sentiebant, & dicebant se esse hos pauperes gregis, & obseruatores legis dei, sic a sancto spiritu deridendo adpellantur. Simile est Luca. 5. ubi Christus subsannando arrogās & superbum, quod habebant de seipsis iudiciū, uocat eos sanos & iustos, dicens: Non egent, qui sani sunt medico, sed qui male habent. Non enim ueni uocare iustos, sed peccatores ad poenitentiam.

P A R S S E P T I M A.

Et dixi ad eos. Si bonum est in oculis uestris afferte mercedem meam, & si non, quiescite. Et appenderunt mercedem meam triginta argenteos. Et dixit Dominus ad me. Projice illud ad statuarium. Decorum precium, quod appreciatus sum ab eis. Et tuli triginta argenteos, & proieci illos in domum domini ad statuarium.

ET dixi, inquit, ad eos. Ad quos? Ad pauperes gregis, non ad pios, Iohannem, Iacobum, Petrum, Andream, Nicodemum, Iosephum ab Arimathia & alios uere fideles, sed ad pseudopauperes gregis seu populi dei, Annam, Caypham, Scribas, & Phariseos. Quando? Dum in carne uisibili inter eos conuersabar, prædicans, & testimonium reddens ueritati, quam eiusmodi hypocritæ haudquaquam sustinent. Propter quod uolui factò experiri, quanti me ducerent.

Quid dixisti ad eos? Si bonum est in oculis uestris &c. Quidam sic dicunt. Si bonum est in oculis uestris, id est, si uobis placet, si uultis. Et hic multa de nostri arbitrij libertate, quæ uere nulla est philosophantur. Ego magis puto, sic capiendum. Si in oculis uestris, in corde ac iudicio uestro, bonum est atq; amabile, uerbum Domini, uobis creditum,

creditum, secundum quod agnoscitis, uirgam quæ uocabatur decus, iudicio æquissimo præcisam, adferre mihi mercedem meam, sciam uidelicet quanti me ducatis, quā uobis carus sim, qui elegi uos in gregem & populum meum, & credidi uobis ac manifestauit eloquia atq; iudicia mea. Quod si ipsum uerbum, non uidetur bonum, quiesce, dimittite, abnuite. Palam facite hoc facto, quod de me iudicium in uobis sit, aut si omnino alieni estis à me. Enim uero à sui nominis professoribus Deus exigit, ut facto ostendant, quanti eum, uerbumq; eius sanctissimum ducant.

Alio quoq; sensu, & forsan textui ac mysterio multo germaniore, is sermo adcipitur, nempe, ut sit sermo ad ipsos Iudeos, qui argenteos triginta, pro Domino Iudæ tradiderunt, secundum adfectum execrabilem, qui tum ad uersus Christum in eis erat. Ego nihil dubito, quod dum Iudas infelix proditor, uenit ad eorum consilium, dicens: Quid uultis mihi dare, & ego eum uobis tradam? tū Dominus in corde eorum loquebatur hunc sermonem. Si qd' Iudas falsus discipulus meus, petit à uobis, nempe, ut illi pro mea traditione mercedem tribuatis, bonum & iustum uidetur in oculis uestris, ipsam mercedem meam, pro me scilicet eidem appendite. Sin uero non bonum sed malum esse iudicatis, quiescite, nolite me precio carnis emere, qui sum Dominus Deus, & seruator uester, pro electis gentis uestre, primū in carnem missus. Volo nunc experiri, quid sitis facturi, an scilicet futuri sitis tam seui

FRANC. LAMB. IN ZACHARIAM

Et crudeles homicidæ, uos quibus concedidi leges meas, ut me à meo proditore uobis oblatum, ad effundendum contra legem, innoxium sanguinem meum, in uestram sempernam perniciem ematis. Volo pariter experiri, uel tandem hoc, quanti me facietis, in ipsa emptione. Hæc et alia eiusmodi multa, Dominus eorum cordibus dicebat.

At illi, à propria excæcati malicia, nihili duxerunt hunc sermonem Domini, et contra conscientiam, dicebant bonum esse, ut Christum ad mortem à proditore emerent. Siquidem iuxta humanam prudentiam, quæ pietati semper est aduersaria, dicebant in consilijs suis. En quod turbat nos omnes, et populum totum. E medio ergo tollendus est, et occidendus, ut seditionum perniciosissimus concitator. Denique per eum fit, ut male audiamus apud multos, quod nos palam hypocritas uocet, et multis modis nobis detrahat.

Vis scire quàm insanirent in Dominum, et quid tum loquerentur, attende, quæ in suis consilijs dicant pietatis hostes, et idem omnino cogita de iudeis, Christum ad mortem petentibus. Nimirum paris sunt, et sententiæ et iudicij. Quamæoquidem nostri sæculi Antichristi, etiam Christum in membris suis, atque uerbo suo, ad mortem, et omnia mala petunt.

In eorum igitur oculis, in carnis uidelicet mendaci et execrabili sapientia atque iudicio, bonum uisum est appendere mercedem proditori, pro Domino nostro IESV Christo. Vnde et ait. Et appenderunt mercedem meam triginta argens.

argenteos. Habes de hac Domini nostri execrabili traditione & uenditione. Matth. 26. Mar. 14. Luc. 22.

Et dicit Dominus Deus, ad me Christum filium suum: Projice illos ad fictorem, seu figulum. In Hebræo enim est lotzer, quod interpretatur fictor aut figulus. Sensus est. Fac ut illi triginta argentei, à reprobo ueditore & proditore Iuda, non impèdantur, sed magis ab eo projiciantur, in domum siue templum meum, ad figulum, id est, ad emendum agrum figuli. Siquidem ipsis argenteis à Iuda proditore in templo, coram Principibus sacerdotum & senioribus proiectis, illi dixerunt. Non licet eos mittere in corbonam, quia precium sanguinis est. Consilio autem inito, emerunt ex illis agrum figuli, in sepulturam peregrinorum. Matth. 27. Vbi & Matthæus dicit tum ad impletum esse, quod per Hieremiam erat prædictum. Et acceperunt (Iudæi à Iuda) triginta argenteos, precium adpreciati (Christi) quem (Christum) adpreciauerunt (precio aestimauerunt & emerunt) à filiis Israël (Iuda Israëlita, & forsitan nonnullis, in ipsa Christi uenditione, illi tum concordibus) & dederunt eos in agrum figuli (emendo ex illis eundem) sicut constituit mihi Dominus. Verbum est Christi, qui præscripta quasi de tertio quopiam dixit. Quod autem eius sit hoc uerbū, liquet ex eo, quod suprà illi à patre dicitur: projice illos ad figulum. Et ipse respondet infrà. Et proieci illos in domum Domini, ad figulum.

Multi de hac Matthæi allegatione, superflue contendunt,

FRANC. LAMB. IN ZACHARIAM

dunt, dicentes quod pro Zacharia Hieremiam posuerit, aut quod uicio scriptorum id acciderit. Ego uidens quod longe aliter habeat Zacharias, quam allegarit Matthæus, uidens quoque quod in libris omnibus latinis & grecis, Hieremias non Zacharias sit allegatus à Matthæo, dico temerarium esse negare, quod Hieremias id prophetarit. Simpliciter enim credendum est, Hieremiam id prædixisse, etiam si ea prophetia, non sit in uulgato Hieremie libro. Refert quodam in loco Hieronymus, Iudæum unum sibi obuisse libellum, cui titulus, Apocrypha Hieremie, in quo textus præscriptus, de uerbo ad uerbum posuitur erat, sicut à Matthæo allegatus est. Ego puto idcirco Iudæos, ipsum libellum Hieremie apocryphis maliciose, & ne eorum insania deprehenderetur adnumerasse, quod tam aperte, in eodem haberetur ipsa uenditio Christi, & agri figuli emptio. Præterea certum est, multa Prophetarum uaticinia, ad nos haudquaquam peruenisse, sed fuisse deperdita, ut ex nonnullis scripturæ locis licet conijcere, ut liber ex quo Paulus priore ad Corinthios epistola allegat. Quod oculus non uidit, nec auris audiuit &c. Et liber ex quo etiam posteriore ad Timotheum Epistola, adsumpsit illud, quod Iannes & Iambres restiterunt Moysi. Neque sunt audiendi, qui putant totum præfatum Hieremie textum à Matthæo allegatum, posse iuxta sensum ex Zacharia colligi. Nam tametsi non discordant, fieri tamen nequit, ut eum sensum ex Zacharia solo habeas. Ego simpliciter sentio & dico, Matthæum bene allegasse

Hieremie

Hieremiam, & magnæ temeritatis esse id negare.

Christo igitur Pater ait: Projice argenteos illos ad fiteorem uel figulum. Decorum precium (per ironiam loquitur) quo adpreciatus & æstimatus sum ab eis. Quod d. Vide eorum cecitatem, uesaniam, & hypocrisim, quàm parui duxerunt me, & quàm nihil me carum habuerunt. Quandoquidem crimine inaudito, emerunt & uendiderunt me deum suum, & id quidem precio uilissimo, nempe tantum argenteis triginta. O precium decorum. Fuit aberratum in Domini cōtemptu, tam à misero proditore Iuda, quàm à excæcatissimis illis emptoribus. O quàm multi nostro seculo, Deum & omnia quæ ad Deum spectant, uerbum scilicet & sacramenta uendunt. Nonne hæ sunt perpetuæ mercationes & nundinationes Antichristorum? Nimirum à sæculis multis uerbū sanctū, Eucharistiam, Baptismum, ipsas Christi oues, Dei gratiam & peccatorum remissionem, atq; omnia prorsus, quæ gratis dare oportuit, & quæ etiam dare nequeunt, uenalia fecerunt, & uiliori quidem precio, quàm à Iudæis Christus adpreciatus fuerit.

Sed quid est, quod ironice loquens, damnat precium, quo ab eis æstimatus fuit? Nunquid uoluit pluris, aliquot scilicet milibus talentorum auri emi, aut uendi? Absit. Etenim si etiam omnes mundi thesauros pro dei unigenito tradidissent, non potuisset aliud dicere, quàm se ab eis adpreciatum precio indecoro

Quod ergo fuisset precium decorum? Obserua nunc

X

ad id

FRANC. LAMB. IN ZACHARIAM

ad id differentiam, precij decori & indecori. Si quis putat se posse consequi aliquid diuinum, per aliquid humanum aut uisibile, precium indecorum est. Et uere precium indecorum Domino offerunt, qui se proprijs iustitijs, operibus, uigilijs, ieiunijs, precibus, eleemosynis, atq; alijs id genus putant se Domini gratiam consequi posse. Vbi nunc sunt Pharisei multi, qui damnant Iudam uenditorem Christi, & Iudeos emptores, quod id fecerint argenteis triginta? Quid obsecro eis minus faciunt, cum Dei gratiam & spiritum, suis stercorearijs operibus, iustitijsq; haud secus atq; pannus menstruatae corruptissimis, se consequi posse autumant? Crede mihi lector, nihil quod uidere carneis oculis, aut facere, uel proprio sensu iudicare possit homo, est precium decorum, deoq; dignum.

Audi nunc precium decorum ab Esa. cap. 55. Omnes sitientes, uenite ad aquas, & qui non habetis argentum, properate, emite, & comedite. Venite, et emite absq; ulla commutatione uinum & lac. Aquae, lac, & uinum, designant gratiam & ueritatem Dei, cuius testimonium sunt eloquia eius. Nonnulli ut haec consequantur, adpendunt, indecorum precium, nempe argentum, quod operum splendorem designet. Et hi nunquam aquas praescriptas consequuntur. Proinde illos carpit eo loco spiritus sanctus. Quare, inquit, appenditis argentum? Hi habent argentum hoc, qui tribuunt aliquid operum iustitijs, saturi & diuites, quos ille qui esurientis replet bonis, inanes dimittit. Luc. 11. Hos non uocat Dominus ad praefatas aquas, sed

*Sed eos qui non habent argentum, pauperes spiritu, uere humiles, nihil fidentes alijs quàm Deo, famentes ac siti-
entes ipsos panes & aquas Dei. Hos uocat, his aquas
suas effundit.*

*Ergo nullum argentum, nullares sub cælo creata, et
uisibilis, nullæq; operum iustitiæ, sunt precium decorum,
pro rebus diuinis. Quid igitur? Si uere esuris & pauper
es, & uenis ad eum esuriens & famens, uerum plene fi-
dens in bonitatem eius, ad quem uenis, ipsa fides, cum esu-
rie & fame, est precium decorum: Præter hoc nullum
omnino reperies. Esurit & sitit, qui se uere peccatorem
agnoscens, cupit solis C H R I S T I epulis cibari
atq; potari. Hæc subiunximus, ut ostenderemus, quòd nul-
lum argentum, imò nihil omnino terrenum, C H R I-
S T I, aut eorum quæ per eum consequimur, precium
decorum esse possit.*

*Addit autem C H R I S T V S. Et tuli, per mi-
nisterium ipsius proditoris, ipsos triginta argenteos, &
proieci illos in domũ Domini, ad figulum. Patet hic locus
ex his quæ prædiximus. Nunc obserua, iudicium Domi-
ni aduersum Iudeos, pro eo quòd C H R I S T V M
in proditore emerunt, ut aliud quiddam, & emptum post
modum occiderunt.*

P A R S O C T A V A.

Et præcidi uirgam meam secundam quæ appellabatur funiculus, ut dissoluerem germanitatem inter Iudam & Israel.

A Pertus est hic textus, ex his quæ prædiximus, nempe, quod per uirgam hanc Iuda Regnum capiatur. Cuius præcisio significat, deletionem sceptri Regni Iuda secundum carnem, facta sub C H R I S T O, in quem pondus sceptrorum, & sacerdotij Israël, sunt translata.

Porrò ad id præscidit ipsam uirgã, ut dissolueret germanitatem, uel ut Septua. uerterunt testamentum, quod inter Iudam & Israël erat. Quæ est hæc germanitas? Aestimo quod nõ sit alia, quã similitudo apostasiæ, quod scilicet ita, imò plus apostatabãt à Domino duæ tribus, in Christi abnegatione & crucifixione, quàm olim decem, in uitulorum adoratione. Germanitas hæc, in incredulitatis spiritu fuit sita. Germanitas erat inter Iudam & Israël, quia filij Iuda à Domino apostatando, Israëlitas per Salmanasar Assyrium deuastatos imitabãtur. Fuit autem hæc germanitas, quod spectat ad Iudam, dissoluta, quando regnum eorum fuit omnino dissipatum, & populus dispersus.

Dicit ergo. Ego præcidi uirgam &c. Sensus est. Ideo præcidi & abstuli à Iudeis sceptrum, & destruxi eorum urbes, illos autem captiuos feci per orbem duci, ut non ultra permaneant in gloria, in qua fuerunt, sed
omnino

omnino dissoluatur, nunquam secundum carnem instaurandum regni eorum fastigium, qui ut ueri similes, uerique germani Israël, hoc est, decem tribubus, semper à me apostatarunt, & nouissime etiam me uendiderunt, emerunt, & occiderunt. Nolo ut ultra regnent, hi apostatarum fratres, etiam & ipsi apostatæ peruersissimi, sed uolo eos dispersos & captiuos esse per orbem. Quandoquidem fœdus & testamentum in ijs uidentur cum Israël, ut me deserant, ipsos sicut prius Israëlitas dissipare, humiliare, & dispergere uolo, ut tandem noscant me, uel in nouissimo dierum.

Nonnulli aiunt per Iudam: credentes ex Iudæis, per Israël uero eos qui non susceperunt Christum intelligi. Ego nihil minus puto sentiendū hoc loco. Nec puto hic germanitatē alioqui adcipi posse, quā sicut prædiximus. Non enim dissoluta est germanitas, quam secundū carnē habent, per regni eorū destructionē, sed eorū de qua prius diximus germanitas, quam habuerunt cum Israël, tum recte solui dicitur, cum ipsi germani et similes Israël, à suis terris deturbati, & per orbem dispersi fuere.

Obserua diuinæ promissionis inuariabilitatem, simul etiam Dei benignitatem, in corripiendo Israël. Poterat mox omne semen Israël exterminare, ut fecit de Sodoma & Gomorra. Verū, ut seruaret pmissiones suas factas Abrahamo & filiis eius, noluit prorsus Israëlē extinguere, sed puniuit eū, & dispersit, donec in dierū nouissimo reuertatur ad dominū, sicut prædixit Moses Deutero. 4.

P A R S N O N A.

Et dixit dominus ad me . Adhuc sumet tibi uasa pastoris stulti . Quia ecce ego suscitabo pastorem in terra qui derelicta non uisitat, dispersum non quæret, & contritum non sanabit, & id quod stat non enutriet, & carnes pinguium comedet, & ungulas eorū dissoluert . O pastor & idolum, derelinquens gregem . Gladius super brachium eius, & super oculum dextrum eius . Brachium eius ariditate siccabitur, & oculus dexter eius tenebrescens obscurabitur.

Quidam hunc locum referunt, ad nouissima huius sæculi tempora, dicentes Antichristum nescio quem tum uenturum, de quo hic locus capiatur. Ego quidem non dubito hunc locum de Antichristo intelligi, sed notum est Antichristum, non unam esse personam, sed plures. Imò uniuersæ gentes, in quibus annuntiatus fuit Christus, etiam à diebus Apostolorum suos Antichristos habuerunt, ut liquet prima Ioannis Epistola. Quia autem primi Antichristi è iudeis, & inter eos fuerunt, idcirco primum de Antichristis iudeorum agemus. Certum est enim, quòd hic locus primū iudeos cōtingit. iudeis igitur Dominum IESVM Christum nūnime suscipient

suscipientibus, quin potius persequentibus & crucifigentibus eum, proindeq; à Domino euerso eorum regno, et ipsis per orbem dispersis, præficiuntur stulti illi pastores, qui hic describuntur, & id quidem iustissime. Qui enim pastorem optimum, Dominum IESVM Christum, omnes quos pascit & regit, seruantem ab omni malo, suscipere abnuerunt, æquissimo Dei iudicio pastoribus, nō pascentibus sed perdentibus commissi fuere.

Ad id autem cōuenientius prænunciandum, iussit Dominus Zachariæ, ut sumeret sibi uasa, seu instrumenta pastoralia, pastoris stulti seu imperiti, ut uestimentum, baculum, & alia quæ minus eruditi pastores habent, hoc est, non sic bene disposita aut talia, quibus grex possit bene gubernari. Quod mox ille fecit, simul factō, & uerbo prophetans. Quo argumentum nobis est, nedum uerbo sed factis prophetandum. Nimirum efficacissima res est, prophetia facti, cum scilicet facimus quod prædicamus. Nūc ex ipso factō, audiamus quid uoluerit figurari Deus.

Quia ecce ego suscitabo pastorem in terra. Pastor pro pastoribus ponitur, singulare pro plurali, quod in scripturis frequens admodum est. Hi Iudæorū pastores, sunt quotquot eos auerterunt à Christo, & in eorū mendacijs eos fouerunt, proprio cōmodo aut honore allekti. Hi sunt crudelis illa bestia agri, quæ Osee secundo Synagogam deuoratura prædicitur. Has bestias, hos pseudopastores, iudicio æquissimo Dominus super Iudæis suscitauit, qui

FRANC. LAMB. IN ZACHARIAM

pro Synagoga rectoribus habiti sunt à CHRISTO passo, usq; ad Hierosolymæ euerfionem, è quibus superfuere reliquæ, hi uidelicet, qui ipsos Iudæos in eorum dispersione suis mendacijs à Deo auertunt, & docent aliena de Domino IESU CHRISTO, negantes eum esse Christum seu Messiam, adserentes quòd nondum uenerit, quòd sui iuxta carnem regnaturus, & secundum carnem extructurus nouam & auream quandam Hierosolymam, & templum ea dimensione quam in literæ faciem, prædixit Ezechiel in ultima sui libri uisione. Et docent etiam quòd Christus ipse illis promissus, homo purus sit, non Deus, & quòd in scripturis non uocetur alioqui Deus, quàm sicut alij sancti. Id genus imposturis uorarunt, uorantq; adhuc hodie Israëlem, crudeles ille bestiae agri, & pastores stulti seu imperiti.

Quod hic Deus, hos se suscitaturum prædixit, argumentum est certissimum, quòd eius æquissimo iudicio, etiam impij rectores ac seductores multiplicantur. Tum aut id genus pastores reprobos suscitatur, cum præficit impios, & quibus ueritatis cognitionem non tradidit, quos tum bene pascere, & non rapere, mactare, & perdere, impossibile est. Qui quoniam sine spiritu & ueritate sunt, non uisunt derelictos, atq; desolatos, hoc est, illos minime consolantur. Non enim habent spiritum ueritatis, quo solo potest hominis spiritus uere consolari.

Dispersos, et incredulitate à Domini grege seu Ecclesia diuisos,

diuisos non quærunt, ut in ipsam Ecclesiam denuo cõgre-
gentur. Imò nec quærere quidem, aut uelle eos quærere
præualent, q̃ non sit in eis spiritus aut uerbum, quo solo
perinde atq; pisces reti, errantes quæruntur, & in Eccle-
siam ipsam reducuntur.

Contritos, seductos, incredulitate ac fructibus eius
mortiferis infirmantes non sanant. Verbo enim domini
sanitas in illud credentibus tribuitur, quo cæci illi pasto-
res carent, aut non nisi alioqui, quàm uelit ipsa uerbi natu-
ra, illud docent.

Stantes, fideles scilicet, non enutriunt, immo neq; id
possunt quidem, q̃ sint absq; pascuis uberrimis eloquio-
rum Dei. Porro per Stantes idcirco fideles capiuntur, q̃
sola fide coram Domino stemus & recti simus, increduli-
tate uero cadamus.

Carnes pinguium comedunt. Pingues, boni & electi
sunt. Vnde & Septua. habent: Et carnes electorum de-
uoret. Electum in Scripturis pro re meliori sæpissime
capitur. Sensus est, q̃ omnes pios affligent, torquebunt,
desolabuntur, & omnem eorum substantiam uorabunt.

Et ungulas eorum, scilicet pinguium seu electorum,
si qui in eis sunt, immo sunt (absit enim, ut dicamus nullū
omnino ex Israël ultrà electum esse) dissoluunt. Septua.
habent: Et talos eorum peruertat. Sensus est: Eos qui re-
cto ambulant spiritu, annitentur suis imposturis à uia ueri-
tatis facere alienos, & seducant aliquando. Etenim etiam

FRANC. LAMB. IN ZACHARIAM

ipsos electos seducunt, quamuis illos in errorem mittere haudquaquam possint.

O pastor & idolum. Non solū pastor, sed & ido ū Quid idolū, nisi simulachrū? Pastor ergo & idem simulachrū. Ac si diceretur. Pastor qui est statua, idolum, imago, sine sensu, uita, fide, spiritu. Eiusmodi fuerunt, quotquot à Christo passo, Israëlitarum pastores atq; doctores fuisse.

Ceterum hi pastores statuæ derelinquunt gregem, hoc est, super eorū salute haudquaquam sunt solliciti, etiam si maxime solliciti esse uidentur. Nimirū omnis eorum sollicitudo iuxta carnem & sanguinem est. Nōne gregē ouīū, is relinquit, qui tamen si cum eis est, non tamen eos ducit ad pascua? Sic profecto pastores Iudeorum, qui hactenus eis imposuerunt & imponunt, gregem, hoc est, populum Israël relinquerē dicuntur, q̄ eū nō ad uitæ, sed mortis pascua, sua uidelicet inuenta deducant.

Super eorum brachium, & oculus dextrum gladius est. Brachium robur est, oculus uero dexter, melius saniusq; iudicium. Quemadmodum enim quod est deterius parte sinistra, ita quod est præstantius, dextra capitur. Ceterum quid gladius, nisi crudelitas & tyrannis? Dicit ergo: Gladius sœuitiæ uel tyrannis est super eorum brachium, hoc est, super omne eorum robur & opus, & super eorum dextrum oculus, id est, iudicium, quod melius habere putantur. Sensus est. Omnia eorum opera sunt plena rapacitate & tyrannide, & omne illorum iudicium, quod sanius aut mitius esse uidetur, eiusmodi est, ut non ni

Si pectus immisericors ac tyrannicum indicet.

Sed nunquid perpetuo erit hoc brachium, & oculus dexter? Minime. Finem quippe habebunt hi pastores statuæ. Et brachium corū, de quo prædiximus, ariditate siccabitur. Hoc est: Auferetur ab eis omnis potentia, omneq; robur, tyrannidem exercendi in populum Iſraël, quem auerterunt à Domino, & in mendacijs fouerunt & fouēt. Quorū tyrannis eo crudelior & grauior est, quò maxime animas cōtingit. Sic enim pariter definiunt etiā hodie Iudeorū Rabini, cū minoribus, ut nullus audeat cū fidelibus de uerbo Domini conferre, inaudita sæuitia, nolentes ut uel hoc medio à suis mendacijs eos deficere contingat. Siccatbitur ergo hoc brachium, & omnino deficiet. Quando? Dum Iſraël conuertetur ad dominū Deum suum, & Dauid, id est, Christum regem suum in nouissimo dierū. Oſe. 3. Quod siccatur, nō mox siccatur, sed sensim. sic cōtingit pastoribus Iſraëlis. Lege Iosephū de bello Iudaico, & Egesippū de excidio Hierosolymæ, & uidebis, q̄ in ceperit languere & exiccari Iudeorum principatus & sacerdotia, donec euersa fuit Iudæa, & populus dispersus. Sensim magis defecit, & indies deficit suorum pastorum idolorum robur, & cōfidimus in proximo futurū, ut intret Iſraël in Ecclesiam Christi, & tum nullus uiror remanebit in ipsis stultis pastoribus, sed consummata erit defecatio brachij eorum.

Oculus quoq; corū dexter, corū uidelicet iudiciū, sensus, sapientia, traditiōes, decreta, tenebreſcens obscurabitur.

Sensus

Sensus est: Claudetur hic oculus, & nihil efficacie ultra habebit, qua possit quempiam seducere. Imò non uidebunt ac iudicabunt ultra eo oculo. Huius oculi obscuratio non fit alloqui, quàm diuina illustratione, cum scilicet Dei oculus & iudicium nobis tribuitur. Tum id erit in Israël, cum sicut prædiximus ad dominum conuertentur, & iā non secundum carnem iudicabunt, sed secundum eloquia domini, atq; ex spiritu IESV Christi.

Haftenus de Iudeorum ac totius Israëlitis stultis pastoribus, ipsissimis Antichristis, id est, Christi aduersarijs, textum præscriptum, sicut oportuit, exposuimus, consequens est, ut eundem de aliarum gentium Antichristis enarremus. Europa quippe suos habet Antichristos, Papam uidelicet & Cardinales, ac uniuersos Principes tyrānos, doctores, phariseos, & uniuersos simplicitati eloquiorum Dei contradicentes. Habent quoq; Aphrica & Asia suos, qui idcirco Antichristi dicuntur, q̃ Christo contrarij sint. Quid enim Machometus & sui, nisi Antichristi? Et certe id sunt, qui Ruthenos, Indos, & alias quasdam nationes, aliena à Christo docuerunt & docent. Verum quia de incognitis loqui haudquaquam ualemus, dimisimus specialiter scribere de Antichristis aliarum gentium, satis esse putantes, si de his qui in orbe Romano sunt, ageremus. Et ut certius noscas, quos Antichristorum nomine capiamus, tibi ante omnes Papam, summum Europæ Antichristum proponimus, & quotquot illius figmentorū uideris assertores, Antichristos etiam esse, nihil dubites.

Primum autem omnium id obseruandum, q̄ sicut de Israëlitis uidimus, tum Antichristi regnum expauescendo altissimo iudicio cœpit in Europa se intendere, cum cæci nolimus dominum IESVM Christum regnare super nos, & non minus omnibus Iudæis, iugum eius à nobis pepulimus & abiicimus.

Et quemadmodum Israëlitis Dominum propellētibus reprobi pastores fuere præpositi, ita & nobis contigit. A tempore quippe Apostolorum inceperunt Antichristi esse, ut prima Ioannis epistola notum est, qui aduersus pueros Dei Euangelistas suis figmentis pugnabant, nitentes sapientiæ & doctrinis hominum. Et ut multi carnales sunt, cœperunt multi subscribere abominationibus eorū. Placent quippe carnalia carnalibus, & huius mundi sapientia huius sæculi filijs non placere non potest. Eo medio auctus est supra modum impiorum numerus, dum plures subscripsere, mendacia quàm uera docentibus. Ceterum adaucti pseudofideles, ueros fideles calcare cœperunt: & præualente in mundo cæcitate, abiecti fuere qui uerbo & spiritu IESV Christi erudiebant populum, et impij seductores in locum eorum, Deo æquissime iudicante, surrogati. De his plenius egimus libro de causis Excommunicationis &c.

Aucto ergo mendacio, & ueritate à nobis abiecta, præcisi fuere à Domino pastores & uirgæ, id est, regna Europæ, hoc est, spiritus iudicium & synceram Dei eloquiorum intelligentiam ab eis abstulit, & abiicit pastores,
Reges,

FRANC. LAMB. IN ZACHARIAM

Reges, Principes & Prophetas eorum, mittens in eos spiritum erroris. Tum dixit: Non pascam uos spiritu & uerbo meo. Quod moritur, moriatur &c. Expone, ut prius. Heu, heu, quàm multi haecenus succisi fuere & periere, quòd Dei sermonum ueritati haudquaquam passi fuerint.

Tum suscitauit Dominus in terris suis Pastorem stultum & imperitum, Papam ut summum, deinde Cardinales, Episcopos & omnes tyrannos huius regni perditissimi, qui his solis, quæ Dei uerbo sunt oppositissima, reguntur. Nihil enim plus odiunt, quàm uerbum Domini: & nihil est quod magis & auidius sectentur & amplexentur quàm inuenta & mendacia sua aduersum De: uerbum, ex diametro pugnantia. Hi primum pastores stulti seu imperiti nomine recte uocantur, q̃ non sit in eis uera sapientiæ spiritus, neq; ea peritia, qua sola Dei greges possunt bene regi. Habent solas facies, coronas, mitras, galeas, chirotecas, anulos, uestes, rasa capita, unctas manus, & id genus alia. Laruas in eis uidemus, & nihil præterea. O uere pastores stultos & imperitos, qui nec sapientiam quidem humanam habent, stupidiores asellus: cæci oves talpis, lupisq; rapaciores, ac leonibus superbiores et crudeliores. Volunt nihilominus haberi pro sapientibus, & q̃ in pectoris scrinio omnes leges habere putentur, eo q̃, ut dicunt, sapientum consilia secum habeant. Sed miser & impij non nisi cæcos & impios à consilijs habēt. Quòd si Dei misericordia pius quispiā illis consuluerit, abijcitur

abijcitur & calcatur sanū consiliū à multitudīe impiorū

Hi nunquam oues derelictas, pauperes scilicet, orphanos, uiduas & pupillos, desolatos, afflictos, & calumniā patientes uisitant, iuuant, consolantur. Dispersos & aberrantes à uerbo ueritatis non querunt, sed magis in horas dispergunt, quòd non sit in eis sermo Dei, quo solo dispersi queruntur, sed mendacij & uanitatis sermo, quo oues nunquam non disperguntur, nisi eas Deus sui spiritus robore contrahac mendacia obfirmarit. Contritos non sanant, sed magis conterunt, q̄ sint alieni à uerbo omnia sanante, & pleni sint gladijs mortiferis inuentionum hominum. Quo fit, ut stantes, id est, credentes, qui solo Dei uerbo pascuntur, enutrire non possint, sed magis quantū ad eos attinet, perpetua illos uerbi Dei fame perimunt, eos uorant, omnemq; eorum substantiam rapiunt, & praepe diunt, ne in uijs domini ambulent.

Hi sunt pastores idola, siue statuæ, derelinquentes regem domini, tantūq; ad id nitentes, ut uideantur esse, qd' non sunt, nempe pastores. Quid enim præscripti pastores cū eorum scribis, pharisæis & sacrificulis, nisi statuæ idola, simulachra, quæ nihil omnino auxilij afferunt sanetis Dei, imò quā maxime nocent.

Quod subiungitur: Gladius super brachiū & c. expone ut suprā: & adplica ad hos Antichristos, in quibus (si eorū uitam expenderis) reperiēs plus gladij, crudelitatis, & tyrannidis esse, tam in eorum brachio, quā oculis dextris, hoc est, tām eorum uiribus & factis, q̄ in eorum iudicijs, decretis,

FRANC. LAMB. IN ZACHARIAM

decretis & traditionib. q̃ in aliqua natione, quæ sub cœlo fuerit ab initio. Sed hoc eorū brachiū ariditate siccabitur & destruetur: oculus autem dexter excæcabitur & deficiet. Sensus est, q̃ tam eorum tyrannis, quàm omnia illorū tyrannica decreta & inuenta finem habebunt & auferentur. Per quid? Non dubium quin per uerbum Dei, per qd̃ reuelatur & destruitur, ut uidemus, filius ille perditus Pa-
pa cum toto regno suo. Fac cito domine IESV, amen.

C A P V T D V O D E C I M V M.

Summarium capitis. Primum, de persecutione Antichristi, & q̃ Hierusalem sit illi futura crapulæ superliminare. Secūdo, q̃ Hierusalem sit futura Antichristis lapis oneris, deq̃ eorum percussione, & Christi fidelium seruatione. Tertio, de sanctitate ducum Ecclesiæ & restauratione eius, & fidelis populi bono. Quarto, de protectione Ecclesiæ, & q̃ se agnoscentes iniustos, in eam recipiuntur. Quinto de contritione hostium Ecclesiæ, deq̃ effusione spiritus super Iudeis, & conuersione eorum ad
C H R I S T V M. Sexto, de planctu Israël uere ad dominum conuersi.

P A R S P R I M A.

O Nus uetbi domini super Israel. Dixit dominus extēdens cœlum, & fundans terram, & fingens spiritum hominis in eo. Ecce ego po-

nam Hierusalem superliminare crapulae omnibus populis in circuitu, sed & Iuda erit in obsidione contra Hierusalem.

Miror quare ratione nonnulli huius capituli mysteria, potissime, quod ad eius principium de obsidione et uastatione Hierosolymae per Romanos interpretentur, cum nullatenus conveniat. Si omnes prophetiae huius partes diligenter expendimus. Ego id sentio, et non dubito ita simpliciter sentiendum, quod de persecutione, qua Antichristi à Christi diebus nouam Hierosolymam, ecclesiam scilicet afflixerunt, intelligatur, ideoque de ea sit interpretanda. Nam primum asserere, aut referre ad persecutionem Gog ac Magog, est Iudaeorum fabulas imitari. Quemadmodum autem per Hierosolymam Ecclesia, ita per Israel filii ecclesiae capiuntur.

Dicit igitur: Onus uerbi domini super Israel, populum scilicet Dei. Diximus saepius uerbum domini onus esse impijs, sed quando sanctis onus sit, non satis liquet. Proinde observa uerbum domini electis fidelibus iugum et onus leue esse, uerum quia adhuc in carne uiuentes homines sunt, et carnem habent, dum aduersa praedicuntur, carni haud prorsus extinctae onus quiddam etiam graue sunt. Onus ergo uerbi domini, hoc est, afflictio dei uerbo praedicta, super Israel, fideles scilicet.

Dixit dominus &c. Mos fuit Prophetis, inculcare Dei, cuius imperio loquebantur, magnitudinem, ut dicendo: Haec dicit dominus exercituum. Ait dominus omnipotens. Et hoc loco Zacharias ponit: Dixit dominus, praeter quod nullus sim

Z pliciter,

FRANC. LAMB. IN ZACHARIAM

pliciter dominus appellari potest, extendens cœlum, qui scilicet ipsum fecit extensum & latissimū; & fundans terram super stabilitatem suam, hoc est, qui fecit terrā firmissimam, & fingens spiritū hominis in eo. Spiritū, hoc est, animam, substantiam spirituales, & quidquid in homine est et uiuit. Speciatim hominis facit mentionē, ut homo sci at, q̄ de eo maxime sit deus sollicitus, et q̄ p̄ eo terrā, cuius ante n̄. cōminit, condidit. Vbi legis Deū extendisse cœlum, & terrā fundasse intellige omnia eius p̄ uidentia fieri, tã in cœlo q̄ i terra. Ideo prænūciaturus electorum crucē et mala, deum oīa cōdidisse ostēdit, ut sciant ipsi electi, q̄ nō nisi eius uoluntate & p̄ uidentia, in tempus ab impijs atteruntur & mala sustinent, & q̄ non dubitent, ab eius qui hęc mala suo consilio mittit, pendere arbitrio, ut eadem auferat, interim autē sustineant pijsissimi p̄ tris uirgā, certissimi, q̄ eandem auferet tempore oportuno.

Sed qd̄ ait domūs? Ecce ego ponā Hierusalē, nēpe ecclesiā superliminare crapulæ, oībus populis in circuitu. Populi isti, increduli et hostes Christi sūt. His ponitur fidelīū Ecclesia superliminare crapulæ. Limē nota res est, nēpe qd̄ i ianuis ex transuerso infrā aut suprā ponitur, & capitur sepe p̄ ingressū. Liminare autē est, qd̄ spectat ad limen seu ingressū. Deniq; superliminare est, qd̄ est sup̄ limē uel ingressū. Iā liquet, qd̄ superliminare crapulæ. Quid enī crapula, nisi esus nimius et nociuus? Superliminare ergo crapulæ est, qd̄ est super crapulæ limē, ingressū seu initium, hoc est, qd̄ mox ad crapulā seq̄tur, ut infirmitas, uomitus, sensus hebetatio, & sepe mors.

Sensus

Sensus huius prophetiæ est, q̃ Antichristis Hierusalẽ, id est, Ecclesiam persequentibus, qui tyrannide nimia fideles quasi uorant & absument, & haud secus atq; lupus rapax carnibus ouium, ita illi iustorum substantia replentur. Ipsis, inquam, Antichristis ipsa Hierusalem erit superliminare crapulæ, hoc est, causa malorum, quæ ad eorum crapulam & rapacitatem sequentur, nempe interitus & perditionis eorum. Quia enim perniciosissima est hæc rapacitatis crapula, ideo malum quod ad eam sequitur, grauissimum est, nempe mors & perditio.

Et ne putes solos gentium populos aduersaturos ueris fidelibus, subiungit: Sed & Iuda, impia uidelicet Synagoga, erit in obsidiõẽ contra Hierusalem, id est, Ecclesiam. Sensus est: quod etiam Iudæi fidelibus aduersabuntur. Quod nos uidemus, & ex sacris historijs, maxime ex Actis apostolicis est notissimum. Recte de Iuda speciatim loquitur, quod certum sit, Regnum Iuda maxime CHRISTI nominis professoribus contradixisse: de decem autẽ tribubus non tam aperte legimus. Quid autem ipsa contradictio, nisi obsidio? Studiosa ergo persecutio fidelium, quasi eorum obsidio est. Ego quoq; non reprobarim, si capiuntur per Iudam & ipsi electi, qui nonnunquam per errorẽ sanctos persequuntur, ut Paulus fecit, & hi qui p̃ filijs Iuda, hoc est, electis habentur, cum nihil minùs sint, ut sunt hypocritæ, quibus proprie Antichristi uocabulum competit. Indubie enim ab his pseudoiudæis, hoc est, pseudofidelibus persecutionem maxime Ecclesia sustinet.

FRANC. LAMB. IN ZACHARIAM

Ex sequentibus deinde palàm fiet, quàm uerum sit, Hierosolymam futuram incredulis, haud secus atq; crapulae superliminare.

P A R S S E C U N D A.

Et erit. In die illa ponam Hierusalem lapidē oneris cunctis populis. Omnes qui leuaerunt eam, concisione lacerabuntur, & colligentur aduersus eam omnes gentes terræ.

Apertus est sensus, qui cum præcedenti congruit, sub typo grauiſſimi lapidis, hostiũ Dei mala prænuncians. Lapis Ecclesia est, noua Hierusalē, quæ hic leuare dicuntur, qui sanctos persequuntur. Eandē enī Hierusalem quasi a proprio loco mouent, qui affligunt filios eius, & quod ad eos spectat perturbant. Porro is lapis onerosissimus impijs, se leuantes, hoc est, affligentes & perturbantes rumpit & lacerat. Nimirum ipsum quod sanctos discruciant, illis est in caussa, ut euertantur & à Domino conterantur.

Intendite uniuersi Ecclesiæ hostes, qui eam oditis & modis omnibus persequimini, & eam cum sit lapis onerosissimus, eleuatis. Cadet is lapis super uos, et cōteret oportune omne robur uestrum, & uos merget in interitũ sempiternum. Et colligentur aduersus eam, Ecclesiam uidelicet, omnes gentes terræ. Quando colligentur? In die illa, nempe tum maxime cū ueritas fuerit annunciata. Impossibile

bile nanq; est ueritatē nunciari absq; impiorū cōtradicti-
one. Vbi colligētur? Nō oēs uno loco, sed omnes uno spiri-
tu colliguntur, dum in unum conueniunt aduersum domi-
nū & ueritatē eius, ubicunq; secundū corpus fuerint. Est
nanq; eorū collectio an: morum in impietate consensus.

Quemadmodū enim uno spiritu, nēpe Dei, sancti ambu-
lā, ita repbi uno incredulitatis spiritu, nēpe carnis iudicio
ac sensu uiuunt. Quare autem colliguntur aduersus eam?
Certe non alia primū caussa, quā ut dei sermo & decretū
permaneant, quo uoluit sanctos ab impijs ad eorū perpe-
tuum bonum in tempus atteri, ut discant in eum fidere, et
agnoscant eum liberatorem. Deniq; sensus carnis spiri-
tus sensui nunquam non est contrarius, ideo fieri nō po-
test, ut inter eos contradictio haudquaquam sit.

In die illa, dicit dominus, percutiam omnē
equum in stuporem, & ascensorem eius in a-
mentiam. Et super domum Iuda aperiam
oculos meos, & omnem equum populorū
percutiam in cæcitate.

Quando percutiuntur equi populorum in stuporem &
cæcitate? Hoc est, quando fit inutile omne robur gentium,
& conteritur omnis fiducia eorum? Certe non nisi in die
Christi. Dum enim repbi damnantur, & priuantur his,
in quibus maxime confidunt, quasi eorum equi in cæcita-
te, & eorū ascensores amentia percutiuntur. Equi enī dū
excæcantur, & eorum ascensores, dum percutiuntur a-
mentia inutiles fiunt, ideo per hæc significatur, q; omnia,

FRANC. LAMB. IN ZACHARIAM

quibus impij fidunt, in die tribulatiōis eis inutilia erunt. Bīfariam autem fit hęc percussio: Primo uerbo dei, dū scilicet per illud omne carnis robur dānatur. Secūdo, cū impij ipsis rebus quibus fidunt, priuantur, ut equis, uirib. diuitijs, et alijs id genus, aut dū hęc dei iudicio inutilia fiunt.

Spōdet autem, q̄ super domum Iuda sit aperturus oculos suos. Non putes id de alijs q̄ de electis capiendum. Siq̄dem ad ueram domum Iuda spectant, etiam si secundum carnem ex gentibus nati sint. Quos enim respicit deus, nisi electos? Respicere autem eius est iuuare hoc loco. Qua accipiendi ratione, sæpius in scripturis habetur, tametsi nonnunquam in alio sensu reperitur, quod multis locis diximus, maxime Lucæ. 1. ibi: Quia respexit &c.

Super domum quoq; Iuda, ad literam, est oculos suos aperturus, illam scilicet adiuturus. Nam quantumlibet reprobetur in tempus, fieri tamen nequit, ut prorsus deleatur. In dierum siquidem nouissimo cōuertetur ad dominum, & Dauid regem suum, nempe Christum. Ose. 3. Non mireris lector, q̄ hic alioqui accepimus Iudam, quā paulo ante. Locorum enim circumstantia ad id cogit.

P A R S T E R T I A.

Et dicent duces Iuda in corde suo, confortentur mihi habitatores Hierusalem, in Domino exercituum Deo eorum.

Vidimus

Vidimus q̄ dominus respecturus sit super domum Iuda, electos scilicet, quos paulo ante Hierosolymæ & Israëlis uocabulis intellexit, quorum duces qui sint, notum est, hi scilicet de quibus Psal. 44. Nimis honorati sunt amici tui Deus, nimis confortatus est principatus eorum. Item Psal. 45. Principes populorum congregati sunt cum Deo Abraham. Itidem quotquot Dei populo in uerbi ministerio recte præsent, duces Iuda sunt. Hi dicunt in cordibus suis: Confortentur habitatores Hierusalem, fideles scilicet, mihi, id est, secundum cor meum, uel ut cupio, non in carne & sanguine, sed in domino deo eorum. Quid enim magis cupiunt fideles uerbi dei ministri, q̄ ut Ecclesia in Domino consoletur? Proinde ad id modis omnibus nituntur, & uerbi instantia & precibus, quibus sic ardentibus ad Ecclesiæ bonum, pacem, & salutem, ardentiorum spiritum illis D E V S infundit, unde & sequitur:

In die illa ponam duces Iuda sicut caminum ignis in lignis, & sicut facem ignis in fœno, et deuorabunt ad dexteram & ad sinistram omnes populos in circuitu. Et habitabitur Hierusalem rursus in loco suo in Hierusalē.

Nisi iudaizare uelimus, non uideo quæ ratione hic locus ad litteram de terrestribus Iudææ ducibus et Principibus capietur. Igitur sequentes quod syncerius putamus, duces Iuda, uiros desideriorum cupientes bonū Hierusalem, tā incendet dominus spiritus sui efficaciss. igne, ut haud secus

FRANC. LAMB. IN ZACHARIAM

atq; ligna incensa à camino, aut fœnum à face ignis, sine facile deuoraturi omnes populos, hoc est, illos uicturi, per Dei eloquiorũ uiuacitatem summamq; potentiã. Quæ uictoria duplex est. Primo, dũ impij dei uerbo deuicti cõuertuntur. Secundo, cũ eiusdẽ uerbi ueritate cõfunduntur & damnantur in interitum sempiternũ. Iudices quippe sunt & à domino quidẽ positi, ut de omnibus impijs cũ Christo iudicent. Nũc observa, qui sint idonei fidelĩũ duces, seu Episcopi, nẽpe hi soli, qui incensi à domino, solis Dei sermonibus maxime incenduntibus populos diligentissime erudiunt, Hinc habes argumẽtũ, qđ qui non sunt ita incensi, ut qui in uerbi ministerio, in sapientia hominum ambulant, nihil minus qđ duces Iuda dici iure possũt. Nec sunt de his, de quibus hic agitur. De hoc incendio dominus loquebatur, cũ dixit: Ignem ueni mittere in terram, & quid uolo nisi ut incendatur. Ignis spiritus domini est, atq; etiã ueritas eiusdẽ spiritus, qua fideles maiorem in modũ incendiuntur, cũ a præscriptis ducibus Iuda sincere & constanter annũciatur. Ignitũ, inquit, eloquiũ tuũ uehementer Psal-
118. Audi aut, qđ mire ab eis populi incẽdantur. Et deuorabũt, inqt, omnes populos in circuitu ad dexterã & ad sinistram. Dextera & sinistra, circuitus ille explicatur, & est sensus. Vbiq; uincunt hostes pietatis, qui in circuitu, id est, circa eos ubique sunt, & nemo praualebit in eos. Neque displicebit, si quis per dexteram & sinistram, prospera & aduersa intelligat, sic ut sit sensus: ipsi duces Iuda, siue assint prospera, siue aduersa semper hostes

hostes suos deuincunt, & ab eis uinci nullatenus possunt. Priorem interpretationem, germaniorem esse arbitror.

Porro ubi duces Iuda, uelut ignis, hostes pietatis, omnes uidelicet incredulos omni ex parte deuicerint, Hierusalem rursus habitabitur in loco suo in Hierusalem. Quid est hoc? Nunquid iuxta carnem, Hierusalem est in loco suo instauranda, & inhabitanda, in ea gloria quam sibi Israëlitæ promittunt? Absit ut eorum fabulis & somnijs subscribamus. Sed quemadmodū cum euerſa ciuitas, rursus instauratur & inhabitatur, in suo loco instaurari dicitur, ita & nunc de Ecclesia sentiendum, quæ dum uerbo Domini instauratur, quasi Hierusalem in loco suo, denuo ædificatur & inhabitatur. Siquidem & ipsa Hierusalem est. Vidimus quā grauē passa sit multis sæculis ruinam, & quā paucos inhabitatores habuerit: nūc autem uidemus, quòd Dei munere, iterum cœpit ædificari & inhabitari in loco suo. In loco suo intellige, sicut à principio diebus Apostolorum. Quia enim hæc sacrosancta Hierusalem Ecclesia, nequaquam ut aliæ urbes, loco uno limitatur, sed spiritu & ædificari & inhabitari potest, ideo locum hunc non nisi sicut ipsi Ecclesiæ competit adcipere debemus.

Instabunt forsā nonnulli, hoc intelligēdum, de ea Hierosolyma quæ huius prophætæ diebus à Zorobabele extruebatur. Quibus respondemus, neq; præcedentia neq; sequentia (quod maxime est in omni scripturæ sacræ enarratione obseruandum) huic sensui conuenire. Quod si

FRANC. LAMB. IN ZACHARIAM

quis dicit, quòd Israële in dierum nouissimo cōuerso, multi ex eis uenient Hierosolymam, & in terras Israël, & inhabitabunt illic, in omni sinceritate & fide, ac uerbi Dei incōparabili zelo, & nos idem sentimus (tametsi nō adserimus) modo non sentiant cum Iudeis, tum ædificandam auream Hierosolymam, & id genus nēnas, putētq; Prophetiam Ezechielis, de templi ac ciuitatis ædificatione, secundum carnem implenda. Nimirū impia foret eius modi interpretatio, sicut uolente Domino, in ipsius Ezechielis interpretatione palam faciemus. Verum non putamus, neq; etiam negamus locum præscriptum, de ipso Israëlitarum conuersorum reditu in terras proprias capiendum, tametsi indubie tum erit in eis mira sanctitas, uerbiq; gloria, & incomparabilis ducum, id est, ministrorum uerbi fortitudo, quæ iuxta Paulum Roma. 11. Erit mundo quasi uita ex mortuis.

Et saluabit dominus tabernacula Iuda sicut in principio, ut non magnifice glorietur domus Dauid, & gloria habitantium Hierusalem, contra Iudam.

Magna ualde est huius loci difficultas, quòd quasi iuxta carnem loqui, ex nōnullis uideatur, sed fortiora sunt, quæ id fieri haudquaquam sinunt. Suprà Hierusalem instaurandam & inhabitandam in loco suo prædixit, nunc salutem promittit tabernaculis Iuda, ut domus Dauid & Hierusalem non glorietur aduersum Iudam. Nunquid dei Ecclesia non est domus Iuda, domus Dauid, & Hierusalem?

rusalem? Quid est ergo, quòd ita hic loquitur spiritus Dei, ac si quædã diuersa essent? Obseruemus diligenter typum seu figuram, & tum facilius Dei munere perueniemus ad ueritatem figuratam.

Hierusalem erat ciuitas regia, in qua templũ Domini, & domus sedesq; Dauidis ac omnium regum Iuda. Iuda uero domus, totum regnũ duarum tribuũ est, imò etiam pro toto Israële, domus Iuda nonnunquam capitur. Iudas ergo populus Domini erat, Hierusalem uero ciuitas domusq; Regum, & in qua sola sacerdotũ ministeria à deo cõstituta erant. Per populum autem regni Iuda, qui aptius capiuntur, quàm uniuersi fidelium populi: per Hierusalem uero domum Regum & sacerdotũ, qui magis apte figurantur, quàm ipsi fidelũ Principes seu duces, de quibus paulo ante diximus, uerbi scilicet ministri? Quandoquidem ad eos ueniunt fideles, ut ab eis audiant uerbi dei iudicium, quemadmodum olim Hierosolymam, ad Reges, Prophetas, & sacerdotes.

Nunc obserua, promisit Dominus superiore uersu, Hierusalem id est, Ecclesiam instaurandã, & quòd poneret duces eius, de quibus supra, uelut ignem omnia absumentem. Ideo ne quis putet, deum nõ sic fidelium populos illustraturum, ut ipsos eorum duces, spondet se seruaturum tabernacula Iuda, hoc est, fidelium speciales Ecclesias, atque ipsos fideles. Hæc sunt tabernacula, de quibus scriptum est: Vox exultationis, & salutis in tabernaculis iustorum. Psal. 117. Spondet autem se id facturum,

FRANC. LAMB. IN ZACHARIAM

facturum, uelut in principio, quo scilicet uerbum ab Apostolis per orbem coepit nunciari. Tum seruabat eos, à malis eripiens, & ne etiam inter quaecumq; mala disperirent, quod etiam facit, dum Ecclesiae instaurantur.

Sed quid est, quod tum solum promittit salutem, cum instaurantur? Profecto, nō puto ob aliud quàm quia ante hanc instauracionem, non salus, sed ipsissima perditio est. Fit autem ipsa instauratio per uerbum fidei, cum uidelicet ei creditur. Ergo ubi non est uerbum, non nisi perditio esse potest. Deniq; id observa, quòd promittit seruaturum, sicut à principio, non sicut postmodum quidam false promissere salutem, ut Papa suis indulgentijs, & hypocritæ suis operibus. A principio, Apostolorum scilicet diebus, imò etiam à mundi principio, salus, iustitia, et gratia Dei, fide promittitur. Hoc medio, & non alioqui ueram salutem, consequi ualemus. Cæterum medio illo quod non fuit à principio, sed postmodum ab impijs & hypocritis inuentum est, nemo seruari potest.

Quare seruabit eos, sicut à principio? Vt non magnifice gloriatur domus Dauid, & gloria habitantium Hierusalem, contra Iudam. Sensus est: Promisit Deus se instauraturum Hierusalem, duces scilicet & maiores Ecclesiae, qui si (populo derelicto) seruarentur, forsitan gloriantur aduersum populum ipsum, quòd non fieret sicut ipsi, aeternæ salutis particeps. Proinde ne ipsa domus Dauidis, duces uidelicet & Principes supradiçti, magnifice

fice, id est, multum glorientur contra Iudam, hoc est, fide-
lium populos, saluabit eos Deus, facietq; eos uere iustitiæ
quæ est ex fide participes. Illi quidem sunt uerbi ministri,
et per illud populi duces, uerum neq; istis abnegabitur,
misericordia dei, qua sæpe fit, ut populus ipse, etiam mu-
lierculæ et pueri, plus habeant charismatum spiritus dei,
quàm magni doctores. Nemo ideo contra alium glorie-
tur, in eo quod adcepit. Sed qui gloriatur, in Domino glo-
rietur. Non enim qui seipsum commendat, ille probatus
est, sed quem Deus commendat. 2. Corin. 10.

P A R S Q U A R T A.

In die illa proteget dominus habitatores
Hierusalem. Et erit. Qui offenderit ex eis in
die illa quasi Dauid & domus Dauid quasi
Dei, sicut angelus domini in cōspectu eorū.

MVtat hic Hierosolymæ acceptionem, aut ut satius
dixerim, eandem paulo latius, quàm mox antè ca-
pit, hic namq; adcipitur pro Ecclesia tota, cuius
habitatores fideles adpellantur. Dicit igitur. In ea die, qua
Dominus salua fecerit tabernacula Iuda, et instaurarit
Hierusalem, proteget Dominus habitatores Hierusalem,
id est, filios Ecclesiæ, quos etiam suprà tabernaculorum
Iuda adpellatione intellexit. Montes quippe, et Domi-
nus in circuitu populi sui. Psal. 122 Quòd suos protegat,
fideles

FRANC. LAMB. IN ZACHARIAM

fideles experiuntur, quibus nomen Domini, uelut turris fortissima est. Prouer. 18. Ad id est totus psal. 90. sub cuius finem ait: Protegam eum, quoniam cognouit nomen meum. Clamauit ad me, & ego exaudiam eum, cum ipso sum in tribulatione, eripiam eum & glorificabo eum. Longitudine dierum replebo eum, & ostendam illi salutem meum.

Et erit qui offenderit ex eis, ex fidelibus uidelicet, in eo ueritatis die, erit quasi Dauid, hoc est, uelut Rex & Princeps. Et uere omnes sancti in Christo regnant, quod apertissime Daniel. 7. habetur. Dauid quoque uerus Dominus IESVS Christus est. Osee. 3. Eze. 34. & 37. Sicut & Christus sunt fideles, participes eorum quæ in eo posuit Deus, ueritatis scilicet, gratiæ, iustitiæ, & in eo sunt sacerdotes, Reges, & omnium Domini.

Septua. habent. Et qui infirmus in eis fuerit in die illa, erit quasi domus Dauid. Qui offendit, & est infirmus, sensum eundem habet. Nam qui offendit, ex infirmitate id facit. Aestimo quod is sit germanus huius loci sensus. Qui ex filiis Ecclesiæ, se agnouerit infirmum, plenum peccatis, & offensionibus, & crediderit in eum qui miseretur, nempe Deum per Christum uerum Dauidem, tum erit ex ipsa fide, quasi Dauid, Christus, iustus, sanctus, eius spiritu unctus, filius Dei, ac Deo gratus. Facit hic locus aduersum hypocritas, & omnes iustitijs operum fidentes, qui non agnoscunt se infirmos, peccatores, miseros, sed pro iustis haberi uolunt. Facit & pro electis, qui

qui se pro peccatoribus habent, & se tales esse ubiq; profitentur. Venit ipse Dominus in terram, & caro factus est, in qua & mortem grauissimam passus fuit, ut saluos faceret, & uocaret ad se, non iustos & sanctos illos Pharisaeos, sed hos peccatores. Luc. 5. Quos ubi uocauit, mox iustificat, & facit eos quasi domum suam. Nimirum tum ad eandem pertinent. In eam enim, soli isti foeliciissimi peccatores, congregantur.

Et erit domus Dauid, id est, praescripti duces Iuda, qui ob uerbi sancti ministerium, primi in populo sunt. Erit, inquam, haec domus Dauidis Christi, quasi dei, supple domus. Quomodo autem id uelit intelligi, notum facit, ex eo quod subditur: Sicut angelus Domini, in conspectu eorum, non dubium, quin fidelium. Omnes quippe uerbi Dei ministri, Angeli, id est, nuncij Dei sunt, ad fideles missi. Hinc de sacerdote uerbum docete, dicitur. Mala. 2. Angelus Domini exercituũ est. Et in Apoc. ferme ubiq;, per angelos concionatores capiuntur. Hoc pra alijs habent, fideles sermonum Dei ministri, quod angeli Domini exercituum sunt. Viderint autem ne proinde, se aliquid esse putent, sed magis humilientur coram eo, qui eos, tametsi peccatis onustos, ad tam sanctum ministerium, eligere dignatus est, sciatq; se per id grauiori subiacere iudicio, quod maiora adcepit. Viderit quoq;, ne & Dei opus negligenter agat.

P A R S Q V I N T A.

Et erit

Eterit in die illa quæram contere omnes gentes, quæ ueniunt contra Hierusalem, & effundam super domum Dauid, & super habitatores Hierusalem spiritum gratiæ & precum.

Dies est tempus christiænæ ueritatis lucentis, uerum hic locus maxime capitur de tempore quo Dominus IESVS Christus, redemptionem electorum fecit, & uerbum ac spiritum suum, misit in terram. De eo ergo tempore, dicit Dominus: In illa die, quæram contere, auferre, perdere, omnes qui ueniunt contra Hierusalem, id est Ecclesiam. Sensus est: Tum faciam ut filij mei uirtute, conterantur omnes impij, ac inimici populi Dei, & omnis incredulitas auferatur. Quod duobus modis fit: Primo electis in eorum æternam salutem, dum ipsius Dei unigeniti uerbo adquiescunt. Secundo reprobis & obstinatis, in eorum sempiternam perniciem, dum proinde condemnantur, quod ueritatis sermonibus adquiescere nolunt. Quemadmodum enim fides uera, & simplex obedientia, est illis salutis causa, ita perditionis istorum occasio, est incredulitas, & rebellio, quod scilicet Dei sermonibus, & ueritati semper inuictæ contradicunt.

Domum autem Dauidis, & Hierusalem, non sic conteret Deus, sed magis illi auxiliabitur. Nimirum super domum ipsam Dauidis, nempe, ministros uerbi, & habitatores

bitatores Hierusalem, hoc est, fideles, Ecclesie dei ciues, effundam (dicit Dominus) hoc est, copiosissime tribuam spiritum gratie & precum, seu misericordie, hoc est, spiritum sanctum, quo grati Domino erunt, & illo mouente, poterunt recte precari & misericordiam consequi. Spiritus Domini recte spiritus gratie & miserationis appellatur, quod non nisi Deo gratis, & his qui per Christum sunt misericordiam consecuti donetur, imò ipsum habere, est misericordiam consecutū esse. Cum legis effusum Domini spiritum, intellige de copiosa eius uirtute, qua nobis dantur, spiritus sapientie, intellectus, consilij, fortitudinis, & omnia charismata eius.

Hec de Israelitis ad litteram etiam, imò primum et maxime intelligi, cōpellit sequens uersus, quem Ioannes de eis allegat Ioan. 19. Tempore namq; præfinito à deo, conuertentur, nempe, ingressa gentiū plenitudine. Roma. 11. quod hic ostēditur. Et effundam & c. Nimirū tū spiritus ipse, gratie & miserationis pignus, & quidē certissimū illis infundetur, & cognito proprio errore resipiscant, reuertenturq; ad Dominum & Dauid, id est, Christum Regem suum. Osee. 3. quē prius excæcati contēpserant. Et id uolunt, quæ subiunguntur.

Et aspicient ad me quem confixerunt.

Si quis negat id esse, quod Ioannes allegauit. Ioan. 19. det locū ex scripturis, ubi etiā habeatur, ut ex illo Ioannes potuerit allegare. Et cū nō inuenerit, fateatur simpliciter nobiscum, quod de Iudeis hæc sunt dicta. Deniq; hic

Christi

FRANC. LAMB. IN ZACHARIAM

Christi adſpectus, non eſt iſ de quo Apoc. i. Et uidebit cū omnis oculus, & qui eum pupugerunt. Nimirum eo loco, de iudicio extremo agit: hoc uero de fidei adſpectu, quem Domini ſpiritus, illis tandem miſericorditer effuſus, eis tribuet. Tum namq; cæcitatibus ablato uelamine illuſtrati, agnoſcent Chriſtum eſſe eum qui eſt, nempe, ſeruatorem, Deum & hominem Chriſtum toties illis promiſſum. Tum adorabūt eum, pauebuntq; ad bonum eius. Oſeæ. tertio, ſcientq; eum eſſe, quem per cæcitatem abnegarunt, & cruci adſixerunt.

Porro ſi quis dicit hæc intelligenda, de ſimplici adſpectu Chriſti ſecundum carnem, nempe, quòd multi uiderunt eum, quem impij Iudæi conſixerunt, non damnamus eum, uerum dicimus, quòd tam ex allegatione Ioannis, quàm ex huius textus ordine, non uidetur hoc capiendum, niſi de Synagoga, quæ Dominum IESVM Chriſtum repulit, & tranſfixit, quòd ſit illum uiſura, cum planctu magno, pro eo quòd autorem uitæ crucifixerit. Dicit ergo Dominus: Et adſpicient in me Iudæi ſiue Iſraélite, quem conſixerunt, non dubium quin cruci, & id quidem in natura adſumpta.

P A R S S E X T A.

Et plangent eum planctu quaſi ſuper unigenitum, & dolebunt ſuper eum, ut doleri ſolet in morte primogeniti. In die illa magnus
erit

erit planctus in Hierusalem, sicut planctus Adadrimon in campo Mageddon. Et plangent terræ familiæ, & familiæ seorsum. Familiæ domus Dauid seorsum & mulieres, (siue uxores) eorum seorsum. Familiæ domus Nathan seorsum, & mulieres eorum seorsum. Familiæ domus leui seorsum, & mulieres eorum seorsum. Familiæ Semei seorsum, & mulieres eorū seorsum. Omnes familiæ, reliquæ familiæ, & familiæ seorsum, & mulieres eorum seorsum.

SEntiat quisq; de hoc planctu, quod bonum illi uidebitur, ego dico rem magni periculi esse, negare quod de Israël capiat. Et quod ad me spectat sentio firmissime, quod ex omnibus tribubus Israël, reliquæ tandem ad Dominum IESVM Christum conuertentur, & agnoscent eum. Videntes autem suam impietatem & cæcitatem, in qua tot sæculis fuerunt, uidentes etiam bonitatem Dei, qui tam magna illis facere dignatus est, dum carnem ex eis adsumpsit, & quod se abnegantes, non exterminarit, sed tandem in misericordiam suscepit, congregaritq; eos in Ecclesiam suam. Tum confundentur super iniquitatibus suis, & præ dolore malorum, quæ perpetrarunt, non cum desperatione, sed cum multa fiducia bonitatis Dei & Christi plangent. Et tum implebitur hic sermo.

FRANC. LAMB. IN ZACHARIAM

Vtcunq; fuit planctus in Hierusalem, Christo passo, sed eidem nō conuenit fletus ille per familias Israēl, hic positus. Flent quoq; electi uniuersi, super Christo, sed nō puto, quòd de eo fletu sit hic textus.

Igitur ait Dominus IESVS Christus, Deus & homo, de seipso quasi de tertio quopiam loquens. Et plangent Israēlitæ, eum Christum scilicet, planctu magno quasi super unigeniti & charissimi morte quis plangit. Et dolent super eum, ut doleri solet in morte primogeniti. Commune est in scripturis, morte unigeniti uel primogeniti, luctum doloremq; grauissimum designare. Dolor ergo & luctus hic futurus prædicitur.

Sed quid est quòd dicit, plangent eum aut super eum? Nonne magis super seipsos flendum est, ut mulieribus Christus iussit? Lucae. 23. Respon. Hūc locum sic accipendum, ut sit sensus, quòd Christus ipse, erit causa potissima propter quam plangent, dum scilicet uidebunt, se illū abnegasse & crucifixisse, proindeq; reprobatos, & tot sæculis excæcatos fuisse. Et his ueruntamen nihil obsistentibus, se tandem ab eo in misericordiam receptos, & fidei lumine illustratos.

Ipse quoq; uehemens eius temporibus planctus, adsimilatur planctui qui fuit in Adadrimon, in campo Mageddon. Ait Hieronymus, Adadrimon urbem esse, in campo Mageddon, uicinam Iezraēli, cui nunc est nomen Maximianopolis, ubi Iosias Rex sanctus, à Pharaone cognomento Nechao, percussus est. 4. Reg. 23. & 2. Para 35.

Propter

Propter cuius mortem ingens planctus fuit in dicta urbe, & toto Iſraële, & propter eius mortem potiſſimum, lamentationes ſcripſit Hieremias, ut Paralipomenon hiſtoria teſtatur, loco præallegato. Quemadmodum enim luētus qui tum ibidem fuit, cauſa erat amiſſi. o & mors ſancti Principis Ioſiæ, ita luētus qui tum erit in Iſraël, erit potior cauſa quòd amiſerunt tot ſæculis, fructum aduentus ſummi & ueri Ioſiæ Domini I E S V Chriſti, ex Ioſiæ ſemine nati, & quòd cum per cæcitatem abnegarunt, & occiderunt.

Planget ergo terra, id eſt, planctus erit in terra, ubicunq; Iſraélite fuerint, mox ubi agnouerint eum quem conſixerunt, quis & quantus ſit.

Sic autem plangent, quòd familia quælibet, id ſeorſim faciet. Nominat autem ſpeci aliter, familias domus Dauidis, hoc eſt, Regiæ, familias domus Nathan, per quem puto familias Prophetarum intelligi, familias domus Leui, omnes uidelicet ſacerdotum familias, & familias Semei, pro quo Septua. habent Simeon, ſaltem in libro uno, quem legi. Ego puto non anxie quærendam rationem, propter quam hæ familie præ cæteris ſint à Zacharia nominate, ſed quòd id ſentiendum, quòd de uniuerſis ſcripturus quòd plangerent, ſpeci atim earum meminit, quas primum dei ſpiritus illi in corde poſuit, quarum prima ſpectat ad Principes, ſecunda, ad Prophetas, tertia, ad ſacerdotes templi. q; miniſtros, quarta, ad reliquum populum.

FRANC. LAMB. IN ZACHARIAM

Sed quid est, quod de cuiuslibet familie mulieribus dicitur, quod seorsim & à uiris diuise plangent? Arbitror hanc esse causam unicam, ut scilicet hac separatione, quæ in tempus futura est, tristitiæ magnitudinem ostendant. Sic enim dicitur his quibus luctus & ieiunium iubetur. Ioc. 2. Egrediatur sponsus de cubiculo suo, & sponsa de thalamo suo. Indubie enim plangentes, crabunt pariter, laudandum autem, si coniuges, iuxta consilium Pauli. 1. Corin. 7. ex consensu ad tempus se continuerint, ut opportunius uacent deprecationi. Verum id est haudquaquam necessarium, quod fidelis etiam tum uere & ex spiritu orare possit, cum ab uxore haudquaquam diuiditur, tantum ut ex fide uiuant.

Longa est luctus huius descriptio, ideoq; magnitudinem tristitiæ eorum indicat, & C H R I S T I, ueritatisq; illius, ac proprii erroris cognitio, per id maxime designatur. Igitur perfectissima erit Israël conuersio, & omnes eius familie siue tribus, ad ueritatem tempore à Deo præfinito, eo donante & illustrante peruenient.

Quod spectat ad allegoriam, quia Israël Ecclesia est, omnes familie credentium, hoc est, omnes Ecclesiæ speciales, per uarias Israël tribus capiuntur. Et in his Ecclesijs est perfectus luctus, sicut scriptum est: Beati qui lugent. Matth. 5. Luctus autem eorum est super Dominum I E S U M C H R I S T U M, hoc est, ex fide nominis eius. Hi sunt in quorum frontibus, signū ponitur,

nitur, quia gement & dolent. Eze. 9. & Apoc. 7. Porro gement seorsim, & in cubiculis, non coram hominibus ut hypocritæ, quærentes gloriam hominum: & habentes uxores, tanquam non habentes sunt, & quasi ab illis diuiduntur, dum non nisi ex spiritu et fide, illis adficiuntur.

CAPVT XIII.

Summarium capitis. Primum, de fonte patenti Ecclesie. Secundo, de ablatione omnis idololatriæ & mendacij. Tertio, de zelo seu uindicta parentum fidelium, etiam in proprios filios, mendacium prophetantes, in nomine Domini. Quarto, de resipiscentia pseudoprophetarum, & ibi locus de opere manuum. Quinto, quod pseudoprophete cæsi pro suo mendacio, punishmentis æquitatem profitebuntur. Sexto, de framea super CHRISTVM suscitata, ut percutiat illum, & oues dispergantur. Septimo, de reprobis dispersis & deficientibus, electis uero seruatis ductisq; per ignem, & quod sunt uerus Domini populus.

PARS PRIMA.

IN die illa erit fons patens domui Dauid & habitantibus Hierusalem, in ablu-
tionem peccatoris & menstruatae.

Domum Dauidis, hoc est, Principibus & ducibus
 populi Dei, de quibus præcedenti capite egimus,
 & uniuerfis habitatoribus Hierusalem, hoc est,
 credentibus, ciuibus Ecclesiæ ueræ ciuitatis dei, est fons
 patens, in ablutionem peccatoris, & menstruata. Quis
 est hic fons, nisi Christus? Cuius aquæ sunt, gratia & ue
ritas, quibus superplenus est, ex cuius plenitudine, uniuer
 si in eum credentes accipiunt. Ioan. 1. Huius fontis purissi
 mis aquis, fit ablutio peccatoris & menstruata, hoc est,
 omni genæ immundiciæ ac sordis, siue internæ siue exter
 næ. Puto enim, quod peccato internæ, siue animi: men
 struis uero, externæ siue corporeæ sordes figurentur.

De internis sordibus, certum est, quod aquis ueritatis
 & gratiæ Dei purgentur. Verum de externis,
 quid illis, & ueritati aut gratiæ? Corporeis siquidem
 aquis, corporea purgantur, & spiritualibus animus.
 Dicimus ueritatis efficacia in electis, per Dei spiritum
 fieri, ut nihileis noceant, quæcunque temporaneæ ac
 corporeæ sordes, ut sunt uariæ egritudines, contumeliæ,
 obprobria, pauperies, flagella, carceres, derisiones,
 contemptus, & mala quæcunq; etiam mors. Omnia
 enim fidelibus uertuntur in gloriam, tantum abest, ut illis
 pro sordibus coram D O M I N O imputetur,
 quidquid eiusmodi est. Hinc Roma. octauo dicitur.
 Scimus, quoniam his qui diligunt Deum, omnia cooperan
 tur in bonum, his qui iuxta propositum uocati sunt.
 Igitur

Igitur dum efficacia aquarum ueritatis fit, ut nullæ sordes corporeæ electis noceant, quin potius illis in bonum et gloriam imputentur, quasi ab eisdem omnis sordicies etiam corporeæ repurgatur. Olim idcirco sordes erant, quia imputabantur, ut de menstruatis & leprosis notum est: nunc ideo sordes non sunt, quia non imputantur, sed in electorum gloriam conuertuntur ob aquas præscriptas.

Hæ sunt aquæ, de quibus Eze. 47. quæ a principio (ut ibidem habes) modicæ reperiuntur, sed quo plus in eis quis progreditur, hoc est, in ueritatis cognitione magis proficit, altiores reperiuntur. Quibus si quid mortuum respersum, mox uiuificatur, & id quidem uita æterna, sicut Dominus ait Ioan. 4. Si quis biberit ex aqua, quæ ego dabo ei, fiet in eo fons aquæ salientis in uitam æternam, et non morietur in æternum. Dulcorant hæ desiderabiles aquæ omnem tribulationum amaritudinem, facientes, ut etiam in medio umbræ mortis electis pax sit. Vide locum præsignatum Ezechielis, & reperies in signia multa de his aquis suauissimis. Vide etiam in Solomonis Canticis, quæ de fonte hortorum ac puteo aquarum uiuentium capite. 4. diximus.

Quidam per hunc fontem, Baptismum intelligunt, quod aquis fideles mergantur. Sed pace eorum salua, ipse Baptismus aquæ fluminis aut fontis corporei, non abluit has sordes, sed spiritus ueritatis Dei per IESVM Christum. Verum ipse Baptismus externus est fidei si-

FRANC. LAMB. IN ZACHARIAM

gnum certissimum, q̄ particeps fiat aquarum fontis præscripti, & per eas ab uniuersis sordibus expurgetur.

Hunc textum de Israële ultimo conuertendo quidam exposuerunt, quod uerum quoq; esse non dubitamus. Nimirum & ipsos tum huius fontis aquæ purificabunt ab omni immundicie. Et sic de eis enarratur. In die illa cum Israël agnoscat eum, quem crucifixit, & planxerit super eo, ut habes in fine capitis præcedentis, fons gratiæ & ueritatis, qui domui Davidis & Hierosolymitis, hoc est, i-
psis Israëlitis nunc clausus est, patens & apertus erit.
Sensus est: Tum auferetur ab eis cæcitas, ac Dei ira, & participes fient ueritatis & gratiæ Dei per dominum IESVM Christum.

P A R S S E C U N D A.

Et erit in die illa, dixit Dominus exercituum, disperdam nomina idolorum de terra, & non memorabuntur ultra. Et prophetas, & spiritum immundum auferam de terra.

Cum Israël ad dominum redierit, & factus fuerit particeps aquarum præscriptarum, earum efficacia delebitur omnis idololatriæ abominatio, & nullus ex ipsis alijs, quàm soli Deo fidet. Solis quoq; DEI sermonibus purissimis adquiescent, & omne mendacium execrabuntur. Quod & in cunctis, qui ueritati toto corde

de subscripserunt, notum est. Notum dico ipsis credentibus, qui in seipsis hæc perfecte experiuntur.

Proinde hic prædixit spiritus sanctus: In illa die dicit Dominus exercituum: Disperdam nomina idolorum de terra. Per quid? Non dubium quin aquarum ueritatis efficacia. Et non memorabuntur ultra. Qui enim DEI uerbo firmiter credit, non potest ultra idolis, hoc est alicui rei à DEO alienæ affici. Calcat omne humanum fastigium, nihil tribuit propriæ iustitiæ idolo: nihil fidit amicis, honoribus, diuitijs: Recedunt omnes ueteres immunditiæ, quòd in eo iudicium, sensus, affectio, & omnia penitus sint innouata.

Nemo putet hæc unquam fieri in reprobis, sed in solis electis, quibus Dei fons nunquam occluditur, posteaquam semel apertus est. Posteaquam semel apertus est, nō clauduunt electis, sed bene reprobis, mox ut peccant in spiritum sanctum, ueritatem quam semel nouerunt ac gustarunt, calcantes & abnegantes.

Ait denique Dominus: Et Prophetas, non dubium, quin falsos & spiritum immundum, hoc est, spiritum mendacij & erroris auferam de terra, hoc est, ab electorum Ecclesia, quæ antequam ueritatis aquas haberet, non nisi terra & caro erat. Omnes enim filij Ecclesiæ terra & caro aliquando fuerunt.

Semper quoq; à terra, à mundo aufertur spiritus immundus, dū mendacium à ueritate uincitur, & Dei uerbo errorū abominationes reuelantur. Itidē falsi prophetæ auferuntur,

runtur, aut cum à Deo occiduntur, aut cum à Dei ueritate deuicti, mendacia prophetare desistunt. Idola uero disperduntur, aut cum ab alicuius corde, omnis uana rerū fiducia, ueritate superueniente, amouetur (idola quippe sunt ea, quibus D E O spreto, fidimus) aut dum etiam idola lapidea, ærea, lignea, aurea & argentea destruuntur.

Heu nobis, qui tot seculis pleni fuimus spiritibus immundis & impostoribus, & ubiq; non nisi idola & pseudoprophetae. Quis mittet Iosiam quempiam sanctum, qui ab uniuerfis fidelium terris hæc auferat & disperdat? Ea causa misisti ô Domine uerbum tuum, ut per illud omnia eiusmodi disperdantur, & tua misericordia, eiusdem uerbi tui miram lucem nostro seculo uidemus. Sed quid est, quod tam multiplicati sunt hostes nostri, immo tui, qui ad id modis omnibus annituntur, ut idola, pseudoprophetae & spiritus immundi regnent: & non ultra adoretur nomen tuum, tuaq; ueritas abscondatur & prophetae eius exterminentur? Experimur suauitatem & efficaciam aquarum tuarum, & scimus nobis melius esse ut moriamur, quàm si earum fontem nobis clauderes. Percute, flagella, occide, & nos quomodocunq; afflige, tantum ut non occludatur tuæ ueritatis sacratissima, necessarius fons. Sit nobis patens in sempiternum. Disperde, ô D E V S, contere & dissipa hostes tuos, omniaq; illorum idola & immunditias atq; prophetas extermina, fiat, fiat.

P A R S T E R T I A.

Et erit. Cum prophetauerit quispiam ultra, dicent ei pater eius, & mater eius, qui genuerunt eum. Non uiues, quia mendacium locutus es in nomine Domini. Et configent eum pater eius, et mater eius, qui genuerunt eum, cum prophetauerit.

Ego non dubito id ad literam implendum ab Israëlitis, cum tandem fuerint conuersi ad dominū. Quia enim experiuntur nunc, quàm multa à pseudoprophetis mala habuerint, mox ut fuerint à Domino illustrati, tam odibunt omne mendacium, ut neq; filijs proprijs sint indulturi, cum mendacium prophetarint. Scient se liberos lege, ideo non occident eos, ut præcipitur Deuter. 13. sed tam aperte castigabunt, ut sint futuri reliquis in exemplum. Et indubie etiam à uere Christianis patribus, id nonnunquam factum est. Vtinam eiusmodi zelum haberent omnes, quotquot Christi nomine gloriantur. Expendamus autem nunc uerbum præscriptum.

Et erit (ait Dominus) cum prophetauerit quispiam ultra non ueritatem, sed mendacium, pater & mater eius, qui genuerunt eum, dicent ei: Non uiues, hoc est, filius mortis es, quoniam mendacium locutus es in nomine Domini. Eiusmodi enim mendaces prophetas præcepit dominus occidi. Deut. 13. Confisi autem in eius bonitate,
per

FRANC. LAMB. IN ZACHARIAM

per Christum, per quæ clauēs iudicij Ecclesiæ datæ sunt, temperabunt legis rigorem erga filium suum pseudoprophetam: & configent, uel ut Septua. habent, compedient eū, plagisq; afficiēt pater & mater eius, qui genuerūt eū.

Non frustra hic tam studiose inculcat: Pater & mater eius, mox adiiciens, qui genuerunt eum, ne quis putet hic per patrem & matrem, alios quàm naturales & ueros intelligi. Qu. d. Non intelligo de iudicibus aut principibus, qui nō raro parentū nominibus intelligūtur, sed de ueris patre & matre, q̄ eos secundū carnē genuerunt. Zelus quippe sanctus, qui tū in eis erit, faciet ut carnalis dilectionis obliuiscantur, & ut maxime Dei gloriam, & filij sui ueram salutem desyderent. Ideo illorum corpora plagis durissimis afficient, ut spiritus saluus fiat, & ne ultra ab his quos genuerunt, mendacium, sed ipsissima ueritas in Dei nomine pronuncietur.

O quis dabit nostro sæculo eiusmodi parentes, & zelo domini perfectototam plenos? O deplorandam nostrorū sæculorum infelicitatem, in quibus uix unus ex uniuersis, qui fideles censentur, inuentus est, qui Dei gloriam exprijs filijs sic cupierit. Omnes enim quæsierunt & quærunt illis, quæ sunt super terram, multisq; sæculis in hoc uniuersi gloriati sunt, cum filij sui, pseudoprophetae & sacerdotes idolorum fuerunt. Quid enim omnes concionatores, paucissimis demptis, qui ab annis plus quàm mille trecentis fuerunt, nisi Prophetae mendaces? Et quid uniuersi sacrificuli regni perditī, nisi sacerdotes idolorum,

rum, quæ in nostris phanis, potius quàm templis, multiplicata sunt super numerum? Et eo usq; progressus est impius error, ut parentes, qui iustiores uidebantur, se infelices putarent, nisi filium unum aut plures, horum falsorum Prophetarum ac Sacerdotum execrabili cohorti adiungerent.

Attendant fideles uniuerſi, quibus filios donauit Excelsus, q; si uere fideles sunt, & per id sunt Abrahamæ semini, & sanctæ radici Israëlitis inserti, de eis etiam hæc uerba DOMINI capiuntur. Proinde summe id cupere debent, ut ab eorum semine benedicatur nomen Domini, & ut non nisi ueritatis sermo in eis reperiatur. Vbi autem contingeret, filios suos in Dei nomine prophetare mendacium, puniant eos, aut id per alios fieri satagant, quantum in Dei gloriam & salutem aberrantis filij, uiderint faciendum. Quandoquidem ea correctio & sancta & necessaria est. Quod si facere obmittunt, profecto ueri Israëlites haudquaquam sunt.

P A R S Q V A R T A.

Et erit in die illa. Confundentur Prophetæ, unusquisque ex uisione sua, cum prophetauerit, nec operientur pallio saccino, ut mentiantur. Sed dicet: Non sum Propheta. Homo agricola ego sū, quoniam Adam exemplum meum ab adolescentia mea.

Tum cum in Dei Ecclesiam admissus denuo fuerit Israel, & illi ueritas illuxerit, cæsiq; fuerint pseudo prophete etiam à proprijs parenibus, q; mendacium in Dei nomine prophetarunt, confundentur, erubescunt & dolebunt prophete ipsi falsi super mendacio, qd' annunciauerunt: & resipiscentes cessabunt potius ab ipsa prophetia, quàm uelut prius, mendacium dicant. Nec operientur pallio saccino, ut mentiantur. Sic enim, ut nonnulli dicunt, olim iudebantur prophetantes. Hinc Esaie prænunciatur o captiuitatem Aegypti & Aethiopie iussit Deus, ut saccum suum solueret. Esaie. 20. Sensus est, & uerbo & facto & habitu, modisq; omnibus pseudoprophetandi abominationi renuntiabunt.

Magis autem eorum quisq; dicet: Non sum Propheta. Non enim cum Domini Propheta esse uidebar, nihil mihi in ore meo. Mendacium enim locutus sum, & peccaui. Sum autem homo agricola, labori manuum deditus, & eundem modum uicinus. Scio Adamo dictum esse. In sudore uultus tui uisces pane. Gene. 3. Ipse ergo Adam exemplum meum, quod sequi debui ab adolescentia mea. Homo enim sum, & laborare me oportuit ac iuxta præceptum domini, in sudore uultus mei uictum querere. Sed aberravi miser.

Habes hic quatuor, que in omnibus, qui olim pseudoprophete erant, & nunc ueritati acquiescunt, manifestissime adimplentur. Primum est, q; omnes confunduntur & erubescunt, unusquisq; super uisione sua, & mendacio quod prophetauit. Vident, quam impia sint, que cum
q; pro

q; pro sanctissimis inculcabant & docebant, ut sunt, fiducia operum, idolorum abominationes, uotorum pernices, indulgentiarum imposturae, aliaq; id genus figmenta & traditiones hominum: Idcirco erubescunt se docuisse, quod docuerunt.

Secundo, non operiuntur pallio saccino, ut ante, ad fastidium imponendum populi, quin potius, quicquid pharisaicae abominationis in eis fuit, abijciunt, quale est uestiri cucullo, praescindere calciamenta, & monastices traditiones obseruare in conspectu hominum. Quod si non mox deponunt pallia haec, saltem non eis uestiuntur, q; illis uel minimum quicquam tribuant: aut ut mendacium prophetet, sed ea in tempus nonnunquam seruāt, infirmorum occasioe.

Tertio, non se ultra Prophetas esse profitentur, ut ante, nempe falsos. Et si etiam sunt alioqui doctissimi, potius ministerio prophetandi omnino abrenunciant, quam mendacium prophetent.

Quarto, potius quam esse denuo pseudoprophetae, faciunt se ipsos agricolas, uinitores, artifices, & quaecumque aliud ministerium, ut ceteri alij subeunt. Videmus enim plurimos non uulgaris eruditionis, omni sollicitudine operantes, qui olim torpebant in claustris illis, ocio & luxu, ad id tantum impigri, ut sua rapaci mendicitate aut hypocrisis, omnem pauperum substantiam uorarent. O bone DEVS, quot porcos & lupos monastice aluit: Sed nunc fiunt dei dono, & porcis iumenta laboriosa, & hominibus benignissima oues.

Et dicetur ei: Quid sunt plagæ istæ in medio manuum tuarum? Et dicet: His plagatus sum, in domo eorum, qui diligebant me.

Et dicetur eidem pseudopropheta, non dubium quin ab his, qui eum uiderint plagis cæsum, ut tertia parte diximus. Quid sunt plagæ istæ &c. Quotquot hūc locū de Christo passo enarrarūt, mendacium locuti sunt. Christus enim non fuit cæsus flagellis propter mendaciū, sed pro ueritate. Et is sermo pseudopropheta cæso dicitur, non Prophetæ ueritatis. Vide nunc quanti periculi res sit, truncatos ex Biblijs textus, non obseruato locorū scopo, allegare. Nam per id fit, ut penitus ueritati opposita dicantur. Et uere hæc fuit caussa una è præcipuis, propter quas in errore fuimus sæculis multis. In quibus quotquot libri editi fuere, pleni sunt allegationibus eloquiorum D E I, sumptis fermè in alium sensum, quàm uelit textus simplicitas. Igitur uersus præscriptus ad domini passionem nihil attinet.

Capitur ergo de his, quos suprà tertia parte, dixit à prijs parentibus confixos, pro eo q̄ mendacium prophetarant. Quos ubi alij uiderint uulneratos & cæsos, dicent eis: Quid sunt plagæ istæ in medio manuum tuarum, id est, in te. Sensus est: Quid fecisti, q̄ sic plagatus es? Mox illi agnoscent peccatum suum, & iustam manum se diligentium,

diligentium, dicentq; eorum quisq; se interrogantibus: His plagatus sum, non in domo aliena ab hostibus, sed in domo eorum, qui me ex animo diligebant, nempe parentum, qui non ex odio aut iniuste, sed ex amore & iustissime id mihi fecerunt.

P A R S S E X T A.

Framea suscitare super pastorem meum, & super uirum cohærentem mihi, dicit Dominus exercituum.

Framea gladius est, & significat omnes amaritudines, quas Dominus IESVS Christus pro nobis in carne sustinuit. Amaritudo quippe & aduersitas, gladij nomine aliquando capitur, ut Lucae primo: Tuam ipsius animam gladius pertransibit. Porrò hunc locum de Christo esse, ex eo palàm fit, quòd Christus sit pastor domino cohærens.

Dicit ergo dominus Deus exercituum, de C H R I S T O, ostendens immutabile decretum suum, de pascione & malis, quæ in carne pertulit. O framea, dolor, flagella, & cruciatus mortis, suscitare, uen: super pastorem meum, id est, super C H I S T V M, qui totus meus est, & in quo nihil, quod non mihi sit maxime gratum, quem feci pastorem meum, non ut pascat me, sed oues meas. Et super uirum cohærens

FRANC. LAMB. IN ZACHARIAM

tem mihi, hoc est, super ipsum Christum hominem, semp
diuinitati coherentem, & quæ mihi sunt placita facientē.
Veniant super eū mala, ut p omnibus electis meis satisfaciat,
ne in æternū dispeream. Moriatur bonus ipse pastor, p
ouibus suis, & sua morte sit ipsis ouibus salus. Sed audi
apertius, quid framea precipiatur.

**Percute pastorem & dispergentur oues. Et
conuertam manum meam ad paruulos.**

Framea percussus est dominus I E S V S Christus, sed
nequaquam abscriptus ab ea. Oravit enim, ut ab ea erue-
retur. Psalm. 21. & exauditus fuit pro sua reuerentia.

Quod autem de domino I E S V Christo intelligatur hic
textus, ostenditur Matth. 26. Vbi hic uersus ab eo allega-
tur. Sed quando percussus est hac framea? Quando & to-
ties, quoties graue aliquid pro nobis sustinuit, sed præser-
tim in tempore passionis, quando adimpletum est, quod
subiungitur: Et dispergentur oues gregis, Apostoli scili-
cet. Mox enim capto Domino, fugerunt, timentes & i-
psi comprehendi ab impijs.

Vsq; hodie percussiones Scruatoris & pastoris nostri
I E S V Christi multos absterrent, & uehementer quidē,
ut à Chr. sto se diuidant. Verum si non est eousq; progres-
sus timor, ut toto corde abnegetur Dei ueritas, non est de-
sperandum. Sæpe enim electi (deo ita permittente) cadūt,
& surgētes, ardentiores fiunt, ut in Petro habes, et Apo-
stolis. Nimirū respicit eos deus suo spiritu eosdē illustrās
in tēpore, & tum uere redeunt ad eū, à quo se diuiserant.

Noli

Nolitamen putare, quòd omnis ob crucem fugiens, dispergatur aut diuidatur à Christo. Nimirum nisi aliquando fugeret, à uerbo Domini apostatarct. Nobis enim præcipitur: Si uos persecuti fuerint in una ciuitate, fugite in aliam. Quæ iussio, nisi gloria Christi, & salus proximorum manere compellat, est obseruanda. Cæterum ubi nullus est mansionis fructus, sed tātum furor, & tyrannis impiorum, sine ueritatis promotione expectatur, fugiendum est. Ad quid enim curremus in ora luporum, mox ab eis uorandi, maxime ut nostro sæculo habet res? Quandoquidem hostes uerbi neminem audire uolunt, qui ueritati perhibeat testimonium, sed incomparabili animi scuitia, ad fundendum innoxium sanguinem properant. Fugiendum ergo tum, ut alibi annuncies gloriam Christi. Quod Paulus & alij Apostoli non raro fecere. Tantum id uiderit quisq; ne ab incredulitatis fonte prodeat fuga sua, sed ut diutius uiuens, annunciet magis fratribus regnum Dei, dicatq; intra se: Non moriar sed uiuam, & narrabo opera Domini. Fugiam ora luporum & ferarum, dum media tribuit Deus. Quod si uoluerit me pro nominis sui gloria pati, & proprio sanguine ueritatem testari, nouit qua ratione id facturus sit, & faciet me comprehendi. Oret autem semper ex animo & fide, ut fiat uoluntas eius sanctissima, de seipso, siue in uitam siue in mortem.

In eo quòd Dominus iubet frameæ, ut Christum percutiat, argumentum certissimū habes, q̃ omnia mala, quæ p

FRANC. LAMB. IN ZACHARIAM

tulit dominus in carne, ab æterno prædefinita erant. Neq̃ enim fieri potuit, ut quicquam uel minimum pateretur, nisi sicut præordinarat, & hoc quidem hora & potestate tenebrarum impijs concessa. Proinde in captione sua dixit: Hæc est hora uestra & potestas tenebrarum. Lu. 22.

Porro ipso pastore percusso, ouibusq̃ dispersis, conuertam (ait Dominus) manum meã ad paruulos. Ad quos paruulos? Non dubium, quin ad ipsas oues dispersas, & ad omnes electos, qui idcirco paruuli dicuntur, q̃ diuini spiritus efficacia, paruuli sint malicia, & fiant ut modo geniti infantes, sine dolo, superbia et malignitate. Ad hos conuertit manum suam, hoc est, in eis & per eos operatur mirabilia sua. Manus enim, ut sæpius diximus, operationem & uirtutem seu potentiam significat. Manus ergo domini est cum electis suis, quoniam cum eis habet suum testamentum, suumq̃ fœdus, & eius auxilium cū eis est. Sic quispiam fœdus initurus cum proximo, aut illum adiuturus, dicit: Manus mea erit tecum.

P A R S S E P T I M A.

Et erunt in omni terra, dicit Dominus, partes duę in ea dispergentur & deficient, & tertia pars relinquetur in ea. Et ducam tertiam partem per ignem, & uram eos sicut uritur argentum, & probabo eos sicut probatur aurum.

Ne putes locum præscriptum de dispersis ouibus, de solis Apostolis intelligi. Nimirum ad oēs quomodolibet ab eo dispersos refertur. Porro electi sic dispersi sunt, ut denuo oportune congregentur in Ecclesiam, ut de Apostolis exemplum habes. Contrà reprobi disperguntur & intereunt, à pietate ex animo deficientes. Qui quoniā plures sunt q̄ electi, duarū partiū nomine capiūtur: electorū uero paucitas tertiā pars est. Quæ alijs duabus à ueritate deficientibus, domino relinquitur.

Porro is locus tametsi uniuersis gentibus bene conuenit, ut scilicet reprobi per duas partes dispersas & deficientes, electi uero per tertiam relictam capiantur: æstimo ueruntamen, quòd de Iudeis primum intelligatur. Voluit enim ostendere spiritus sanctus, quòd pauci è Iudeis erāt cum Christo relinquendi, hoc est, fidem eius suscepturi, ceteri uero dispergendi & excæcandi, eo quòd Domini Iesu pastoris nostri percussio illis foret in scandalū. 1. Corin. 1. Verum quia sicut ex eodem loco Pauli notum est, Christi percussio prædicatio fuit gentibus stultitia, & indubie etiam ex eis plures impij quàm pij sunt, ideo non incōgrue reprobi è gentibus duabus partibus, electi uero tertia designantur.

Ceterum hanc tertiam partē duxit, ducitq; etiam hodie per ignem dominus, & urit eos, sicut uritur argentum, & probat, sicut probatur aurum. Ignis hoc loco tribulatio est, in quam Apostolos, omnesq; sanctos ductos, & nunc duci, est notissimū. Quia autē dominus est, qui ad eū

b 4 ignem

ignem nos ducit, est nobis magna ualde causa ueræ consolationis, ut non grauati mala feramus, in quæ dei uoluntate pro eius ueritatis assertionem decidimus, Certi enim sumus, q̄ nobiscum est dominus in ipso igne, qui nos tandem eripiet & glorificabit. Psal. 90. Quod electi omnes tandem agnoscunt & dicunt: Transiimus per ignem & aquam, et eduxisti nos in refrigeriū. Quorū corda probauit Deus, & uisitauit nocte, & uelut igne examinauit. Psal. 118. Tanquam aurum in fornace probauit eos, & uelut holocausti hostiam accepit illos, & in tempore erit respectus illorum. Sapient. 3. Per hunc ignem dominus IESVS Christus ante nos transiuit, ut leuius feramus: percussus est pro nobis, ut nos percussi non doleamus, sed magis in eo gloriamur, scientes, quod domini immutabile decretum sit, q̄ oēs q̄ eo pie uiuūt, aduersa pati necesse est. 2. Tim. 3. Ne q̄; enī domo et ipso pastore nostro maiores sumus. Io. 13. Ipse uocabit nomen meum, & ego exaudiam eum. Dicam, populus meus es, & ipse dicet, dominus Deus meus.

Ipse populus, qui est pars tertiæ reliquæ, uocabit nomen meum, in me fiduciam habens, & ego exaudiam eum. Simile est illud Psal. 90. Clamauit ad me, & ego exaudiam eum. Et dicam, populus eius: Sensus est. Habebo eum pro meo populo, imò erit populus meus, et me habebit pro deo suo, et mihi soli fidet. Ipse petet à me auxilium, & in me, ut in Deum suum fiduciam habebit, & ego auxiliabor ei, ut uero populo meo. Hinc habes argumentū ad pbandum, q̄ electi

electi soli, qui credunt, & ueritatis causa, per crucis ignē transcunt, populus Domini sunt, & ipse Dominus est Deus eorum.

CAPVT XIII.

Summarium capitis. Primum, de Antichristorum persecutione aduersum Ecclesiam, quod uidelicet capient eam, diuidentq; spolia in medio eius &c. Secundo, quod Dominus sit pro ea praeliaturus. Tertio, de scissione montis oliuarū Christi, et ibi multa et magna mysteria. Quarto, de tenebrosis errorum seculis, & die nota Domino, in cuius uestpere erit lux. Quinto, de aquis uiuis perpetuo egredientibus ex Hierusalem. Sexto, quod Deus sit futurus Rex unus & Dominus, & de unitate nominis eius. Septimo, de reuersione electorum & instauratione Hierusalem. Octauo, de inhabitatione, benedictione ac securitate eius. Nono, de plagis Antichristorum. Decimo, de tumultu Domini magno super eos, & irritatione consiliorum, ac contritione omnis roboris eorum. Vndecimo, de mysterio festi tabernaculorum. Duodecimo, de punitione non celebrantium ipsum festum. Tertiodecimo, de sancto quod erit super frenū. Quartodecimo, de ueris Ecclesie Dei hostijs.

P A R S P R I M A.

ECce dies domini ueniūt, dicit dominus, & diuidentur spolia tua in medio tui. Et congregabo omnes gentes ad Hierusalem in prelium, & capietur ciuitas, & uastabuntur domus, & mulieres uiolabuntur. Et egredietur media pars ciuitatis in captiuitatem, & reliquum populi non auferetur ex urbe.

Magno cum timore, & plena omnis prioris studij diffidentia ac cū sola in deū fiducia, huius præsertim capitis interpretationē aggressus sum. Quæ siui scopū spiritus, quem ant tandem inuenerim, esto lectoris iudiciū, modo ex uerbo dei iudicet. Lætabor enim maxime, si quæ enarrauimus, apertius indices reuelentur.

Igitur primum arbitror satis liquere, quod ea quæ hac priore huius capitis parte habentur de terrestri illa Hierosolyma haudquaquam sint. Non enim intelligitur de captione eius per Chaldaeos, quæ nec diebus Zachariæ nec post eum fuit, neq; de eius uastatione per Romanos, quia teste Iosepho libro septimo, de Iudaico bello, populus non fuit relictus in urbe, hic autem dicitur, quod pars populi in ea relictæ fuerit.

Deinde ex multis hoc capite positis, quæ iuxta literæ faciem intelligi nequeunt, notum est, quod & alia, quæ simul cum eis pro una prophetia habentur, & ex textus ordine sunt colligata, eundem sensum habent, & una in=
terpreta=

terpretationis ratione sunt enarranda. Ergo in mysterio est caput hoc exponendum.

Iam ergo ad textum accedamus, & scrutemur quæ sit ea Hierosolyma, de qua hic agitur. Ex textus ordine ea est, contra quam omnes gentes, omnes scilicet impij, congregantur in prælium, & pro qua Dominus ipse uictoriosissime præliatur, & ex qua fluunt aquæ uiuæ. Hæc est Ecclesia Dei, uera pacis uisio, per terrestrem Hierosolymam figurata. Quancunq; autem aliam Hierosolymam dederis, semper erit, quod omnibus textus partibus minime cõueniat.

Domini autem est hic sermo, de seipso quasi de tertio loquentis. Ecce, inquit, ueniunt dies Domini, quos scilicet ego qui sum Dominus præfiniui, ut in eis adimpleam, quæ sequuntur. Hi sunt dies, siue tempora, quæ secuta Christi aduentum, maxime post uerbum ab Apostolis nunciatum, & multiplicatis Antichristis. Quid fiet in ipsis diebus? Diuidentur spolia tua, in medio tui, o Hierusalem. A quibus? Ab incredulis, ab Antichristis præsertim.

Quæ sunt hæc spolia? Omnis substantia fidelium. Nõ enim potest intelligi de spolijs spiritualibus, quæ non placent impijs, nisi in hypocrisi & mendacio, qui etiam se eadem posse distribuere mentiuntur. Is ergo locus, intelligitur de terrenorum direptione, & de eo quod impij hypocrite & Antichristi dicunt se dispensatores spiritualium, ut indulgentiarum, orationum, suffragiorum &c.

Liquet autem ex priore Ioannis canonica, qd ab eorum diebus

diebus Antichristi multi erant, qui proprie sunt hi, qui sub nomine Christi contra Christum agunt, quemadmodum libro de causis excecationis aperte docuimus. Qui ex dei uerbo non dei gloriam, sed terrena quaesierunt. Idcirco nitebantur, ut grata hominibus loquerentur. Per quos introiuit erroris spiritus, et inanis philosophia in Ecclesiam, & tam inualuit excecatio, ut quae omnino & ex directo contra pietatem erant, à Christo esse putarentur. Ceterum ubi tam potuit ipse erroris spiritus, ut lux ueritatis, dei ex pauescendo iudicio, uix à paucissimis uideretur, coeperunt Episcopi amare terrena, pijs ut ualebant obsistentibus. Sed ita factum est, ut pijs cum impijs praeliantibus, impij multitudine uincerent, & captiuam fecerunt ciuitatem dei Ecclesiam, & principatum in ea obtinuerunt, ponentes sibi diademata, mitras, galeros, ut in Antichristi regno uidemus. Dixerunt se missos à Domino. Apostolorum uice, & se habere functionem apostolicam, ac facultatem definiendi de uerbo Domini, & simul principari coeperunt, ut posteaquam rapuerant, quae ad decum spectabant, etiam quae principum erant, callidissime deprædarentur.

At posteaquam id consecuti sunt, ut super ciuitatem ipsam Domini, eius uices gerere putarentur, nihil est, quod non tentarint, ut sub dei nomine, omnem mundi substantiam exhaurirent, & haberent etiam orbis imperium sub manu sua. Audi autem, & uide raptores hos, has gentes, hos Antichristos, quomodo in medio Ecclesiae sanctae, spolia eius diuidant, quae scz. ab ipsa Ecclesia diripuerunt,

atq; à deo, unico eiusdem ciuitatis rege. Vendunt omnia, quæ Christi sunt, & dant quibus uolunt, priuilegia, diuitias, honores, beneficia, & gloriam huius sæculi, suis clientibus, cinedisq; procis & meretricibus. Iactant se distributores meritorum Christi. Rapuerunt à deo ius condendi leges, calcantesq; impolluta eloquia Domini, decreta illis contraria passim constituunt, ut de uenerandis idolis, & diuis, de uotis sectarum, de iustitijs operum, de remissione peccatorum, per suas imposturas. Adserunt benedictos, quibus benedicunt, & maledictos, quibus maledicunt. Ecce quàm pacifice & nemine obsistente, tot annis, tot inquam sæculis, diuiserunt spolia Ecclesiæ, in medio eius, & quàm ficerint eam captiuam, sub figmentis & imposturis suis. Hæc diximus de Antichristis Europæ, de Antichristis Africæ & Asiæ, idem sentientes, tametsi speciatim ignoremus, qua ratione in medio Ecclesiæ spolia diuidant. Hos & uniuerfos incredulos, congregat Dominus aduersus Hierusalem nouam & sanctam, id est, Ecclesiam, in prælium, & datur illis, ut hora & potestate tenebrarum, quam donauit illis Dominus, adfligant sanctos uarijs modis.

Et præter diuisionem spoliiorum, de qua prædiximus, quinq; in hac Ecclesiæ afflictione futura prænunciauit spiritus sanctus. Primo, quòd caperetur ciuitas ipsa dei, nempe Ecclesia. Quod quàm uerum fuerit, multis heu sæculis experui fuimus. Tamenim captiui fuimus, ut nulla ullibi unquã fuerit captiuitas, hac crudelior, diuturnior, abominatio

FRANC. LAMB. IN ZACHARIAM

abominabilior . Liberos nos fecerat Dominus IESVS Christus, inestimabili sui sanguinis precio, à maledicto legis, à peccato, morte, & inferno, & uniuersis traditionibus hominum, ut de manu hostium liberati, sine timore illi seruiremus. Luc. 1. Sed terrendo miroq; attamen uenerando altissimi iudicio, tam potuere hæ gentes, hi pietatis hostes, hæ sæuissimæ bestię agri, ut nos captiuos hactenus fecerint. Et in ea captiuitate plurimi habentur nostro sæculo, nolentes ueræ libertatis, quæ nobis per uerbum sanctum offertur fieri participes.

Secundo, prædixit quod uastarent domos ciuitatis eiusdem, speciales scilicet Ecclesias, omnia suis signamentis, traditionibus, ac mendacijs, perturbantes ac confundentes. Quemadmodum enim ciuitate tota Ecclesia, ita domibus ciuitatis, speciales Ecclesiæ figurantur.

Tertio, quod mulieres uiolarent, sponsas scilicet Domini IESV Christi, quas sibi in fide, misericordia, & miserationibus despōsarat. Hæ sunt tam ipse speciales Ecclesiæ, quàm fidelis quisq;. Nimirum ut in Solomonis Canticis ostendimus, utriq; mulierum nomine significantur. Nam ibidem aut per Sponsam, aut per adolescentulas significantur. Nemo autem incongruū putet, quod ipsas speciales Ecclesias, & domibus & mulieribus seu sponsis, diximus intelligi, nam utrunq; uarijs respectibus eisdem congruit. Domus namq; sunt, quod in eis Dominus habitet, mulieres uero seu sponsæ, quod sint Christo in fide copulatæ.

Quarto.

Quarto, prænunciauit quod egrederetur media pars ciuitatis in captiuitatem. Hanc mediam partem puto esse omnes, qui seducti à totius orbis Antichristis (etenim ut diximus, præter eos qui sunt in Europa, alij sunt) omnino apostatarunt à fide, & toto corde secuti sunt mendacia hominum, doctrinasq; dæmoniorū. Vnde ut arbitror, nō posuit, ducetur, sed egredietur in captiuitatem. Voluntarie enim & toto animo, post mendacia currunt, & illa pleno adfectu amplectuntur.

Quinto, quod reliquum populi, non auferetur ex urbe, uel ut Septua. habent. Reliqui autem populi mei, non peribunt de ciuitate. Hi sunt electi, qui tamen si in errorū captiuitatis præscriptæ, pniciosissimis tenebris fuerint, syncera ueruntamen, ac simplici in Christum fide seruati sunt, quod eos retinente spiritu dei, ipsis tenebris toto corde non subscripserint, de qua re locis alijs egimus, præsertim libro de causis excæcatiōis, quæ hætenus fuit.

Nihil uidet hic agi de gladijs, & armis, sed tantum meminit captionis ciuitatis, uastationis domorum, & uiolationis mulierum, quod puto sic scriptum, ut scias hanc captionem, uastationem, & uiolationem, non tam fieri armis quàm imposturis. Tamen si de mulierum uiolatione, nihil reprobarim, si etiam ad literam quis adcipere uelit. Nimirum posteaquam dei ciuitas, modo præscripto, ab hypocritis & Antichristis capta fuit, ob scortatorium illum clericorum & pharisæorum celibatum, ac prohibitionem impolluti thori casti coniugij, omnia conspurcata
fuerunt

fuere libidinibus, & mulieres proximorum à pseudocastis illis maxime uiolatae, de qua re libro de sacro coniugio, abunde egimus.

Non defuere, qui hanc persecutionem & captionem Hierosolymae, id est, Ecclesiae, ad persecutionem Gog & Magog retulerunt. Quibus facile accederem, nisi ex Eze. 38. & 39. Vbi plenissime Gog aduentus & interitus describitur, aliud concludendum esset. Ibi enim dicitur, quòd ueniet ad spolia diripienda, & Apoc. 20. Dicuntur circumdedisse ciuitatem dilectam, sed nullibi habetur, quòd eam ciuitatem captiuam fecerint, aut alicui ex ea quidquam nocuerint, quin potius mox interituri, & à deo grauiissime iudicaturi praedicuntur. De quibus plura apud ipsum Ezechielem locis praescriptis, deo uolente agemus.

Postremo si quis omnino contendit, textum quem enarrauimus de terrestri Hierosolyma interpretandum, id confirmet ut opus est, & ostendat, quomodo tum conuenient quae sequuntur. Et egreditur dominus &c. Indubie enim ad eandem prophetiam spectant. Cum autem inuenerit, quòd partes non consentient, & interim nostram expositionem calumniatur, ostendat errata, simul & doceat melius, & in Domino letabimur. Hæc subiunximus propter nonnullos, à quorum sensu longe est, quis quis ex deo est, qui quidquid eorum sensui non congruit, in aliorum scriptis, fucatissimis calumnijs impugnare non cessant. Nos autem non nostrum, sed solum dei sensum,
in suis

in suis scriptis requirendum agnouimus, quem etiam cū eius fiducia requirimus.

P A R S S E C V N D A.

Et egredietur dominus, & præliabitur contra gentes illas sicut præliatus est in die certaminis.

Egressus est Dominus, cū uenit in carnem, sicut ipse dixit Ioan. 10. Exiui à patre, et ueni in mundum. Et quoties nos iuuat, aut aliquid in creaturis operatur, egredi dicitur. Hinc Micheæ. 1. Egredietur Dominus de loco suo, & descendet, & calcabit super excelsa terræ. Et Abacuc. 3. Egressus es in salutem populi tui, uel ut seruares populum tuum, per IESVM Christum tuum. Verum quod ad hunc locum spectat, non æstimo quòd intelligatur de alijs quàm nostris sæculis, & his qui futuri sunt, in quibus posteaquam multis præcedentibus, fuit dura ciuitatis dei captiuitas, Dominus egressus est per uerbum suum, & præliatur aduersum gentes, & Antichristos, sicut præliatus est in die certaminis. Quæ est hæc dies? Alij putant esse diem submersionis Aegyptiorum in mari rubro, alij diem quo Angelus Domini occidit in castris Assyriorum, centum octoginta quinque milia. Ego magis arbitror generatim capiendum, ut sit sensus. Dominus præliatur aduersum hostes populi sui, sicut præliari

c consuevit

FRANC. LAMB. IN ZACHARIAM

consuevit aduersum eos, quos debellare uoluit, hoc est, uictoriosissime, ut in die Aegyptiorum . Exo. 14. uel in die Madian, quo Gedeon cum trecentis, de infinita multitudine triumphauit. Iudi. 7. Vel sicut in die Assyriorum contra Hierusalem. 4. Reg. 19. aut alijs diebus, in quibus insignes uictorias fecit. Ipse est qui exit uincens, ut uincat, & conteret omnes hostes suos. Apoc. 6.

Obstant ergo Principes Deo uiuenti, & exercitui eius, certissime enim tandem conterentur, & uicti iacebunt. Putant cæci se tum uincere, cū ueritatis professores, interimunt gladio, igne, suspendio, aquis, ac alijs cruciatus, nescientes quod tum maxime deuincuntur. Egressus iste Domini, contra gentes, quæ aduersantur ciuitati dei, erit semper, diebus ante secula præfinitis, quibus & sanctis adesse, & hostes suos calcare & perdere definiuit. Porro in Gog euerfione, egressus ille Domini, super omnem modum gloriosus erit.

P A R S T E R T I A.

Et stabunt pedes eius in die illa super montem oliuarum, qui est contra Hierusalem ad orientem. Et scindetur mons oliuarum ex media parte sui ad orientem & ad occidentem, prærupto grandi ualde. Et separabitur medium montis ad aquilonem, et medium eius ad meridiem. Et fugietis ad uallem montis
tium

tium eorum, quoniam coniungetur uallis montium usque ad proximum. Et fugietis sicut fugistis à facie terræmotus in diebus Oziæ regis Iuda. Et ueniet dominus Deus meus omnesque sancti cum eo.

NE putes Dominum egressum, ad solam hostium contritionem, hic habes quod sanctis adsit, & illis refugium tutissimum ac fortissimum tribuat. Et stabunt, inquit, pedes eius, non dubium quin Domini, in die illa, cum scilicet uoluerit populum suum liberum facere à gentibus, & gentes ipsas perdere, super montem oliuarum, qui est contra Hierusalem ad orientem. Stare, est adsistentis, ut uiuet. Ideo tametsi etiam usque ad consummationem sæculi, adsit fidelibus Deus. Matth. ult. tum ueruntamen potissimum adesse dicitur, cum à malis grauius liberat, tribuens auxilium oportunum.

Sed quis est hic mons oliuarum, in quo sunt Domini pedes, oliui & oleo plenus? Diximus in Solomonis Canticis & alijs locis, Ecclesiam monte designari, uerum hoc loco non congruit, quoniam Ecclesia est ipsa Hierusalem ad cuius orientem, hic oliuarum mons esse dicitur. Ego non puto aliud hoc monte designari, quam Dominum I E S U M C H R I S T U M, ut hominem, plenum oliui & oleo charismatum D E I. Siquidem gratia & ueritate plenus est, & de eius plenitudine fideles accipiunt. Ioannis primo. Proinde

c 2 Psal.

FRANC. LAMB. IN ZACHARIAM

Psal. 67. dicitur de ipso: Mons dei, mons pinguis, mons coagulatus, mons pinguis. Mons in quo beneplacitum est Deo habitare in eo, etenim Dominus habitabit in finem. In C H R I S T O homine, uero monte oliuarum, monte pinguiissimo, stant Dei pedes, cum in eo manet omnis plenitudo diuinitatis corporaliter. Col. 3.

Porrò congrue admodum, ab oriente contra Hierusalem esse dicitur, quòd & ipse oriens sit, ut suprà cap. 3. et 6. habes, qui oritur ut sol iustitiæ, timentì Deum Ecclesiæ suæ, Mala. 4. Et ab eo procedit, uenitq; in eam, omnis gratia, ueritas, spiritus, pax, & omne bonum. Christus ergo ut homo, est mons ille sublimis & pinguis oleo, in quo est perpetuo Deus, in Ecclesiæ bonum. Etenim non potest hic locus capi ad literam, de monte oliuarum.

Sed quid est quod dicitur? Scindetur mons oliuarum &c. Quis unquam diuisit C H R I S T V M, per medium, ut hic habes? Summam ex hoc loco puto capiendam, nempe, ut scias dici figuratiue, montem diuisum, & uallem in diuisione esse, quæ ualli montis Sion coniungitur, ualli inquam Iosaphat, habenti ab oriente montem oliuarum, & ab occidente montem Sion. Ipsi ergo ualli Iosaphat, iungitur uorago siue apertio montis oliueti, usque ad proximum, id est, sine ulla re media, inter hanc uallem & uoraginem, ita quòd simul ex ipsa ualle atque uoragine, fiat simul una tutissima uallis, montibus cincta, in quam fugiunt ueri Ifraëlitæ, id est, fideles, tempore

tempore terremotus, hoc est, in afflictione desolatæ conscientiæ & omni tribulatione.

Non puto aliquid specialiter designari, per ipsius montis diuisionem, ab oriente in occidentem, nec per id quod pars montis diuisi, scribitur declinata ad meridiem, pars ad aquilonem: sed ex tota simul hac prophetia, est colligendum, quod in tempore afflictionis & tribulationis, C H R I S T V S se Hierosolymitis, id est, fidelibus aperit, illisq; est tutissimum refugium, eos cingens quasi murus, ut supra cap. secundo, murus uocatur, & quasi mons fortissimus, & inexpugnabilis, sicut scriptum est. Montes in circuitu eius, & Dominus in circuitu populi sui, ex hoc nunc, & usque in seculum. Psal. 124.

Nunc observa à capitis initio, quàm bene omnia quadrarent. Ciuitas illa Dei, cui patet fons Davidis cap. præce. & quam fluminis impetus lætificat. Psal. 45. ab Apostolorum diebus, tam circundata fuit ab hostibus impijs, incredulis, hypocritis, & Antichristis, ut tandem sub imposturis hominum misere captiuata sit, & in ea uniuersa perturbata, confusa, ac polluta, sicut prædiximus. Sed egressus est D O M I N V S, in auxilium ciuium urbis suæ, hoc est, electorum, & ut prælietur contra hostes suos.

Cæterum ne putes Dominum, præteritis errorum sæculis, ipsos electos deseruisse, adfuit non longe ab eis Dominus, & quasi mons tutissimus cinxit eos, & fuit

FRANC. LAMB. IN ZACHARIAM

illis in refugium tutissimum, ab omni malo, & tribulatione. Fide enim Domino adsistunt, & DOMINVS protegit eos à perditione, facitq; ne pereant, etiam in medio errorum, & umbræ mortis. Sic fide in hunc usq; diem, inter tot captiuitates, electi seruati sunt, confugientes ad interiora diuisi montis oliueti, Domini I E S V C H R I S T I, & in eum solum fiduciā habentes.

Quemadmodum enim in terræ motu grauissimo, qui fuit OZIE siue AZARIE regis Iuda diebus (de quo & in Amos principio agitur, quem ferunt tum fuisse, cum OZIAS ipse, sacerdotium contra fas usurpare uoluit) multi fugerunt ad tutiora montium loca, nimio terrore perculsi, ita electi tenebrarum miserandæ cæcitatæ horrore, & tot malorum uarietate, quæ præscriptæ captiuitatis infelicissimis diebus fuerunt, quasi à facie horrendissimi terræ motus, admodū perterriti, ad cor Christi ueri oliuarum montis, sincera fide confugerunt, & confugiunt, tuti per id se esse nihil dubitantes. Quod & apertius innotescit, per id quod subiungitur.

Et ueniet Dominus Deus meus. Quo? Non dubium quin ad ipsum montem C H R I S T V M. Semper enim est Deus uerus, quod nunquam fuit C H R I S T V S homo, absque Deo, etiam in eo præsentissime existente. Nam pariter & semper Deus ac homo est. Ipse quoque ut Deus est in patre, & pater in eo. Ioan. 14. Et cum eo sunt omnes sancti, fideles, electi. Quomodo cum eo? Illi fide purissima iuncti, participes spiritus

ritus eius, quorum ipse est caput & Deus: ipsi uero membra, serui, & ministri eius.

In monte ergo hoc pingui C H R I S T O, est Deus, ut sanctis in firmamentum sit, & ipsi fideles in eo pariter sunt, ea ratione, qua prædiximus, ut à Deo qui in C H R I S T O est, per ipsum C H R I S T V M roborentur.

Porro ad eum montem uenit Deus, mox ab initio conditi eius montis, scilicet tum ilico, ubi primum fuit conceptus. Non enim fuit ante homo, quàm Deus, sed simul homo & Deus. Nos autem tum cum Domino in C H R I S T O uero monte primum sumus, cum integra fide illi cohaeremus, & per illam membra eius efficimur. Beatus qui manet cum Domino in Christo, quod qui non consequitur, est maledictus.

P A R S Q V A R T A.

Et erit in die illa non erit lux, sed frigus & gelus, & erit dies una quæ nota est domino, non dies neque nox & in tempore uesper erit lux.

Capta ab impijs ciuitate Dei, Ecclesia, & omnibus per Antichristos in ea perturbatis & confusis, non erit lux ueritatis, hoc est, non uidebuur in

FRANC. LAMB. IN ZACHARIAM

Ecclesia, sed abscondetur, iudicio dei æquissimo, uerum supra modum expauescendo. Quòd autem ipsa ueritas, sit lux, & aliàs sæpe diximus ac probauimus, & id quisquis eius sit particeps experitur. Nimirum absq; ea, non nisi cæcitatibus densissimæ tenebræ sunt.

Fuerunt ergo imò adhuc in multis sunt tenebræ, & ob perpetuam ueræ lucis absentiam, est frigus & gelu. Siquidem abundante iniquitate, fides defecit & charitas refrixit. Matth. 24. Hi sunt dies periculosi, quorum abominations paulus in parte enumerat. 2. Timo 3. & de quibus. 1. Timo. 4. prophetauit, quòd discederent quidam à fide, attendentes spiritibus impostoribus, & doctrinis demoniorum, cauteriatam habentes conscientiam, prohibentes in hypocrisi, coniugia sacra, atq; cibos quos Deus cunctis fidelibus fecit liberos, modo ex fide.

Quemadmodum enim lux uehemens calorem nonnunquam tam magnum parit, ut etiam adurere possit, ut patet in ardore solis irradiantis, & ex claritate, quæ reuerberatur ex speculis calibels, & perpetuæ tenebræ frigus adferunt, ita ueritatis lux adurit in fidelibus, omnem impuritatem, & eos facit in rebus sacris, & charitate ardentissimos, qua absente, tenebræ decretorum, traditionum, ac mendaciorum hominum, tam perniciosum algorem, tamq; durum incredulitatis gelu producunt, ut eis regnantibus ignis diuini amoris, ac charitatis in proximum nullibi esse possit. Hic locus maxime facit, pro cæcitate

tate præcedentium temporum, in quibus ueritas Domini abscondita fuit.

Sed quæ obsecro est dies illa una, nota Domino, non dies neq; nox, de qua hic dicitur, quòd ad eius uesperam erit lux? Si enim dies, quomodo non dies neq; nox? Indubie hæc una dies aliquod tempus est, sed incertum est, an sicut alibi, per diē, annum, aut aliud tempus uelit intelligi. Quod tempus, ut puto, dicitur non dies, q̄ in eo non fuerit reuelata & annunciata ueritatis lux. Dicitur autem nō nox, propter electos, quibus semper aliquid lucis exortū est, ne disperirent. Ad huius autem diei siue temporis uesperam, hoc est, in fine, erit lux. Nimirum post errorum tenebras expectanda est ueritatis desideratiss. lux. Arbitror autem, nos esse in huius temporis uespera, q̄ Dei misericordia nobis illuxerit hæc ueritatis lux, quæ nostris patribus abscondita fuit. Quandoquidē si Dei munere ueritatis participes effecti sumus, uere tum agnosceremus, quā perniciosa & tenebrosa fuerit nox, quæ hætenus fuit.

Quod hypocritæ & increduli capere nequeunt, q̄ non nisi fallax carnis iudicium in eis sit, ideoq; hanc Domini lucem, tenebras, & tenebras suas, lucem esse dicunt.

Hi quia suis cogitationibus ab omni sermone Domini facile abducuntur, imponunt nobis propter eos, qui uerbo libertatis Euangelicæ in carnis occasionem abutuntur, q̄ fidelium opera in nobis haudquaquam sint, quòd scilicet non simus in proximos benefici & pij, & quòd in nobis sit gelu præscriptum, non in eis. Quibus dicimus, quòd

FRANC. LAMB. IN ZACHARIAM

Si quis se ex nobis esse gloriatur, & in eo non est charitas in proximos, nihil minus quam ex nobis est, & charitas uera non est in eo. Nimirum fieri non potest, ut Christianus sit, qui non est in proximos, ut potest, beneficus & misericors, & quod quid ore profiteatur, ueritas Dei non est in illo. Proinde ubi aliquos uideris negantes proximis auxilium, scias certissime quod non est ueritatis amicus, etiam si per singula momenta CHRISTVM ore predicet. Fides enim, omne cordis gelu dissoluit, & per charitatem semper est operosa. Hypocrisis ergo & mendacium est id genus frigidorum uita. Certissimum quippe signum infidelitatis & mendacij, hoc est, hypocriseos, est presatum frigus & gelu.

Propter eiusmodi ergo pseudofideles uerbum Domini, & ueri fideles impie ab impijs & ueritatis hostibus reprobandur. Sed ita caeci querunt quid allegent, uel in mendacio, unde nonnullis simplicibus ualeant persuadere, quod in ueritate ambulent, & quod dei ueritas mendacium sit. Sic agunt impostores, ut ipsi fidelium numero adscripti putentur, cum omnis eorum uita non sit nisi in tenebris, mendacio, & infidelitatis mortifero algore.

P A R S Q U I N T A.

Eterit: In die illa exhibunt aquae uiuae de Hierusalem. Medium earum ad mare orientale, & medium earum ad mare nouissimum. In estate & hyeme erunt.

Aque

A quæ istæ redeunteluce, redeunt, q̄ idem cum illis sint, nempe ueritas, gratia, pax, & uniuerſa charismata ſpiritus IEſu Chriſti, de quibus ſuprà in principio. 13. cap. non nihil egimus. Fluunt ſemper electis, q̄ perire non poſſint, uerum aperte non fluxerunt à diebus quibus nō fuit aperta & publica dei eloquiorū profeſſio, nunc autem iterū fluunt ex noua Hieroſolyma, nēpe eccleſia, q̄ in ea ſit fons patens. Suprà ca. 13. & puteus ipſarū uiuentium aquarum, fluentium ex Libano. Cantico. 4. hoc eſt, ex ipſa Eccleſia, quæ uera Libanus eſt. Quamuis enī ex Sion & Hieroſolyma illa terreſtri exierit uerbum per **C H R I S T V M** & Apoſtolos, ex ſancta ueruntamen Eccleſia uera Sion, ueraq̄ Hieruſalem perpetuò exit, ut habes Eſaia ſecundo, & Micheæ quarto. De Sion exibit lex, & uerbum Domini de Hieruſalem. Qui locus primum de terreſtri Sion, deniq̄ de Eccleſia accipitur. Cæterum non niſi filiis Eccleſiæ fluunt, ideo ad illam properet quiſquis ex Seruatoris fontibus aquas in gaudio haurire cupit. Eſa. 5.

Medium earum exit ad mare Orientale, quod mortuum uocatur, quòd in eo ſint oīa mortua: et medium ad mare nouiſſimum. Mare eſt mundus hic, ſicut alibi probauimus. Porro è mundo hi ſunt in mari mortuo, in quo nihil uiuit: hi ſunt qui nō credūt. Mortui enī ſunt corā domino oēs increduli. Ad hos mox ubi perueniunt aquæ præſcriptæ, ad quos ſolū fide perueniūt, uiuificātur. Nimirū E=

FRANC. LAMB. IN ZACHARIAM

zec. 47. oīa ad quæ ueniūt, uiuificare dicūtur. Mediū ergo istarum aquarum currit ad uiuificādos incredulos, ad seruandas gentes.

Quod ad aliud medium spectat, currunt ad mare nouissimum, mare scilicet magnum, & ut dicto loco Ezechielis habes, sanant aquas eius. Fiunt enim dulces & potabiles. Quid amaritudo aquarum maris, nisi uniuersa buius mundi aduersa? Quæ mox ut aquæ præscriptæ fluunt, dulcorantur & non sentiuntur, immo omnis amaritudo tam longe fit, ut etiam in medio umbræ mortis, atq; etiam in ipsa morte sit dulcedo & pax, quæ omnem sensum exuperat, & quam mundus non capit.

Cum audis has aquas per medium diuidi, noli putare, quòd diuise sint aut seiunctæ, sed q̃ hac figura earum primi fructus designantur, nempe uiuificatio eorum, quæ mortua sunt, & omnis amaritudinis dulcoratio. Ergo illarum partitio significat uarium earum effectum, non diuersitatem & uarietatem earum. Semper enim sibiipsis simillimæ sunt, & semper unitæ. Nimirum unum uerbum, unus spiritus, una fides, unicum salutis medium in Ecclesia est, quæ aquis simillimis & nihil differentibus, ab uno fonte profluentibus designantur.

Exeunt autem in æstate & in hyeme, id est, perpetuo, q̃ nec calore siccentur, nec frigore constringantur, ut nō raro aliæ aquæ. Quis enim poterit aquarum diuini huius æterniq; fontis cursum præpedire, ne fluant? Perpetuò ergo fluent & fluūt, quæ perpetuitas æstatis hyemisq; temporibus

temporibus ideo figuratur, q̄ hæ præcipua sint anni tempora. Siquidem Autumnus & Ver non sunt tam propria tempora, quàm ex æstatis hyemisq̄ proprietatibus admixta & temperata. Per id ergo, q̄ ipsæ aquæ his primis temporibus fluere dicuntur, fluxus earum perpetuitas significatur.

P A R S S E X T A.

Eterit Dominus rex super omnem terram.
In die illa erit Dominus unus, & erit nomen eius unum.

Poste aquam aquæ uiuæ, quæ fluunt è noua illa Hierosolyma, aquarũ dulcorarint amaritudinem, et mortua uiuificarint, sicut prædiximus, omnes ex toto orbe qui earum fuerint experti suauitatem & efficaciam, adorabunt dominum, & profitebuntur gloriam eius, & erunt populus eius, & ipse Deus eorum. Sicq̄ Deus in omni terra super electis solus rex agnoscetur, & nulli parebunt fidelium populi, nisi quatenus ipsi eorum regi deo gratum fore cognouerint. Tum erit rex & dominus unus, Deus & homo IESVS Christus, quemadmodũ aperte habes Ezech. 34. & 37.

Obserua, quòd dominus IESVS Christus in plerisq̄ locis Scripturæ prædicitur regnaturus in Sion. Psalm. 2. in domo Iacob. Luc. 1. in montibus Israël. Ezech. 34. Hic autem dicitur, quòd sit regnaturus super omnem terram.

FRANC. LAMB. IN ZACHARIAM

Nec putandum est, diuersum esse, Christum regnare in Sion, & in omni terra, sed id est obseruandum, q̄ unum alterius expositio est, scilicet quòd hæc Sion est in tota terra, ubicunq; sunt qui uerbo ex animo fauent, in quibus dominus IESVS Christus uere regnat & principatur. igitur ubicunq; sit dei uerbo locus, ibi est Sion, domus Iacob, solium Dauidis, montes Israël & Hierusalem, id est, Ecclesia sancta, & ibi dominus regnat.

Et in omni terra, in sanctis, est nomen Dei unum, unus de eo sensus, unumq; iudicium, per unum spiritum ueritatis. In incredulis nomen Domini non est unum, sed uarium, quòd de eo uarie sentiant. Putant eum uelle coli iuxta figmenta hominum, coram idolis, uelle ut iustificemur propria iustitia, ut uiuamus & operemur cum meritorum nostrorum, quæ nulla sunt, fiducia. Sentiant Deum uelle sectas, precularum numeros, uota ad Diuos, & alias abominationes, quæ apud Antichristos multiplicatæ sunt super numerum. Sicq; faciunt Deum uarium, non uidentes cæci, quòd unus est illius sensus, una iustitia, una ueritas, unus sermo, una fides, & q̄ in his est perfectissima unitas, & nulla omnino diuersitas. Non est ergo nomen Domini in regno Dei, hoc est, Ecclesia, uarium, sed unū: in Synagogis autem incredulorum maxime uarium est.

Quidam putant hoc nomen Domini unum, esse aliquod uocabulum, quo cum sint nominaturi fideles in gloria.

Nos contra hac re nihil minus sentiendum arbitramur.

Alicui rediremus ad insaniam Iudæorum somniantium

plurima

Plurima de quibusdam uocabulis seu nominibus Domini, & similes efficeremur his, qui perperam docent nomen dei magnum & admirabile, esse hoc uocabulum, IESVS. Neq; illis subscribimus, qui dicunt, nomen illud summum Domini, esse Christum. Etenim si Christus ipse est DEI nomen, quod erit aliud nomen, de quo ipse Christus ait Ioan. 17. Pater manifestauit nomen tuum hominibus, quos dedisti mihi? Summa. Nomen Domini est magna eius fama, q; scilicet est solus uere bonus, iustus, uerax, sanctus, misericors, sapiens, potēs, & in quo est omnis perfectio, & q; nullus est Deus præter eum, nulliq; est fidendū præterquam illi. De hoc egimus Luc. 1. ibi. Et uocabis nomen eius I E S V S.

P A R S S E P T I M A.

Et reuertetur omnis terra usque ad desertū, de colle Remmon ad Austrum Hierusalem. Et exaltabitur & habitabit in loco suo à porta Benjamin usque ad locum portæ prioris, usque ad portam angulorum, & à turre Hānaneel usque ad torcularia regis.

TRia hoc textu obseruabis. Primo, quòd dicitur, q; omnis terra reuertetur, non dubium quin ad Dominum, quæ prius erat ab eo auersa. Quod de omniū terrarum electis intelligitur. Ad quorum conuersionem oportet

FRANC. LAMB. IN ZACHARIAM

oportet præscriptas aquas ad eos fluere. Neq; prius deficiet orbis, quam in omnem terram ipse ueruat aquæ cucurrerint. Mox autem ubi fluunt, uniuersi qui eis participant, uiuificantur & efficacissime mouentur, ut ad dominum reuertantur. Sed earum participes non sunt qui illis minime credunt, ideo nec reuerti possunt ad dominum, ad quem hi soli conuertuntur, qui suis eloquijs ex animo credunt. Reuertentur autem, nedum qui cultas inhabitant terras, sed etiam usq; ad desertum, hoc est, electi etiam in locis incultis & desertis habitantes, ad Dominum reuertentur: impossibile nanq; est, ex eis perire quenquam.

Explicat autem in figura de colle Remmon, hoc est, de colle excelsa, usq; ad plagam australem contra Hierusalem. Sensus est. Etiam ex montibus & collibus excelsis, electi ad Dominum conuertentur. Porro dum quis ad Dominum reuertitur, eum non nisi in Hierusalem, id est, Ecclesiam reperit. Iam si fide reuertimur ad Dominum, fide ad Ecclesiam uenimus. Nunc accipe horum summam, & ex omnibus terris cultis uel desertis, montibus aut uallibus electi congregabuntur in Ecclesiam Dei.

Secundo, ita undiq; multiplicatis & conuersis ad Dominum electis, exaltabitur admodum ipsa Hierusalem Ecclesia, & habitabit tum electorum quisq; in loco suo, id est in Ecclesia, fidelium ciuitate et loco, in quem perueniēs fidelis, ait illud Psal. 22. In loco pascuæ ibi me collocauit.

Tertio, locus ipsius Hierusalem est à porta Benjamin &c. Impossibile est hunc locum intelligi, alioqui quam præcedentia

præcedētia, nempe figuratiue & secundum allegoriam. Neq; puto singula speciatim interpretanda, sed in summa colligendum scopum, nempe quod Hierusalem Ecclesia; penè uastata & euersa ab Antichristis, sicut à capitis huius principio diximus, redeuntibus in eam undiq; electis, instauraretur & inhabitaretur. Confidimus autem, imò non dubitamus id gloriosissime adimplendum, cum Israël introierit in Ecclesiam ipsam, tametsi quotidie auctis credentibus, extruitur & inhabitatur. Idcirco autem præscripto sermone Ecclesiæ instauratio figuratur, q̃ ipsa Hierusalem, quæ est ecclesiæ figura, plene instauraretur, si in uniuersis limitibus hic positis, esset ut olim inhabitata.

P A R S O C T A V A.

Et habitabunt in ea, & anathema non erit amplius. Sed sedebit Hierusalem secura.

Inhabitabitur à fidelibus ipsa Dei ciuitas, mira cum gloria, auctis filiis suis, & gentibus simul atque Iudæis cōuersis. Et non erit ultrà anathema, abiecta scilicet & dimissa captiua, ut sub Antichristorum manu tot sæculis fuit. Cadet enim magnum illud & abominabile regni eorum fastigium & non poterunt denuo captiuam facere ipsam Dei ciuitatem. Puto autem hic uelle spiritum sanctum, q̃ similis abominatio desolationis & captiuitatis, non erit ubiq; in Ecclesia, posteaquam semel idē d regnum

FRANC. LAMB. IN ZACHARIAM

regnum execrabile ceciderit. Nimirum tametsi tum erunt reprobi & carnales, & in illis sit futurum odium ueritatis, erit ueruntamen absque ullo dubio gloriosa DEI ciuitas semper uictoriosa. Et non aestimo, quod pestis illa mortifera priscorum errorum sit reditura cum ea potentia qua haftenus fuit. Erunt quidem semper reliquiae abominationis praescriptae, & sensim augēbitur impiorum multitudo, quos Scriptura Gog & Magog uocat, qui ultimis diebus consurgent in sanctos, prout D E O uolente in Ezechiele & Apocalypsi palam faciemus.

Erit ergo ipsa Hierusalem sublimis, praecleara & benedicta, non anathema, seruante eam D E O, protegenteque ab hostibus, & sedebit securā in fiducia diuinæ bonitatis & protectionis, ac meritorum CHRISTI, & in omnis propriae iustitiae diffidentia. Sedebit quiescens uidelicet & pacifica erit, sicut alibi dicitur: Sedebit populus meus in pulchritudine pacis, & in requie opulenta, & in tabernaculis fiduciae. Esaia trigesimo secundo. Magna ergo est fidelium pax in D O M I N O, etiam si externe ab hostibus D E I affligantur. Regnant enim etiam tum per maiestatem diuini spiritus, quod etiam sessione in Scripturis significatur. Ego confido id uerum esse, quod tametsi multi sint excæcandi, nunquam ueruntamen poterit fieri, ut uerbum Domini denuo tam obtenebretur uniuersaliter, prout haftenus fuit. Oremus autem semper, ne in excæcandorum numero supputemur.

Ethæcerit plaga, qua percutiet Dominus oēs gentes, quæ pugnauerunt aduersus Hierusalem. Tabescet caro uniuscuiusq; stantis super pedes suos, & oculi eius contabescant in foraminibus suis, & lingua eorum contabescet in ore suo.

Hactenus ab huius capituli initio uidimus, quàm mira gloria sit Dominus à captiuitate Antichristorum. Herepturus & adiuturus ciuitatem suam Ecclesiā: nunc ostendit, qua plaga sit omnes Antichristos percussurus, pro eo qd pugnauerunt aduersus Hierosolymam & afflixerunt eam, captiuitateq; durissima tot sæculis profecerunt. Obserua autem plagas.

Prima est, qd tabescet caro uniuscuiusq; super pedes suos, hoc est, perdent omnem gloriam, omnesq; uires, & cadet omne illorum fastigium, omnes inuentiones, decreta, traditiones, quæ Carnis uocabulo capiuntur. Cum humiliabuntur & confundentur, alij in salutem, qui resipiscunt: alij in æternum interitum, hi scilicet, qui non proinde ueritati adquiescent. Non stabunt ultra ut prius, in Satanae altitudine, in qua erant.

Secunda plaga, quòd eorum oculi contabescant, defluent & cadent à proprijs foraminibus. Quid est perdere omnino oculos, nisi absq; sensu & iudicio fieri? Sensus dicitur est

est, tam confundentur, q̄ mens, ratio & consilium discedent ab eis, & omnino nescient, quid sint facturi. Verum in electis atq; reprobis id differenter erit. Nam electi mox ut in eos fluxerint uiuæ Dei aquæ, abijcient & perdent uoluntarie proprios oculos suos, hoc est, proprium sensum ac iudicium, ut solius Christi spiritus, sensus atq; iudicium in eis regnent. Maledicent enim proprijs iudicijs, & illa abominabuntur quasi uenenum aspidum insanabile, quod semper mendax atq; fallax sit, quemadmodum scriptum est: Omnis homo mendax. Psal. 115. Contrà reprobis, cum super eos irruerint mala & aduersa, quærēt auxiliū, & nō reperiunt, neq; in eis erit consiliū, quolibet possint fieri de manu mali. Dum autem illis erit inutilis proprius sensus, & omne humanum iudicium, tum quasi eorum oculi contabescunt, defluent & perdentur. Ceterū electis, dum in aduersa inciderint, non erit sicut reprobis perditio & desperatio, quin potius mira pax & consolatio, per dictas uitæ aquas, nempe ueritatem Dei, ac sensum ac iudicium spiritus eius, quibus omnis tribulationū amaritudo dulcoratur.

Tertia hostium Ecclesiæ plagā est, quod eorum lingua contabescet in ore eorum. In his tribus plagis destruitur omne robur Antichristorum. Primo, dum exinanitur oīs eorum gloria, & proprias uires amittunt, ut nihil minus quàm quod ante, possint, hora & potestate tenebrarum effluxa. Secundo, dum omnis mens, sensus & consilium fugit ab eis, & conteruntur omnes scientiæ & tradições eorum.

eorum. Tercio, dum eorum lingua in proprio ore defluit, hoc est, perditur. Quid autē per linguam, nisi locutio nem ac sermonem intelligimus? insaniant impij, ut uoluerint suis doctrinis demoniorum, certissime omnia deseruentur in tempore, quod Deus ab æterno præfinit. Et nostro seculo uidemus, q̄ mendax sermo hostium Dei stare non potest, sed mox corruiat coram impollutis, potentissimis ac semper inuictis sermonibus Domini. Ideo dū nos ipsos offerimus ad disputandū cum eis solo uerbo Dei, nolunt cæci nobiscū congregari, sed modis omnibus refugiūt.

Et uidentes, q̄ tabescit eorum lingua coram uiuacissimis eloquijs Domini, quæ sola asserere nitimur, ad id nituntur, ut mox extingamur, & ut populis interdicator, ne textus Bibliorum legant, scientes, quod hoc medio etiam plebeis, mulierculis, & pueris eorum insanie reteguntur. Sed agant miseri, agant in tempus secundum potestatem tenebrarum, quam acceperunt: Venient dies, uenient dico certissime, quibus tres hic posite plagæ ueniēt super eos. Veni Domine IESV, & dissipa has gentes pessimas, quæ bella uolunt.

Alia quoq; ratione tabescent in proprio ore lingue eorum, cum scilicet senserint contra se ualidam manum altissimi, præsertim in morte, & in iudicio extremo. Tum enim stabunt iusti in magna constantia aduersum eos, qui se angustiauerūt, & uel nolentes per id una morte semel abstulerunt oēs tristitias & labores eorū, aut qui abstulerunt eorum labores, hoc est, diripuerunt ea, quæ proprio

FRANC. LAMB. IN ZACHARIAM

labore conquiescant. Quod illi uidentes, turbabuntur timore horribili, & mirabuntur in subitatione inſperata ſalutis electorum, dicentes intra ſe in cordibus ſuis, q̃ lingua nō poterunt, poenitentia uerum impiam & non temporaneam agentes, & præ anguſtia ſpiritus gementes: Hi ſunt quos aliquando habuimus in deriſum &c. Sap. 5.

Hæc de reprobis diximus. Cæterum electi, qui ſeducti per impoſtores ſpiritus, factioni hoſtiū Dei aliquando ſubſcripſerunt, ſuperueniētibus aquis uitæ & manu dei ualida, tabeſcit lingua ipſorū in ore eorū, uerū longe aliter q̃ in reprobis. Tabeſcit enim eorum lingua in hoc, ut nequa quā ultra quicquam proprio ſenſu loquatur, ſed ſola quæ conueniunt ſenſui ſpiritus domini IESV Chriſti. Etiam eorum lingua non eſt ſua, ſed Domini, qui per eos loqui dignatur. Mirabilis Deus in electis ſuis.

Quidam uoluere plagas hic poſitas ſecundum literæ faciẽ interpretari, de nonnullis tyrannis, quos dominus percuſſit, ſed non congruit eiꝯſmodi enarratio. Nā quod generaliter dicitur, aduerſum omnes ueritatis hoſtes ſic explanandum eſt, ut omnibus conueniat.

P A R S D E C I M A.

In die illa erit tumultus Domini magnus in eis, & apprehendet uir manum proximi ſui, & conſeretur manus eiꝯſ ſuper manum proximi ſui. Sed et Iudas pugnabit aduerſus Hieruſalem,

rusalem, & congregabuntur diuitiæ omnium gentium in circuitu, aurum & argentum, et uestes multæ satis. Et sic erit ruina equi & muli, & cameli, & asini, & omnium iumentorum, quæ fuerint in castris illis, sicut ruina hæc.

Hunc tumultum, uel ut Septuag. uerterunt, stuporem Domini magnum, quidam esse putant, quod unusquisque hostium contra sibi proximum surget & se mutua cæde truncabunt, ut in castris Madian. Iud. 7. & in castris Philistim. 1. Regum. 14. Sed si id uellet spiritus, non uidetur quod hic haberetur: Apprehendet uir manum proximi sui, & conferentur manus, aut adhærebunt manui proximi. Fœdus quippe ista designant, non percussione.

Ego æstimo, quod is est germanus huius loci sensus, quod Antichristi & hostes sanctorum ab impetu aquarum uitæ ad modum pauebunt & terrebuntur, celebrantes consilia, ineuntes fœdera, & ad id nitentes modis omnibus, ut supprimant uerbum domini, & assertores illius extinguant. Quod quã uerum sit, in cunctis ueritatis inimicis luce clarius apparet. Sed cum omnibus eorum fœderibus miseri homines nihil proficient. Stupor domini, tumultus ac terror super eos decedit, ob sermonum eius potentiam, quibus uident omne robur carnis (cui soli annuntur) conteri. Timor eorum ueniet super eos, & cadent omninoque disperdentur.

FRANC. LAMB. IN ZACHARIAM

Sed & domus Iuda pugnat cum gentibus aduersum Hierusalem. Domum Iuda ad literam intellige, & pro Iuda & pro toto Israële, qui donec in Dei populum denuo fuerit receptus, ueræ Hierosolymæ, nempe Ecclesiæ contradicet. Multi quoq; qui ad domum Iuda pertinent, nēpe electi, antequam à Domino ab errore reuocentur, pugnant contra Hierusalem ipsam, qui mox ut Dei spiritu illustrantur, pro ipsa sacrosancta Dei ciuitate aduersum impiorum Synagogas præliantur, quod in compluribus, nunc uerbo Dei reuelato, conspiciamus.

Porrò quotquot aduersum Dei Ecclesiam surgunt, ueniunt ad idem prælium cum auro, argento, diuitiarum et uestium copia, & cum mulis, equis, asinis, camelis, & iumentis omnibus, hoc est, cum omnium carnalium & terrenorum fiducia. Per has diuitias simul intellige inanē Philosophiam, superbam eloquentiam, linguarum curiositatem, & omnia etiam quæ à seipsis sunt alioqui bona, si ex fide & spiritu Domini, quibus increduli deo contempto fidunt, & in quibus gloriantur. Sed fieri non potest, ut non uincantur per uerbum Dei potentissimum, & terrendum iudicium Seruatoris nostri IESV Christi, qui in bello aduersum impios est fidelium rex & dux.

Idcirco omnium præscriptorum crit ruina, omnia cadent, & potestas, regnum ac uictoria, dabitur, uerum sub deo populo sanctorum ipsius altissimi. Dan. 7. Nimirum hi præliantur in solo Dei nomine: illi uero in equis, armis et curribus. Psalmo decimonono. Sed equus & omne car-

nis robur, est fallax ad salutem. Psal. trigesimo secundo.

P A R S V N D E C I M A.

Et omnes qui reliqui fuerint de uniuersis gentibus, quæ uenerunt contra Hierusalem, ascendent ab anno in annum, ut adorent regem dominum exercituum, & celebrent festiuitatem tabernaculorum.

DE festiuitate tabernaculorū, habes *Leui. 23.* Non arbitreris autem, quod Deus uelit, quæ hic ponuntur, denuo ad literam seruari à fidelibus, alioqui necessum foret, ut denuo legis ceremonijs constringeremur. Legem quoq; Christi, nulla alia est secutura, quod si denuo seruandæ essent, ipsæ legis ceremoniæ, quid nisi lex alia Christum sequeretur? Et tum Christus, non esset finis & consummatio legis.

Per id ergo notum est, quæ hic ponuntur figuratiue poni, itidem locos omnes similes in Prophetis, in quibus agitur de instaurandis legitimis, quæ Deus in lege præceperat, ut sunt quæ habentur tota fermè ultima *Ezechielis* uisione.

Igitur hic dicitur, quod omnes qui ex uniuersis gentibus incredulis, & pietatis hostibus reliqui fuerint, hoc est, quos sibi Deus reseruauerit in reliquias, & ad se conuerterit, nempe, electi, anniuersarie Hierosolymā ascen-

d s dent.

FRANC. LAMB. IN ZACHARIAM,

dent, ut tabernaculorum festiuitatem celebrent. Quod ut facilius capiatur, tria sunt obseruanda, scilicet, quis annus iste, quid ascendere Hierosolymam, & quid celebrare festiuitatem tabernaculorum.

Primum ergo, ut aliàs diximus, diem pro anno scriptura nonnunquam, nonnunquam etiam contrarium intelligit. Et habet illa tempora sua, quæ sæpe aliter quàm nos capit, ut de diebus patet Eze. 4. et de hebdomadis. Danic. 9. Ego sentio & ita esse confido, quòd annus hoc loco iterationis perpetuitatem significet. Quid enim anni, nisi recursus temporum? Iteratio autem frequens atq; perpetua eiusdem rei, est illius quidam recursus, idcirco per annos apertissime figuratur.

Sed quid est secundum, hoc est ascendere in Ecclesiam ueram Hierosolymam? Profecto nihil aliud est quàm progredi semper ad meliora in ea. Recte autem in eam dicimur ascendere, quòd electis perseuerantia necessaria sit, ut non preceant. In Ecclesia autem Dei, non pergere de uirtute aut fortitudine spiritus in fortitudinem, hoc est, nò fieri indies seipso, fideliozem & constantiozem, quid nisi deficere est? Ascendit ergo Hierosolymam, qui sedulo pergita ad meliora, donec conspiciat Deum Deorum, in Sion. Psal. 83. Porro quoties ascendit, hoc est, fide in Dominum erigitur, eum uidet in ipsa Sion, id est, Ecclesia, ad quam ascendit. Particeps enim fit maioris lucis spiritus, & purius Deum uidet.

Nunc tertium uidemus, nempe, quid sit tabernaculo

rum agere solennia . Ad hunc scrupulum respondent quidam, eos celebrare tabernaculorum diem, qui in Ecclesia sunt, eo quòd Ecclesia tabernaculum quoddam sit, et per tabernacula significatur . Psal. 83. et. 117. Aut qui se agnoscit peregrinum à Domino, quamdiu uiuit in carne, quæ perinde ac tabernaculum quoddam est . Ideo Paulus dicit tabernaculum suum, deponendum in proximo . Et iterum : uelox est depositio tabernaculi mei . Bona quidem sunt hæc , sed nullatenus puto spiritum sanctum uelle quidquam horum, ex textu quem enarramus .

Quid igitur est , celebrare festiuium tabernaculorum diem? Vide ex Leuitico cap. 23. quòd ideo iusserit Dominus hunc diem celebrari, quod posteaquam eduxerat filios Israël de terra Aegypti , habitare fecit eos in deserto, in tabernaculis, annis quadraginta, scilicet donec ad terram illis promissam peruenerunt . Memoriale ergo fuit diuinae bonitatis , qua habitare fecit Israël in tabernaculis, & seruauit eos in tam uasta solitudine, tot annis .

Nunc certum est, quòd Aegyptus figura est incredulorum, & captiuitatis, quæ est sub peccato, quemadmodum Israël fidelium . Terræ quoq; illis promissæ , & ad quas tandem peruenerunt , Ecclesiæ sanctæ typum gerunt . Porro mare itidem & desertum, per quæ transierunt ex Aegypto in terras promissas , figura sunt amaritudinum, quas indies in Ecclesiam ascendentes, hoc est, uolentes semper ad meliora progredi , ab impijs & incredulis sustinent .

Præterea observa, quòd id quod Israëlitis fidelibus in ipsa uasta solitudine, in omni malorum amaritudine, Deus aderat & propitius erat, eruens eos misericorditer, figura fuit, Deum semper adesse fidelibus cunctis, in omni malo, sicut promisit. Psal. 90. Cum ipso sum in tribulatione, eripiam & glorificabo eum.

Iam uero attēdamus, quis celebret hos tabernaculorū festiuos dies. Qui uere agnoscit, et toto corde pfitetur, se Dei misericordia, liberū factū ab impiorum Synagogis, atq; à peccato, morte, et inferno, deductumq; in uerā promissionis terram, nempe, Ecclesiam, & transeuntem per maria ac deserta aduersitatum, & in eis in carne, quasi in tabernaculis habitantem, à Deo clementer seruatum, & à malis per dies singulos ereptum, is uere celebrat festiuitatem tabernaculorum. Summa, huius festiuitatis celebratio, est memoria fidelis & sincera, omnium quæ à Deo per Dominum IESVM Christū suscepimus. Quia autem corpora nostra, tabernacula quædam sunt, idcirco dum quamdiu in mortali carne uiuimus, Dei beneficiorum, & nostræ per Christum liberationis, cum gratiarum actione memoramur, quasi in tabernaculis, quæ deponuntur, festiuitatem agimus.

Porrò inter Israëlitas ipsam festiuitatem olim celebrantes, et nos aliquid differt, nempe, quòd illi in figura, & externe, nos in ueritate atq; interne, eos tabernaculorum dies agimus, tamen si quasi externe illos celebramus, dum etiam ore gratias ex fide agimus, & in Christi nomine,

nomine, atq; ex fide uiuimus, & omnia facimus. Deniq; Israëlitæ, non celebrarunt hos dies in deserto, sed tantum posteaquam peruenerunt, in promissam illis terram, nos adhuc manentes in mari & deserto crucis, atq; amaritudinum huius sæculi, nos erutos à prioribus malis, spiritu agnoscimus & memoramur, confidentes in eum, qui nos à prioribus malis fecit liberos, quòd etiam in præsentis tribulatione nobis adsit, & nos ab ea sit tandem erepturus.

Eodem ergo tempore quasi in deserto ac mari sumus, in tabernaculis habitantes, & seruati à Domino, à malisq; uniuersis facti liberi, & simultum per fidelem recordationem beneficiorum Dei, & gratias agendo toto spiritu pro ipsis, præscriptum diem festiuum celebramus, & id quidem in tabernaculis carnis nostræ, quorū uelox depositio est.

Cæterum perfectissima & eadem sempiterna huius festiuitatis celebratio erit in gloria, cum Dei beneficiorū memores, absq; ullo corruptibilis carnis impedimento, perfectissime ac in æternum erimus. Verum hæc perfecta celebratio erit tota in spiritu, quòd tabernaculum nostrum deponi haudquaquam tum ualebit, & in hoc minus exprimemus, quod ab Israëlitis fiebat in figura, in ea festiuitate. Faciebāt quippe sibi tabernacula ad dies tantum septem. Proinde id magis exprimimus, dum adhuc uiuentes in hoc mortali tabernaculo, Dei beneficiorum recordamur, tametsi scopus figuræ, nempe, ipsa recor-

datio,

FRANC. LAMB. IN ZACHARIAM

datio, & gratiarum actio, in gloria perfectius absq; similitudine erit. Beatus qui hanc tabernaculorum festiuitatem tum celebrabit.

His præmissis iam ad textum adcedamus. Omnes qui reliqui fuerint ex uniuersis gentibus, & incredulis, nempe, electi, qui antequam illustrarentur à Domino, cum impijs quibus adiuncti persequebantur Ecclesiam dei ueram Hierusalem, ab anno in annum, hoc est, sæpe ac perpetuo, ascendent in ipsam Ecclesiam, in ea scilicet manentes, semper ad meliora progredientur. Sed quæ est causa huius ascensus? Vt adorent, inquit, Regem Dominum exercituum, & celebrent festiuitatem tabernaculorum. Ergo duplex est causa, huius perpetui in Ecclesiam sanctam ascensus: Primus est adorare Dominum, & nullum præterea, illi soli fidere, & toto corde hære. Secundus est Dei beneficiorum, quæ ab eo per Christum adcepimus, memorari & gratias agere, quamdiu in deponendo carnis tabernaculo sumus, sicq; interim agere tabernaculorum festiuitatem, donec eam perfectius in gloria celebremus. Hæc duo complectuntur uniuersa, ad quæ in Christi Ecclesiam ascendimus, hoc est, in ea pergimus, ut suprâ dictum est.

PARS DVODECIMA.

Et erit qui non ascenderit de familijs terræ ad Hierusalem, ut adorēt regem dominum exercituum

exercituum, nō erit super eos imber. Quod & si familia Aegypti non ascenderit, & non uenerit, nec super eos erit. Sederit ruina qua percutiet dominus omnes gentes, quæ non ascenderint ad celebrandam festiuitatem tabernaculorum. Hoc erit peccatum Aegypti, & hoc peccatum omnium gentium, quæ non ascenderint ad celebrandam festiuitatem tabernaculorum.

NE putes rem leuiculam esse, quæ de tabernaculorum festiuitate dicta sunt: nunc ostendit eiusdem festiuitatis necessitatem, & quid mali sint passuri, qui eius causa Hierosolymam ascendere recusant, & ait: Et erit qui non ascenderit &c. Cum uides quòd oporteat omnes familias terræ ascendere per annos singulos in Hierusalem, agnosce uerum esse, quod per ipsam Hierusalem tota Ecclesia capiatur. impossibile namq; est, ut ex toto orbe in eandem ciuitatem, eodem die, & quolibet anno conueniant. Quæ enim ciuitas, caperet tantam multitudinem? Et quomodo ex toto mundo, maxime ex distantissimis regionib. possent omnes uenire Hierosolymam?

Igitur hæc erit poena nolentium ascendere Hierosolymam, ad deum adorandum, ac celebrandum præscriptū diem. Non erit super eos imber, uerbum scilicet dei, quem pluuia & imbre significari, suprà cap. 10. in principio uisum est. Super illis est uerbum, qui illud suscipiunt, & illi credūt.

credunt. Eodem quoq; imbre, Dei gratia, pax, ueritas, & uniuerſa ſpiritus chariſmata capiuntur. Quod malum, hoc grauius eſſe poſſet? Etenim abſq; hoc dei umbre, quid niſi maledictio, furor, ſterilitas, nullus fructus, mendacium, cæcitas, & perditio eſt? Hæc eſt generalis ſententia, non aſcendentium. Quod ſi etiam ſexcentos uerbi ſancti miniſtros haberent, nō eſſet ueruntamen ſuper eos ipſum uerbum, hoc eſt, non ſuſciperetur ab eis, nec participes eſſent chariſmatum ſpiritus I E S V Chriſti. Hæc eſt grauiſſima illa ruina, & expauſcenda maledictio, qua uniuerſi increduli à Domino percutiuntur. Quid enim increduli, niſi gentes, niſi Aegyptij?

Obſeruandum autem, quòd totus hic textus eſt maxime contra pſeudocredentes, quia ad eos ſpectat, qui ingratu ſunt domino, pro eo quòd liberauit eos ab Aegypto, & adnumerauit filijs Eccleſiæ. Apoſtatant enim à uerbo Domini, & uero cultu eius. Hi proprie ſunt Antichriſti & hypocritæ, qui ſecundū eum modum, quem ſuprà ſpiritum ſanctum uelle oſtendimus, nolunt perpetuò aſcendere Hieroſolymam, ad adorandum Dominum, & celebrandum feſtiuos tabernaculorum dies. Veh non celebrantibus eos. Siquidem neq; in gloria eoſdem celebrabunt, cū ſanctis & fidelibus.

Porrò tam magnum eſt hoc crimen, ut hoc ſolum apoſtatarum & Antichriſtorum ſcelus eſſe dicatur. Nimirum ſons eſt omnium criminum. Quid enim, quòd nolunt aſcendere Hieroſolymam, id eſt, in Eccleſiam, ad Deum adorant-

adorandum, & celebrandum prædictum diem, nisi quòd uolunt deficere ab Ecclesia, non Deum, sed alia adorare, deumq; negare, & obliuisci ac calcare beneficia eius? Diximus enim paulo ante, quòd qui non ascendit in Ecclesiã, ab ea deficit. Et qui deum recusat adorare, nonne illum negat? Et quemadmodum celebrare dictam festiuitatem, est dei miserationũ esse memorem, ita nolle eam celebrare, est calcare miserationes eius, & de uniuersis ab eo adceptis esse ingratum. Hoc peccatum ante omnes perpe- trant, qui dei spiritum blasphemant, qui scilicet postea- quam gustarunt delicias futuri seculi, & bonum dei uer- bum, ac participes facti sunt spiritus sancti, à ueritate, quam agnoscunt, apostatant. Quorum peccatum non re mittetur in æternum. Matth. 12. Mar. 3. & Lucæ. 12. Nam fieri non potest, ut denuo per pœnitentiam renouentur, Hebræ. sexto.

Speciatim deniq; Aegypti meminit, quod nō puto ob aliud esse, quàm quia uerbum, gratiam, & spiritum dei, adsimilarat pluuiæ seu imbri, terra autem Aegypti aquis plena est, et dicit se non daturũ imbrem, etiam Aegyptijs, & quòd nihil ueri fructus adferrent, quantumlibet aquis abundarent. Ac si dixisset: Nemo qui non ascenderit Hie- rosolymam, imbrium meorum erit particeps, & nihil proinde ueri fructus proferet, neq; etiam Aegyptij quan- tumlibet aquis abundant, quòd nullæ aquæ, præter aquas uitæ, aquas imbrium dei, ad fructus salutis æternæ produ- cendos, sint efficaces.

FRANC. LAMB. IN ZACHARIAM

Obserua quòd suprà, partibus nona & decima, prophetavit de plagis, & euerfione regni Antichristorum. Sed quia ut suprà diximus, semper aliquæ ex eis reliquæ, usq; ad sæculi consummationem supererunt, admixtæ fidelibus, contra easdem, hac parte duodecima specialiter prophetatur.

P A R S X I I I.

In illa die erit quod super frenum equi est, sanctum domino.

DE hoc freno, primum quidem nihil minus putamus, quàm quòd hæc prophetia capiatur, de freno equi Constantini, in quo ferunt Helenam posuisse unum è clavis, quibus Dominus I E S V S Christus, pro nobis confixus est. Quid enim si nō nisi fabula esset? quod ueruntamen nō adserimus. Demum quid freno illi, & festo tabernaculorum, de quo prius egit, & lebetibus Iuda & Hierusalem, de quibus mox aget?

Deniq; in Hebræo non est Resen, quod significat frenum, sed Mezullot uel Mezillot, quod significat equorū phalcras, aut illorum bellicum ornatum. Cæterum, nunquid Deo cura est de equis, ut Paulus de bobus ait. 1. Corin. 9. ut in tam insigni prophetia, de illorum phaleris & ornatu uoluerit haberi mentionem? Ego omnino non arbitror, equum de quo hic agitur, esse aliud quidpiam, ab his

ab his quos Deus posuit, ut equum gloriæ suæ in bello, quod aduersum gentes suscitauit, supra cap. 10. super quibus quasi super equo ille sedit, qui habet coronam in capite suo, & exiit uincens, ut uinceret. Apoc. 6. Hæc est equitatio, quæ sola est salus. Abac. 3. Vide supra de his equis cap. 10. quod scilicet hi sunt, qui nomen Domini portant coram gentibus & populis, illis annunciantes ueritatem eius.

Hi habent timoris Domini suauissimum frenū, fideiq; ac fructuum illius, & omnium spiritus dei charismatum phaleras & ornatum, quæ omnia, non prophana, ut equorum brutorum phaleræ, sed sancta Domino sunt. Super his equis Deus sedet, dum pro Hierosolyma, id est, Ecclesia, aduersum incredulos & Antichristos præliatur, sicut ab huius capitis initio habes. Ex his phaleratis equis fuit, uas illud electionis, quod Dominus elegit, ut portaret nomen suum, coram gentibus, & tribubus, & filiis Israël. Acto. nono. Beatus est, quem D O M I N U S in equum gloriæ suæ eligit, & suis phaleris adornare dignatur.

Nunc uide quàm bene conueniunt, quæ diximus, cum his quæ ante & post habentur, nempe, quod Dominus insidens his phaleratis equis, præliatur in gentes, & uincit eas, uictis uero, iubet ut ueniant ad celebrandam præscriptam tabernaculorum festiuitatem, in Hierusalem. Et uenient multi & Domino offerent sacrificia, ut parte sequenti habetur.

P A R S X I I I I.

Et erunt lebetes in domo domini quasi phialæ coram altari. Et erit omnis lebes in Hierusalem, & in Iuda sanctificatus domino exercituum. Et uenient omnes immolantes & sument ex eis, & coquent in eis.

Lebetes non ænei, sed sicut phialæ, nempe, mundi, & preciosi, qui sunt in Iuda & Hierusalem, id est, in Ecclesia Domino sanctificata, sunt fidelium corda. Qui sunt coram altari Domini, hoc est, Domino IESU Christo, super quo solo, in cuius scilicet fide, sacrificia deo adcepta offerre ualemus. De hoc altari plenissime habes. Eze. 43. Vbi & de eodem, propitio illo quem figurat, agemus. Igitur coram altari isto CHRISTO, sunt hi sancti lebetes, illi uidelicet grati. Et omnes, qui ex gentibus immolare domino uoluerint, sumēt ex his Iuda lebetibus, hoc est, fidele cor, abiecta incredulitate, a Deo recipient, & in eo coquent hostias suas. Quid est coquere hostias, in fideli corde, nisi operari ex fide? Sunt autem in hac coctione, lebes cordis fidelis, aqua uiua æternæ ueritatis, ignis diuini spiritus, & hostia quæ decoquitur, opus scilicet, quod secundum hæc operamur. De mundis fidelium hostijs habes. Mala. 1. & in Ezechielis ultima uisione.

Hæc

Hæc sunt sacrificia de quibus Psal. 50. Tunc acceptabis sacrificium iustitiæ, oblationes (iustitiæ) holocausta (iustitiæ) tunc imponent super altare tuum (iustitiæ) vitulos. Iustitiæ intellige, non nostræ corruptissimæ, sed eius quæ est ex fide.

P A R S X V.

Et non erit Chananæus ultra in
domo domini exerci-
tuum, in die illo.

Chananæus negociator interpretatur, ideo Hieronymus uertit, pro Chananæo mercatorem. Ego magis puto dimittendum uocabulum Chananæus, & quòd non accipiatur pro negociatore, sed pro gente illa Chanaam, & uniuersis impijs, qui per eam figurantur. Nimirum si pro negociatore, hunc locum accipis, sensus non esset conueniens, nempe, quòd nullus negociator, in domo Domini, id est, Ecclesia, neque saluus esse potest. Si enim non potest esse in Ecclesia, profecto non seruabitur. Verum est quòd in Ecclesia esse nequeunt impij negociatores, usurarij, raptores, auari, periuri, mendaces, sed si hæc omnia quis diligenter uitarit (quod fateor esse difficillimum) non uideo qua ratione eis salus esse nequeat.

Alia ergo ratione adcipitur Chananæus, nempe, sicut

FRANC. LAMB. IN ZACHARIAM

Eze. 15. Radix tua & generatio tua, de terra Chanaam. Pater tuus Amorreus, & mater tua Cethea. Chananæus est, quisquis impietatem & incredulitatem gentis Chanaanæe imitatur. Puto autem, imò ita est, quod alludit ei historia, qua Israëlita non purgarunt à Chananæis, terram illis datam, sicut illis iusserat Deus. Quod factum est illis in scandalum, & idololatriæ exemplum, propter quod ab angelo Domini increpantur. Iudi. 2.

Ait ergo: Et non erit ultra Chananæus, hoc est, hostis sanctorum, impius, incredulus, in domo Dei, nempe, Ecclesia, in die illo, cum scilicet uniuersæ gentes, ad tabernaculorum festiuitatem conuenerint in Hierusalem. Ac si diceret. Olim Chananæi erant in Iudæa & Hierosolymis, etiam cum filijs Israël, illis admixti, & terræ Israël quæ ob domum Domini eius esse dicebantur, ab eis nunquam purgatæ fuerunt, sed dies uenient, quibus in terra & domo Domini, nullus Chananæus & incredulus erit, sed soli fideles in ea erunt, non admixti impijs. Siquidem tametsi corpore sunt admixti impijs & apostatis, non sunt tamen eis in Ecclesia mixti, quod ex ea neque in ea impius et incredulus quispiam sit. Spiritu quippe ac fide, est Ecclesiæ unio, cui nemo alioqui quam fide miscetur. Miscentur quidem nunc impij, in terra uisibili, fidelium corporibus, sed interim propter incredulitatem, ab eisdem animo summe diuisi sunt, & ad illorum sacratissimam unionem, nisi crediderint, nunquam admittuntur.

Non enim dixit: Non erit ultra in terra, sed in domo
Domini.

Domini. Nunquam enim fiet, ut increduli, non sint corpore admixti fidelibus, nisi in gloria, ad quam peruenient soli electi . Quorum numero, nos ille adscribere dignetur : Cui cum patre & spiritu sancto, est honor unus, eadem gloria, idemq; imperium, in secula seculorum,
Amen.

Commentariorum Francisci Lamberti
Aucnionen. in Zachariam
Prophetam,
Finis.

COMMEN-

TARIORVM FRANC. LAMB.

Auenionen. in Malachiam Prophetam,

PROLOGVS.

QVONIAM Malachi interpretatur an-
gelus uel nuncius meus, putarunt quidam
angelum missum à Domino, & in specie
uisibili, prophetasse in Iuda, quæ hoc li-
bro habentur. Hebræi & Hieronymus
nonnullis moti coniecturis, Ezram sacerdotem esse di-
cunt, sed nulla in his certitudo. Ego neq; abnego fuisse an-
gelum, quod & in ualle flentium angelus Israëlitis pro-
phetarit. Iudi. 2. neq; adsero itidem quod fuerit Ezras,
uel non. Id solum certum esse sentio & profiteor, quod
uerbum Domini sit, ab eo missum per Malachi, id est, nun-
cium suum, siue angelū, siue hominē. Quid enim frustra
contendimus, super calamo scripturæ huius (siquidem
ministri uerbi, calamus Domini sunt) ubi nihil certi adse-
rere ualemus. Satis atq; abunde, ad fidei confirmationem
est, certum esse, quod quæ hic habentur sint scribæ,
nempe, Domini, scriben. is uelociter. Psal. 44. etiam si
ignoret, quo calamo eadem conscripserit.

Insigne autem est in hoc Propheta, siue homine siue
angelo,

angelo, q̄ mira efficacia, & palam facit & damnat incredulorum ac carnalium studia siue affectus, qui omni Dei uerbo contradicunt, & dum per illud carpuntur aut damnantur, quærent passim excusationes in peccatis suis, qd' maxime facit in locis, ubi dicit: Et dixistis etc. Summa. Exprimit, quàm nitatur caro in spiritum domini, & ipse spiritus in carnem.

Porro omnium iudicio missus fuit ipse Malachi post Aggeum & Zachariam. absoluto templi dei opere, quòd etiam si quis hunc uult esse Ezram, bene congruit. Nam templo exstructo uenit Hierosolymam, ut ex priorè Ezræ cap. 6. & 7. est uidere. Tum autem sacerdotes & filij iuda complures nihil meliores facti, omnibus malis prioribus, fraudulenter, hoc est, sine spiritu & zelo gloriæ magni nominis Domini, perficiebant legitima eius. Proinde illis missus est Malachi, durus nuncius incredulis, credentibus uero desyderatissimus.

In eo deinde, q̄ populus ille etiam post tam multa DEI flagella, prodigia, liberationem mirificam à malis, in quæ inciderant, ac manum in cunctis potentissimam, in ceruicis duritie ac impietate permansit, erudimur, q̄ nullis malis, aut beneficijs, aut prodigijs, aut alijs quibusuis externis, carnales possunt meliores fieri, imò deteriores fiunt, q̄ omnia illis in malum cooperentur ob incredulitatē.

Solius quippe Dei spiritus est, malos ab impietate reuocare.

EIVSDEM ARGV=
mentum in eundem Prophetam.

MAlachias priore sui libri capite agit de electione Iacob, & reprobatione Esau. De impijs sacerdotibus, suis reprobis sacrificijs polluentibus nomē Domini: de q̄ munda electorum ex gentibus hostia, & q̄ increduli sacerdotes, & illorum sacrificia sint Deo abominabilia.

Cap. 2. maledicit dolosis, comminatur se maledicturū impiorum benedictionibus: de pacto quod habuit cum Leui, & de ueri sacerdotis munere. Prophetat aduersum impios sacerdotes, & cunctos qui acceperāt mulieres alienigenas, proprijs abiectis. Reijcit eorum lachrymas & sacrificia, & ibidem alia insignia.

Cap. 3. De angelo misso ante faciem domini, & aduentum Domini in templum, & ibi de Christo præclara multa. Deinde multis argumentis eos carpit, & ad resipiscētiā commonefacit.

Cap. 4. De die Domini succensa, ut caminus, de ortu solis iustitiæ, de Helie aduentu, & præterea nonnulla præclara.

Incipit .



I N C I P I T M A L A =
C H I A S P R O P H E T A .

C A P V T P R I M V M .

Summarium capitis. Primum de electione Iacob, & reprobatione Esau. Secundo, de timore & honore Domini. Tertio, de reprobis sacrificijs sacerdotum polluentium nomen domini. Quarto, admonet eos ad resipiscenciam & misericordiam petendam. Quinto, de abiectione tam impiorum sacerdotum, quàm sacrificiorum eorundem. Sexto, de oblatione gentium munda, dum interim sacerdotes Iuda immundam offerebant. Septimo, quàm Deus cōtradicat his, qui excusant excusatiōes in peccatis.

P A R S P R I M A .

Onus uerbi Domini ad Israel in manu Malachi prophetæ. Dilexi uos, dicit Dominus. Et dixistis: In quo dilexisti nos? Nonne frater Esau Iacob? dicit Dominus. Et dilexi Iacob, Esau autem odio habui.

De eo quod sermo Dei onus uocatur, abunde scriptissimus in principio Nahum propheta, ideo nihil hoc loco de ea re adijcere uoluimus. De nomine quoq; Prophetæ egimus in præfatione, seu prologo. Superest iam, ut uideamus, quod sit onus sermonis Domini, quod est carnalibus & incredulis onerosissimum. Dicit Dominus Israël, id est, regno Iudæ, quod euer sis decem tribubus, translatisq; in Assyrios. 4. Regum. 17. etiam Israël uocabatur. Dilexi uos. Porro quia is qui uere diligit, suam dilectionem beneficijs ostendit, idcirco impij et carnales ex Israël uere cæci, & non uidentes, quam admirabilia illis contulerit Deus, præ nationibus cunctis uniuersæ terræ: paruq; ducentes omnia, quæ illis contulerat, dicere non expauerunt aduersus Dominum, quasi illum mendacij arguentes, pro eo quod dixerat: Dilexi uos. In quo, aiunt, dilexisti nos? Quod uerbum quid aliud est quam si dixissent: Non uidemus signa dilectionis, quam dicis te habere erga nos. Et sermo tuus non habet ueritatem, nec dilexisti, sed magis odisti nos. Sic uere etiam nostro seculo respondent pseudofideles ipsi Deo in proprijs cordibus, nihil ducentes uerbum, gratiam, & spiritum eius, q̃ horum sublimitatem per cæcitatē nimie tenebras non uideant, nec agnoscant se quæcūq; habent, à deo recepisse, & quicquid sunt & uiuunt, à Dei manu pendere. Impossibile nanq; est, ut ineffabilem altissimi dilectionem caro intelligat.

Dignatur autem dominus efficacissima ratione notam
facere

facere suam erga Iſraëlem dilectionem. Nonne, inquit, frater (erat) Eſau Iacob, dicit Dominus? Et Iacob dilexi, Eſau autem odio habui. Sensus est: Meam erga uos dilectionem per id maxime agnoscere deberetis, q̄ ex filiis Isaac dilecti mei non elegi mihi in populum, Eſau & filios suos, sed Iacob patrem uestrum, & domum eius usque in æternum. Sed quare hunc elegit, illum uero reprobauit? Etenim simul & electio & reprobatio fuere æterna, & antequam boni & mali quicquam egiſſent. Certe id non fuit ex operibus, neq; ut quidam scribit (profecto inconsulte) ex præiſis bonis meritis Iacob, & malis meritis Eſau, sed ex uocante atq; reprobante Deo, ut aperte docet Paulus Roman. 9.

Porrò in eo quòd dicit. se dilexiſſe Iſraëlem, Eſau uero seu Idumæos odio habuiſſe, uult intelligi, q̄ Iſraëlem elegerit in populum, ex quo naſceretur Christus,, crediderit ſibi eloquia ſua, iudiciæque manifeſtarit, ſeruarit & auxerit in Aegypto, ex eaq; liberum fecerit, & duxerit in terram lacte & melle fluentem, eos in deſerto pauerit, & alia innumera eis fecerit, quæ nō fecit Eſau, & filiis eius, quin potius illos euerſit. Vnde & ſubdit:

Et poſui montes eius in ſolitudinem, & hereditatem eius in dracones deſerti. Quod ſi dixerit Idumæa, deſtructi ſumus, ſed reuertentes ædificabimus quæ deſtructa ſunt. hæc dicit dominus exercituum. Iſti ædificabunt, & ego deſtruam. Et uocabuntur termini impietatis,

tatis, & populus, cui iratus est Dominus, usq; in æternum, & oculi uestri uidebunt, & uos dicetis: Magnificetur Dominus super terminum Israel.

Hic duo habes. Primo, desertionem regionis Idumæorum factam per Nabuchodonosor. Secundo, q; si fuerit ab eis instaurata, denuoq; extructa, quæ destructa erant, prænunciat se quæcunq; restaurarint, denuo euersurum. De Idumæis plura diximus apud Abdiam. Summa huius loci est: Neceße est tandem Idumæorum deficere populum, ut non sit in fastigio & gloria, in qua est, & Israël, qui nunquam deficiet, subiiciatur, quod non speramus futurũ, nisi sicut in Abdia legimus, nempe quòd domus Israël erit ignis, & domus Esau, stipula, scilicet quod Israël ignitis sermonibus præliabitur aduersum Esau, id est, Idumæos, & uincet eos, ita ut suscipiant fidem, uerbumq; ipsum ignitum, & in semine Abrahamæ ueroq; Israël sint connumerandi: Quod impletũ est in Apostolis, per quos Deus Idumæos gentesq; conuertit. Confidimus autem id perfectius implendum, contrito Antichristi cornu, siue regno, ac Israël ad Dominum uere conuerso. Quod uidebunt Israëlita, & magnificabunt Deum, agnoscetesq;, quàm sancta, admirabilis & gloriosa sit uictoria, qua Idumæi & gentes uincuntur, & uniuntur Israël, dicent: Magnificetur Dominus super terminum Israël. Sensus est: Dominus adaugeat terminos Israël, multiplicando fideles, q; sunt ueri Israëlita, in quib. nomẽ suũ magnificetur.

In eo quòd Dominus dicit, se euersurum & destructu-
rum, quæ Idumæi edificarent, argumentum locumq; in-
signem habes, ad probandum, q; eorum quos Deus repro-
bat, studia, & conatus nequeunt diebus multis prospera-
ri & permanere, quòd illorum aduersarius sit Deus, quẽ
spernunt. Deus enim superbis resistit.

Habes quoq; hic locum memorabilem, hic dico, in hac
tota primi capitis parte de Prædestinatione, q; scilicet sit
eterna, gratuita, ab eo solo pendens. Ab eo quoq; solo pẽ-
det et reprobatio, & contra utramq; nemo anniti potest. Fa-
cit quoq; isdem locus contra ppria merita. Si enim quos
præsciuit (iuxta Paulũ Ro. 8.) hos uocauit, & quos uo-
cat, eosdem iustificat, iustificatos autem glorificabit secun-
dum prædefinitionem suam æternam, immutabileq; pro-
positum, ubi sunt merita? Nam si iuxta & propter ipsũ
Dei propositum est gratia & salus, profecto non ex ope-
ribus aut meritis est. Porro electi solis Christi meritis ab
æterno præuisis, sunt prædestinati, quæ quia impij calcãt
& aliam iustitiam, aliudue salutis medium quærũt, æquis-
simo Dei iudicio reprobantur. Si quid latius de hac re de-
syderas, lege Paulum Ro. 8. 9. & 11.

P A R S S E C V N D A.

Filius honorat patrem, & seruus dominum
suum. Si ergo pater ego sum, ubi est honor
meus? Et si dominus ego sum, ubi est timor
meus

meus, dicit dominus exercituum:

EX prædestinatione & uocatione, atq; electione seminis iacob ostendit, quàm multum eos dilexerit, & quidem plus & syncerius quàm patrum quispiam filium proprium. Et uere fuit illis pater uerus, & plus quàm pater. Quia uero assumpsit eos in populū, qui eum secundum uerbum suum coleret, & illi seruiret, ideo eorum Deus & dominus erat. Proinde ab eis exigebat, quæ illi ut patri optimo, & domino clementissimo reddere debebant, nempe honorem & timorem.

Hi sunt fructus, quos ut in parabola habes, Matth. 21. Mar. 12. & Lu. 20. missis seruis suis Prophetis, ab eis quasi à uineæ suæ cultoribus exigebat, quos illi reddere nolabant. Propter quod à Domino increpantur. Filius, inquit, honorat patrem, & seruus dominum suum. Quid. Et uos qui pro filiis & seruis meis haberi uultis, per dies singulos multis modis inhonoratis me. Vnde & ait: Si ergo pater ego sum, ubi est honor meus? Et si Dominus, ubi est timor meus? Ac si diceret: Hæc mihi debetis, cur ea non redditis?

Quidam sic dicunt intelligendum, q̄ honor illi reddendus est quasi patri, timor quasi domino. Quibus respondemus, uerum quidem esse, utrumq; ueruntamen eidem reddendum est quasi patri, itidem quasi Domino. Nimirum & patres & domini honorandi ac timendi sunt. Alioqui suprà non dixisset: Filius honorat patrem, & seruus dominum suum.

Iam expendamus, quo honore, quoue timore uelit Deus honorari ac timeri à nobis : Et primum quidem de honore, id obseruandum, à domino parui duci eū honorem, qui ab extrā est (si tamen honor dici meretur honorantis testimoniū coram hominibus, & scilicet deū magnificat) nisi quatenus ex fide procedet. Siquidem in fidei puritate sita est tota uis honoris diuini. Qui enim uere credit in Dominum, fidit illi, nihil dubitat de omnibus uerbis eius. Tribuit illi soli sapientiam, ueritatem, iustitiam, uirtutem & omne bonum. Quæ faciens, uere honorificat Deum. Ceterum ad honorem externum spectant lingua, opera, ceremoniæ, gestus. Lingua, inquā, prædicatio scilicet uerbi: opera, nempe ieiunia, preces, eleemosynæ, & alia id genus: ceremoniæ, ut quæ seruantur in templis (si tamen nomen tēpli cōpetat lapideis tabernaculis à deo neutiq̃ institutis) Gestus, ut genuflexio, capitis nudatio, & similia, quæ omnia si non sunt ex fide, nihil aliud sunt, quàm hypo-
crisis, iniquitas, mendacium.

Primum ergo illum, internum, uerū, perfectamq̃ honorem à nobis exigit Deus, secundū uero neutiquam, nisi quatenus ipse iussit, & ex fide, ut p̃fiteri Christū corā hominibus, uerbū eius syncere nunciare, dū te mittit: dare eleemosynā indigenti, & illi gratificari dei causā, et sic de alijs, quæ necessaria esse nemo sanæ mētis ignorat. Quod si qd externi cultus, præter ea quæ ab eo iussa sūt, deo nō nunq̃ exhibendū est, docebit unctio fidelē. Id tantū uiderit & nihil faciat non ex fide, aut quod uetuerit Dominus.

FRANC. LAMB. IN MALACHIAM

De timore a' iās sæpe diximus, ideo paucis nunc age-
mus. Timores duo sunt, nempe sanctus, & impius seu
prophanus, de timore Domini intellige, quòd de homi-
num timore non sit hic locus, in quo de eo loqui oportet.
Timor Domini prophanus & impius est is, qui Dei
sermonibus neutiquam congruit: in summa, omnis timor
qui non est ex fide, ut dum quis agit nonnulla, ut non pu-
niatur, & terrore maledictionis diuinæ. Porro is timor
non est in Dei uera dilectione, quòd nimirum non cum ti-
more, sed cum multa fiducia agat, qui Deum diligit ex to-
to corde, & in ueritate. Is est timor hypocritarum & gē-
tium siue incredulorum.

Timor Domini
Sctj
At sanctus & preciosus ille Domini timor ab hoc est
omnino diuersus. Non enim timet uerus fidelis mala,
quæ Dominus immittit, sed ipsum Dominum ex fide &
in ueritate. Nam mala ipsa sustinere non abnuitt, si ita
bonum uisum fuerit in oculis Domini, id tantum uolens,
& ad id toto animo tendens, ut à domino neutiquā diuida-
tur. Vide autem rationem huius ueri timoris, & eum me-
tire ex fide, à qua procedit. Fides scit deum uerum, poten-
tem, sapientem, iustū, sanctum & perfectū ex se, & solū
quidem. Proinde scit & proficitur, q̄ ab eo sit auxilium;
q̄ ei soli fidendum, q̄ omnia ab eo sint, & q̄ pro omnibus
gloria sit ei reddenda. Quæ dum sunt perfecte in corde fi-
delis, nihil est sub cœlo, quod magis timeat, quàm istorum
diuersum sentire aut facere, nempe quòd sibi ipsi aut alijs
cupiam debeat, quod nemini debetur, præter quā Deo.

Hoc etenim rapina admodum execrabilis. Proprie is timor est, quod fidelis expauescit & contremiscit, timens. ne quicquam eorum, quæ ad Deum spectant, per incredulitatem subripiat, & sibi aut alijs tribuat.

P A R S T E R T I A.

Ad uos ò sacerdotes, qui despicitis nomen meum. Et dixistis: In quo despeximus nomē tuum? Offertis super altare meum panem pollutum. Et dicitis: In quo polluimus te? In eo q̄ dicitis: Mensa domini despecta est.

Diximus in prologo, huic Prophetæ esse proprium, ut spiritus Domini contra carnem, & carnis contra ipsum spiritum affectus exprimat, dum dicit. Et dixistis & c. Incipit à sacerdotibus, ut ostendat, quā nihil timuerint, & honorarint nomen suum. Ad uos, inquit, ò sacerdotes, qui despicitis nomen meum. Sacerdotes legis alloquebatur, sed ad pseudofideles cunctos nunc dicitur hic sermo secundum allegoriam, q̄ per Christum sint in sacerdotes consecrati, & obliti miserationum dei, magnum eius nomen despiciunt, quos oportuerat impolutas Deo offerre uictimas, cum timore ac tremore summi nominis eius. Legis ergo sacerdotibus ait: Ad uos, supple, est primum sermo meus, qui despicitis, calcatis, & inhonoratis nomen meum, non credendo uerbis meis,

FRANC. LAMB. IN MALACHIAM

Et legem meam neutiquam seruando. Qui interim non agnoscitis peccatum uestrum, sed pro innocentibus uultis haberi, et quasi non uerum esset, quod spreuistis nomen meum, dixistis mihi: In quo despeximus nomen tuum? Sed in hoc despexistis me, quod offertis super altare meum panem pollutum, scilicet paratum aut aliqui conquisitum, seu oblatum, quam lex uelit. Leui. 24. Quæ facientes, nihilominus pro integerrimis uoluntatis meæ obseruationibus uultis haberi, et dicitis: In quo polluimus te? Sed in hoc cæci maxime polluestis mensam meam, quod dicitis eam esse despectam, hoc est, in corde uestro despicitis eam, et pro nihilo habetis quemcumque panem super eam ponere.

Diximus secundum allegoriam, quæ huic loco maxime cõgruit, per sacerdotes istos, hypocritas et falsos fratres designari, hos præsertim quibus incumbit ministerium uerbi Dei. Quemadmodum enim pijs legis sacerdotibus ueri fideles, ita reprobis sacerdotibus falsi fideles capiuntur. Qui tum panem pollutum in mensa Domini offerunt, cum hominum figmenta, traditiones, et decreta eloquijs sanctis admiscunt. Quid enim sunt ipsa eloquia, nisi mensa Dei? Hinc Psal. 22. Posuisti in conspectu meo mensam aduersus eos, qui tribulant me. Et Psal. 68. Fiat mensa eorum coram ipsis in laqueum, et in ttributiones et in scandalum. Quæ mensa, teste Paulo, Dei Scriptura est. Hanc calcant, floccipendunt et polluant suis mendacijs Antichristi, interim nihilominus abnegant se pollutum quippiam admittere, quibus nihil sub cælo abominabilius

bilius est. Qui uel omnium maxime in hoc magnum Dei nomen, quantum in eis est, contaminant, cum admirabilibus et sacratissimis testimonijs, id est, sermonibus eius, tā parum deferunt, ut quiduis illis miscendum putent.

Ex hoc iam facile conijcere uales, qui ueri sint, qui uel falsi Domini sacerdotes, aut ministri uerbi. Nimirum hi fideles & ueri sunt, quibus præscripta Dei mensa est admirabilis, sancta, præclara, incontaminata & preciosissima, summoq; decori: ideoq; dum illam populis fidelium præparant, nihil super eam offerunt, nihil illi admiscunt, præterquam quod eius gloriæ maxime competit. Contrā pseudosacerdotes, falsiue prophetae, quia eiusdem mensæ gloriā, precium, magnitudinem, & sanctitatem nesciunt, eam prophanare & contaminare nihil expauescunt, & haud secus illam habent, ac si hominum inuentum, aut aliud quiddam pollutum esset.

Si offeratis cæcum ad immolandum, nonne malum est? Et si offeratis claudum, & languidum, nonne malum est? Offer illud duci tuo, si placuerit ei, aut si susceperit faciem tuam, dicit dominus exercituum.

in sacrificijs legis, duplici modo error contingere poterat. Primo, in ministri macula, uidelicet si maculam habebat sacerdos, qui ministrabat. Nimirum nulli maculā habenti licebat aut panem aut aliud quicquam Domino offerre uel sacrificare, ut liquet Leu. 21. Secundo, in rebus immolatis seu oblatiis, ut si panis cū fermento, aut animal

FRANC. LAMB. IN MALACHIAM

claudum, cæcum, seu alioqui iucium habens, quæ interdicebantur. Leui. 2. 7. & 22. Contra uero has Dei leges sacerdotes non raro faciebant, propter quod hic à Domino reprehenduntur, & abiiciendi in sequentibus prædicuntur.

Vbi observa, q̃ à nobis exigit Deus uerbū suum. Obserua itidē, quā sit zelaturus oportune p̃ sacratissima eloquiorū suorum mensa, aduersum oēs qui illā suis mendacijs cōspurcāt. Si enī, p̃ mēsa illa tēplilapidei, cuius usū cessare oportuit, & p̃ sacrificijs illis externis mox desituris tā zelans fuit, q̃ putas eū plus in immensum zelaturum, p̃ æternis sermonibus ueritatis suæ, aduersum uniuersos antichristos eiusdem ueritatis adiuratissimos hostes, qui nolunt impollutum ueræ fidei deo offerri sacrificiū, aut mūdisima iustitiæ quæ est ex fide, holocausta, uitulos & hostias domino immolari, sed annituntur ut omnia secundū propria inuenta mendacijs plena à nobis fiant, & pollutissima quasi pannus menstruata, nostrorum operū sacrificia, docent nos domino offerre, asserentes q̃, per ea iustificari ualeamus.

Quid est autē, q̃ dominus uidetur ex hoc loco tam multū exigere externorum sacrificiorum mundiciem, cum dicat Psal. 49: Non accipiam de domo tua uitulos, neq; de gregibus tuis hircos? Et paucis interiectis: Nunquid māducabo carnes taurorum, aut sanguinem hircorum potabo? Respon. q̃, Deus non exegit ipsa sacrificia, ut externum quiddam erant, sed uerbum suum exigebat ex ipsis sacrificijs, atq; etiam fidem, ut scilicet non coacte, quasi
ex

ex obligatione legis, & timore maledictionũ eius, sed ut uoluntarie & magna fide, animoq; promptissimo ea facerent, quia sic tum in figuram agendum, uisum fuit illi, cuius uoluntati omnia subsunt, & cuius decreto omnes parere debent. Exigebat ergo etiam tum ab eis, dum sacrificarent, externa illa iustitiæ, quæ est ex fide, sacrificia, oblationes, holocausta, & uitulos, non minus quàm nunc. Exigebat puram obedientiam in uerbum suum, quam & nunc exigit, & idem faciet in secula. Litera quædam erant ipsa sacrificia, quæ sine spiritu & fide mortifera erant. Neq; minus ab eis exigebat ipsum spiritum, quàm à nobis. Deniq; ab eis ne utiquam ob aliud exegit ipsam sacrificiorum literam, seu carnem, quàm propter spiritum & fidem ac iustitiam eius. Cæterum nos illis in hoc liberiores per CHRISTVM sumus, q̃ non iam à nobis eorundem sacrificiorum litera exigitur, sed spiritus solus. Et pro externis illis sacrificijs habemus sacrificia non iam à lege posita, sed ad quæ spiritus regnans in cordibus fidelium, efficacissime, & magna libertate mouet, ut sunt abnegatio sui ipsius, crucifixio ueteris hominis, omnia ex fide operari, proximis inferuire, & id genus cuncta, si tamen alia sunt, quæ his non comprehendantur, quæ etiam in sanctis olim sub lege erant. Qui dum ad carnea illa sacrificia properarent, profecto id erat non propter literam, sed propter spiritum, quem solum agnoscebant à Deo summe requiri.

FRANC. LAMB. IN MALACHIAM

Nemo etiam fidelium putet, in sacrificijs operũ, quæ sunt ex fide, à nobis requiri opus externum, propter seipsum, sed fidem in eo. Ad id enim exigit opus, ut fidem factis exprimamus, ideo fidem summe ubiq; exigit, quæ sola ei placet. Hinc dicitur Hier. 5. Domine oculi tui respiciunt fidem. Sensus est: Fides tibi placet. Proinde ipsi fideles nunquam absq; operibus sunt, quòd in eis fides sit, per sibi indiuiduam comitem charitatẽ, efficacissima, & semper in proximorum bonum & utilitatẽ latisima ac effusissima. Verum neq; eleemosynis, neq; ullis omnino operibus fidunt, aut credunt se per ea iustificari posse. Ideo semper humiles sunt, quòd nullis externis inflentur, dum illis nihil tribuunt. Seruant præcepta omnia, sed cũ omnium operum diffidentia, scientes quòd soli fidei sit iustificatio tribuenda. Dant eleemosynam, docent, iuuant q; modis omnibus proximos, orant, uigilant, sobrii uiuunt, & semper ex fide benefaciunt, etiam dum manducant & bibunt, & sciunt tum omnia illis munda esse, uerum non ex ipsis operibus, sed ex fide. Sic Daniel cum suasit Nabuchodonosor, Dani. 4. ut peccata eleemosynis redimeret, non fuit usq; adeo cæcus, ut putaret externis illis peccata dimitti, sed uoluit ut impius rex timeret Dominum, & ex fiducia bonitatis eius se pauperibus misericordem exhiberet. Vnde & adiecit: Forsitan ignoscet Deus delictis tuis. Quod suadeo quidem tibi, ut misericors sis, & pauperibus eleemosynam tribuas, uerum quia scio, ea minime futura Deo accepta, nisi fuerint ex fide, neq; per ea

scd

sed per fidem peccata dimitti, ideo sub conditione, forsitan dixi, certum te faciens, quòd si ex fide magni dei nominis, eleemosynas fueris largitus, peccatorum misericordiam consequeris, alioqui nunquam.

Non est deinde prætereundum, ex hoc Propheta loco, quod posteaquam Dominus ostendit, sacrificia à sacerdotibus oblata contaminata esse, subiunxit: Offer illud duci tuo &c. Si homini haudquaquam sunt grata, quæ non sunt impolluta, multo magis de me iudicare debetis, quòd maxime uelim, quæ sine macula sunt. En (dicet quispiã, literæ seu carnis, et nõ spiritus aduocatus) quòd Dominus ex hac similitudine, aperte docet, qd si animalia quæ offerebantur, non fuissent languida, clauda, cæca, aut alioqui maculosa, illi adcepta fuissent. Quibus dicimus, quòd nõ fuissent adcepta, imò execrabilia, sine spiritu & fide. Cæterum per id uoluit ostendere, quòd si uera fides in eis fuisset, nihil ei obtulissent, nisi secundum legem ab eo positam, & tum sicut scripta erat externe seruãdam, sed quia increduli, & rebelles erant, pro nihilo habuerunt, offerre sacrificia polluta, super altari & in templo Domini, contra manifestissimas leges eius. Signum ergo manifestissimum incredulitatis eorum fuit, quòd ei sacrificabant contra uerbum eius. Quocunq; enim tempore hoc est uerum, quòd transgressio uoluntaria, & contemptus eloquiorum Dei, infidelis animi signũ certissimum est.

FRANC. LAMB. IN MALACHIAM

Et nunc deprecamini uultum Dei ut misereatur uestri, de manu enim uestra factum est hoc, si quo modo suscipiat facies uestras dicit dominus exercituum.

Dignatus fuit ipse Dominus eos adhortari, ut ipsum deprecarentur. Verbum quippe suum est hoc: Et nunc deprecamini &c. In quo uide quàm misericors sit, qui sibi contradicentes ad se precandũ sollicitat. Non enim uult abnegare misericordiam, qui impios, ad eam consequendam, & à se petendam uocat. Dei ergo pronitas, ad misericordiam, ex hoc loco & similibus designatur. Nimirum qui in omnibus uerbis suis fidelissimus est, nunquam iuberet, ut eum pro misericordia precaremur, nisi eandẽ fideliter orantib. exhibere uellet.

Inculcat autem illis peccatum eorum, dicens, de manu enim uestra factum est hoc. Etenim nemo potest peccatorum misericordiam consequi, nisi prius uere & sine ulla fictione se peccatorem agnoscat.

Porrò quod adiicit: Si quo modo suscipiat facies uestras, hoc est, uos exaudiat, nõ est dubia misericordiæ promissio, nec ostendit uarios esse modos, diuinæ miserationis consequendæ, sed indicat uarietatem eorum, quos ad orandum cõmonesciebat, è quibus fideles misericordiam fide consecuti sunt, increduli uero minime, quod sola fides diuinæ miserationis consequendæ modus sit.

Deniq; phrasis quædam est: Si quo modo &c. qua uolentes

lentes aliquos adiuuare, & illos ad meliora prouocare,
uti consueuerunt.

Quis est in uobis qui claudat ostia, & incen-
dat altare meum gratuito?

Carpit illorū auaritiā, quòd scilicet, ea sola, ad tem-
pli eius ministeria ducerentur, pari omnino insania, qua
uniuersi ferme, qui sub Antichristorum abominabili im-
perio & schismate, spirituales & Ecclesiastici adpellati
sunt. Dominus conterat & eliminet ab Ecclesia sua, hos
sanguisugas, terrenis nunquam saturos, sed semper cla-
mantes: Adfer adfer.

At non ita ueri Ecclesie ministri. Quia enim gratis
quæ ad Christi regnum spectant, à Domino adceperunt,
eadem gratis fratribus dispensant, ut uerbū Dei. Verum
qui non habent alioqui, quo alantur, ab his quibus ipsum
uerbum annunciant, cum eorum familia sunt nutriendi.
Viderint autem, & probent cor suum, nec propter ali-
mentum, ipsum uerbū administrent. Querant ali in ipso
ministerio, ne deficiant in labore, sed nihil pro eius mini-
sterij precio adcipiant.

P A R S Q V I N T A.

Non est mihi uoluntas in uobis, dicit domi-
nus exercituum, & munus non
suscipiam de manu
uestra.

Adferun

ADferunt nonnulli, hic reprobari legis sacrificia, quare nihil minus putamus, imò neq; bene consentit. Etenim non ipsa sacrificia, propter se, sed propter incredulitatem sacerdotum hic damnatur, quòd scilicet non ex fide, ac secundū legem sacrificarēt. Quem admodum enim, iustorū sacrificia fide sola adcepta erāt Domino, ita impiorum uictimæ ob incredulitatem, Deo erant abominabiles. Nimirum fides omnia Deo grata facit, incredulitas uero ingrata. Ob id reprobantur impiorum ex Israël uictimæ. Esa. 1. Hiere. 6. & Amos. 5.

Igitur non reprobantur hic legis sacrificia, sed impij ac increduli sacerdotes, cum muneribus eorum. Vbi obserua textus ordinem, in quo primo illi reprobantur, deinde munera. Prius enim in gratia aut odio est persona, deinde munera. Hinc dicitur, Gene. 4. de Abel & Cayn. Respexit Dominus ad Abel, & ad munera eius (primum enim placuit ipse, deinde munera eius) ad Cayn uero, & ad munera eius, non respexit. Respicere est gratum habere; non respicere uero, odire. Sic de sacerdotibus illis impijs loquitur Dominus: Non est mihi uoluntas in uobis, hoc est, nō diligo uos, nō mihi placetis. Et munus aut quod uis sacrificium, non suscipiam, hoc est, non erit mihi adceptum, de manu uestra, scilicet à uobis.

P A R S S E X T A.

Ab ortu enim solis usq; ad occasum, magnū est nos

est nomen meum in gentibus, & in omni loco sacrificatur, & offertur nomini meo oblatio munda, quia magnum est nomen meum in gentibus, dicit dominus exercituum. Et uos polluistis illud in eo quod dicitis, mensa domini contaminata est, & quod superponitur, cōtemptibile est cum igne qui illud deuorat.

Miror quomodo à multis seculis tam insanitum fuerit, ut hunc textum de Eucharistia adceperint, dicentes, quòd sit sacrificium fidelium, quod in toto orbe offertur. Sed tam stupida est ista adsertio, ut campudem indignam omni responsione. Nam quòd non sit sacrificium, nemo ignorat, nisi qui in spiritu errorum Antichristianæ factionis, adhuc ambulat. Qui proinde è sancta Christi mensa fecere sacrificium, ut eo medio quasi efficacissima cautela, & incomparabili impostura, uniuersam fidelium substantiam deprædarentur. Absit ergo ut huic plusquam insanie ullatenus subscribamus.

Alijs autem uisum est aliud, nempe, quòd de gentium quæ tum erant sacrificijs Deo oblatis, capiatur. Aiunt enim, quòd tametsi Deos suos colebant, ueruntamen simul & super omnes, Deum uiuum & uerum proprijs sacrificijs uenerabantur. Sed huic enarrationi obfistit, quòd in omni loco offerri dicitur nomini suo, munda oblatio. Impossibile quippe est, ut de aliquo intelligatur, qui
non

FRANC. LAMB. IN MALACHIAM

non uere credat , incredulorum autem immunda oblatio est. Sed increduli sunt omnes, qui præter unū Deum, alios colunt . Ergo non potest hic locus enarrari de gentibus, qui alios Deos colebant , etiam si eum summum Deum putarent.

Sunt etiam qui dicant (quorum sententiæ fui & ego aliquando) hæc capi de sacrificijs Ecclesiæ , post Christi aduentum, de sacrificijs inquam, iustitiæ de quibus in superioribus, nonnihil actum est. Sed dum textus ordinem & connexionem meditor, necesse est hunc locum intelligi, etiam de nonnullis ex gentibus, qui tum erant, quorum oblatio munda fuit.

Ad id est obseruandum , semper Deum habuisse electos in gentibus, puto autem ex hoc loco , quod etiam in omni terra, aliqui tum electi erant, qui offerebant Domino mundam cordis oblationem, nempe, fidem, quos spiritus erudiebat, sacrificia quæ maxime Deo sunt grata , ut sui ipsius abnegationem, charitatem in proximum, & quodecunq; opus ex fide. Quos & spiritus docebat, idola nihil esse, & unum solum uiuum & uerum esse Deum.

Quia autem sacerdotes Israël, qui legis Dei ministri erant, & ad eos spectabat ferre scientiæ clauem, imò eam ferebant, ipsum Deum spernebant , & sacratissimas leges eius calcabant, & pollutas uictimas eidem offerebāt, dum interim nonnulli ex cunctarum gentium terris, nempe, electi, sacrificium cordis contriti, & ueræ iustitiæ sacrificium, inquam, mundissimum, ipsi Deo sacrificabāt,

& id

Et id quidem sine lege scripta, uerum non omnino sine lege, quod lex spiritus esset in corde illorum, eosdem gentium electos, impijs legis sacerdotibus, proponit Deus in exemplum, ut confundantur, et scelera sua manifestius uideant.

Respondet autem, quasi tacite interrogantibus, quare non esset ultra uoluntas sua in eis, et nollet adcepta habere munera eorum. Ab ortu, inquit, solis &c. Sensus. Ideo uos odi, et munera uestra mihi haud placent, quod non seruetis legem meam, neque offeratis mihi hostiam mundam, quam maxime à uobis exigo, et ipsam uestre oblationis immundiciem, abunde tastamini, sacrificijs animalium quæ polluta offertis. Ab ortu autem solis usque ad occasum, in toto uidelicet orbe, nomen meum, hoc est, fama, et claritas, sublimitatis meæ in omnibus supremæ, summe uidelicet sapientiæ, potentiæ, ueritatis, iustitiæ, bonitatis, et omnis perfectionis, hoc inquam nomen meum, magnum est in gentibus, id est, in omnium gentium electis, ut in Iob et amicis eius, qui è gentibus erant, tametsi eo tempore neutiquam essent.

Et in omni loco, sacrificatur et offertur, ab ipsis electis, meo nomini oblatio munda, fidei, et iustitiæ, quæ est ex ea, quia magnum est nomen meum in gentibus, dicit Dominus exercituum. Et cum in ipsis gentibus, mundum sacrificium mihi offertur, interim uos quos elegi in sacerdotes, et ministros meos in populo meo, uestra incredulitate et durissima ceruice polluistis ipsum nomen meum,
mihi

FRANC. LAMB. IN MALACHIAM

mibi alioqui ministrando, quàm in lege mea præceperim.

In hoc autem præsertim ipsum nomen polluistis, quòd dixistis, Mensa Domini contaminata est &c. Sensus est: Parui ducitis ipsam mensam seu altare, et ignem, ac quæ altari ab igne deuoranda imponuntur. Idcirco pro nullo habetis aliter mihi sacrificare, quàm in lege mea posuerim, ac iusserim.

Audiant hoc Antichristi, qui dicunt se Deo, tam sanctas offerre uictimas. Qui è mensa domini, faciunt contra fas nouum quoddam sacrificium, & sacrificia cordis contriti, ac ueræ iustitiæ calcant. Profecto illis dicitur à Domino hoc uerbum: Non est uoluntas mea in uobis, & munus nõ suscipiam de manu uestra. Execrabilia quippe sunt coram Domino. Non sunt ipsi, qui offerunt Domino oblationem mundam, sanctam, Deoq; gratissimam, sed gentes, hoc est, hi quos pro gentibus incredulis ac impijs habent. Vex hypocritis impijs, qui nõ cessant damnare sanctos, qui perpetuò, impollutas Deo hostias offerunt. Sed in proximo est iudicium & abiectio eorum, fiat.

P A R S S E P T I M A.

Et dixistis. Ecce de labore, Et exufflastis illud, dicit dominus exercituum. Et intulistis de rapinis claudum, & languidum & intulistis munus. Nunquid suscipiam illud de manu uestra, dicit Dominus:

Summe

Summe abominatur Deus excusationē, quam in peccatis proprijs increduli faciunt, quos magis oportuerat agnoscere ipsa peccata. Proinde fidelis precatur. Psal. 140. Non declines os meum in uerba malicie, ad excusandas excusationes in peccatis.

Ergo id genus peccatorū excusationes, malitiæ sunt. Pro qua malitia, arguit hic legis sacerdotes Dominus. Quoties enim reprehendebantur, quod maculosa animalia Domino immolarent, semper habebant in promptu, excusationes in peccatis. Hinc prodijt hoc uerbum. Ecce de labore. Sensus est: Non sumus in antiqua prosperitate, sed multis indigemus. Nec tam abundamus animalibus, aut pecunia ad illa emendū, ut p̄ dies singulos, munda animalia reperire liceat. Offerimus, quæ multo labore cōquisiui mus, & quæ sola habemus, quod satis superq; esse debet.

Vides quā contradicant impij Deo, & caro spiri-
tui. Nolunt agnoscere peccatum suum, sed magis Deo tri-
buunt iniustitiam, aut imprudentiam, quasi exigeret plus
æquo, & non nosset, quæ quisq; potest. Hæc abunde ex-
perimur in carnalibus, cū ex uerbo Domini, eorū scelera
arguimus. Veh excusantibus excusationes i peccatis suis.

Sed quid respondit ille, qui nouit mendacium eorum,
qui sic in malicia peccata excusant? Exufflastis, dissipa-
stis, & alioqui perperam absumpsistis, quæ de labore ha-
buiſtis, nec sicut ualuiſtis, mihi impolluta animalia obtu-
listis. Maluiſtis ipsa animalia meliora, comedere, aut alijs
uendere, aut alioqui perdere substantiam uestram.

FRANC. LAMB. IN MALACHIAM

Deniq; adseritis, quòd de labore uestro sunt, quæ offer-
tis, & mentiri non erubescitis coram me, cui omnia sunt
nota, quasi nescirem quòd ex rapinis sint, quæ offertis.
Præterea cæcum, aut languidum, aut claudum, aut alio-
qui maculosum offertis nomini meo. Nunquid eiusmodi
sacrificia, multis nominibus execrabilia, de manu uestra
suscipiam, & mihi grata erunt? Quid Minime, quin po-
tius summe odi illa.

Vbi nos habemus. Et exufflastis illud, non incongrue
ex Hebræo legeretur. Et exufflastis me, ut sit sensus: Vos
dicitis, quòd ex labore uestro offertis quæ potestis, ego
autem scio quòd mentimini, nam de rapinis sunt, non de
labore.

Nunc quia tam confidenter mendacium coram me ad-
seritis, liquet manifestissime, quòd non creditis omnia mi-
hi nota esse, & peccatum uestrum haudquaquam agno-
scitis. Per quæ exufflastis, abiectistis, & repulistis me,
ideoq; & ego, nec uos, nec munera uestra suscipiam.

C A P V T S E C V N D V M.

Summarium capituli. Primum, dolosis maledixit. Se-
cundo, comminatur se maledicturum impiorum benedictio-
nibus. Tertio, comminatur se abiecturum tam eos, quam
eorum solennitates, & brachium terrene substantiæ ab
eis proiecturum. Quarto, de pacto inito cum Leuitis, &
sancti.

sanctitate eorum. Quinto, de abiectiōe eorum. Sexto, unum esse omnium patrem & creatorem. Septimo, de peccato iudeorum, quo alienigenas uxores duxerunt. Octauo, de abiectiōe precum et omnium sacrificiorum, ob ipsum peccatum. Nono, de unione coniugum, & fine casti coniugij. Decimo, admonet ad resipiscētiā, & de iniquitate deserentium uxores ex odio. Vndecimo, de peccato in quo iudei fecerunt laborare Dominum.

P A R S P R I M A.

MAledictus dolosus qui habet in grege suo masculum, & uotum faciens immolat debile domino. Quia rex magnus ego sum dicit dominus exercituum, & nomen meum horribile in gentibus.

Hic locus & aliquot præcedentes, maxime faciunt aduersus dolum, mendacium, seu fictionem impiorum, quibus Domino contradicere non cessant. Ceterum textus est apertus, in quo execrabilis ostenditur coram Domino, qui uotum habens, non offerebat masculum, & bonum, cum poterat, sed debile, & maculosum. Et est hoc uerbum, responsio ad tacitam interrogationem, qua quis ex præcedentibus, quærere ualeret. Nunquid ita nos abijceres, ac tam abominareris nostra sacrificia

FRANC. LAMB. IN MALACHIAM

ficia, si offerremus debilia, nulla præterea habentes? Et ait Dominus. Maledictus &c. Ac si di. Si præcipiēte me, ut uictimas offerretis mihi, sola debilia haberetis, nō esset in uobis peccatum si ea sacrificaretis mihi. Sed ego qui præcipio sola mascula & fortia offerri nomini meo, & uolo & scio eadem posse reperiri. Et ideo cum bona habentes, debilia offertis, maledicti coram me estis. Sed quid faciendum erat, si omnino defuisset masculus sine macula? Dicimus quod potius nihil offerendum fuit, quàm si debilia obtulissent, contra prohibitionem Domini. Leui. 22. Sed id querere, superuacaneum est, quod semper munda reperireniur.

Nunc uideamus, quid doctrinæ pietatis ex hoc loco detur fidelibus. Diximus à principio, quod hic locus facit cōtra dolū, seu mendaciū, præsertim cōtra id quod Domino nonnulli mentiuntur, quærentes excusationes in peccatis. Nimirum hi sunt maledicti à Domino, qui perdet omnes, qui loquuntur mendacium. Sæpe nos excusamus mihi, & dicimus: Nō possum, cum bene ualeamus. Sed is cui aperta & nuda sunt omnia. Hebræ 4. scit dolum nostrum: Sed quid dolum cogitamus aduersus Dominū? Nimirum in caput nostrum retorquebitur. Homini potes mentiri, & nō intelliget, sed Deo non ita. Nouit enim fideles, & placent: nouit & incredulorum dolos, sed illos abominatur, & illis maledicit. Veb his qui etiam cum Domino, dolose agere non expauescunt. Eiusmodi sunt uersi, qui Domini opera, hoc est, quæ iubet, fraudulentè agunt,

agunt, imò idem sunt, cum dolosis præscriptis. Fraudulenter quippe operatur Domini opera, quia ea quæ Deus præcipit, negligenter & cum incuria, ac non sicut accepit à Domino, & potest, fidelissime perficit. His maledicit Dominus. Hebræ. 48.

Porro ideo id genus fraudulentum, maledicti sunt, quia Rex magnus ego sum, dicit Dominus exercituum, & nomen meum horribile in gentibus. Vere rex magnus, quòd omnis perfectio, sublimitas, & magnitudo in eo sit, & cum quo collati uniuersi terræ sublimes & gloriosi, qui fuere ab initio, puluis quidam sunt. Et ideo magnum nomen suum, est in gentibus horribile, uerum differenter electis & reprobis. Electis quidem, horribile est, hoc est, expauescendum, terrendum, & admirabile, in eorum æternam salutem. Ex electis quippe erat, qui dixit: Domine dominus noster, quàm admirabile est nomen tuum in uniuersa terra. Psal. 8. Itemq; Psal. 46. Terribilis, Rex magnus super omnem terram. Idem, & qui dixit: Horrendum est incidere, in manus Dei uiuentis. Hebræ. 10. Et quis etiam sanctissimus, ad nominis Dei celsitudinem, non terrebitur? Sed cum pietate, est terror electorum. Contrà reprobis, ipsum Dei nomen est horribile, quod experiantur magnitudinem brachij eius. Horrent idcirco & timent, timore quidem impio, & Deo execrati, ne quando incidant in durissima, summeq; horrenda manus eius flagella. Horrent autem magis ob ipsa flagella, quàm ob ipsum Deum.

FRANC. LAMB. IN MALACHIAM

P A R S S E C V N D A.

Et nunc ad uos mandatum hoc ò sacerdotes. Si nolueritis audire, et si nolueritis ponere super cor, ut detis gloriam nomini meo, ait dominus exercituum, mittam in uos egestatem, & maledicam benedictionibus uestris, & maledicam illis, quoniam non posuistis super cor.

ADmonuit, imò iussit, ut resipiscerent, & seruariẽt mandatum, de quo Leui. 22. Vt scilicet sola immaculata, & mascula offerrent, non ceca, languida, clauda, debilia, aut alioqui maculata, ac per id darent gloriam magno nomini suo, adquiescentes purissimis eloquijs suis, & secundum illa, nihil addendo aut minuendo illi sacrificantes. Nolentibus autem adquiescere, & resipiscere, comminatus fuit, quòd in eos mitteret egestatem, & maledictionem, in benedictiones eorum. Quod in maiorem adsertionem replicat, dicens: Et maledicam benedictionibus uestris, & maledicam illis, subaudi benedictionibus. Sensus est: his in quibus uobis benedixeram, et quibus uos ipsi benedicitis, quæ scilicet laudatis, amatis et quibus bene precamini, maledicam, quoniam non posuistis super cor, non dubiũ quin uerbum suum, ut illud pleno corde, plenaq; fiducia obseruarent.

Benedicit nobis Dominus, cum nos iuuat, cum facit ut
quæ

quæ nobis largitus est, prosperentur, ut cum terra fructu suum adfert in tempore, & seruat familiam, pecora et armenta. ipsis autem benedictionibus nostris, in quibus iudicet, nobis benedixerat, tum maledicit, cum diuersum à præscriptis mittit. Nostræ quoq; benedictiones sunt, cū nonnullis bene precamur, ut cum dicimus filijs aut alijs. Dominus uos iuuet, à malis eripiat, & seruet. Crescite et adaugeamini. Dominus ad crescere faciat, & multiplicet fruges uestras. Porro ipsis nostris benedictionibus, his scilicet quibus benediximus, tum Deus maledicit, cum oppositum eorum quæ precati fuimus immittit. Ex his liquet, quid Deus comminaretur, impijs sacerdotibus legis.

Congruit admodum hic locus, aduersus perfidiam Antichristorum, qui solis impijs benedicere, & sanctis maledicere consueuerunt. Quorum censuras Deus irridet, & dum uerbo suo notum facit electis quàm nihil sint, eorum reprobam potestatem calcari facit, & pro nihilo haberi. Et uere his quibus benedicunt, ac bene precantur, maledicit Dominus: his uero quibus male precantur, et quos excommunicant, Deus benedicit, quemadmodum etiam habes Psal. 108. Maledicent illi, & tu benedices. Et hic habes, benedictionibus uestris, hoc est, his, quibus benedixeris, maledicam.

Vbi observa, quã resistat Dominus impijs. Quemadmodum enī desiderium pauperum suorum, id est, fidelium, qui spiritu pauperes sunt, et afflicti ac calcati ab impijs, Dominus

FRANC. LAMB. IN MALACHIAM

exaudit. Psal. 9. & illorū benedictionibus, hoc est, his quibus bene precantur, Deus benedicit, adquiescēs fidelium desiderio, et his quibus fideles maledicūt ex fide, Deus maledicit illis cōsentiens, ita incredulorum uoluntatibus Deus contradicit, maledicens, his quibus benedicunt: & benedicens, his quibus maledicunt.

Ex hoc textu quatuor collige, & certissima ac uerissima quidem. Primū, quòd desiderabile ac sanctis utile sit maledici ab impijs. Secundum, quòd formidabilis res sit, ab eis benedici, quodq; nocet his, quibus placet eorum benedictio. Proinde sancti nolunt, imò summe odiunt eam. Tertium, quòd summe timendum est, ne maledicamur à sanctis & fidelibus. Perdidit namq; maledictio Heliae, duos Principes quinquagenarios, cum suis quinquaginta 4. Reg. 1. & maledictio Helisai, perdidit pueros quadraginta duos in Bethel. 4. Reg. 2. Quartum, quòd summe desiderandum est, ut fideles nobis benedicant, hoc est, nobis bene precentur. Fidelium quippe benedictio, semper utilis est, eorū uero maledictio semper est perniciosa. Nō putes ueruntamē, q̄ omnis benedictio, aut maledictio eorum qui fideles adpellantur, eiusmodi sit. Non enim semper ex fide loquuntur.

Fidelis benedictio est, cū ex fide quispiā alijs bene precatur, et hanc benedictionē, impossibile est nō esse utilem, quòd fidem nunquam nō exaudiat Deus, & uerbum Domini sit aeternum, ex quo certum est, sanctorum desideria exaudiri. Et hæc benedictio admodum est exoptanda.

Cæterum

Cæterum maledictio fidelis, est, cum ex fide & zelo Dei ac ueritatis eius, hostibus Dei ac rebus eorum quis maledicit, hoc est, mala eis imprecatur. Eiusmodi autem maledictio semper efficax est ob fidem & desiderium fidelis & zelantis uiri. Quia enim sancti non nisi ex fide & spiritu domini, ac secundum uerbum eius cupiam benedicunt aut maledicunt, idco ab eo cuius oculi respiciunt fidem, Hier. 5. exaudiuntur.

Ob id tam sollicita fuit sancta Rebecca, ut pio filio Iacob Isaac sanctus benediceret, potius quam impio Esau, & ipse Esau tam ingemuit, posteaquam Iacob benedictionem quam expectabat, subripuerat. Nemo tamen per hæc arbitretur se subscribere phariseorum superstitionibus, qui tot benedictiones ab eorum senioribus aut Antichristis petere consueuerunt. Neq; fidendum benedictionibus istis, sed domino, in cuius nomine benedicuntur. Licet filio petere a patre aut matre benedictionem, sed uiderit, ut ex fide petat. Viderint & pater & mater, aut alij, qui Dei nomine aliquibus benedicunt, hoc est, bene precantur, ut id faciant ex fide. Laudandum quoq; , si quis assuescit alijs bene precari, modo ex fide. In maledicendo, hoc est, malum deprecando, uiderint qui maledicunt, ut non nisi ex fide & secundum uerbum domini maledicant. Sancta erit maledictio, si quis ex ea quærat gloriam Dei gloriam, ueritatis promotionem, salutem omnium etiam impiorum, ut scilicet conuertantur, & destructionem mendacij, ac omnium per quæ fouetur. Verum

FRANC. LAMB. IN MALACHIAM

*in his nemo speciatim definire potest, sed fides & spiritus
hec abunde docent.*

P A R S T E R T I A.

Ecce ego proijciam uobis brachium, & di-
spergam super uultum uestrum stercus solé-
nitatum uestrarum, & assumet uos secum.
Et scietis, quia misi ad uos mandatum istud,
ut esset pactum meum cum Leui, dicit Do-
minus exercituum.

Comminatus fuit se abiecturum omnia eorum sacri-
ficia & solennitates, & loquitur more abijcientis
munera sibi oblata. Ecce, inquit, ego proijciam
uobis, id est, contra uos brachium seu humerum, ut Septu-
aginta habent, uel armum, subaudi animalis oblati. Ego
magis putarem, hic brachium figuratiue poni, ut signifi-
cet omnem substantiam, ut alibi dicitur, robur panis, *sicq;*
sensus: Ego proijciam uobis, id est, à uobis, brachium, id
est, frumentum, uinum, oleum, & omnem substantiam,
hoc est, ista à uobis auferam.

Et dispergam super uultum uestrum, stercus solenni-
tatum uestrarum, hoc est, ipsas solennitates, quæ sunt mi-
hi uelut stercus contemptibiles. Et assumet uos secum,
subaudi stercus solennitatum. Sensus est: Etiam uos cri-
tis contemptibiles, cū solennitatibus uestris, uelut stercus.

Vide

Vide æquitatem diuini iudicij. Qui Deum contemnunt, contemptibiles fiunt.

Et scietis, posteaquam humiliati & contempti fueritis, quoniam nisi ad uos sacerdotes, hoc mandatum de sacrificijs mundis, ut esset pactum seu testamentum meum cum Leui, id est, Leuitis, quos solos ex omnibus Israël tribubus elegi, ut essent ministri in templo meo, & mihi sacrificarent.

Ex hoc habes argumentum, quòd nihil tandem prosperum esse potest, uerum Dei cultum ab eo constitutum abijcientibus, & quòd spernentes uerbum Domini, ab illo proijcientur, & uelut stercus habebuntur, & id quidem tempore præfinito, etiam si in tempus in prosperitate dimittantur. Deniq; ipsa impiorum prosperitas est illis in maledictionem & infelicitatem, q̃ omnia in malum illis cooperentur, prout fidelibus omnia in bonum redeunt. Ro. 8. In uniuersis autem his locis uide studiosè, quā zelet Deus pro uero cultu suo, & quā odiat cunctos Ecclesiæ ministros, qui ministerium suum alioqui implent, quā iusserit Deus.

P A R S Q U A R T A.

Pactum meum fuit cum eo uitæ & pacis & dedi ei timorem, & timuit me, & a facie nominis mei pauebat.

Hic per Leui intellige Mosén, Aaronē, & alios sanctos,

FRANC. LAMB. IN MALACHIAM

Et os, qui fuerunt ex tribu Leui: per pactum uero seu testamentum legem Domini: Et nos de Leui sicut in textu singulariter loquemur, tu autem de sanctis primis intellige.

Dicitur igitur: Pactum meum, nempe lex & omnia eloquia eius, fuit cum Leui, pactum uitæ & pacis, quod scilicet illud obseruantes pacem & uitæ tranquillitatem assequerentur. Et uere lex Domini, est lex uitæ & pacis, nedum ratione qua prædiximus, sed ob id potissimum, quia spiritus sub carne literæ absconditus sit uita & pax his, qui Dei munere facti sunt eius ex fide participes. Ex fide dixit, quia hæc sola sit uia, qua participes effici ualemus omnium spiritus Dei charismatum, & omnis ueritatis. Nam liber Domini, hoc est, Scriptura sacra, & tota mundi machina, incredulis clausus est, dum non possunt ex ipsis dei scriptis, aut operibus peruenire ad noticiam ueritatis. Nimirum omnia Dei opera in fide sunt. Psalm. 32. Veritas autem est, id quod scriptum est, in omnibus scriptis & operibus Domini, quasi in libro. Is est liber, quem in Apocalypsi cap. 5. Ioannes uidit, signatum sigillis septem, id est, fortissime clausum, donec à Domino IESU Christo apereretur. Quem tum aperit & reserat ueritates sub eis latentes, dum in eis quis in fidei sinceritate meditatur. At de his, Christo (qui solus aperit ipsum librum) propitio, apud ipsam Apocalypsim agemus.

Vbi nunc sunt Scholastici cæci, qui dicunt sola carnalia in lege promitti, quiq; sic de ealocuntur, ac si prophanam quiddam esset? Non uident ueritatem sub literæ

cortice absconditam, idcirco dicunt: Non sunt nisi carnales & terrenæ promissiones. Sed non aperuisti eis librum tuum, quin potius semper firmitus occludis. Aperis autem hæc simplicibus & paruulis tuis, & profitentur ueritatem ipsam, & sciunt uniuersa eloquia tua, quæ legis nomine capiuntur, eloquia esse uitæ & pacis, quod eorum finis sit pax & uita æterna.

Sequitur: Et dedi ei, scilicet Leui, timorem, & timuit me, non dubium quin timore uero, à facie nominis metuebat hoc est, cum tremore admirabatur. De timore egimus cap. præceden. ibi: Vbi est timor meus. Hunc timorem atq; pauorem iubet spiritus sanctus. Psalmo secundo: Seruite, inquit, Domino in timore, & exultate ei in tremore.

Lex ueritatis fuit in ore eius, & iniquitas non est inuenta in labijs eius. In pace & in æquitate ambulauit mecum, & multos auertit ab iniquitate.

Lex est pactum, ut diximus, sic ueritatis ut uitæ & pacis, hoc est, quod in ea sola sit ueritas. Per legem autem omnia Dei scripta intellige, præter quæ non nisi mendacium esse potest: Nimirum quicquid illi non consentit, mendacium est. Hæc igitur ueritatis lex fuit in ore eius, & iniquitas non est inuenta in labijs eius. Quæ est hæc iniquitas, nisi inuenta & traditiones hominum? Iniquitas propè in corde est, uerum quicquid ab impietate animi procedit, recte iniquitas dicitur, quod animi maliciam ad

FRANC. LAMB. IN MALACHIAM

extra exprimat : proinde uerbum mendacij recte iniquitas dicitur, quod in sanctorum ex Leui tribu labijs inuentum haudquaquam fuit.

In pace & in equitate ambulauit mecum ipse Leui. Ambulat cum Domino, qui perpetuo illi fidei & acquiescit. Unde eloquijs eius. Et quisquis ita cum Domino moulat, in aequitate ambulat, itidem & in pace. Quæ admodum enim sermo mendacij est iniquus, ita sermo ueritatis est æquus, & cum seruans, est in uia æquitatis: seruans autem figmento hominum, est in uia iniquitatis, à qua sanctus liber fieri cupit, dicens Psalm. 118. Viam iniquitatis amoue à me. Et quemadmodum ambulans in uia iniquitatis, est perpetuo intrinseculus, quod non sit pax impijs. Esaia. 48. Ita ambulans in uia ueritatis & æquitatis etiam inter quæcumq; diuersa, & in medio umbræ mortis pacem habet.

Unde autem gloriam fidei, quod de fidei Dominus ait: Ambulauit mecum. Quomodo tecum? Mihi iunctus, et spiritus meus in te. Ergo cum Domino sunt fideles, & illis est in te, dicitur in te. Psalm. 90. Imò unum spiritum habetis, & in te. Et sic unum sitis, & nos, hoc est, eodem spiritu, quo nos, uiuantur. Et hoc est quod Paulus ait. 1. Cor. 12. Qui autem erit Domino, unus cum spiritu est. Omnia nam fidelium consolatio nem, dum licet eis dicere: Dominus mecum est. Hinc est illud Psalm. 124. Quoniam à dextris est mihi, ne commouear. Et hoc est quod Dominus mecum est, tanquam bellator fortis.

lis. Rursumq; Psal. 22. Si ambulauero in medio umbræ mortis, non timebo mala, quoniam tu mecum es. Itemq; illud Psalm. 26. Dominus illuminatio mea, & salus mea, quem timebo? &c. Hinc Christo nomen est, Esaie. 9. Emanuel, quod interpretatum est, nobiscū Deus, quod soli fideles uere proferre ualent, increduli uero non nisi in mendacio illud dicere possunt.

Porro quisquis cum Domino, sicut prædiximus, ambulat, ut Leui, hoc est, sancti ex Leui, multos auertit ab iniquitate, sed id non alioqui, quàm lege ac pacto uitæ, pacis ac ueritatis. Quia enim lex æquatis est, sibi ac quæ scētes reuocantur ab iniquitate ad æquitatem. Et ideo qui uerbi ministerio impios ad pietatem, Domino adfiscē, reuocant, eosdem ab iniquitate auertere dicuntur.

Labia enim sacerdotis custodiunt scientiam, & legem requirunt ex ore eius, quia angelus Domini exercituum est. Vos autem recessistis de uia, & scandalizastis plurimos in lege. Irritum fecistis pactum Leui, dicit Dominus exercituum.

Hic duo insignia tamodum habes. Primum, quod sit proprie ministerium Sacerdotis. Alterum, quid sit esse Sacerdotem, à posteriori re autem incipiemus. Sacerdos, inquit angelus seu nuncius Domini exercituum est. Gen. 16. est hæc Sacerdotis acceptio, spectans nedum ad uerba dīlos, sed ad omnes uerbi ministros, qui angel, id est, nuntij Dei sunt, quos scilicet illic mittit. Alius toto fere libro apocypses

FRANC. LAMB. IN MALACHIAM

pocalypseos, per angelos, presbyteros seu sacerdotes, hoc est, ministros uerbi sancti ueritatis spūs accipit. Ergo nullus ex sacrificulis Antichristianæ Synagogæ Sacerdos domini est, quod eius nuncij haudquaquam sint. Magis enim sunt angeli uel nuncij Satanae & Antichristi, idolorumq; sacerdotes.

Erit autem hoc tibi notius, si alterum expenderis, nempe quid sit proprie Sacerdotis ministerium. Labia, inquit, sacerdotis custodiunt scientiam. Quam sciētiam? Non dubium quin pacti uitæ, pacis & ueritatis. Vnde & subiungitur: Et legem requirunt ex ore eius, subaudi, populi fidelium, dum aliquid dubij illis euenerit. Igitur lex Domini, ueritas scilicet eloquiorum eius est scientia, quā labia ueri sacerdotis custodiunt, hoc est, nihil diuersum ab ea loquuntur, sed omni sollicitudine moderantur sermonem suum, secundum eiusdem scientiæ puritatem. Nunc cum uides aliquos uerbi concionatores prædicare hominum figmenta, & illorum labia non custodire hanc Dei scientiam, certò scias eos non esse Domini sacerdotes, nisi in hypocrisi & mendacio. Vere enim si sacerdotes domini essent, scientiam DOMINICAM custodirent. Hinc liquet, quòd toto fermè errorum sæculo, nullus fermè extitit, uerus Dei sacerdos, eo quòd spreta scientia DOMINI, hominum somnia & traditiones quisq; pronunciret & populos erudiret.

Deniq; ait legis sacerdotibus Deus: Vos non estis secuti pietatem sanctorum ex tribu Leui, sed apostatastis

Et recessistis à uia, per quam ambularunt, à uia, inquam, æquitatis & ueritatis, ac per id scandalizastis plurimos, qui uestro exemp'lo, à me facti sunt alieni, hoc est, apostatarunt, & irritum fecistis, rupistis, non seruastis dictum pactū Leui, quod scilicet cū eo feci, quod uos seruare oportuit, eo quòd ad totum Leuiticum genus spectaret. Hoc pactum erat, quòd omni diligentia custodirent legem Domini, & ad idem populum solícite & pure edocerent. Sic omnes uerbi ministri, qui aliud quàm purum Dei sermonem annunciant aut seruāt, irritum faciunt pactum seu testamentum Domini, quod cum eis in Apostolis & primis Euangelistis fecit.

P A R S Q V I N T A.

Propter quod & ego dedi uos contemptibiles, & humiles omnibus populis, sicut non seruastis uias meas, & accepistis faciem in lege.

Dignatur ostendere, quibus potissimū causis, tot malis Israëlem presserit. Sunt autem duæ. Prima, quòd non seruauerunt uias suas. Secunda, quòd acceperunt faciem in lege. Primum, notum est quid sit, nēpe Domini sermo, qui uia aut uiæ ueritatis dicitur. Psal. 113. Neq; id prætereundum arbitror, quòd sermo ipse Domini uia dicitur, quòd per eum quasi per uiam fideles
h affectuum

FRANC. LAMB. IN MALACHIAM

affectuum & sanctæ conuersationis pedibus incedant. Pari quoq; ratione traditiones hominum, uix dicuntur, sed impiæ, fallaces, iniquæ.

Secundum, nempe accipere faciem in lege, nonnulli interpretantur de eo, q̃ quidam spernunt personam pauperis, & honorant uultū potentis. Verū si textus circumstantias diligenter expendimus, aliud ex hoc uult spiritus sanctus, nempe q̃ per id carpit eorum hypocrisim, & q̃ non spiritum & ueritatem Scripturæ, sed solam literam, seu carnem in ea attendebant. Non enim conuenit, ut per faciem legis, persona hominis capiatur. Faciem ergo in lege accipiebant, qui ex lege non spiritum, sed carnem requirebant, & sola caro seu cortex legis, non eius spiritus & ueritas, illis grata erat. Faciem legis quærebāt & accipiebant pharisæi illi, q̃ decimabant mentā et anctū: fidē uero charitatē & misericordiam aspernabantur. Sic faciē legis accipiūt nostri sæculi hypocritæ & Antichristi, quos regis facierū nomine Daniel figurauit, Dan. 3. Veb uniuer si, qui ex diuinis eloquijs solas facies quærūt. Profecto hic textus nunquā tā cōgruit ipsis, q̃ tū erant pharisæis, aut saltem nō plus, q̃ nostri sæculi Antichristis, regno scilicet facierum.

P A R S S E X T A.

Nunquid non pater unus omniū nostrum. Nunquid non Deus unus creauit nos? Quare ergo despicit unusquisque nostrum fratrem suum, uiolans pactum patrum nostrorum?

Superbiam

Superbiam, tyrannidē et immisericordiam carpit. Duplici autē argumento pbat, charitatem nos inuicē habere debere, & q̄ non debeat quispiā p̄ximū contemnere. Primū argumentū est, q̄ omnibus unus sit pater, nempe deus. Secundū, q̄ unus sit oīm creator. Propter primū, ut fratres nos debemus inuicē diligere; ppter secundū uero, nō debet quis q̄ superbire in p̄ximū, q̄ oēs tam maiores quā minores, tam diuites quā pauperes sint ex æquo dei creaturæ. Cæterū hoc uerbū: Nunquid nō etc. uerbum fideiū est, reprehendentū immisericordiā hypocritarū, seu falsorum fideiū. Dictū nanq; tū primū fuit à sanctis, aduersum impios ex Israël, qui pseudocredentiū typum gerunt, & nunc conuenit, ut sit dictum Sanctorum aduersum omnes impios.

Quidam hæc intelligi putant de his, qui pro alienigenis mulieribus ducendis, proprias uxores abiccerant, ego sentio, q̄ generale dictū sit aduersum omnē proximorū contemptum, & immisericordiam. Nam contra impietatem eorū, qui proprias uxores p̄ alienigenis dimiserant, mox aperte aget. Ergo hic locus est generalis. Audiant precor hunc locū uniuerſi falsi fratres, superbi, immisericordes, sine charitate. Nonne idē est nobis pater & conditor? Nunquid ipsi plus nobis sunt filij, aut creaturæ Dei? Cur ergo tā insaniunt? Cur non exprimunt, qd' sunt, si tamen sunt, nempe fratres, & eiusdem conditoris facturæ? Veh hypocritis execrabilibus, nihil minus exprimentibus quā quod se esse profitentur.

Transgressus est Iuda, & abominatio facta est in Israel, & in Hierusalem, quia contaminauit Iudas sanctificationem domini, quam dilexit, & habuit filiam Dei alieni. Disperdat Dominus uirum, qui fecerit hoc, magistrum & discipulum de tabernaculis Iacob, & offerentem munus Domino exercituum.

Liquet ex .i. Ezræ .9. & .10. filios Israël maxime aberrasse, etiam posteaquam liberati fuerant à captiuitate Babylonica, in eo q̄ contra Dei prohibitionē, quæ habetur Deu. 7. filias alienigenarū in uxores acceperūt, & ut paulo post habes, etiam proprias abiecerūt, aut saltem non habuerunt pro primis uxoribus, sed quasi p̄ ancillis. Proinde hic dicitur: Transgressus est Iuda, & abominatio facta est in Israël & Hierusalem. Quæ abominatio? Quòd contra uerbum Domini, populum ab eo sanctificatum & electum contaminauit. Per quid? Dum habuit filiam dei alieni. Ex hoc uide, q̄ abominatio sit, quod fit contra uerbum Domini. Non enim tantū id est sentientiū de hoc facto, sed de uniuerſis, quæ contra uerbū fiunt.

Disperdat Dominus uirum, qui fecerit hoc, magistrū & discipulum, id est, maiorem aut minorem. Disperdat, inquam, illum de tabernaculis Iacob. Et offerentē munus Domino exercituū, nempe sacerdotem, subaudi, etiam diſperdat

ſperdat dominus. Nimirum etiam ex eis ſe alienigenis matrimonio copularant, ut. 1. Ezræ. 10. eſt uidere.

Id autem obſeruandum, quàm magno zelo Propheta mala precatuſ eſt his, qui lege domini contempti, ex filiabus gentiũ uxores ducerent. In quo exemplũ habes, quæ ratione ſanctis liceat maledicere impijs, de qua re paulo ante aliquid egimus Cogitauit quàm grauiamala ex communione, quam prius habuerant cum gentibus ipſis euenierint, & q̃ præſertim mulierum artificio, multi à uero Dei cultu apoſtatarant, propter quod Deus noluit eos cum gentibus contrahere. ut manifeſte habes Deu. 7. Idcirco Propheta timens, ne denuo contingeret eos hac occasione apoſtatare à Deo, poſt gentiũ abominatiões, maledixit, accipienti filiam idola colentis, in nomine domini. Scopuſ eiꝯ fuit zelus diuinæ gloriæ quã primũ cupiuit permanere in Iſraël. & zelus boni populi dei, quẽ timuit ex cõuictu mulierũ alienigenarum idolatrã fieri, per idq̃ à deo reprobari.

P A R S O C T A V A.

Et hoc rurſum feciſtis. Operiebatiſ lachrymis altare Domini fletu & gemitu, ita ut nõ reſpiciam ultra ad ſacrificium, nec accipiam placabile quid de manu ueſtra. Et dixiſtis: Quã ob cauſam? Quia dominuſ teſtificatuſ eſt inter te, & uxore pubertatiſ tuæ, quã tu deſpexiſti. Et hæc particeps tua, et uxor fœderiſ tui.

Apertus est hic textus, quo reprobantur eorū preces, et sacrificia, ac omnis oblatio. At de his in superioribus actum est. Sic autē reprobanti deo, impij homines non agnoscentes propria crimina, dicebāt: Quam ob causam, supple abijcis nos & munera nostra? Ac si dicerent, nihil tam graue fecimus, q̄ proinde ita nobiscum agere debeas. Sic perpetuò domino contradicit impia caro, & caca permanens, non agnoscit peccata esse, quæ cōtra Dei uerbum admisit. Sed quid respondetur ei? Quia Dominus testificatus & c. Sensus est: In Dei nomine coniuncta est tibi uxor, quam primum duxisti, & ipsa tecum est una caro, quam dispicere non expauiisti, ut duceres alienigenam, contempro fœdere, quam cum ea in Dei uerbo cōtraxisti. Ob id præsertim nec tu nec tua munera grata sunt: aliæ quidem sunt causæ, uerū hæc una est è summis.

P A R S N O N A.

Nonne unus fecit, & residuum spiritus eius est: Et quid unas querit, nisi semen Dei?

Vnus iste factor est Deus, de quo paulo ante. Nūquid non Deus unus creauit nos? Is fecit uirum & mulierem, & fecit in eis, ut duo essent in carne una, ita ut mulier sit uelut residuum spiritus eius, nēpc uiri, q̄ ex costa uiri facta sit mulier. Gene. 2.

Porrò deus ipse, q̄ est unus, ille qui fecit oīa in gloriā suā,

Et fecit ut foemina esset quasi residuū spiritus uiri, & essent duo una caro, nihil aliud querit ex hac duorū unione, nisi semen dei, hoc est, filios iustorū et piorū, q̄ p̄ dei semine habentur. put in Gene. filij Seth cōparati cū filiis Cain, filij dei appellati sunt. Gen. 6. Dicit ergo: Nonne unus deus fecit etiā mulierem cū uiro, & unionē coniugij firmavit, & ipsa mulier est quasi residuū spiritus uiri? Ex qua unione quid querit ille unus, nisi semen dei, semen sanctū? Ex his quæ hac parte, et duab. præcedētib. habentur, nō fuerit incongruū nōnulla transferre ad allegoriā, præsertim, q̄ maxime illis cōpetat. Ad qd̄ primū obserua, filios Israël, ut sæpius diximus, typū gerere fidelium. Secūdo, mulierē ex israel, cū qua filij dei pducuntur pietatem & ueritatem esse. Tertio, mulierem alienigenā, ex qua non nisi idolorum cultores pcreantur, esse mendaciū seu impietate. Hæc est mulier, cui nomē impietas, de qua, Zac. 5. egimus.

Nunc filijs israel, id est, fidelibus cunctis prohibuit deus, ne filiam dei alieni, doctrinam demoniorum, mulierē idolorū cultricem, carnis sapientiā mendacē, impiā, diabolicam, execrabilem, peccatē atq; fallacem, Prou. 5. et aliās sæpe in eodem libro per scortum petulantissimū figuratā accipiant, sed uirginē illam sanctiss. impollutiss. mā, suauiss. foecundissimam, & summe desyderabilem ueritatem Dei. Hæc est sponsa fidelissima, & nunquā sterilis omnium electorum. Sed multi heu, ex his, qui in Dei populo supputantur, abiiciunt sponsam hāc pudicissimam, cui fidem promiserunt, & sibi copulant scortum illud execra-

FRANC. LAMB. IN MALACHIAM

bile mendaciorum hominum. Proinde in scripturis passim apostatae adulteris ac fornicatoribus assimilantur.

Sed quid iubet Dominus? Ut scortum illud impurissimum à nobis abijciamus, et toto animo copulemur castissimæ illi sponsæ ueritati, cui fidē ab initio nostræ uocationis pmissimus. Impossibile nanq; est, ut cū præfato doctrinæ mendacis scorto fructus alios quā mortiferos proferamus. Mox aut ubi ad castos, desiderabiles, ac suauiss. ueritatis amplexus fide peruenerimus, fieri non potest, ut nō pferamus dignos ueræ resipiscentiæ, quæ est ex fide, Deo q; gratissimos fructus, permanentes in uitam æternam. Et deus quid quærit ex hoc, q; scilicet ueritas nobis fide copulatur, nisi semen sanctum, fructus scilicet ueræ iustitiæ, quæ est ex fide. Tametsi & alioqui fideles per ueritatem procreant semen Dei, cum uerbi sancti ministerio plurimos ad pietatem conuertunt. Hinc Paul. 1. Cor. 4. in Christo IESU per Euangelium ipse uos genui.

Porrò eos quos sic impius scorti fallacis, nempe mendacij amor sic inxit, ut nullatenus ad sanctæ ueritatis thorum castissimum redire uelint, deus sic odit, ut & ipsos et omnes eorum preces ac munera sit perpetuo abiecturus, peribunt q; tandem in æternum. Beatus uir, qui polluto mendacij thoro toto corde abrenunciat, & rediens ad mundissimum cubile ueritatis dei ab ea nunquam uult separari, sed modis omnibus illi firmissime hæret.

P A R S D E C I M A.

Custodie

Custodite ergo spiritum uestrum, & uxore adolescentiæ tuæ noli despicere.

A quo iussit spiritum custodiri? Profecto, ne abduccerentur libidinibus alienigenarum, earumq; reprobo amore, à diuinæ iussionis obseruantia, qua uxores spretas & abiectas, uolebat denuo ab eis recipi. Sēsus est: Videte cui magis adquiescetis, mihi, an ipsis cultricibus idolorum, quas contra legem meam uobis in uxores copulastis.

Dicitur quoq; is sermo uniuerfis, qui apostatarunt à ueritate, & fornicati sunt cum mendacio. Custodite spiritum uestrum, ne uincamini à meretrice, cui in hunc usq; diem adhæsisistis. Suscipite iterum castissimam à uobis prius abiectam ueritatem, per quam seruetur spiritus fortitudo & adolescentia, & obseruate, ne ullatenus desprexeritis eā. Maledictus, qui nō adquiescit huic uoci Domini. Cum odio habueris dimitte, dicit dominus Deus Israel. Operiet autem iniquitas uestimentum eius, dicit dominus exercituum. Custodite spiritum uestrum, & nolite despicere.

Tum aberrarant miseri, ex his quos Dominus à Babilone redemerat, & reduxerat in terram suam, ut proprias uxores, non pellerent quidem ab ædibus, sed à seipsis durius abijcerent, quàm si ab ipsis domibus emisissent. Nimirum calcabāt eas, sub alienigenis, quod in maiorem

FRANC. LAMB. IN MALACHIAM

illis erat poenam, quàm si abiectæ fuissent à domibus, & libere dimissæ. Proinde hic præcepit Deus Israël. Cum odio habueris uxorem, tibi scilicet non placuerit, dimitte eam, ut libere exeat à te. Quod uerbum non est intelligendum simpliciter, sed cum conditione, nempe, si non uult eam, ut coniugem habere, & potius quàm tam male agere cum ea. Non fecit diuortium, sed legitimas & ueras coniuges uoluit redimere ab iniustis pressuris. Verum etiam dimittens ea ratione, uxorem à se, peccat. Vnde & subiungitur. Operiet autem iniquitas uestimentum tuum. Sensus est: Cum ex odio eam dimiseris, non aestimes te immunem à scelere coram me. Nam hoc tibi ad iniquitatem imputabitur. Quod aperte reddiderunt Septua. Si odio habens, dimiseris eam, dicit Dominus Deus Israël, operiet impietas cogitationes tuas. Denuo quoq; admonet, ut custodiant spiritum suum, cuius loci declarationē, mox habuisti. Hinc uides, deum potius uelle, ut à uiro coniunx separetur, quàm ut tyrannū cōtra illam maritus agat.

Quod spectat ad allegoriam, pseudocredentes & Antichristi, de sponsam sibi dicunt ueritatem Dei, cui se fidem in baptismo aiunt dedisse. Sed interim, admittunt scortum illud maledictum figmentorum hominum, & illius causa, tam misere lacerant, sponsam castissimam ueritatem, ut nemo satis explicarit. Cogunt enim eandem seruire mendacijs suis, purissimos & apertissimos dei eloquiorum sensus, ad mendaciorum suorum confirmationem torquentes, quantum uis repugnent. Et sic quasi

ex ueri-

ex ueritate dei, faciunt quasi iniquitatum seruam. O execrabiles tyrannos. In hoc maxime insaniunt, perfidiæ Antichristianæ Prophetæ, nempe, Rabini Phariseorum, & prostibulorum Satanae uniuersitatum primores, præsertim Sophistæ illi, & Romani idoli canonum adsertores. Sed quid ait Dominus? Quid tam laceratis ueritatem meam, o cæci & seuisissimi tyranni? Quid tam pulchram, foecundam, & ubiq; benedictam sponsam, sic conculcatis? Quid interim uultis haberi pro amicis eius, & gloriamini quòd eam in sponsam uobis adiunxeritis? Non ita fiat, sed si odio habetis, imò quia oditis atq; abominamini eam, dimitte eam à uobis, hoc est, ipsum odium uestrum aperte testemini, & nolite fingere uos amicos, ubi nihil minus estis. Minus quippe malum est, esse palàm hostem, quàm in abscondito: esse hostem publicum, quàm domesticum: esse aperte incredulum, quàm hypocritam. Quandoquidem nulla pestis nocentior, domestico hoste. Sed dum à uobis dimiseritis eam, operiet iniquitas uestimentum uestrum. Quidquid eritis, aut uiuetis, iniquitas erit, quòd absente ueritate, non nisi iniquitas in uobis esse possit.

Eritis tum aperti apostatæ. Sed quid? hoc saltem minus quiddam mali erit, quàm dum fingitis coram hominibus uos amicos ueritatis, & illam ueruntamēdolosissimè persequimini, cogitisq; eam seruire peccatis et mēdacijs uestris. Veh uobis Hypocritæ, Pharisei, Sophistæ, et Antichristi,
hostes

hostes domestici ueritatis, & omnium amatorum eius, qui cum sitis illius adiuratissimi hostes, pro eius ueritatem amicis, uos ubiq; contra conscientiam uenditis, ut uel hoc mendacio, hac pietatis facie, laudem ueniamini coram hominibus, & per d. fidelibus facilius & efficacius imponatis. Vbi uobis hypocritæ, cæci, larvæ, monstra, statuae, & idola mundi, qui non estis facti, nisi in diem malum, ut scilicet perdatis & seducatis errorū filios reprobos, & cum eis tandem perdamini.

P A R S V N D E C I M A.

Laborare fecistis dominum in sermonibus uestris. Et dixistis, in quo eum fecimus laborare? In eo quod dicitis. Omnis qui facit malum bonus est in conspectu domini, & tales ei placent. Aut certe ubi est Deus iudicij?

Laborare fecistis, hoc est, prouocastis Dominum, in sermonibus uestris. Quasi enim laborat, qui tristitia adficitur, & ad iram prouocatur. Hæc improprie dicuntur de Domino, uerum de eo, sicut de nobis loquimur, & sensus est capiendus, sicut illi competit. Deus enim improprie prouocatur aut laborat, ideo in hoc, tantum est sentiendum, quod impij illi suis iniquis locutionibus prouocabant Dominum, quātum in eis erat. Verum ipse Dominus, non proinde mutabatur. Est ergo sensus.

Si deus

Si Deus mutabilis esset, profecto ad iracundiam prouocatus & mutatus esset, propter sermones uestros.

Sed carnales non agnoscetes peccatum suum, nec aestimantes, quod suis uerbis deum prouocarint, contra-dixerunt Domino, & dixerunt. In quo laborare fecimus siue prouocauimus eum? Et respondet. In eo quod dictus: Omnis qui facit malum, bonus est in conspectu Domini, & tales ei placent, aut certe ubi est Deus? Videbant impios diuites esse, & prospere agere, & sanctos saepius uarijsq; modis adfligi, ideo iudicabant ex his, aut malos grates esse Deo, & bonos ingratos, aut deum non habere prouidentiam de his inferioribus. Proinde enim dixerunt, aut certe ubi est Deus? Quod. Si ubiq; esset, & de omnibus prouideret, certe cum iustus sit, non sineret impios prosperari, & pios adfligi.

Hæc est tentatio omnium ferme electorum, quam psal. 72. apertissime exprimit spiritus sanctus, loquens in persona fidelis tentati. Quam bonus Israël. Deus, in qui recto sunt corde. Mei autem penè moti sunt pedes, penè effusi sunt gressus mei. Quia zelaui super iniquos, pacem peccatorum uidens &c. Lege psalmum ipsum, quandoquidem totus in hac re est, & uidebis, quàm miro consilio Deus fideles tentatos esse uelit, & illos tandem consoletur. Videbis quoq; miram Dei manū, aduersum impios, quos sic diuitijs in tempus opplet.

Sic tentabantur olim sancti ex Israël, uidentes amplas gentium diuitias, & Israëlitis pressuras. Verum nonnulli ex eis,

FRANC. LAMB. IN MALACHIAM

exeis, adhuc infirmi, & alij forsā reprobi, super his scandalizabantur. Propter quod iratus fuit Dominus, uerum immutabiliter, odiens præscriptas locutiones, quæ ab incredulitatis fonte proficiscebantur.

C A P V T T E R T I V M.

Summarium capitis. Primum, de Iohannis Baptiste prædicatione, & quòd illum Dominus secuturus esset. Secundo, de gloria aduentus Domini IESV Christi. Tertio, quòd per eum electi sint purgandi & innouandi, & de ueris Ecclesiæ sacrificijs. Quarto, de reprobatione omnis impietatis, & iudicio spiritus Dei, & de ipsius dei immutabilitate. Quinto, qua ratione deum supplantabant. Sexto, admonet ad resipiscentiam, & meliora spondet. Septimo, de hypocritis & infirmis, de Domino murmurantibus. Octauo, ponitur sermo timentium Dominum, & de illo bene sentientium. Nono, Deus promittit se timentibus, quòd sint illi futuri in peculium.

P A R S P R I M A.

ECce ego mitto angelum meum, & præparabit uiam ante faciem meam. Et statim ueniet ad templum suum dominator quem uos queritis, & angelus testamenti quem uos uultis.

Certum

Certum est ex Matthæi capite undecimo, hunc angelum primo loco positum, Ioannem Baptistam esse. Ait enim Dominus. Hic est de quo scriptum est. Ecce ego mitto angelum meum ante faciem tuam, & preparabit uiam tuam coram te. Quod si ita est, profecto dominator quem querebant, & testamenti angelus quem uolebant, Christus est. Hunc enim querebant, & uolebant, nedum iudæi, sed & uniuersi omnium gentium electi. Proinde in scripturis uocatur desiderium collum eternorum. Et desideratus cunctis gentibus.

Igitur est hic manifestissima de Christo prophetia, in qua primum obserua personam loquentis: Certe is est Pater, qui mittit filiū, ideo Christus sensum magis expressit, allegans manifestissime hunc locum, de patre ad eum loquente, ut mox habuisti. Qua ratione autem ualeat Malachia textus de patre loquente accipi, non erit difficile, si obserues dictum illud seruatoris. Ioan. 14. Ego in Patre, & Pater in me est. Profecto si unus in alio est, qui est coram facie unius, etiam corā alterius facie est. Bene ergo congruit textus iste, ut sit Patris sermo dicentis. Ecce ego mitto, id est, mittam (quod & Septua. habent) angelum meum Ioannem Baptistam, non Heliam secundum personam (ut Hebræi putant) sed secundum spiritum. Et preparabit uiam, ante faciem meam, id est, ante filium meum, in carne uenturum, qui unus mecum est. Et ideo Ioannes, quem ante illum mittam, certe ante me uenit. Ipse enim & ego unum sumus. Ioan. 10. Et qui uidet filium, uidet

uidet & patrem . Ioan. 14. Et qui ante faciem filij uenit, idem uenit ante faciem patris. Porro hæc præparatio nõ est alia à prædicatione Ioannis, atq; Baptismate, in nomine Christi tum uenturi. Venturi quidem, non in mundum, quando quidem iam uenerat, sed in ministerium uerbi, quod nondum incepit annunciare, quod nondum uenisset hora eius. Nihil enim facere potuit, nisi sicut immutabiliter ab eo præfinitum erat, nempe, ut singula proprijs temporibus fierent. De hac Ioannis præparatione prophetauit Esaias, sui libri cap. 40 dicens: Vox clamantis in deserto, parate uiam Domini, rectas facite semitas eius. Quem locum Lucæ. 3. explanauius.

Sequitur. Et statim, mox scilicet posteaquam angelus ille præpararit uiam, ueniet ad templum sanctum suum, quod erat Hierosolymis, in quo Dominus prædicauit sæpius. In templum quoq; id est, in Ecclesiam, quæ templũ Domini est, ut multis locis probauimus, præsertim Zachariæ. 6. Quis uenit in hoc templum? Dominator Christus quem uos electi quæritis, credentes eum uenturum, & angelus, id est nuncius testamenti, id est pacti, qui scilicet uobis annũciabit pactũ, imò faciet pactum, quo remissionem peccatorum, & Dei gratiam consequamini ex fide, quem dominatorem & angelum, uos uultis. Hunc carnales, & sancti differenter querebant, & uolebant. Nimirum electi eum desiderabant, sed alio spiritu quàm increduli, nempe, ut per eum fieret omnium instauratio. Contra reprobos & carnales, diuitiarũ amplitudinem, Israëlis gloriam

gloriam & regnum secundum carnem instaurari, de-
 iectionemq; omnium hostium suorum per Christum ex-
 pectabant, quo errore miseri Iudæi, usq; hodie tenentur.
 Dominus illustret eos.

P A R S S E C V N D A.

Ecce uenit, dicit dominus exercituum. Et
 quis poterit cogitare diem aduentus eius?
 Et quis stabit ad uidendum eum?

Non puto eos audiendos, qui hunc locum ad secun-
 dum aduentum Domini, nempe, ad iudiciũ refe-
 runt. Diximus enim aliquoties, atq; probauimus,
 in Prophetarum enarratione id summe uitandum, ne in
 eadem prophetia, contextum sensus immutemus, nisi te-
 xtus circumstantia, ad id cõpellat. Manifestissimũ autem
 est, quæ hic habentur connexa esse. Proinde nihil dubita-
 rim, de priori Christi aduentu capienda.

Igitur posteaquam Christum dominatorem & testa-
 menti angelum, uenturum semel dixit, idem secundo ad-
 serens replicat, dicens. Ecce uenit, præteritum pro futu-
 ro, ob certitudinem. Ac si diceret: Credite his uerbis fir-
 missime, certissime namq; ueniet. Nihil dubitate, sed con-
 fidite. Porro quod mox subnectit, nempe: Et quis poterit
 &c. ad patres & sanctos, qui illius aduentum præcesse-
 runt

FRANC. LAMB. IN MALACHIAM

runt spectat . Alius uero uersus , nempe : Et quis stabit
 &c. spectat ad eos , qui secuti sunt .

De præcessoribus ergo aduentus eius ait: Et quis poterit cogitare diem aduentus eius? Nemo putet hanc cogitationem , simplicem quandam memoriam esse (si tamen memoria , futuris competit) ut dum quis memoratur amici , aut de eo cogitat , quòd sit doctus , sed signat perfectissimam notitiam , quam electis etiam tum infudit spiritus sanctus , quo fide & spiritu , C H R I S T I aduentum noscebant & certissimi de eodem erant , pro eodemq; letabantur . Hanc cogitationem habuit Abrahamus , cum exultauit , ut uideret C H R I S T I diem , uiditq; eum , & gauisus est . Sensus præscripti uersus est : Nemo poterit suo sensu , suaq; sapientia , peruenire ad id , ut possit spiritu nosse , & pleno corde credere diem aduentus eius , & nihil dubitet eum uenturum in carnem ad omnium electorum salutem .

Verum si quis ad id Dei munere peruenerit , nemo eo felicius , quòd ipsa cogitatione , notitia , scientiaq; salutis , nihil utilius , sanctius , amabilius , suauiusq; haberi possit . Hæc quippe notitia , est uita æterna , quam dum habuerunt patres illi , eandem nobiscum escam spirituales manducauerunt , & eundem potum spirituales biberunt . i. Corin. decimo . Quod autem C H R I S T V S sit esca & potus , liquet Ioan. sexto . Hunc diem Christi , quisquis , sicut prædiximus , cogitat , in eo est .

Qui

Qui dies tametsi fuit semel, nempe, tum cum uenit, lux ueruntamen eiusdem diei, in omnium electorum & fidelium corda irradiat, dum credūt. Sic irradiauit in corda fidelium, qui fuere ab initio, & irradiabit usque in finem. Proinde unus dies est, totum tempus ab aduentu Domini I E S V, imò à mundi principio, in quo soli electi sunt, & quidem tum solum dum credunt. Sunt in eo quandoque reprobi, sed non permanent in eo. Apostatant enim ab ea luce, in mendaciorum hominum tenebras, in hoc blasphemantes spiritum Dei, quos rursum per poenitentiam renouari impossibile est. Hebræorum sexto. O quàm felix, qui potuit cogitare diem aduentus eius. Si quis dicit hunc uersum, etiam ad eos qui D O M I N I aduentum secuti sunt pertinere, non contra dicimus, conuenit enim.

Hunc sic uerterunt Septuaginta. Et quis sustinebit diem introitus eius? Et est sensus: Tam admirabilis erit Christi in mundum introitus, & tam terribilis & horrendus carnalibus, quod nemo ex se sustinebit eum, imò impossibile est, ut quisquam non renouatus spiritu I E S V Christi, sustineat aduentum eius, aut ueritatis eius. Conuenit autem cum nostra uersione, quòd nemo ex se possit cogitare aut nosse, diem aduentus I E S V Christi, nec de eo cogitationem sustinere quidem.

Iam uide, quā sit impatiēs omnis caro, in his quæ ad Dominū nostrum IESVM Christū spectāt, ut pati nequeat,

FRANC. LAMB. IN MALACHIAM

ut uel solum cogitet de die aduentus eius. Quia autem uniuersa Dei eloquia, ad ipsum diem attinent, nemo carnalium ea sustinere potest. Hinc uides, quòd mox ubi uerbum Domini, incipit alicubi annunciari, uniuersa perturbantur, q̄ fieri nō possit, ut carnales ipsum uerbū sustineāt.

Christo quoq; & Apostolis prædicantibus, mundus totus fuit perturbatissimus. Noli ergo terreri, dum uides impios, non posse Christi sustinere introitum, nec de eo cogitare quidem, ac eorum Synagogas perturbari. Nimirū positus est in signum, cui contradicatur. Et Christi introitus, ac præsentie uerbi eius signū certissimū, est carnalium perturbatio. Vide quàm bene cōsentiant ipsæ uersiones, è quibus altera per alterā notior fit. Beatus ergo qui illustratus à Dei spiritu, potuit olim, aut amodo poterit sustinere cogitationē dici aduentus Domini I E S V Christi.

Sequitur. Et quis stabit, ad uidendum eum? Septua. Et quis poterit ferre, ut adspiciat eū? Idem uult spiritus sanctus, quod in uersu præcedenti, nempe, quòd nemo nō renouatus, potest sustinere, nec nosse Dominum I E S V M Christū. Puto ueruntamen, quòd maxime spectet ad eos, qui aut ipsius Christi diebus, aut mox post eū erāt. Nullus aut putet hunc locum, de adspectu Domini corporeo adicipi, sed de uisu & adspectu fidei. Ostenditur quoq; ex hoc loco, quàm terribilis et intolerabilis erat futurus Dominus I E S V S Christus, carnalibus cunctis, et simul his, qui uere nouerunt eū, tametsi differenter. Sensus etenim est

est: Nemo ex se poterit ferre, ut uideat Christi magnitudinem, imò nec umbram quidē eius. Non potuerunt ferre illum Iudæi, mox cupientes eum extinctum, sic nec gentes, nec modo Antichristi.

Modis quippe omnibus adnituntur, ut eum pellant. Sancti quoq; etiam maxime à Domino illustrati, & Christum agnoscētes, nisi à Domino adiuti, nunquam possent Christi sustinere magnitudinē & gloriam, donec in mortali carne sunt. Vnde non nisi guttula quædam suæ magnitudinis, fidelibus hic reuelatur. Obserua autem unde maxime, à se nemo eum ferre possit.

P A R S T E R T I A.

Ipse enim quasi ignis conflans, & quasi herba fullonum, & sedebit conflans & emundans quasi argentum, & purgabit filios Leui. Et colabit eos quasi aurum & quasi argentum, & erunt domino offerentes sacrificia, in iustitia. Et placebit domino sacrificium Iuda, & Hierusalem sicut dies sæculi, & sicut anni antiqui.

MEt alla igne conflantur, & purgantur. Christus autē dicitur quasi ignis cōflās, eo quòd suo spiritu absumat, quidquid spectat ad carnem, et damnet

FRANC. LAMB. IN MALACHIAM

quidquid impia sæculi prudentia adprobat, & laudat. Quod dum filij huius sæculi nō sustinent, sumpta ex hoc occasione, omnia tumultibus implent, ut in uersibus superioribus habuisti. Igitur sui spiritus ignē mittit, ut adurat & expurget argentū et aurū, hoc est, electos, à scoria. A quo, qui se finit aduri, beatus est, nimirum fit purgatissimus, deoq; acceptissimus. Hanc quoq; purgationē, figurat uerba fulionū, qua scilicet uestes expurgare solui sūt.

uerba fullo
= *ui*

Sequitur. Et sedebit conflans, et emundans, nō dubiū quin electos et fideles, quasi argentū. Loquitur more conflantiū argentū, aut aliquid arduū operantiū, qui seder consueuerūt, dum operantur, et designat perfectā electorū conflationē, et purgationē. Et purgabit filios Leui, quod in Apostolis ac cæteris ex tribu Iuda & Leui cōuersis, impletū est, implebitur aut generalius, in postrema Israël cōuersione. Tametsi per Leuitas, uniuersos Ecclesiæ ministros intelligimus, etiā qui nunc administrant, nēpe, Episcopos, & Diaconos. Et purgabit eos, Leuitas, quasi aurū et quasi argentū, ut supra. Et tū, cū purgati fuerint, erunt Domino offerētes sacrificia, nō iam animalium, ut olim, sed iustitia, quæ ē ex fide, ex ea uiuētes et operātes. Et tū placebit Domino, sacrificiū Iuda et Hierusalem, sicut à principio, cū Abrahamus, et alij sancti ex fide sacrificabāt. Et hoc est quod prædixit spiritus sanctus, per os Dauidis. Psal. 50. Tunc acceptabis sacrificium iustitiæ, oblationes, & holocausta, tunc imponent super altare

tuum uitulos. De his sacrificijs, plura scripsimus suprâ cap. primo.

Obserua duo, primum, quòd tamen si solo Christi spiritus igne, credentes purificantur, quòd is sit ignis, quem misit in terram, ut uehementer accenderetur, ipse ueruntamen **C H R I S T V S** solitus est, his quos suo purgat aut uult purgare spiritu, simul ignem suæ crucis mittere. Vult enim, ut tanquam aurum in fornace probentur. Sapien. tertio. quòd non sit maior seruus Domino suo. Propter quod etiam ipse **D O M I N V S** conflator nuncupatur.

Secundo, quia iuda & Hierusalem Ecclesiam figurant, non dubium, quin hic locus, de ea etiam capiatur, cuius sacrificia, Domino nunquam non sunt gratissima. Nimirum ex fide omnia faciunt, ex eaq; uiuunt uniuersi filij eius.

Addam & tertium, non obmittendum, quòd Ecclesiæ sacrificia dicuntur placere Domino, sunt dies sæculi, & anni antiqui, hoc est, sicut placere, quæ à sanctis illis priorum sæculorum, Enoch, Noë, Abraham, Mose, & reliquis oblata fuere. Vnde argumentum habes, quòd eadem per omnia fuere à mundi principio, credentium sacrificia, nempe, quòd oïa ex fide operati sunt, & idem omnino respexit Deus in illis, quod in nobis, nempe, fidem. Semper enim uerū fuit illud Hieremie quinto: Domine, oculi tui respiciunt fidem. Admodum ergo abcr-

error qum.

tarunt, uniuerſi qui dixerunt, Deo eſſe gratiora ſacrificia, quæ nunc fiunt, quàm ea quæ ſub lege, ſancti Deo obtulerunt. Sacrificium enim quod Deus reſpicit, in corde eſt. Parum autem immo nihil retulerit, quo ſigno cordis ſacrificium proteſteris. Idcirco quæ ad extrâ olim fuere ſacrificia, nihil plus aut minus Deo grata fuere, quàm ſecundû meſuram fidei, quâ habuerunt, et idem penitus ſentiendû, de uniuerſis noſtris externis ſacrificijs, id eſt, operibus ex fide. Siquidem aut fide aut incredulitate, oia quæ à nobis ſunt, metitur Deus.

Verum nō proinde inſtituta fuere in uanum, uetera illa animalium ſacrificia, quod tamen uideretur ſequi, ex eo quòd nihil plus aut minus, grata erant domino ipſa ſacrificia, quàm quæcunq; opera ex fide. Nimirum ob duo maxime ea conſtituit Deus. Primo, in figuram immolationis Chriſti agni immaculati, qui pro nobis fuit in cruce oblatuſ. In eo enim fuit omnium ſacrificiorum legis ueritas conſummata. Vnde & morti uicinuſ, pendensq; pro nobis ſalutis hoſtia, ait: Conſummatuſ eſt. Ioan. 19. Secundo, figurâ mortificationis ueteris hominiſ, in electis omnibus operum ex fide, quæ etiam in ueteribus illis ſanctis obſeruebant Deum, ex animalium ſacrificijs id uelle. Quia uero huius figuratiuæ immolationis ueritas impletur in fidelibus, ideo in ultima Ezechielis uifione, quæ à cap. 40. incipit, et aliàs ſæpe in pphetis, prænūcians ſpirituſ ſanctuſ, Iſraëliſ ad Dominuſ tandem conuertendi, &

omnium

omnium fidelium uera sacrificia, de quibus in superioribus, maxime capite priori actum est, secundum figuram in faciē literæ id facit, multa scribens de uitulis, arietibus, hircis, agnis, panibus mēse Domini, olei mēsuris, alijsq; id genus, tu autē hæc semper intelliges, de his quæ per hæc figurantur. Confidimus autem in Dominum, quòd de his plene breui agemus apud ipsum Ezechielem.

Aliam rationem assignant nonnulli, nempe quòd ne Israhēlitæ ad hæc idolis immolanda Gentium exemplo prouocarentur, iussit ea in templo suo sibi offerri. Nos hanc rationem nullam esse putamus, nec credimus id uoluisse Deum. Nam si de timore idololatriæ id agitur, per id nequaquam ab idolorum cultu reuocati fuere, quin potius per legem auctæ fuere illorum transgressiones. Duæ ergo præscriptæ rationes sunt potiores. Quandoquidem præcipere, ut hæc sibi quispiam offerat, non est reuocare animum ab opposito, lex enim non reuocat impios à malo, sed iritat, ut peiores fiant, & per eam peccata augmentur. Solus autem Dei spiritus à malo uere reuocat, & facit, ut lex uoluntarie seruetur. Alioqui impius hominis sensus ex sancta ueritatis lege, quam odit, sumit occasionem, ut magis peccet, ut etiam si in faciem eam seruet, animo sit illius maxime transgressor, ex incredulitate & odio legis, & sic uides, q, dum sumus sine spiritu, peccata in nobis ex lege, uel per hypocrisim maxime augmentur. Quod si cui placet hæc posterior ratio, proinde illum minime damna

mus. Vt cunq; enim tolerabilis est, q̄ diuinis eloquijs nihil aduersetur. Verum interim sciat, quòd hæc externa sacrificia non nisi meliorum hostiarum figuræ extiterunt, & ideo ob res figuratas maxime instituta fuere.

P A R S Q V A R T A.

Et accedam ad uos in iudicio, & ero testis uelox maleficis, & adulteris, & periuuris, & qui calumniantur mercedem mercennarij, uiduas & pupillos, et opprimunt peregrinum, nec timuerunt me, dicit dominus exercituũ.

Et hanc quoq; partem de ultimo illo iudicio complures enarrant, quod illis quidem permitimus, uerũ ex textus ordine nihil minus arbitramur, hic uelle spiritum Dei. De iudicio nanq; spiritus IESV Christi, quo mundum in fidelibus, uel per eos reprobatur & damnatur, hic locus intelligitur, quemadmodum & Dominus ipse Ioan. 12. ait: Nunc iudicium est mundi. Et Ioan. 16. de ipso spiritu Christus dicit: ille arguet mundum de peccato, de iustitia & de iudicio. Posteaquam enim de fidelium purgatione, & ueris illorum sacrificijs egit, nunc subnectit de iudicio, quo per spiritum suum in eis iudicat.

Ait ergo: Et accedam ad uos per spiritus mei illustrationem.

tionem. Tum quippe Dominus ad nos accedere dicitur, dum nos illustrat, aut alioqui nos iuuat, uel aliquid aliud in nobis operatur, ut dum nos punit. Accedam, inquit, ad uos, in iudicio, tribuens uobis spiritum meum, per quem solum secundum ueritatem iudicium est. In uobis meo spiritu iudicabo de omnibus, docens quid amplectendum, quidue reprobandum. In uobis iudicabit & damnabit ipse spiritus omnem impietatem. Ergo hoc iudicium significat nedum rectum in omnibus sensum, sed & reprobationem impietatis. Summa, hic est sensus huius loci: Ego uobis infundā spiritum meum, spiritū, inquā, iudicij et ardoris, q̄ uos docebit, quid piū, quidue ipium, et omnē ueritatem: simulq; omnē iniustitiā condemnabit, qd' manifestius ostendit ex eo, qd' sequitur: Et ero per ipsum spiritū testis uelox maleficis etc. Velox, hoc est, festinus, mox ostēdēs maleficis & oībus impijs q̄ mala sint admodum opera eorum, & nunq̄ uel ad momentum illis cōsentiens. Nō ero tardus testis, sed mox reuelabo, q̄ malū sit, esse criminibus irrecitū, & non acquiescere uerbo meo. Hinc habes argumentū, q̄ fieri nō possit, ut fidelis & habens Christi spiritum non semper odiat & condemnet omnem impietatem.

Porro speciatim enumerat aliquot scelerosorum genera, nempe maleficos, seu ueneficos, adulteros, periu-
ros, mercennarium in iusta mercede fraudantes, calumni-
antes uiduas & pupillos, opprimentes peregrinos, & o-

FRANC. LAMB. IN MALACHIAM

omnes qui non timent eum, per quos uniuersos impios intelligit. Vide autem, quam graua sint crimina, adulterium, periurium, fraudare mercenarium, & affligere peregrinum, dum inter grauisima supputantur, ab eo qui omnia perfectissime nouit. Hec iudicat & condemnat spiritus I E S V C H R I S T I, etiam in electis suis, faciens, ut si quid ex his aliquando perpetrarunt, summe odiant & damnant, mortificentq; in seipsis opera & desideria ueteris Adami, quærentes semper magis renouari per C H R I S T V M I E S V M. Quia autem his, in quibus spiritus sanctus damnat impietatem, & sanum operatur iudicium, salus uera est, ideo electis ex Israël promittit, quod id faciet in eis, ne pereant, sed salui fiant, stetq; promissio sua, qua spopondit se redempturum ab omni iniquitate Abrahamæ semen. Vnde & subdit:

Ego enim Dominus, & non mutor, & uos filij Iacob non estis consumpti. A dieb. enim patrum uestrorum recessistis à legitimis meis, & non custodistis. Reuertimini ad me, & reuertar ad uos, dicit dominus exercituum.

Vere memorabile uerbum, quo manifestissime omnium Dei sermonum immutabilitas ostenditur. Quid enim sermones

sermoneſ ipſi, niſi teſtimonia certiſſima diuine uoluntatiſ? Siquidem ipſa Dei uoluntas, ſpiritus eſt ſermonum eorum. Conſolare ergo ô fidelis, ipſiſ D E I ſermonibus, quandoquidem nihil ad ueram animi pacem efficacius eſt.

O uere magnum uerbum: Ego Dominus, & non mutator. Et quiſ ſatis poterit illud expendere? Si non mutariſ Domine, & tuæ immutabilis uoluntatiſ teſtimonia ſunt ſcripturæ tuæ, certe poſt tenebras malorum huius ſæculi ſperamus lucem tuam, & eripies nos à malis omnibus. Et quidem id facturus eſ, qui non mutariſ, implebiſq; omneſ ſermoneſ tuos. Da nobiſ domine, ut uere ſciamuſ hoc uerbum tuum, & uim eiꝯ. Ego Dominus, & non mutor. T U D O M I N V S ſolus, qui omnia poteſ, cui nihil difficile eſt.

Præter te nulluſ uere Dominuſ, q̃ multa non poſſint omnino, & ſine te nihil penituſ. Deniq; tibi ſubſunt, & tu ſuper omneſ eſ. Quod promittiſ, certiſſime facturus eſ, q̃ non muteriſ, & nihil non poſſiſ. Quod prædicuſ, eueniet, & neceſſario quidem, pari ratione. Hinc ſermonum tuorum ueritaſ & æternitaſ eſt. O uerſum in ſignẽ, in horaſ ſingulaſ meditando & replicando.

Per hunc maxime locum confirmat, quod multis lociſ de ultima Iſraëliſ conuerſione ſcripſimuſ. Promiſit ei Dominuſ, q̃ quantumlibet abiſceretur, tandem rediret ad eum, & acquieſceret ueritati. De quo uide Amos. 9.

Sed

FRANC. LAMB. IN MALACHIAM

Sed non mutatur, & id præstare facile ei est, ergo faciet, & uere faciet. Utinam uiderem dies illos, qui certissime futuri sunt. Nimirum præscriptum uerbum est uelut responsio, si quis inquireret. Cur tu, ô Deus, accedes ad Iſraëlem in iudicio, & eris testis uelox omnibus criminibus eius, modo quo prædiximus? Aut Deus: Ideo sum id facturus, quòd salutem & misericordiam semini Abrahamæ promiserim. Sum quoq; Dominus, qui id præstare ualeo, & non mutor, ideo fieri non potest, ut ipsum meæ promissionis uerbum non impleatur. Propter hoc uerbum uos filij Iacob quantumlibet fueritis uarijs malis afflicti & contriti, tamen non feci uobis, nec sum facturus, ut Sodomitis & Gomorræis, ac alijs gentibus, quas deleui. Non enim estis consumpti. Ecce nunc etiam impij admodum ac pleni criminibus estis, à diebusq; patrum uestrorum recessistis à legitimis meis, nec custodistis ea, uerum reuertimini ad me, & ego reuertar ad uos, dicit **DOMINVS** exercituum.

Reuerti & conuerti idem est. Diximus primo Zachariæ capite, præcedere conuersionem Dei ad nos, q̄ non possit quisquam ad dominum conuerti, nisi prius cum domino suo spiritu illustrarit. Quid est ergo, q̄ nunc prius dicit: Reuertimini ad me, & postmodum adiicit: Et ego reuertar ad uos? Obserua ad id, duplicem esse Domini ad nos conuersionem. Primam, qua nos illustrat, & trahit, ut ad eum conuertamur. Secundã, qua iam conuersos ma
gis

gis illustrat, & copiosius sui spiritus muneribus donat, aut alioqui iuuat. Nimirum omne Dei auxilium, quædam illius ad nos conuersio est. Prima conuersio præcedit nostram. Secunda uero eam subsequitur.

P A R S Q V I N T A.

Et dixistis: In quo reuertemur? Si affigit homo Deum, quia uos configitis me? Et dixistis: In quo configimus te? In decimis & primitijs. Et in penuria uos male dicti estis, & me uos configitis gens tota.

Cæca est caro, & omne iudicium eius fallax, idcirco nesciebant & nō uidebant cæci homines, quid mali erat in eis, à quo reuerterentur ad dominum. Proinde iubenti domino ut resipiscerent, & ad eū reuerterentur, cæci non intelligebant impia esse, quæcunq; eorum opera ob incredulitatem, sed magis æstimantes iusta & pia esse, ipsi domino responderunt: In quo reuertemur? Ac si dicerent: Non agnoscimus in nobis eam impietatem, eaq; scelera, nec auersi sumus à te, ut dicere nobis debueris: Ad me reuertimini. Nonne colimus te? Nōne facimus quod ualemus? Sic impia caro propriam, eandemq; sordidissimam iustitiam, etiam coram oculis Domini iactare

non

non erubescit, & uix peccata illa crassiora pro peccatis habet.

Sed quid respondit Dominus. Si affiget homo deum? Quia uos configitis me. Septuaginta uerterunt. Si supplantat homo deum? quia uos supplantastis me. Et dixistis: In quo supplantauimus te? Et paulo post, ubi nos habemus: Me uos configitis. septua. habent: Me uos supplantatis. Quod magis congruit, tã sensui, quàm Hebræis codicibus. Haij kba enim Hebræa uox, supplantare eorum iudicio significat, quos & nos in nostra enarratione seque mur. Igitur primũ id obseruandũ, q̃ improprie quis deũ supplantare dicitur. Verum, ut sæpe diximus, de deo scriptura multoties loquitur, ut de hominibus, ipsæ autẽ locutiones non sunt alioqui, quàm deo conueniunt, exponende. Iudæi non reddebant Leuitis decimas, sicut deus præceperat, sed clàm multa suffurabantur ex iure ministrorum templi Dei, & per id quantum in eis erat, fraudabãt dominum suo iure, quod fraudulentum est hominis, propter, quod Deum non incongrue supplantasse dicuntur.

Ait ergo: Si supplantat homo Deum? Ac si d. Hoc nemo potest, nec debet id uel cogitare quidem. Idcirco autẽ id dico, quia uos quantum in uobis fuit, supplantastis me. Et neq; id profiteri uoluistis, sed contentioso animo respondistis mihi. In quo supplantauimus te? In decimis & primitijs, non reddendo easdem ministris meis Leuitis, prout in lege constitui. Attamen p̃ hac supplantatione maledicti estis

estis penuria. Credidistis non reddendo ipsis Leuitis, quæ iussi, ditiores fieri, sed propterea in egestatem decidistis. Et sic me supplantatis gens tota, hoc est, uiuer si. Nō puto q̄ nullus decimas ac primitias redderet, sed quod sermē omnes, aut maior pars in hoc peccabat.

Si Israëlita tum dominum supplantare dicebantur, cū non dabant Leuitis, quod illis reddi iusserat, profecto supplantatores Domini sunt, quicunq; non dant proximis, quæ ille iussit, ut eleemosynam pauperi, mercedem mercenario, mutuum fratri petenti & indigenti, & similia. Putant multi se per id ditandos, sed fieri nō potest, ut hi fraudulenti non proinde male habeant, & diuitiæ male partē diu esse nequeunt. Festinanti quippe ditari, egestas ueniet, & nescit. Prouer. 28. Festinat autem ditari, qui contra uerbum Domini, & spretis proximis id facit. Cæterum dans pauperi, non deficit, dum interim abscondens oculos suos, hoc est subtrahens misericordiam a paupere, multiplicat penuriam. Prouer. 28.

P A R S S E X T A.

Inferte omnem decimam in hortum meū, ut sit cibus in domo mea, & probate me super hoc, dicit dominus. Si non aperuero uobis cataractas cœli, & effudero uobis benedictionem usq; ad abundantiam. Et increpa-

FRANCLAMB. IN MALACHIAM

bo pro uobis deuorantem, & non corrumpet fructum terræ uestræ, nec erit sterilis uinea in agro, dicit dominus exercituum. Et beatos uos, dicēt omnes gentes. Eritis enim uos terra desiderabilis, dicit dominus exercituum.

Apertior est hic textus, quàm ut longa expositione indigeat, tantum id observa, q̄ deuorans ille, de quo hic dicitur, quòd Deus sit illum increpaturus, uermes illos omnia corrodetes, nempe bruchum, herucā, locustam, item rubiginem, seu uentum adurentem significat. Hæc si resipuerint Israëlita, promisit se increpaturū, hoc est, expulsurum & amoturum, ne fructus absumant. Obserua quoq; in eo quòd dominus ait: Probate me super hoc, quod non intelligitur, q̄ Deum tentarent, cum scriptum sit: Non tentabis dominum Deum tuum, sed hic est sensus. Facite quod iubeo de primitijs atq; decimis, & tū probate, id est, probabilis ac uidebitis me super hoc, uel in hoc. Scilicet agnoscetis, quàm auxiliarius his, qui sermonibus meis acquiescunt.

Ad hæc, quia domus siue templum Domini, Ecclesiæ typus est, cibus eiusdē domus ministris eius necessarius, est quicquid uerbi ministris opus est. Non enim congruit hoc

in hoc loco, ut secundum allegoriam per cibum aut Christum, aut uerbum suum capiamus. Oportet enim intelligi, de his quæ à populo ministris Ecclesiæ, uniuersis scilicet Episcopis ac pauperibus fratribus sunt danda. Ministri enim populo Dei sermones dispensant, non populus ipsis.

Ait ergo Dominus: Inferte omnem decimam in horreum meum, in horrea scilicet sacerdotum. Hæc ueteribus illis, nunc autem fidelibus ait, ut abunde pauperibus omnia dispensent, pro mensura eorum, quæ à Deo acceperunt. Et utinam fidelium quisque decimam ad minus ex omnibus, in usus pauperum tam ministrorum Ecclesiæ, quam aliorum segregaret. Nimum enim execrabile in multis est, quod nunc reuelato Euangelio, quia ex eo docemus, sicut et uerum est, decimas, primitias, et oblationes, non deberi ex uerbo Dei, Episcopis illis aut sacrificulis regni perditis cessant ab his reddendis, sed nihil interim misereantur proximorum indigentium. O infelices et cæcos homines. Olim adhuc regnantibus errorum tenebris, Phariseis et sacrificulis, omnia fermè largiebantur: et nunc fulgente gloria uerbi domini, quod maxime exigit, ut fides sit per charitatem operosa, nihil omnino tribuunt. Sic miseri, sic audetis fraudare et supplantare dominum? Date et inferre abunde, et cum fiducia, in manus pauperum seruorum Dei. Facite ut sit cibum in Ecclesia uniuersis indigentibus. Et uere nullus fidelium deberet, quantum liceret per opes

k 2 ditiorum

FRANC. LAMB. IN MALACHIAM

ditiorum egens dimitti. Et certe maledicti sunt, qui habentes quod possint, non distribuunt egenis, etiam peregrinis. Non enim licet audire eos, qui dicunt, solis conciuibus distribuenda, quæ in urbe qualibet in usus pauperum congregantur, quod in tam multis locis iubeatur hospitalitas, & Esaie quinquagesimo octauo dicatur: Frange esurienti panem tuum, & egenos uagosque induc in domum tuam.

Profecto si hæc seruarent uniuerſi, qui Christi nomine gloriantur, nihil infelicius haberent, quin potius dominus benediceret tam illis, quàm omnibus quæ ad eos spectant, & nihil eis nocere posset. Et quis possit recensere, quàm mirifice deus benedicat sanctis misericordibus? Beati misericordes, quoniam misericordiam consequentur. Matt. 5.

P A R S S E P T I M A.

Inualuerunt super me uerba uestra, dicit Dominus. Et dixistis. Quid locuti sumus contra te? Dixistis: Vanus est, qui seruit deo. Et quod emolumentum, quia custodiuimus præcepta eius, & quia ambulauimus tristes coram domino exercituum? Ergo nunc beatos dicimus arrogantes. Siquidem ædificati sunt facientes impietates, & tentauerunt deum, & salui facti sunt.

Que supra in fine capitis præcedentis, de facientibus laborare dominum suis sermonibus, habuimus, hic latius & plenius habes. Inualuerunt (dicit dominus) uerba uestra super me, id est, contra me. Sed id non agnoscebant impij & carnales, unde & dicebant: Quid locuti sumus contrate? Quibus Dominus: Dixistis: Vanus, stultus, & sine fructu est, qui seruit Deo, qui scilicet fidit illi, & acquiescit omnibus præceptis eius. Hæc est malicia, hoc est peruersissimum iudicium omnium hominum, quos non docuit spiritus sanctus.

Credere & ex fide uiuere, est seruire Deo, quod impij rem uanam & stolidam putant, propter quod & dei seruos pro stultis habent. Hoc profitebatur uerum Paulus, in sua & omnium fidelium persona dicens: Nos stulti propter Christum. Vident impij iustos à Deo castigari uarijs modis, & nesciunt hanc esse uirgam filiorum. Vident eorum ferme perpetuam crucem, & nesciunt opus esse, ut transeant per ignem & aquam, donec educantur in refrigerium. Et si caput electorum sustinuit contradictionem & persecutionem ab impijs, qui sit, ut non omnes serui eius idem perferant, cum domino suo maiores haudquaquam sint? Hæc uident cæci, & scandalum patiuntur. Vident autem apertos ueritatis hostes, ditatos, impinguatos, dilatatos, quod eorum filij sicut nouellæ plantationes, & filiæ circumornatæ, ut templi quædam facies: denique promptuaria eorum plena, oues eorum fœ-

FRANC. LAMB. IN MALACHIAM

toſæ, & boues craſſæ. Non eſt ruina maceriæ neq; tranſitus, neque clamor in plateis eorum. Et beatum dicunt populum, cui hæc ſunt. Sed nequaquam ita eſt, nimirum ſolus ille populus beatus eſt, cuius dominus Deus eſt. Pſalm. 143.

igitur increduli & hypocritæ ex Regno Iuda, æſtimantes ſortem iniuſtorum meliorem eſſe, dicebant, ut & nunc dicunt falſi credentes: Vanus eſt, qui ſeruit DEO. Vnde autem moti fuere, ut id dicerent, ſubiunxerunt: Et quod emolumentum, quis fructus, quæ utilitas, quia cuſtodimus præcepta eius, & ambulauimus triſtes coram DOMINO D E O exercituum? Quæſi dicerent: Nihil nobis inde acceſſit. Sed mendacium locuti ſunt, quia D E O nunquam ſeruierunt. Nam qui ob terrenum emolumentum quidquam eorum, quæ D E V S præcepit, adimplet, non niſi in faciem, & in hypocrifiſi quicquam facit. Et ideo nihil minus, quàm D E I uoluntatem facit. Summe nanque deteſtatur hypocrifiſim D E V S. Porro ipſam eorum hypocrifiſim abunde teſtati ſunt, cum dixerunt: Ambulauimus triſtes. Et DOMINVS ait: Nolite fieri uelut hypocritæ triſtes. Siquidem proprium eſt hypocritis, ut in omnibus, quæ DEVS iubet, triſtes ſint, quod non ex animo illa faciant. Vnde fieri non poteſt, ut conſcientiæ gaudio repleantur, ac participes ſint olei lætitiæ, qd' ſolis fidelibus uere infunditur. Hypocritæ igitur erant, & propter hypocrifiſim loquebantur

bantur contra Dominum, qui non tristes hypocritas, sed hilarem inquirat datorem.

Vide quòd non possint diu abscondi hypocritæ, ut non manifestum faciant, quod sunt, nempe hostes D E I. Nam quia tristes sunt, & humanum cor perpetuæ tristitiæ est impatiens, idcirco etiam ab his operibus, quæ in faciem habere uidebantur, apostatant, ut uel in carne letentur. Quia enim emolumentum, non Dei gloriam ex proprijs querebant operibus, ubi pro eorum reprobo desiderio non recipiebant, ad id tandem deducti sunt, ut Dei cultum reprobarent. Is nanque est hypocriseos fructus, & quidem mortiferus, damnare cultum Dei, & dicere: Vanus est, qui seruit Deo.

Sed quid ultra dixerunt? Ergo nunc beatos dicimus arrogantes, impios, superbos. Quid fingis te diligere ueritatem, ô hypocrita? Quandoquidem fieri non potest, ut quantumlibet te in faciem bonum exhibeas, animo non damnes cultum Domini, & laudes iniquos. Sic ut olim impij ex iudæis, beatos dicis arrogantes, & asseris ædificatos, ditatosq; ac saluos factos, omnes impios & tentantes Dominum. Sed nescis, cum cæcus sis, quòd eorum ædificatio, instar puncti est. Videbis impium super exaltatum & eleuatum, uelut cedri Libani, sed si post modicum transieris, non apparebit. Ad id habes totum Psalmum septuagesimum secundum. Quam bonus Israël Deus, &c.

P A R S O C T A V A.

Tunc locuti sunt timentes D E V M, unusquisque cum proximo suo. Et attendit
 DOMINVS, & audiuit, & scriptus
 est liber monumenti coram eo ti-
 mentibus DOMINVM
 & cogitantibus no-
 men eius.

QUANDO hypocritæ blasphemant uerum DEI cultum, timentes D O M I N V M, uerè scilicet fideles, qui norunt & profitentur magnum D E I nomen, locuti sunt: Quid? Nonnulli dicunt, eorum sermones haudquaquam hic positos. Ego diuersum sentio, nempe, quòd sermones hic mox positi, usque ad principium partis sequentis timentium Dominum eloquia sint.

Quid igitur dixerunt, non tristes illi, fallaces & hypocritæ, sed iucundi isti serui D E I, timentes nomen sanctum eius, qui ex animo D E V M colunt? Profecto alienum, & prorsus diuersum à cæteris. Alij dixerunt: Vanus est, qui scrui D E O. Et iterum: Beatos dicimus arrogantes. Contrà, fideles & timentes DOMINVM duo memoria dignissima subiunxerunt.

Primum

Primum, Dei prouidentiam, et quòd illi sit cura de omnibus profitentur. Secundo, profitentur ueritatem scripture Dei, in qua uniuersi arrogantes, & impij maledicuntur, pij uero benedicuntur.

Dixerunt ergo primum. Et attendit Dominus, & audiuit. Attendit, illi cura fuit, & prouidentiam habuit de omnibus. Non neglexit seruos suos, qui omnia prospicit, omnia audit. Nec impunitos deseret impios, uero cultui suo detrahentes, & laudantes iniquos. Quod. Si Deus uniuersa attendit, profecto mendacium est, quòd hypocritæ dicunt, uanos esse eos qui Deo seruiunt, impios uero beatos. Cum seruis enim suis semper est, etiam in tribulatione. Psal. 90. Et pacem etiam in medio umbræ mortis atq; flammarum eis tribuit, & omnia illis uertit in bonum. Roma. 8. Mendacium quoq; est, quòd impios adserunt beatos esse, cum Deus iustus sit, & ideo fieri non possit, ut fallax huius sæculi (quam in tempus habent) felicitas non mox corruat. Tenent tympanum & citharam, gaudentq; ad sonitum organi. Ducunt in bonis dies suos, & in puncto ad inferna descendunt.

Dixerunt quoq; sancti. Et scriptus est liber monumenti &c. Quis hic liber monumenti? Alij ad Dei notitiam, qua oculis eius omnia patent: Alij ad diem iudicij, in quo reuelabuntur animorum abscondita referunt, dicentes quòd ea quæ tum palàm fient, nunc quasi in libro scribuntur. Nos hunc librum scripturam Dei esse, nihil dubitamus.

FRANC. LAMB. IN MALACHIAM

Quid enim sunt Biblia sacra, nisi liber monumenti diuinae uoluntatis? Propter quod hic dicitur scriptus coram eo, scilicet eo gratum habente, imò iubente, & reuelante, quaecunq; in eo scripta sunt. Alludit enim, præcipienti aliquid scribi coram se, & interim dictanti, ac emendanti, si quid perperâ scriptū esset. Significat aut in Biblijs, nihil omnino aliud esse, quā purissimū uerbū Dei, & testimoniū uoluntatis eius. Vnde psal. 118. & 119. itemq; Esa. 3. ipse Dei scripturæ liber, testimoniū Domini adpellatur. Et id quidem recte, quod in eo solo libro, sit nobis certum testimonium uoluntatis Domini, & iudiciorum eius. Et in nullo alio libro, ueritas est, nec certum Domini testimonium, nisi ipsi Dei libro conueniat.

Porrò is liber dicitur scriptus, timentibus nomen Domini, & cogitantibus uel scientibus nomē eius, quia propter eos maxime à Deo reuelatus est. Semini quippe Abrahæ datus est, ad quod semen pertinent, fideles cuncti. Roma. 9. Deniq; ipsum librum nemo intelligit, nisi timeat Dominum. Vide suprà cap. 1. quid sit proprie time re Dominum. Nunc o fideles, o uniuerſi timentes Dominum, intendite. Vobis, id est, pro uobis, in uestram scilicet utilitatem, scriptus est hic liber monumenti Dei. Hunc ergo perlegite, mediteminiq; in eo die ac nocte.

Veh Antichristis execrabilibus, qui hunc librum auferunt, ab his qui maxime Deum timent, nempe, à simplicibus, prohibentes ne ab eis legantur, habeantur, & in
eorum

eorum usum excudantur. O tyrannidem nullatenus ferendam. Hunc librum reuelauit Deus pro simplicibus, et homines hypocritæ, mendaces, ac execrabiles id fieri nolunt, & modis omnibus præpediunt.

Attamen nihil expauescite uos, qui timetis Dominum, sed intrepide agite. Legite hunc librum monumenti Dei. Petite quoque à Deo spiritum, ut uobis utilis sit, & per ea quæ in illo scripta sunt, in fide roboremur, ne in tempore temptationis deficiatis à timore sancto. Orate ut ipsius mysteria, agnus Dei uobis aperiat, qui solus eundem aperire potest, et soluere omnia signacula siue impedimenta eius, ea scilicet quæ præpediunt ne intelligatur. Apoc. 5. Interim uestrum tamen nihil negligent, audire synceros illius concionatores. Quod si desit, qui uiua uoce erudiat uos eiusdem libri abdita, querite eos qui simplicius & purius, eundem explanant. De quibus uolente Domino, libro de prophetia, plenius agemus.

P A R S N O N A.

Et erunt mihi, ait dominus exercituum in die qua ego facio in peculium, & parcam eis sicut parcat uir filio suo seruienti sibi. Et conuertimini & uidebitis quid sit inter iustum & impium, & inter seruientem Deo & non seruientem ei.

Quia

Quia fideles Dominum timentes, omnia diuinae pro-
 uidentiae tribuunt, & se mutuo consolantur, libro
 monumenti Dei, scientes quod in eorum bonum
 & salutem scriptus sit, ut per patientiam & scriptura-
 rum consolationem, spem habeant, idcirco Dominus ait,
 quod erunt ei in peculium, in rem scilicet conquistam, &
 hereditatem carissimam. Quando? In die, inquit, qua ego
 facio. Hunc diem quidam referunt, ad extremum iudici-
 um, nos nihil minus putamus hic dicendum, quia timentes
 Dominum, non adciuntur tum primum in peculium,
 nec tum solum parcat eis. Ad id obserua diligenter, sco-
 pum textus. Hic agitur de bono eorum, qui omnia à Deo
 esse, & illius prouidentiam, in omnibus profitentur: Sic
 quoque dicit: In die qua facio, erunt mihi in peculium, & in
 terim non explicat, quid in ea die faciat. Ego crediderim
 nil specialiter intelligendum, sed omnia prorsus, ad quae
 Dei prouidentia se extendit, ut sic enarretur. Qui in die
 qua ego facio, hoc aut illud, cum scilicet mitto crucem &
 angustias fidelibus, et sanctis: reprobis uero tribuo huius
 saeculi prospera, & in summa, quidquid facio cum iustis &
 impijs, aut cum ipsis met bene capiunt, & profitentur,
 quod omnia iuste facio, erunt proinde mihi in peculium,
 & populum dilectum. Sensus est: Qui sic me timet, quod
 dum mitto illis, aut alijs iustis, aliquid aduersi, impijs ue-
 ro prospera, de me haudquaquam murmurant, sed in li-
 bro monumenti mei consolantur, laeto animo perseueran-
 tes,

tes, & non apostatantes à cultu meo, eo quod sciāt omnia à me iuste fieri, erunt mihi dilectissimi ac charissimi. O sermonem incomparabilis consolationis, modo timeas Dominum. Per hunc namq; certus es, quòd in omnibus aduersis, tecum habeas Deum, te diligentem, seruantem, protegentem, & tam multum quidem, ut pro suo peculio te habeat.

Tum quoq; parcat ipsis timentibus se, sicut parcat uir filio suo, seruenti sibi. Quid dulcius & amabilius dici posset? Pater filio non parcat, ut famulo, sed multo liberius, & maiori dilectione cum eo agit, ac sibi complura tribuit. Qui si aliquid forsā licentius aut minus prudenter in cōuersatione agat, quàm deberet, facile illi indulget Pater, modo illi pro uiribus inseruiat, & bene habeat patris admonitiones. Nec tam durus est cum filio, ut nolit eum aliquando letari, comedere, bibere, & à labore quiescere, modo paternæ uoluntatis memor sit, illam scilicet impleat. His autem maiora, non dubites cum se timentibus agere Deum, quos pro filiis habet. Siquidem & filij Dei facti sunt per Christum. Crede illi, & ex fide uiue, & tum seruis Deo, ac filius eius es. Quod si cadis, ne diffidas, quòd bonum habeas patrem. Ipse tibi non imputabit quodcunq; peccatum ob fidem. Mox enim ut doles, & credis pro te passum filium Dei, peccatum remittitur, tegitur, & non imputatur. Viue letus, modo non contra pietatem, manduca, bibe, sis cum uxore & familia,

FRANC. LAMB. IN MALACHIAM

lia, in timore suo, nihil expauescens, sed spiritu gaude & gaudio quidem magno, quòd beneuolentiſſimum habeas patrem. Si peccaſti, ſi adſiſxit te quiſpiam, ſi in carcerem coniectus es, aut aliud quiddam aduerſi perſers, ne deſperes, ſed crede, quòd optimum habeas patrem, ſuper filiis ſibi ſeruientibus, maxime uigilantem & ſolicitum. Beati ergo omnes qui timent Dominum, quos Deus ut filios fouet, amplectitur, diligit, ſeruat.

Sequitur. Et conuertimini, uos qui per infirmitatem & cecitatem. Haſtenus non niſi in hypocrifi coluiſtis Deum, & putatiſtis deterius agi cum fidelibus. Conuertimini, id eſt, credite, reſipiſcite, uerbo meo adquieſcite, & mox illuſtrabo uos ſpiritu meo, & uidebitis quid ſit inter iuſtum & impium, hoc eſt, quàm multum differat inter iuſtum & iniquum, & inter ſeruientem Deo, & non ſeruientem ei. Senſus eſt: Mox ut conuerſi fueritis, in uobis ipsis probabitur, quòd melior abſq; ſimilitudine ſit conditio piorum, quàm impiorum.

C A P V T Q V A R T V M.

Summarium capitis. Primum, de die Domini ſuccenſa ut caminus, omnes impios abſumentem. Secundo, quòd ſol iuſtitie oriretur, timentibus nomen Domini, & ibi nonnulla præclara de electis. Tertio, præcepit ut legis Moſi recordarentur. Quarto, de Helia ueniente ante diem Domini, magnum & horribilem.

P A R S P R I M A.

ECce enim dies ueniet succensa quasi caminus, & erunt omnes superbi, et omnes facientes impietatem stipula. Et inflammabit eos dies ueniens, dicit dominus exercituum, quæ non relinquet eis radicem & germen.

VNi uersi fermè interpretes, hanc diem succensam, diem extremi iudicij esse uolunt, quorum sententiæ nihil detractum uolumus, interim pro re indubitata habentes, quòd primum de priore Domini aduentu capiatur, quemadmodum ex his, quæ sequenti & ultima parte habentur, notum est. Ergo de utroq; aduentu, est hic textus capiendus, tametsi maxime de priori.

Primum igitur, dies prioris aduentus Domini, imò dies ille Christianæ lucis, in quo sunt quotquot sincere credunt, dicitur succensa uelut caminus, ob ignem spiritus sancti, & præsentiam solis iustitiæ Domini I E S V Christi, qui timentibus Deum exortus est, ut mox habebis. Qui ipsum spiritus sui ignem misit in terram, & uult eum uehementer accendi. Et uere quisquis in eam lucem, in eum inquam diem, Dei munere peruenit, non potest non totus incendi, & feruere in gloriam Dei & Domini

FRANC. LAMB. IN MALACHIAM

mini nostri I E S V Christi, amoremq; ueritatis, ac
zelum salutis proximorum. Et quo plus aut minus, lucis
huius diei particeps es, eo plus aut minus es incensus.

Incendetur quoq; & absumetur omnis superbia &
impietas. Vnde & hic dicitur. Et erunt omnes superbi, et
omnes facientes impietatem stipula, & inflammabit eos
dies ueniens. Tale quiddam habuimus in Abdia, ubi dici-
tur: Et erit domus Iacob ignis, & domus Ioseph flamma,
& domus Esau (per quam omnes incredulos diximus ca-
piendos) stipula. Varie autem sunt impij stipula ignis Do-
mini, quemadmodum & ignis uarius est. Ignis diuini spi-
ritus, incendit electos in eorum æternam salutem, repro-
bos uero & apostatas, ignis diuinæ indignationis repro-
bat et cõdemnat. Porro hi dei ignes, potius eiusdem ignis
uarij sunt effectus, quàm diuersi ignes. Nimirum mox ut
quis spiritus I E S V C H R I S T I felici igne
incensus est, per ipsum spiritum iudicat & condemnat
omnem iniquitatem, & repletur zelo, & indignatione
pro Domino aduersum impios, & ad id nititur, ut
omnes iniusti pariter succendantur, quo dispareat illorũ
iniustitiæ, & iusti fiant. Quis tribuat, ut in omnes gentes
ignis iste perueniat, & omnes impij ac superbi eius stipu-
la fiant, in eorum salutem. Erunt quidem & sunt indu-
bie stipula eius, etiam reprobi & increduli, sed per con-
demnationem, quòd scilicet à Dei spiritu condemnentur.

Porro electos cum ad Deum conuersi fuerint, sic in-
flammat

flammat is dies Christi, & inflammabit perpetuo, ut nequaquam sit desiturus, donec absumpserit & uorarit, omnem radicem, omneq; germen impiorum, hoc est, incredulitatem, & fructus suos, aut ipsos incredulos. Et enim dum omnes impios succendit, tametsi uarie, sicut diximus, quasi germen & radicem eis non relinquit.

Deinde, qui toto hoc tēpore Diei C H R I S T I, scilicet usque ad extremi iudicii diem, igne diuini spiritus iudicantur & reprobantur, in ipso die iudicii, à C H R I S T O manifeste condemnabuntur, & auferentur, tanquam puluis à facie terræ. Psal. 1. Maledicenturq; ab eo, & mittentur in ignem æternum, qui paratus est Diabolo & angelis eius. Nimirum, ea quoq; dies erit succensa uelut caminus, ob iram dei aduersum impios, & terribilem C H R I S T I sententiam contra eos. Cuius ignis, id est, iræ, uniuerſi superbi & facientes impietatem stipula erunt, & inflammabuntur, dum punientur igne æterno, & non relinquetur ex eis radix aut germen, dum uniuerſi tum ex terra auferentur, demergenturq; in infernum.

P A R S S E C V N D A.

Et orietur uobis timentibus nomen meum,
sol iustitiæ, & sanitas in pennis eius. Egre-
diemini, & salietis sicut uituli
de armento.

Dominum I E S V M Christum lucem esse mundi, non secundum carnem, sed iuxta spiritum, & gloriam ueritatis multis locis probauimus. Quandoquidem est lumen ad reuelationem gentium. **Lux.** 2. Lux illuminans omnem hominem uenientem in hunc mundum. Ioan. 1. Lux mundi. Ioan. 8. Et uides apertissime quòd sol uocatur. Cuius autem lucis sit sol, notum fit ex adiecto iustitiæ uerbo. Sol, inquit, iustitiæ, hoc est, iustificans, uel iustitiam adferens, non corruptam illam, quæ est uelut pannus menstruata, sed diuinam, sanctam, incorruptam, sempiternam, de qua psal. 71. Orietur in diebus eius iustitia & abundantia pacis. Et psal. 84. Iustitia & pax osculate sunt. Item Danie. 9. Introducatur iustitia sempiterna.

Porro is sol habet pennas. Quæ pennæ solis, nisi radij? Radij autem solis iustitiæ, ueritates eius sunt, in quibus est sanitas, id est, uis sanandi, non dubium quin ab omni iniustitia, peccato, malo, & corruptione. Verum hi soli sanantur, ad quos hi radij perueniunt. Perueniunt autem ad eos solos, qui illis credunt. Infirmi ergo sunt omnes, qui his pennis haudquaquam participant, omnes scilicet increduli, quòd aliunde uera sanitas esse nequeat. Sanitas enim salus est, & non est alia salutis uia, quam sanitas procedens à pennis ueri solis iustitiæ Christi. Non enim est aliud sub cælo nomen datum hominibus, in quo uos oporteat saluos fieri. Acto. 4.

Pro quibus autem sit in carnem ortus is sol iustitiæ, notum facit per id quod subiunxit: Vobis timentibus nomen meum. Hi sunt electi & fideles, pro quibus solus Christus uenit, prout aperte Christus dicit. Non sum missus, nisi ad oues quæ perierunt domus Israël. Sed omnes electi ad ipsam domum Israël pertinent. Hæc omnia subiunxit Dominus ad consolationem timentium nomen eius, qui Dei prouidentiam sunt professi, ut habes capitis præcedentis parte octaua.

Ergo pro solis Deum timentibus, ortus est Christus, uerus sol, & per eius pennas, id est, radios sanantur, ut non sint ultra cæci per tenebras humani sensus, claudi per tortam mēdacij uiam ambulantes, aut alioqui spiritus infirmi, sed fortes. Et egredientur, & salient, sicut uituli de armento, quo sermone eorum fortitudo, & uehemens in Christi amore, ac uoluntatis eius obseruatione feruor, fidelisq; perseverantia figuratur.

Vides ex hoc loco, quod dies illa, ut caminus incensa, sit potissimum Christianæ lucis dies. Ideo enim uocat Dominū I E S V M C H R I S T V M iustitiæ solem, cuius lux omnem electum illustrat, ut de qua potissimum die loquatur intelligas. De die namq; isto iudicandum est, secundum uerbum hic positum, uidelicet: Orietur sol iustitiæ, quod indubie tam de natiuitatis ortu, quam de eo quod in electi cor per fidem exoritur, intelligendum est.

Et calcabitis impios cum fuerint cinis sub
 planta pedum uestrorum, in die
 qua ego facio, dicit do-
 minus exerci-
 tum.

Ponuntur sub pedibus, & calcantur, qui uincuntur,
 & perfectissime subiiciuntur. Igitur promittit Deus ele-
 ctis suis, timentibus nomen suum, quod hostes suos calca-
 bunt, hoc est, quod sub eis humiliabuntur, credentes uer-
 bo, quod ipsi electi habent, aut non credentes, per ipsum
 uerbum condemnantes.

Sed quando calcabunt? Cum fuerint facti, ut cinis sub
 planta pedū eorū. Hoc ponit in metaphora permanens,
 secundum quam, si impij fiunt stipula ignis Domini, sicut
 ligna combusta in cinerem, ita illos in cinerem redigi ne-
 cesse est. Redigi in cinerem, est carnem mortificari &
 crucifigi. Nunquam autem quispiam ueritatis adsertori-
 bus adquiescit, aut uerbo quod prædicant se subiicit, nisi
 posteaquam eorum caro dei igne, id est, spiritu, in cine-
 rem redacta, hoc est, mortificata & crucifixa fuerit. Cal-
 cabunt quoq; eos, modo præscripto, in die qua ego (dicit
 Dominus) facio, subaudi ea quæ hic ponuntur, nempe,
 cum facio, ut uobis timentibus Deum oriatur solius iustitiæ,
 & pennarum eius efficacia sanemini, salietisq; sicut ui-
 tulus de armento, & per id facio, ut calcetis omnes qui ex
 impijs ad electorum Ecclesiam spectant. Hæc de resipi-
 scienti-

ſcentibus, et his qui ſuſcipiunt uerbum. Iam de reprobis, certum eſt, eos tum per ignem diuini iudicij, uelut in cinerem redigi, cum omnino deiiciuntur, & omnis eorum gloria auferatur. Et cum calcantur ſub pijs, & diſpereũt, pij uero ſeruantur. Quod maniſeſtiſſime in iudicio poſtremo & generali fiet. Benedicti, qui priore modo à pijs calcantur, maledicti uero ſunt, qui poſteriore.

P A R S T E R T I A.

Memétore legis Moſi ſerui mei quam mandauit ei in Oreb ad omnem Iſrael,
præcepta & iudicia.

MAgnum eſt hoc præceptum, etiam ſi minimum pro his qui nunc ſunt fidelibus, à nonnullis eſſe putetur. Nimirum tametſi præceptum fuit hoc ſpecialiter his qui tum erant, nos ueruntamen etiam contingit. **C H R I S T V S** enim, non uenit ſoluere legem, ſed adimplere. Non enim fecit nos liberos à legis ſpiritu, quòd libertas ipſiſſima ſit. Seruandus ergo, & meditandus eſt legis ſpiritus, ſicut **D O M I N V S** ait: Scrutamini ſcripturas, quoniam testimoni-um perhibent de me. Et uere tam inſignis eſt Moſi lex, ut abſque eis, neque etiam alij libri ueteris instrumenti, ut prophetæ, neque noui, in locis nonnullis intelligi queant.

FRANC. LAMB. IN MALACHIAM

Et ego id summe omnibus diuinæ scripturæ studiosis consulo, ut præ cunctis alijs ueteris instrumentilibris, Mo-
sem diligentissime legant, & meditentur, quærantq; eius
spiritum, quod illius fructus incomparabilis sit. Quia aut
insignissimus est hic locus, propriam partem fecimus.

Qua autem ratione hic posuerit hunc locum, & de
lege Mosi præceperit, ut eius recordarentur, non erit ob-
scurum, si summam hic positorum, uigilanter prospexeri-
mus, nempe, quod promittit auxilium, gloriam, & uicto-
riam se timentibus, alijs uero conculcationem, & quod
absumentur igne.

De Christo quoq; & electorum conuersione hic agit.
Quæ prænunciantur in lege, uarijs modis, nempe, &
aperte & sub figuris. Quæ per singula prosequi longum
esset. De his nonnihil agemus, libro de prophetia, et alijs
locis confidimus, nos id plenius ostensuros.

P A R S Q U A R T A.

Ecce ego mittam uobis Heliam prophetam
antequam ueniat dies domini magnus, &
horribilis Et conuertet cor patrum ad
filios, & cor filiorum ad patres
eorum, ne forte ueniam &
percutiam terram
anathemate.

Certum est, Heliam uenisse, quod Ioannes Baptista Helias fuerit, ut diximus Lucae primo, & aperte habes Matth. 11. & 17. ac Mar. 9. Is uenit ante diem Domini, magnum & horribilem, ante scilicet quam lux ueritatis Dei per C H R I S T V M nota fieret, quae lux est magna, carni autem & sanguini horribilis. De hoc d. e. & quam sit horribilis carnalibus, diximus supra cap. 3. parte secunda. Veniens autem Ioannes conuertit corda patrum in filios, & cor filiorum ad patres, ut se inuicem ex fide & secundum uerbum Dei amarent. Hoc uerbum declarauimus Lucae primo. Causa autem aduentus Ioannis fuit, ne D O M I N V S terram anathemate percuteret, si C H R I S T O postmodum ueritatem nunciante, homines imparatos reperiret. Parati haudquaquam sunt increduli, alij uero fide parati. Sic parauit in plebe uiam Domino, ipse Ioannes. Parauit enim Deo plebem perfectam. Lucae primo. Et quotquot non receperunt eum, anathemate sunt percussi, hoc est, euersti, perdit, reprobat. Et usque in saeculi finem, quotquot non recipient eum, anathemate a Deo percutientur, ab eo scilicet diuidentur, & in perpetuum quidem. Noli nos Domine, percutere anathemate. Et quo iremus, si a te separaremur? Non contingat hoc nobis, qui cupimus gloriam tuam, ut unquam simus anathemata a te.

Magis percutite nos flagellis tuis, tantum ne unquam

FRANC. LAMB. IN MALACHIAM

non simus populus tuus, & oues pascuæ tuæ. Referunt complures hunc locum de Heliae aduentu, ad iudicij diem, quod scilicet, ante illum sit Helias uenturus. Ego intutissimum iudicari, adserere Heliam in persona uenturum. Puto ueruntamen, horum alterum, nempe, aut ipsum Heliam, aut unum seu plures, habentes Heliæ spiritum, ipsum iudicium antecessuros. Serua nos Domine, ne anathema simus a te, & me peccatorem electis tuis adnumera, & fortissime alliga uinculis tuis, parcens quidquid peccaui coram te, et in tui perfecta dilectione cōseruans, per Dominum nostrum IESVM Christū, in spiritu sancto: Cum quibus es unus Deus, unus Rex, et Dominus, in sæcula seculorum, Amen.

Commentariorum Francisci Lamberti
Auenio. in librum Malachiæ
Prophetæ, Finis.



FRANCI

SCVS LAMBERTV SAVE
nionen. Christiano & Stu-
dioſo lectori.



Ratitibi &
pax, ab eo,
qui eſt Alpha
& ω, princi-
pium et finis
is, cuius do-
no fuimus
dudum au-
ſpicati duo-
decim Pro-
phetarū cō-
mentarios,

nobis concedere dignatus eſt, ut eoſdem per-
ficeremus. Quod quidem fecimus ſecundū
eius donationis meſuram, nos ad id mul-
tis argumentis fratribus nonnullis prouo-
l 5 cantibus.

cantibus. Desudauimus autem simplicium utilitati ac consolationi, & in eorum maxime usum, hunc laborem nostrum publicum fecimus, propitio Christo. Ipsi gloria in sæcula sæculorum, amen.

Ex Epistola autem, quam sub finem Osee scripsimus, puto satis admonitum te, nostri haudquaquam fuisse propositi, alia quàm uulgata Hieronymi ædizione in hoc nostro opere nunc uti, & paucissimis demptis nihil immutare uoluimus, per id cupientes utiles esse pluribus, qui ea uersione hactenus usi fuere. Nostri quippe muneris fuit, non tam uoces, quàm sensum expendere, quòd è uerbis sensus sit colligendus. Quemadmodum etiam Apostoli Græca uersione uti non dedignati fuere, nec cum ea usi sunt, curiosius minutatim aut uerbotim obseruarunt, quid in Hebræis scriptum esset codicibus, sed satis esse putarunt, quòd Christum docere poterant, aut ex solo scripturæ sensu, aut ex tum uulgata ædizione, ita & nos facere uoluimus.

Scimus quoque, prophetanti fore necessarium, ut omnis eius prophetia, seu, scripto, seu uoce prodita, sic ab eo tradatur, ut quo magis

gis fieri potest, sit utilis pluribus, immo ut si
liceret per linguam, uniuersi eam caperent.

Timui ego p inde, ne per meā curiositatē abs-
conderetur simplicibus, & parum doctis,
quæ pro illis maxime nobis reuelantur, ob
idque reus fierem iudicio coram Domino.

Quia enim illorum commodis pro uiribus
cōsulere uoluimus, quicquid subobscurum
uisum fuit, illorum causā deuitauimus, nec
miscuimus passim uoces peregrinas, ut non
nulli, ne per hæc simplex lector à sensus intel-
ligentia præpediretur. Neq; moramur quic-
quam ingenia aliud uolentium, quòd id no-
bis semper in animo sit, prodesse etiam lati-
nitatem utcunque capientibus, potiusquam
loqui ualentib. eos qui nō spiritū aut sensum
sed uoces querunt, si nens abū dare sensu suo,
quibus ueruntamen saniozem & Christiani-
orem optamus. Quid enim his secundum
carnem prudentibus, & uerbo spiritus Dei,
quod explanare adnitimur? Summa, nolu-
mus, ut ex nostris scriptis aliud quisquā petat
quā purum sensum, quantū licuit per men-
suram acceptæ Christi donationis.

Quòd si cui omnino in animo est alia quepi-
am uersio, modicum operiatur. Cōfidimus
enim

enim, utrumque Instrumentum breuiemendatius emittendum. Cæterum nihil dubitamus, etiam cum noua uersioe has nostras enarrationes pñs animis conducturas. Nihil quoque obfuerit, duas habere uersiones, q̃ altera per alteram sæpe fiat notior. Tertia quoque forsan aliquid iuuabit. Multitudo autem potest nonnullis conducere, pluribus autem uix. Nimirũ eosdem per id uexat, curiosa occupatio filijs Adam perpetua, nisi eos retineat spiritus IESV Christi. Multitudo quippe & uarietas in eiusdem rei iudicio mentem perplexam facit, sæpe etiam pios ac simplices, ad curiositatem allicit, & à priori simplicitate alienos facit, fructum quoq̃ piælectionis euacuat. Deinde nihil dubitarim inter tam grauiamysteria hallucinatum fuisse me. Si ergo offenderis, me sensum aliquid quando non consecutum, profunditas mysteriorum ueniam apud te mihi promerebitur. Gaudebo autem & uere gaudebo, gaudio quidem magno, si tu aut alius quispiam synceriora adtuleritis, & sensum uerum certius alicubi ostenderitis. De qua certitudine, quod ad me spectat, nō memini me quidquam in rebus sacris asseruisse, immo neque asserui.

asserui, nisi ea quæ certa esse, non dubitavi. Certa enim assertiue, alia ut melius putavi, dubitatiue pposui, nonnulla autem me nescire professus fui. Scito autem olector, professori impollutorum DEI eloquiorum, id præ cæteris necessarium, & muneris sui esse, ut cum tremore, ac diffidentia omnis eruditionis ac literaturæ, eadem enarret, sciâtque quibus locis aliquid asseret, quibusue dubitabit, et quibus suam profitendo ignorantiam det gloriam magno Dei nomini, & facto ostendat, quòd non ab homine, sed à Deo sit, scripturæ sacræ interpretatio, qui sicut, et quantum uult, eius sensum aperit. Prestiti, quantum aperuit mihi Deus, alius idem faciat, ut uno sensu Deum honorificemus, & fratribus auxilio simus, illis communicantes, quæ non reticenda accepimus. Nimirum adiutores Christi facti sumus.

Vnum est, unde uolui premonere te, quod inter occupationum tumultus, in primi capituli Abacuc, parte quarta, lapsus fui in uno uerbo, ponens Facies pro uultu, ubi uerbum est, de Facio facis. Sic .n. debuit esse: Efficies uel facies hominem, &c. Deo autem uolente, & hunc, & alia loca in secunda eorundem Prophetarum

phetarum ædificatione, quantū uisum fuerit oportu-
 num, instaurabimus. Interim boni cō-
 sule nostram sollicitudinem, & ora dominū,
 ut quę in nobis cœpit, perficiat. Confidimus
 deniq; in eum, qđ propediem emittemus E-
 zechielem, deinde Apocalypsim, & alia, quā-
 tum per uitā licuerit, ut simpliciores fratres
 consolemur. Ora autem pro me peccatore,
 ut non me reprobet à pueris suis, sed Eccle-
 się sanctę suę me fidelem ministrum efficiat.
 Tu quoque uale in eo semper, & profice illi⁹
 spiritu, in doctrina pietatis, Amen.

A R G E N T O R A T I A P V D

Iohannem Heruagium, mense Ianuario.

Anno, M.D.XXVI.

frat. Lamb. in libello de causis
 separandis, et illa uerba. Cum dixit
 deus non edentur
 deus uultum possidentis in exemplis
 illi diligenter insequatur uerba in
 a. in inmutabili deo. Vbi quod iacob
 dixit. quod et illi pater, quid enim est
 deus in seipso et invariabilis deus. Vbi
 deus in seipso et invariabilis deus. Vbi
 deus in seipso et invariabilis deus. Vbi
 deus in seipso et invariabilis deus. Vbi

Gratia
Gra, est favor. & Beneficentia Dei
qua in Christum ad omnes acceptos sanctos

Imago Dei

Vna est Imago Dei Naturae visus, ad
qua hunc homo reparatur cum suis faciem
& fidem participat efficitur,



